



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

10871

891.99.09

4-22

1906





884  
11-202

Дозволено цензурою. 8-го октября 1905 г. Тифлисъ.

Պատասխան  
1905  
49

### ԱՌԱՋԱԲԱՆԻ ՏԵՂ

Երկրորդ տպագրութիւնն անա յաջորդում է առաջինին չանցած վեց ամիս. — պահելով մի անգամ արդէն բռնած ուղղութիւնն ու ընթացքը, մենք այս հրատարակութեանն աւելացրինք բազմաթիւ յօդուածներ թէ՛ արեւմտեան և թէ՛ մանաւանդ արեւելեան դրականութիւնից:

Զանց չառանք նաև տալու թարգմանութիւններ, այնպէս որ այս դիրքը միայն «Հայ-հեղինակներ» չէ, այլ նաև «Հայ-թարգմանիչներ»:

Տպագրութեան պատրաստ է երկրորդ հատորն էլ: Կենսագրութիւնների և արևելահայ դրական շարժման էութիւնն ու ամբողջութիւնը լաւ հասկանալու համար, ուսուցիչներին խորհուրդ ենք տալիս դիմելու մեր «Պատմա-ֆննական ֆեռականութեանը», որ մամուլի սակ է և լոյս կը տեսնի այս դրքի հետ միաժամանակ:

Այդ քերականութիւնը բազկացած է երկու մասերից. մինը ուսուցիչների համար, ուր մանրօրէն մշակուած ու պարզուած են մեր լեզուի էվոլյուցիան պատմականօրէն. միւսը՝ համառօտ՝ աշակերտների համար, որ ցանկացողը կարող է աշակերտների ձեռք տալ իրրև ձեռնարկ:

Աբովեանի յօդուածներում խիստ անհասկանալի թուրքերէն բառերը փոխարինուած են հայերէն բառերով, և օժ. բ. երբ. դէմքը՝ ա, դարձրել ենք է, մի բան, որ արդէն շատ անգամ գործադրուած է ուրիշ դասագրքերում, և կարող ենք վկայել, օգտաշահ կերպով, ինչպէս որ՝ աւելի հասկանալի լինելու համար, Եղիշէի, Ալիշանի, Փարպեցու և մի քանի այլ հատուածներ թարգմանուած են արևելեան գրաբարբառի՝ աշակերտների դիւրութեան և նիւթի հեշտ իւրացման համար:

Գ. Վանցեան



դէն նրան գանուժ ենք Դորպատում: Վեց տարի Դորպատում մնալուց և ուսանելուց յետոյ, նա վերադառնում է հայրենիք, բայց աջողութիւն չի ունենում. որովհետև այն ժամանակուայ հայերը կարծում էին, որ բողոքական գերմանացիների մէջ կրթուած Աբովեանը խմորուել է բողոքականութեամբ, ուստի և Յովհաննէս Կաթուղիկոսը մերժեց նրան տալ թէ կուսակրօնութիւն և թէ ուսուցչութիւն: Ստիպուած՝ Աբովեանը մտնում է արքունի ծառայութեան և կարգւում է տեսուչ նահանգական դպրոցի: 1839-ին՝ արդէն հոգևոր կոչումից հրաժարուած, ամուսնանում է մի գերմանուհու հետ: Նա փորձում է մի դասագիրք հրատարակել, բայց աջողութիւն չի գտնում, որովհետև արգելում են աշխարհաբար դասագրքի գործածութիւնը: 1840-ին Աբովեանը գրում է իր «Վերջ Հայաստանին», որով և դրնում է ամենամեծ հիմնաքարը մեր ներկայ գրական լեզուի: Ինքը, սակայն, չտեսաւ իր այս գործի տպագրութիւնը, ոչ էլ վայելել կարողացաւ գրական մարդու համբաւ:

1843-ին Աբովեանը տեղափոխւում է Երևան աւելի ցածր պաշտօնով, իսկ 1847-ին բոլորովին արձակւում է պաշտօնից. 1848 թ. ապրիլի 2-ին, լուսաղէմին, հեռանալով իր տանից, անհետ կորչում է:

Աբովեանի «Վերջ Հայաստանին» շատ ու շատ տեսակէտներով մի վերին աստիճանի նշանաւոր գործ է. նախ՝ դա առաջին վիպասանութիւնն էր հայերէն լեզուով, գրուած պարզ, հասարակ, նոյնիսկ ռամիկ լեզուով, այնպէս, ինչպէս խօսում էին Քանաքեռ գիւղում: Այն ժամանակուայ համար, երբ ամենքը սովոր էին կարգալ ու գրել միմիայն գրաբար, դա մի չափնուած քայլ էր, որ կարող էր անել միայն Աբովեանի պէս տաղանդը:

Սկսած նախապատմական ժամանակներից մինչև Աբովեանի գործը, ոչ մի տեղ դուր հայ ժողովուրդ չէր տեսնում: Աբովեանն է, որ առաջին անգամ ծանօթացնում է մեզ հայ գիւղացու հետ իր տիպային պարզութեամբ, նրա կեանքը, նրա կենցաղը, նրա ցաւերն ու հոգսերը, ուրախութիւնն ու վիշտը, նրա կինը, մայրը, դա-

ւակը, ընտանիքը, գիւղը, համայնքը, նրա լեզուն, մի խօսքով հայ գիւղն իր բոլոր բնորոշ գծերով: Դա մի հսկայական գիւտ էր, որ մեր գրականութեան մէջ մտցրեց Աբովեանը՝ լոյս աշխարհ հանելով բուն հայ ժողովուրդը դարաւոր անյայտութիւնից: Մի Նազարեան, մի Նալբանդեան, մի Պատկանեան, Բաֆֆի և Պոռչեան կարող էին երևան գալ ու գործել միայն այդ գիւտից յետոյ:

Աբովեանը նկարագրում է պարսիկների տուած տանջանքներն ու տառապանքը հայ ազգին. նրա վէպի հերոսը՝ Աղասին, սպանում է պարսիկ զինուորներին, որոնք եկել էին Քանաքեռ՝ մի հայ աղջիկ տանելու պարսիկ Սարգարի համար: Աղասին իր ընկերների հետ ստիպւում է փախչելու. անցնում է Տաճկա-Հայաստան, ուր նոյն տառապանքն ու թշուառութիւնն է տեսնում. ամեն տեղ ձգնելով հայերին, գնում է Անի, որ նրա վրայ անասելի տպաւորութիւն է թողնում: Վերջը միանում է ուսաց գործին՝ հայրենիքի ազատութեան համար մարտնչելու, և սպանւում է Երևանն առնելուց յետոյ մի պարսիկ ձեռքով:

Գիրքը գրուած է այնպէս զգացուած, այնքան տաք ու կրակոտ, հեղինակի երևակայութիւնն այնպէս բոցավառ ու շերմ է, լեզուն այնքան հարուստ, պարզ և անպաճոյճ, նկարագրին այնքան բնական, սրտաբուխ և ոգելից, որի նմանը մեր գրականութեան մէջ առհասարակ ըիչ կարելի է պատահել: Գիրքն ամբողջովին տողորուած է հայրենիքի, ազգի և ժողովրդի ցաւերի նկարագրութեամբ: Աբովեանի ոճը նման է մի հեղեղի, որ երկարատև երաշտից յետոյ յանկարծակի թափւում է մի այնպիսի յորդութեամբ, այնքան ուժգին և յորդառատ, որ ամեն ինչ տակն ու վրայ անելով առաջ է տանում, յեղափոխելու ժամանակակից մտքերի հոսանքը, նոր ճանապարհ բաց անելու այդ մտքերի համար և նոր ընթացք տալու նրանց... և նա հասաւ իր նպատակին: Մի հուժկու հարուածով պէտք էր կարատել գրաբարի կաշկանդիչ կապերը, մի «Հայրենասիրի ողբով» պէտք էր իմաց տալ նորածին լեզուի գարթները, մի սրտամորմոք, յուզիչ լեզուով պէտք էր երևան հա-

նել հայ ժողովրդին անյայտութիւնից, լեզուով, ձևով, նիւթով և հուժեամբ պէտք էր մի նոր գրական կոթող ստեղծել. այդ ամենն արաւ Աբովեանը, իր մի գործով, և անյայտացաւ, այդ բառի իսկական իմաստով, Կոլումբոսի նման,—առանց վայելել կարենալու իր գիւտի և իր գործի մեծութիւնը:—Մինչև իսկ այսօր, Աբովեանից զրեթէ 60 տարի յետոյ, մեր հեղինակներից ոչ մինը չի կարող մրցել Աբովեանի հետ զգացմունքների խորութեամբ և ոճի զօրեղութեամբ. անցեալից նրա հետ համեմատել կարելի է միայն Գր. Նարեկացուն:

Աբովեանի նշանակութիւնը շատ մեծ է.

ա. Նա է աշխարհաբարի ամենամեծ հիմնադիրը.

բ. Նա է առաջին հայ վիպասանը.

գ. Նա էր, որ առաջին անգամ ճանաչել տուաւ մեզ հայ ժողովրդի կեանքն ու կենցաղը:

Գ. Վանցեան

2. Ա. Ռ. Ա. Չ. Ա. Բ. Ա. Ն.

Քսան-երեսուն տարուց աւելի է, իմ ազիզ հէր՝ իմ սիրելի ազգ, որ սիրտս կրակ է ընկել, էրուում, փոթոթուում է, գիշեր-ցերեկ լացն ու սուգը իմ աչքիցս, անն ու սիր իմ բերնիցս չի պակասում, այ իմ արիւնակից բարեկամք, որ մէկ միտքս ու մուրազս ձեզ պատմէի ու յետոյ հողը մտնէի: Ամեն օր գերեզմանս առաջիս տեսնում էի, ամեն ժամ մահուան հրեղէն սուրբ գլխիս պտըտում էր, ամեն բոպէի ձեր սիրտն ու դարդը՝ հոգիս էրում, մտռում էր. լսում էի ձեր քաղցը ձէնը, տեսնում էի ձեր սիրուն երեսը, իմանում էի ազնիւ միտքն ու կամքը, վայելում էի ձեր ազիզ սէրն ու բարեկամութիւնը, մտածում էի ձեր կորցրած փառքն ու մեծութիւնը, մեր առաջին՝ էն հիւսնալի թագաւորաց, իշխանաց գործքն ու կեանքը, մեր հայրենեաց, մեր սուրբ աշխարհքի առաջուան սքանչելիքն ու հրաշքը, մեր ընտիր ազգի աննման բնութիւնն ու արած քաջութիւնները: Մասին առաջիս էր կանգնած միշտ, որ

մատով ցոյց էր տալիս՝ թէ ինչ աշխարհքի ծնունդ էմ ես: Իրախտը մտքումս էր կենդանի, որ ինձ երազում, թէ յուրջ՝ միշտ մեր երկրի անունն ու պատուականութիւնը՝ իմ առաջս էր բերում. Հայկ, Վարդան, Տրդատ, Լուսաւորիչ քնած տեղս էլ ինձ ասում էին՝ որ ես իրանց որդին եմ. Եւրոպա թէ Ասիա ինձ անդադար ձէն էին տալիս, թէ Հայկայ զաւակն եմ ես, Նոյեան թոռը, Էջմիածնայ որդին, զրախաի բնակիչը: Դաշտում թէ ժամում, չօլում թէ տանը՝ էն քարերն էլ ուզում էին որ սիրտս պոկեն, հանեն, որանդ որ իմ ազգի ստը կոխել է, ու էս օր էլ կոխում է. շատ անգամ մէկ հայ տեսնելիս՝ ուզում էի եղած շունչս էլ հանեմ, նրան տամ, բայց անխ, լեզուս փակ էր, աչքս բաց, բերանս բռնած, սիրաս խոր, ձեռս պակաս, լեզուս կարճ: Գանձ չունէի, որ գործով ցոյց տայի ուղածս, անունս մեծ չէր՝ որ սասածս տեղ հասնի: Մեր զրքերն էլ զրաբար, մեր նոր լեզուն էլ անպատիւ, որ սրտիս կարօտը խօսքով յայտնէի. հրամայել չէի կարող, խնդրէի, աղաչէի էլ՝ լեզուս մարդ չէր իմանալ, չունքի ես էլ էի ուզում՝ որ ինձ վրայ չծիծաղեն, չասեն՝ կոպիտ է, յիմար է...

Էսպէս բաները մտածելով, օրս ու ումբրս մաշուել էր: Շատ անգամ ուզում էի իմ գլուխս մահու տամ: Չէի իմտնում՝ թէ սրա չարէն ինչ կ'ըլի: Թող լսողը չհաւատայ, ամա էս ցաւն էսպէս էր սիրտս առել, որ շատ անգամ գրժուածի պէս ընկնում էի սար ու ձոր, ման գալիս, մատածում, էլ եղ սիրտս վիբը տուն գալիս...

Մէկ բարիկենդանի՝ աշակերտներս որ բաց թողի, սկսեցի, ինչ որ երեխութիւնիցս լսած, կամ տեսած բան զիտէի, տակ ու զուլս անել: Վերջը իմ ջիւան Աղասին միտս ընկաւ. նրա հետ հարիւր բաջ տղերք էլ իրանց գլուխը բարձրացրին ու ամենն էլ ուզում էին՝ որ իրանց ստը զնամ: Միւսները մեծ-մեծ մարդիկ էին, շատն էլ դեռ սազ սալամաթ՝ փառք Ասատուծոյ, Աղասին աղքատ ու մեռած, նրա սնրբը գերեզմանին զուրբան: Ասեցի՝ կեղծաւորութիւն չանեմ, նրան ընտրեցի: Սիրտս էկել էր, բերնիս հասել: Տեսնում էի որ էլ Հայի լեզուն խօսող քիչ է զրա-

նուում: Մէկ ազգի պահողն էլ լեզուն է ու հաւատը. թէ սրանց էլ կորցնենք, վայն էկել է մեր օրին: Հայոց լեզուն առաջիս փախչում էր, երեսուն ասորուայ փակ բերանս Աղասին բաց արեց: Մէկ երես բան դեռ չէի գրել, որ իմ մանկական սիրելի բարեկամ ու ազնիւ հայազգի պարոն դօքտօր Աղաֆօն Սմբատեանը ներս մտաւ: Ուզում էի թուղթս ծածկեմ, էլ չկարացի. ինձ համար Աստուած էր նրան էն սհաթին գրկել, նրա ջանին մեռնիմ: Զօռ արեց որ կարգամ, բարեկամիցը ինչ պէտք է թաքցրած: Սիրտս գոգում էր կարգալիս՝ մտքումս ասում էի՝ թէ հէնց հմիկ որդի որ է, գլուխը կը պտըտի, ունքերը կը կիտի միւսներին նման ու իմ ախմախութեան վրայ մտքումս էլ է հօ կը ծիծաղի, որ երեոիտ չասի: Բայց փխսը ես էի, որ նրա ազնուական հոգին դեռ լաւ չէի ճանաչել: Վերջացնելիս՝ որ հէնց էն է թուրն էկել էր, ոսկորին դէմ առել, որ շասեց. «Թէ որ էգպէս կը շարունակէք, շատ հիանալի բան կը դառնայ», ուզում էի վրայ թռչեմ, բերանը, էն քնայր բերանը համբուրեմ:

Նրա սուրբ բարեկամութեանն եմ պարտական, որ մունջ լեզուս բաց արեց: Նա զնաց թէ չէ՝ կրակը ջանս առաւ: Սհաթի տասն էր սուաւօտի: էլ հաց, կերակուր միտքս չեկան: Ծանճը առաջովս անց կենալիս, ուզում էի սպանեմ, էնպէս էի վառուել: Ծնող, տուն, երեխայութիւն, ասած, լսած բաներ էնպէս էին կենդանացել, որ էլ աշխարհքը միտքս չէր գալիս: Ինչ խուլ, կորած, մոլորած մտքեր ունէի, բոլորը բացուել, եղ էին եկել: Նոր էի իմանում, որ գրաբար ու ուրիշ լեզուներ՝ մինչև էն սհաթը միտքս փակել, բխովել էին: Ինչ որ ասում էի, կամ դըրում էն ժամանակը՝ գողացած կամ հնարած բաներ էին, էնդուր համար հէնց մէկ երես բան գրում էի թէ չէ՝ ես քունս էր ստնում, ես ձեռս բեղարում: Գիշերուան մինչև սհաթի հինգը ոչ հացի մտիկ արի, ոչ չայի, չիրուխն էր իմ կերակուրը, գրիլը իմ հացը: Տանըցոց խնդրելուն, նեղանալուն, խռովելուն էլ չէի մտիկ անում: Երեսուն թաբաղէն էն է լցուելով էր, որ բնութիւնը իր պարտքը պա-

հանջեց՝ աչքերս զնաց: Սող գիշերը ինձ էնպէս էր երեւում՝ թէ նստած գրում եմ. երանի կըլէր ինձ՝ թէ էն մաքերը ցերեկն էին միտս ընկել: Ճաղգայի որս միտս հայեր, թող ինձ այսուհետեւ ազէտ կանչեն: Թող տրամաբանութիւն գիտեցողը իրան համբարի համար գրի, ես ձեզ համար:

10. Արովան

3. ՀԱՅՐԵՆԻ ՀՈՂԸ

Հայաստանի հողն էն հողն է, էն հիանալի աշխարհն է, ուր որ գրախան էր եղեմական, ուր Աստուած՝ բոլոր աշխարհը ջրհեղեղովը երբ որ կործանեց, Հայոց սուրբ Մասսայ սարը միայն արժան տեսաւ, որ Նոյեան տապանը նստի ու Հայոց երկրիցը էլի մարդիկ բազմանան ու ուրիշ երկիրներ էլ շինութիւն գցեն. էն սուրբ հողն է, ուր որ անպարտելին Հայկ իր նիզակը ցցեց ու իր սուրբ անունովը Հայաստան կանչեց: էն ընտիր հողը շատ ուրախութիւն տեսաւ, շատ գեղեցկութիւններով զարգարուեցաւ, շատ թշնամու նախանձելի դառաւ: Իսկ էն սուրբ հողն է, ուր Բազրատունեանք, Ռուբինեանք՝ իրանց հազար թշնամու ձեռի անտէր մնացած հայրենիքն էլ եղ գերեզմանից հանեցին, էլ եղ նոր հողի տուին. էն օրհնեալ հողն է, ուր Ասորիք, Պարսիկք, Հոնք, Ալանացիք, Մակեդոնացիք, Հռովմայեցիք, Արաբք, Օսմանցիք՝ ջրհեղեղի պէս վրայ եկան, հարիւրաւոր ազգ ու աշխարհ սանակոխ արին, ջնջեցին, սրբեցին, — թրի, կրակի մատաղ արին, որտեղ որ սար չի մնացել՝ որ արին չտեսնի, քար չի մնացել՝ որ մարդ տակով չանի ու հարիւր մեր հարեան ազգեր էնպէս են հողի հետ հաւասարուել, կորել՝ որ էս օր ոչ նրանց շունչը կայ, ոչ անունը: — Բայց սուրբ Հայոց ազգը, անյաղթելի Հայկայ որդիքը, իրանց կեանքը, թագաւորութիւնը, մեծութիւնը, վառքը, իշխանութիւնը, դօքթը կորցնելէն ետեւ, որ տեսան՝ թէ աշխարհակործան ջրհեղեղին, էս դազան ազգերին չեն կարող դիմանալ, աչք-

ները երկինքը պստեցին, գլխները գոգները գրին ու հագար թրի տակից, հագար կրակի միջից, սիրտը սրտի տուած, հոգի հոգու կայցրած, մինչև էս օր էլ՝ իրանց գլուխը, իրանց սուրբ հաւատը, իրանց սուրբ օրէնքը՝ էն վեհանձնու- թիւնովը պահպանեցին, որի օրինակը աշխարհքում ոչ է- լել է, ոչ կ'ըլի: Նոյեան գէսը վեց հագար տարի Հայոց խեղճ ազգը հեթանոսի, կռապաշտի, մահմեդականի, տնօ- րէնի ձեռն էր աչք բաց անում, նրանց հետ քեպլա տա- լիս, ու շատին շաա անգամ իր ստի տակին գցում... Բայց կարճ է վարդը ծովի միջում գորանալ, կարճ է մանու- կը կրակի առաջ դիմանալ, կարճ է կակող ցորնի հասկը էն կայծակին ու կարկախն համբերել, որ մեր ազգը իր թշնամուն համբերել է, կամ դիմադրել:

Հայոց ազգ, Հայոց ազգ, ձեր ջանին մեռնիմ. Հայոց ազգ, Հայոց աշխարհ, էն որ կաթը ծծեցիք, որ դուք էս հողին ունեցաք, էս սիրտը ձեր միջում պահեցիք, էս հը- րաչքը աշխարհքին ցոյց տուիք: էն ի՞նչ քարացած սիրտ պէտք է ըլի, որ ձեզ չսիրի, ձեր փառքը չգովի: Դուք իրար պահեցէք, ձեր հողն ու ազգը պաշտեցէք, այ Հայ աղէք,—բայց աչքս ճամբի է, սկանջս ձէնի՝ ձեր ջանին դուրբան՝ չթողաք, որ էս մուրազը հետս գերեզմանս տա- նեմ ու հողումը մարմինս քրքրուի, երկնքումը հողիս տան- ջուի, երբ իմանամ՝ թէ ձեր սէրը պակսել է, ձեր բարե- կամութիւնը ցամաքել:

10. Արուխան

4. Ե Ր Ե Ի Ա Ն Ի Բ Ե Ր Դ Ը

Լեռ քարափի վրայ՝ ցից գլուխը բարձրացնում, թա- մաշա է անում հանդարդ՝ հագար գլխանի դևի պէս՝ Ե- րեանու՝ հագար տարեկան քաւթառ, պառաւած, չորս կողմը խանդակով կապած, բրջերով դայիմացրած, սուր սուր ա- տամները գլխին շարած, հինգ գագաչափ հաստ սլարսպով երկու տակ բռնած, մէկ ոտը կոնգուումը, մէկ ոտը Դամուր- բուլաղի գլխին դրած, մէկ բերանը հիւսիս, մէկը հարաւ բաց արած, չորացած գլուխն երկինքը ցցած, լէն փէշերը

երկրումը փռած, անամօթ երեսը կոկած, սվաղած, հագար բնով, հագար փանջարայ աչքերը դէս ու դէն չռած, ջուխտ շանգերով Չանգուի բարոտ, զարհուրելի, սեւադէմ ձորը խտտած, դոշին կրպցրած, անմազ, անկեզու, մարդակեր բերդը, ու գեղնած երեսը հեռու տեղից ծածկում, ա- գան աչքերը գեանին քցում, որ միամիտ տեսնողին դհա շուտով, դհա հեշտ իր ծոցը քաշի ու բիրաւի, անձէն, ան- սաս կուլ տայ, փշացնի:

Պարսիկ նրան շինեց, խորամանկ, խաբեբայ, թէ օս- մանցի նրա հիմքը դրեց՝ կատաղի, անհաշտ, ոչ գիր կայ, ոչ թարեգ: Նրա սլատամութիւնը խաւարի միջումն է, մարդ ուղիղ չի գիտի, չի լսել, բայց հաղաքաւոր ժամանակ՝ ա- նահ, անվախ, պինդ երեսը լիբը դագանի պէս գէմ տուած, որքան թօփի, թօփխանի գիւլէք էլ նրա կոշտ քամա- կին, նրա կակող դոշին, նրա բաց գլխին դիպան, ոչինչ չի աղպեց, քեար չարեց: Կորցրած թևերն էլ եզ սաղա- ցրած, ջարդած ոսկոռներն էլ եզ սնգացրած՝ գլուխը վեր քաշեց, էլ եզ շունչ առաւ, վեր կայաւ, կանգնեց ու- սերը դպեց, ոլորեց, սարքեց ու էլ եզ հարբա<sup>1)</sup> դպով, հա- թաթայ տալով<sup>2)</sup>, իր գլուխը քորովի, իր շուաքի հետ խա- դացողի՝ թուլութեան, փոքրուութեան, անգորութեան ու յիմար յանդգնութեան վրայ ծաղը անելով, ծիծաղելով, ծափ տալով, պղին<sup>3)</sup> կանգնեց, մատը ցցեց էս հողաշէն, այլ ոչ քարաշէն բերդը ու խենէշ դիմօք՝ իր կոտրած սոսները Չանգուի բերանը խցկելով, մնաց տեղը նստած, Չանգուի՝ որ գիշեր-ցերեկ, անբուն, անդարար, գժուած, կատաղած նրա բաց դոշին, նրա անխաւ սրտին՝ իր սլաղած ջրի ան- բերան թրովը, քարի ուրաքով վէր հատում, զարկում է, բայց տեսնելով՝ թէ չի կարում ջլ:գըը հանել, վրէժն առնել, նրան քանգել, դոռալով, դանգատելով, կական բառնալով, քիչ-քիչ ձէնը փորը քցում ու մունջ-մունջ ե- րեսը կախում, Չանգիբասարի ծոցն է մոնում ու յոյսը կոտրած, սիրտը կտրած՝ ախուր գէս ու դէն ցրում, ցը- նորում ու հագար բարի, հագար պտուղ ու արդիւնք տա-

1) Յարձակուել. 2) սպառնալ. 3) յամառել:

լով, բաշխելով, ճամբէն մոլորում, կորչում ու չի կարում  
իր սիրուն քվորն էլայ Արազին մէկ խաբար տանի, չունքի  
Երևանու թամարզու, կարօտ բնակիչքը նրա ճամբէն բռն-  
նում, նրան սիրով խտտում, իրանց մէջը, իրանց հանդն են  
աանում, որ նրա սուրբ կաթնահամ ջրովը՝ իրանց էրուած  
սիրաը հովացնեն, իրանց դառը քրտինքը նրանով լուանան  
ու նրա տուած պաղովը իրանց գլուխը պահեն:

10. Արովան

5. ԱՂԱՍՈՒ ՄՕՐ ՆԱՄԱԿԸ

«Աղասի ջան՝ Աղասի. գլխովդ փարվան ըլիմ՝ Աղասի:  
— Ընչի՞ չեմ էս սհաթին կրակ գառնում՝ ինձ էրում, ընչի՞  
լեզու չի չորանում, աչքս խաւարում, ընչի՞ չեմ թող գառ-  
նում, որ բալքի թէ քամին բերի, գամ, սաիդ տակին  
ցրուիմ, սարէսար ընկնիմ, քարէքար, որ իմ երեսը կսխես,  
որտեղ որ գլուխդ դնես, որտեղ որ քուն մտնես՝ նանն  
ըմբրիդ մեռնի, իմ թագաւոր, իմ աղա Աղասի»:

Տնկած ծառերդ փուշ են դառել՝ ինձ սպանում, սլա-  
հած ծաղիկներդ կրակ են դառել՝ ինձ էրում, խորովում,  
ման եկած տեղերդ՝ աչքիս լսումը մղբախի պէս ցցւում,  
սիրաս դու ճոթում: — Ո՛ւր կորչիմ, որ ձէնս օքմին չի-  
մանայ, ո՛ւր գնամ, որ աչքս՝ քո տեսած բաներն էլ չը-  
տեսնի, միտքս քո ասած խօսքերն էլ չյիշի, ջանս քարա-  
նայ, որ էլ անունդ չտամ, սիրաս ջուր կարի, որ էլ քո  
սէրը չզգամ, ումրս փչանայ, օրս խաւարի, որ երկնքի  
տակին էլ չասեմ, թէ ես էլ եմ մէր, ես էլ որդի բերել,  
ինձ էլ մէկ օր աչքալիս տուին, ես էլ մէկ օր որդու, դա-  
ւակի արևի ձէնը պէտք է ամէի, — ես էլ որ աչքս խփելի՝  
մէկ բուռը հող դու պէտք է երեսիս քցէիր, դու իմ նաչը  
խտաէիր, դու իմ լաշը հողին տայիր, դու վրէս սուղ ա-  
նէիր. — «Հողիդ լիս գառնայ՝ այ իմ մէր, այ իմ մէր, ի՞նչ  
կըլէր, որ մէկէլ աչքդ աչքիս, բերանդ բերանիս տունէր ու  
յետոյ Աստուած հողիս տանէր»:

«Հողիս խոր է՝ թէ հանեմ, Աստծուն տամ. սիրաս  
ձեռիս չի, որ կրակը քցեմ, էրեմ. երկնքին ձեռս չի հաս-

նում, ախանջդ ձէնս չի ընկնում: Ղուշ է գլխավերև թրո-  
չում՝ քո անունն եմ աայիս, շունչս է բերնիցս դուս դա-  
լիս՝ քո հասրաթը ջիգեարս էրում, փոթոթում, աչքիս եմ  
հուփ տալիս՝ սիրտս է արաքում, բերանս եմ կախում՝  
միտքս է ցնորում. տունն եմ մտնում՝ պատերն են ինձ  
դժոխք դառել. դուս եմ գալիս՝ սար ու ձոր, սև օրս լաց  
ըլում. երկնքին եմ նայում՝ մէկ ձէն չի գալիս, երկրին  
եմ մահիկ տալիս՝ մէկ խաբար չիմանում: Բարձին եմ դը-  
լուխս դնում՝ շունչս է ինձ խեղդում, քնած, թէ գարթուն՝  
դու ես աչքիս առաջին պտիս գալիս: Արտասուէքս ծով է  
դառել՝ Աղասի ջան. ախ ու ոխ բաշխով շունչս կտրուել,  
հողիս մաշուել, գլխիս էլ մաղ չի մնացել, որ բամուռն չտամ,  
երեսիս էլ տեղ չկայ, որ չըլիմ կտրատել, տան ու դռան էլ  
քար չկայ, որ չըլիմ դռիս խփել: Ելուխս ծեծելուցը ձեռ-  
ներս բեղարեց. շատ լաց ըլելուցը աչքս խաւարեց, բայց  
ան... ան... հողիս իմ տուած չի, որ ասեմ՝ դուս գնա.  
սաղ սաղ էլ գերեղման մանեմ, ո՛ւմ ձէնը լսեմ, ո՛ւմ երեսը  
տեսնեմ, ո՛ւմ հողիս տամ, ո՛ւմ ոտի տակին գլուխս դնեմ,  
ո՛ւմ էս փէտացած ձեռներովս խտտեմ, ո՛ւմ էս չորացած  
լեզուովս ասեմ: Մեռնիմ էլ Աղասի ջան, հողիս գլխովդ պտիս  
կըգայ, ապրեմ էլ՝ որդի ջան՝ ջանս քո ուղուրին դրած է:  
Հողիս երկնքումն ըլի՝ մարմինս քո առաջին փիանդադ.  
շունչս վրէս ըլի՝ դու ես իմ սրտի մուրագն: Հող կըգառ-  
նամ, հողս քեզ պտուղ կըտայ, ջուր կըկտրուիմ, քո հանգին,  
ծաղկի վրայ կըթափեմ, դրախտումն ըլիմ՝ քո ծառի ճրխկ-  
ների վրայ բլբուլի պէս կրկանգնեմ, քեզ անուշ քուն կը-  
դնեմ, աշխարհքումս ապրիմ՝ ջանս քեզ դուրբան կըտամ,  
թաք դու ծաղկիս, ծլիս, զօրանաս՝ անունիդ մեռնիմ»:

10. Արովան

6. ԱՂԱՍՈՒ ԿՆՈՋ ՆԱՄԱԿԸ

«Եարանք որ սիրաս հանեմ, էս թղթումը դնեմ, եարանք  
որ բաց անես ու հագար թուր միջումը ցցուած տեսնես,  
կիմանան էս ժամանակը՝ թէ նազուդ, քո ջրատար նազ-

լուր ի՞նչ ցաւ է քաշում, ի՞նչ օրումն է, ի՞նչ հալումն, իմ գլխի տէր, իմ ըմբրի թագաւոր՝ Աղասի: Ո՞ր սարերն են առաջդ կապել, որ դետերը ճամբէդ կտրոււմ, որ ձեռն է թևիցդ բռնում, եդ քաշում՝ այ իմ թագ ու պարծանք, որ էսպէս ինձ կրակում թողել ես, ինձ դժոխքը զրկում, դու արքայութիւնը վայելում, ինձ սուրը քաշում, դու ձեռներդ լուանում, ինձ դիւանոցը տալիս, դու հրեշտակների միջին արևիդ ձէնն ածում ու երեսդ էլայ չես դարձնում, որ ինձ հողը դնես: Աղասի ջան, Աղասի, երաբ երեսդ մի երկնքին չես գցում, որ տեսնես՝ թէ ի՞նչ մրրած ամսեր են առաջիդ կանգնած, ի՞նչ կրակ է վերևիցը վէր թափում. չէ՞ս իմանում միթէ՞՝ անիրաւ, անջիգեար՝ թէ էս կրակն ու էս բոցը, էս ծուխն ու էս ամսը՝ իմ բերնիցն են դուս գալիս, իմ սիրտս է քուլայ քուլայ իրանից հանում, վերնն աստղերը խաւարացնում, բռնում, ներքեր սար ու ձոր պապանձացնում, անձող շինում»:

«Հարիր անգամ գերեզմանի դուռը հասել՝ էլ եդ եդ եմ էկել, հարիր անգամ արեգակը որ մէր մտաւ, ես էլ իմ հողիս հետը ճամփու քցեցի, ու ան՝ էլի ծէրը բացուելիս, հէնց իմանում էի հողումն եմ, չէի ուզում շունչ քաշեմ, հէնց իմանում էի, մեռելների կողքին եմ, չէի կամենում, գլուխ բարձրացնեմ, ու էլի մօրդ՝ անխ, քո ումբը խաւարած մօրդ ձէնն որ ախանջս չէր ընկնում, էլ եդ աչքս բաց էի անում, մազերս նրա ոտի տակին փռում, որ կամ ինձ սպանի, կամ թէ չէ մահի ձեռիցը շխլի, ինձ սող սող էսպէս չէրի, չխորովի. ամա էլի որ նրա էն խաւարած աչքերը, էն չորացած, մազ դառած ջանը որ աչքովս էր ընկնում, որ իմանում էի՝ թէ նա էլ քո ցաւն է քաշում, քո դարդովն է էսպէս փոթոթւում, քո՞ քո՞ ջանին մեռնիմ, միտք էի անում, որ թէ ես էլ մեռնիմ, էլ նրան աշխարհ-բումը պահող չի լլիլ, սր ես կորչիմ, նա էլ կենդանի հետս պէտք է հողը մանի, կամ ջուրն ընկնի, խեղդուի, որ միտք էի անում, թէ նրա խորոված սիրտը ինձանով է մի քիչ հովութիւն գտնում, քո կարօտը, քո հոտն ու համը քիչ թէ շատ՝ ինձանից է նա առնում, ինձ որ չունենայ, կամ սովը

պէտք է նրան սպանի, կամ քարէ-քար ընկնի, մէկ բուռը հողի, մէկ օրհնած տեղի էլ հասրաթ մնայ: Ի՞նչ պէտք է անէի, որ ջուրն ընկնէի, հողիս իմը չէր՝ որ հանէի, նըրան տայի, բալքի նա ապրէր, քեզ տեսնէր, քո արդար ձեռը բռնէր, դար գերեզմանս ու գլխիս կանգնէր, ասէր. «Աղասի ջան՝ էս է նազուրիդ հանգստարանը. էս հողին նա իր ջանը դուրբան տուեց. հետս խօսում չէր, որ դարդն իմանայի, ես էլ չօփ էի դառել, աշխարհքն աչքիս փուշ կարել, որ մէկ մօտին նստէի, քրտինքը սրբէի, կամ մէկ սառը ջուր տայի: Ես իմ տեղումն էի կրակի միջումն էր-ւում, սա իր բարձի վրայ. ես իմ գլուխս էի բարձրացնում՝ որ հողիս տամ, սրա հրեշտակն էի տեսնում գլխին պախա գալիս. ես ախ էի քաշում, որ ձէնս քո ախանջն ընկնի, սրա ախանջն էր ընկում, սրան էրում, մաշում»:



7. Չ Մ Ե Ռ

Ձինն եկել զիղուել, սար ու ձոր. բռնեց իմ հողիս, զիշերը էսպէս էր գետինը սառացրել, որ կոխելիս հազար տեղից տրաքարաքում, ճրրճուում, ճրք-ճրքում էր ու մարդի ջանը սրբարուացնում, ձէն տալիս: Ամեն մէկ ծառի ճղքներից, ամեն մէկ տան կառուրից հազար տեսակ սառցի լուլայ, հազար տեսակ ձնի քուլայ կախ էր էլել ու բիզ-բիզ իրար վրայ սառել: Հէնց զիտես սար ու ձոր կամ նոր էր ծաղիկել, կամ նոր ծերացել, մահուան դուռն ընկել: շունչն էր մնացել, որ տայ ու աշխարհիս «բարով մնաս» ասի: Թուշուն, գազան, անասուն սողուն, որը փէտացել էստեղ, էստեղ վէր էր ընկել, որն էլ վազուց, ամսով սռաջ բռնը մտել, ձէնը կարել, պաշարը վայելում, զարնան գալուն սպասում: Գետերի, առուների երեսները սառիցը մէկ գազ էկել, հաստացել, իրար վրայ դիզուել, էսպէս էր ջրի, աղբրի բերնին հուփ տուել, որ մօտըներին կանգնողը միմիայն նրանց խուլ ձէնն էր լսում, որ սառցի տակին տխուր տրտում, քրքրում էր ու էլ

եղ էստեղ, էնտեղ կամաց-կամաց ձէնը կտրում, պա-  
պանձւում, սառչում:

Արեգակը էս առաւօտ որ գլուխը քնի տեղիցն ու ա-  
ղօթարանիցը չի բարձրացրեց ու աչքը աշխարհի վրայ  
քցեց, շողքը ստրերի գազաթին, դաշտերի գլխին, էնպէս  
էր պէծին տալիս, պսպղում, ծիծաղում կանաչ ու կարմը-  
րին տալիս, որ հէնց իմանաս թէ արմազ զըմբութ, եաղութ  
ու հազար տեսակ-տեսակ անզին քարեր ըլէին դաշտերի,  
սարերի գլխին, երեսին, դոշին փռած: Սարերի սառը բու-  
քը, ձորերի դառնաշունչ քամին էնպէս էր մէյրան բաց  
արել, գոռում, փչում, հոսան անում, ձնի թեփը իրար  
զլխով տալիս, որ ճամբորդի քիթ ու պոռունգը կպցնում,  
ճաքացնում, երեսը պատում, գլխին, երեսին հազար ան-  
գամ խփում աչք ու բերան լցնում, շատին կամ ձորերն  
էր քցում, խեղդում, կամ ձնումը թաղում, շունչը կրտ-  
րում, կամ ոտ ու գլուխ փէտացրած, ճամբից խոկում,  
սար ու չօլ քցում, խեղդում, կամ քարէքար տալիս:

Խ. Արտևան

### 8. Զ Ա Ն Գ Ի

Ինչպէս մէկ կատաղած վիշապ՝ երկնքիցը թռած, զըլ-  
խիվայր կախուած, մէկ տուտը Սևանի հանդարտ ծովումը,  
մէկ տուտը Արագի բերրուած եզերքումը, սար ու ձոր  
կլիչոք տալով, քանդելով, տապալելով, քափ ու քրտինքը  
բերանը կոխած, գրգրգռուած, մաղերը գազաթին ցցուած,  
կապը կտրած, զծուած. բերանը աւազով, քարով, աղբով  
լիքը, այս կողմը փնչացնելով, նորոելով, ջարդելով, յա-  
տակ ու եզերք ծամելով, բրդելով,—... այն նեղ, չար,  
տխուր կաքաւասարի տակիցը որ յանկարծ դուրս է պըրծ-  
նում, վազում ու հրով, սրով, բոցով, բրով, փռնչալով,  
մռնչալով, խռնչալով, քարի, քարափի գլուխը ծեծելով, իր  
փորը խցկելով, վէմ, ապառաժ իրար խփելով. կայծակին  
տալով, ճչալով, ճորնչալով, թնդալով, գրդալով,—ցած  
ափերը, սառնահար գետինը պոկելով, պոկոկելով, քըր-

քըրելով, քըրքըռելով, կենդանի, անկենդան, մարդ, անա-  
սուն գետնին զարկելով, բամբաչելով, խլացնելով,—վառ-  
ուած, կրակուած, աչքերը արիւնով լիքը, բաշը ցցած,  
ատամները կրճատացնելով, դաշտ ու տափ դրմբացնելով,  
դրնգացնելով, ու կայծակի թուրը բերանին՝ վրայ պրծած  
գալիս է ամեհի Զանգին ու Զորագեղ մտնում:

Որ քամին մի կողմից, բուքն ու բորեագը միւս կող-  
մից՝ ինչպէս կատաղած դահիճ սրարձակ մտրակում, հըրա-  
ցանով, նիզակով՝ սարերի գլխներիցը, ձորերի միջիցը փո-  
շի, անազ, հոյ, աղբ առաջն սրած՝ փոսերիցը հանում  
պատէպատ տալիս, գետնիցը պոկում, քարափին խփում  
ու՝ ծառերը ջարդելով, խոտերը նորոելով գետինը ճրդե-  
լով... մէկ այս քարափին քարով բռնցկում, մէկ այն սա-  
րի գլխին խփում ու մէկ կիտուկ հող, աւազ՝ շունչդ քա-  
շելիս կամ աչքդ բանալիս երկու ձեռքով բերանդ ու բաց  
քիթդ է խցկում, աչքերդ խաւարեցնում ու ական-  
ջիդ տակը հրացանի գնդակի պէս, կամ սուր նետի  
նման՝ վրովըգալով, դրդրդալով յետ դառնում շուտով,  
երեսիդ այնպէս խփում, որ աչքերդ մթնած՝ կայծակի են-  
տալիս, ու դու տեղն ի տեղդ շեմում ես, շուարում, թմրում,  
սասանում, քար դարձած մնում ու սառած կանգնում:

Ու—այս ժամանակ, այս սարսափելի ժամին՝ որ եր-  
բեմն էլ երկինքը իր ուլեկոծութիւնն է սկսում, սարերը ջար-  
դում, ամպերը տրաքացնում, կայծակի լախտը աշխարհի  
չորս կողմի գլխին խփում, փշուր-փշուր անում. ու Զան-  
գին, սարսափելի Զանգին էլ որ մէկ կողմից գոռում, մը-  
ռընչում, ու թոյլ ձեռքերը, անկազմ ոտքերը քարէքար տա-  
լիս, փոշի բարձրացնում, բառաչում է ու քամու վրովըգոցը,  
երկնքի տրաքոցը, քարափի նրոնրոցը, սարերի դրմբ-  
դրմբոցը, ձորերի դրնգոգրնգոցը, ծառերի խրէխրոցը,  
այրերի խոբնչոցը, ջրաղացների քրխկրրխկոցը, գետնի  
գրնգգրնգոցը, աների թնդալը, պատերի տրաքարաքոցը.  
շների, գայլերի, աղջերի, աքաղաղների՝ ծորսալը, ճչալը,  
ծւալը, բառաչելը, խառանչելը, վրնգվրնգոցը, կոնձկոն-  
ձալը, նրնգնրնգալը—իր անպին ձայնի հետ խառնում,

որորում, փորը քաշում...—այս միջոցին՝ որ Աստուած մի արասցէ, մէկ անձանօթ անցաւոր Կոնդի դուզն է գնում կամ Ապարանքափոսիցը վայր իջնում, որ Զանգուի վրայով անց կենայ, աչքը շաղուում է, գլուխը շուարում ու այնպէս է կարծում, թէ մէկ ահագին սար վրան փուլ եկաւ: Քարացած, փէտացած, մնում է աեղն ի տեղը սառած, ցցուած... երբ աչքի առաջին կամ Քանաքեոն է բացուում կամ Նորագեղի գաշտավայրը...

Եւ. Արուսեան

### 9. ԷՇՆ ՈՒ ԲԼԲԻԻԼԸ

Բացուել էր գարունը, սար ու ձոր ծաղկել,  
Անուշ հոտն ու հովն ամեն տեղ բռնել:  
Ամեն աշխարհից, հեռուոր տեղից  
Փախած, կորած զշեր իրանց բներից  
Եկան, որ գարնան գալն շնորհաւորեն:  
Իսկ պարկեշտ բլբլուն իր էրուած սրտի,  
Իր սիրուն վարդի սէրն ու իր մաքի  
Հասրաթն ու էշխը բերան բերելով,  
Խոր ձորում նստած, դարդերն լալով,  
Նայում էր ջրին, իր վարդի թփին,  
Ուզում էր բացուի, ան իր սիրելին:  
Բայց վարդն անիրաւ մնացել էր փակ,  
Խեղճ բլբլուն սիրան դռնել էր կրակ:  
Մէկ շոր քարի վրայ մնաց կուշ էկած,  
Աչքը իր վարդի երեսին քցած,  
Լալիս էր, էրում. «ան փարդ իմ կարմիր,  
Բացուիր՝ երեսիդ մեռնիմ, ան՝ բացուիր:  
Կամ իմ հողիս էլ սու, քո հեադ տար,  
Կամ էրուած սրտիս արա գու մէկ ձար:  
Էս դառն հաղաղին սատանի քամին  
Ո՛րդիանց հանեց մեր կորած իշին.  
Քունն էր հատել, թէ փալանը ծուռել.  
Խորակը պակսել, քիթն քամի մատել,

Գէլն էր յետ ածել, թէ տէրը գնքսել.  
Նօխաէն կարուել, թէ բեռից փախել:  
Ականջները խլշայրած.

Պոչը ցցած, գուռնէն քօքած.

Սարնըվեր ընկած, որ չէկաւ առաջ,  
Էն հասա գլուխը թափ տուեց, զոաց:  
Էն մուռտառ դունչն էլ՝ որ վրայ բերեց,  
Անմեղ վարդի թուփն, կոկոմն որ բռնեց,  
Մշրեց ու զուաց մեր էշ խնամին.  
Սար ու ձոր իրանց աչքը փակեցին.  
Ղշերը թռան՝ ան, սխ քաշելով.  
Ծաղկներն երեսն ծածկեցին լալով:

Էլի բլբլուն էրուած հողին էր  
Որ միտք անելով իր գարդը, ցաւեր,  
Էկաւ, վարդի վրէն կանգնեց, սուզն սկսեց.  
«Անման իմ վարդ, ողբալով ասեց.  
Թագունի իմ վարդ՝ հողուս սիրելի.  
Անունդ յիշելով, սիրաս խորովի.  
Երկինքն է տեղդ, ընչի՞ ես մնում,  
Իշի կերակուր, էս փշի միջում.  
Քանի փուշ ու էշ դեռ կան աշխարհքում,  
Կրմնաս անտէր: Էս եմ միտք անում,  
Ու գլխիս ցրայիս, էրում, խորովում:  
Ես՝ դու ինձ էրի, մէկ օր պրծնիմ,  
Ես թև սու թռչինք, երեսիդ մեռնիմ»:

Մ «Էսն ինչ գիտի նուեն ինչ է»:

(Ժողովրդական առած):

10. ԳԻԺՆ ՈՒՍՈՒՄՆԱՐԱՆՈՒՄ

Հիմիկ էլ զօռ են անում թէ պիտի կարգաս: Հարամ ըլի էն հացն էլ էն ապրուստն էլ, որ ինձ տայիս են: Էլ ոչ աչքս է քուն գալիս, ոչ սիրտս է հանգստանում: Գիրքս տեսնելիս հէնց իմանում եմ՝ իմ հողեառս է: Վարժատան անունը լսելիս՝ միտս ջանումս հալչում է: Երանի՛ տասն օր նախիրը զրկեն, քանց կէս սնաթ վարժատունը: Ի՞նչ անեմ, մէկ հիւանդութիւն էլայ չի պատահում՝ սասանի աչքը քօռանայ՝ որ մէկ քանի օր պարկիմ, ու իմ գրքի երեսը չըտեսնիմ: Թէ ասում եմ, առաւօտը տանիցը դուս գամ, զնամ մէկ պատի տակի կուչ գամ, ու իրիկունը առն գամ, փորս է դադ-բէդաս անում: Չէ, ասենք թէ շէքս էլ հացով լցնում եմ՝ որ փորիս շուղաբը տամ, իմ անառտուած վարժապետն է եղևիցս մարդ զրկում, էն ժամանակը վայ իմ օրին, վայ իմ արևին: Մէկ մկան ծակն էլ որ հազար թուամնով ուզենամ առնեմ, չըկայ: Աորդ է բազի անգամ ասում եմ՝ թէ գլուխս ցաւում էր, ես մաշիկ չունէի, ու էստով գլուխս պրծացնում եմ, ամա էս էլ չի օգտում: Ամեն օր գլուխ չի ցաւիլ, ես էլ լաւ դիտեմ, ուր մնայ վարժապետս՝ որ հազար ինձ նման սասանի տամին է խփել ու ճամբու գրել:—Այր, Բեն. գլխիդ զրմփեմ. Գիմ, Դա. ջոխին հազիր ա: Եչ, Չա. կնց ու հագն: Է, Եթ. խաղս մնաց եդ: Թո, Ժէ. մէկ բանի չաժէ: Ինի, Լիւն. իծանս էկան տուն: Խէ, Ծա. կարգացողն էժ ա: Կեն, Հո. եսիր չեմ հօ: Չա, Աատ. մնացել եմ սախատ: Ճէ, Մեն. ամէն, քօռանայ, ով ձեռք չի վերցնիլ մեղմէն: Յի, Նու, Շա, Ո, Չա, Պէ, Ջէ, Ռա. սոված մեռայ: Սե, Վեւ, Տիւն, Բէ, ծանր է: Յո, Հիւն, Փիւր, Գէ. իշի քուրք է: Օ, Ֆէ, սվվէհ, գլուխս տրաքեցաւ: Մի քիչ տեղ արն, որ սիրտս հովանայ: Էնքան ասել եմ էս... էս... էս կորած մոլորած անունները՝ որ տատմներս թուլացել են, գլուխս էլ զուղ չի մնացել:

Էս պրծար, հիմիկ ասում են՝ այ տղայ, ասն Այր, Ժէ, Ճէ, Ռա. անպէր, զօռ, մեռայ: Չեր գլխովը դիպչի ձեր

այբբենն էլ, ձեր այր, Ժէ, ճէ, ոան էլ, մեր հողին հօ չէք հանիլ: Ի՞նչ էք սուել՝ որ մեղանից էլ յեա չէք կարում ուղել: Չեմ կարգում, չեմ կարգում. հօ զօրի բան չի:— կարգն, կարգն, ի՞նչ է: Տօ, ձեր տունը չըքանդուի, ախր էս յիմար կարգալումս ի՞նչ կայ, որ էսպէս մեր ջանը հանում են: Շատ մարդ՝ որ մէկ այբի կտոր էլայ փորումը չունի, ան՝ չէ, չէ, գլխումը կուզէի ասել, շշկեցայ, չունքի էս զահրմար կարգուլը փորի խարջ բան չի, ներեցէք ինձ՝ էս էլ կարգալու հարարաթն է, որ էսպէս լեզուս շաղուեցաւ, ճհ. ճհ... բերանս ցաւում է, թթու է, կծու է, աչքիս լիւր թոււ, այբն էլ ջհանդամը գնան, ֆէն էլ. էս սնաթս մէկ աման մածուն ըլէր, լաւ կըխաշտէի, իսկ մէկ քոնձոտ այբի անունը տալիս, լեզուս կապում է:

Ո՛չ աչքդ է մի բան տեսնում, ոչ բերանդ համ է սունում: Շոր չի, որ մէկ օր կարես, տուն չի՝ որ շուտով շինես, հար չի՝ որ խկոյն կուլ տաս, գեղ չի որ աչքդ խրփես՝ ու դիվէր քցես, ինչ կըլի, ըլի, փորը սաղ ըլի: Չի էլ կարելի՝ որ ինչքան զրեր կան, մէկ անգամ կամ ծամես, կուլ տաս, կամ շուր անես, խմես, կամ թէ չէ քերես, ջնջես՝ որ քօռանան և աչքիդ չի երևին: Հն կնց, ու ասիդ, գլխիդ արն, որ գժոխքի պուճախն էլ զնաս, էլի քեղ հանում են ու միտդ բերանդ տալով՝ ասում են՝ պիտի կարգաս: Ի՞նչ կուզես անել, աշխարհքս բոլոր թարսուել է: Երկինքն էլ թուշիս, էլի քեզ վէր են բերում, զիրքդ կունատակդ տալիս ու ճամբու քցում, ուր, Աստուած իրանց գլուխը ոչ դիտէ:

Մէկ գիրքս կորցնում եմ, միւսն են ձեռս տալիս: Մէկ դարամս կորցնում եմ, ծեծում, թաղում, սպանում են՝ թէ գնան, միւսը բեր: Փոքր յեղի եմ գալիս, վայ իմ օրին: Դասս չըզիտեմ, քանոնը հազիր է: Չեռս չեմ դէմ անում, քամակիս են խիւում, քամակս եմ քաշում, ստիս է գիպչում: Ի՞նչ անեմ, որ շուրը ընկնիմ, ուր կորչիմ, որ էս գժոխքիցը ապատուիմ: Սատանի վայ ըլի, աչքը դուս գայ ով որ էս կարգալը սահմանել է: Ասում են՝ կարգալով մեծ մարդ կըդառնաս, հայ կըճարես. ու սնաքանդներ՝ էս

օր էլ՝ քանի որ մեծանում եմ, էնքան աչքից ընկնում եմ: Մէկ կտոր հաց են տայիս, քթիցս են հանում: Էլ ի՞նչ կանեմ ձեր հացն ու մեծութիւնը, երբ օրս ու ումբս կըխաւարի: Երանի՛ դշերին՝ որ էսպէս ցաւ չունին ու իրանց քէֆին թռչում, ման են գայիս: Բոյս էլայ շուտով երկարանում չի, որ բալքի թէ ամաչեն, ու էլ վարժատունը չուզարկեն: Բիկունն եմ զիրքս ձեռս առնում, քունս է ասնում, առաւօտն ուզում եմ դասս սերահեմ, էլ ժամանակ չըկայ: Աչքս որ բաց եմ անում, հէնց գիտեմ՝ իմ հոգեառ հրեշտակը բարձիս վերևը կանգնած, ուզում է, հոգիս առնի: Ի՞նչ կըլէր, որ ամեն օր կիրակի էր էլել որ հէնց մեր քէֆին ման գայինք:

Հիմիկ էլ եկել էք՝ սիրելի ծնողք՝ որ տեսնիք՝ թէ ի՞նչ ենք սովորել: Շատ բարի՛ տեսէք, և իմացէք, բայց Աստուծո՛ւ խաթեր դուք էլայ մեզ խեղճ էկէք և մեր չար ուստի պէս չի Չգրուիք, չիբարկանաք՝ թէ ո՛չինչ չենք սովորել, ինչ Աստուած տուել է՝ նրանով ռազի կացէք: Ասացի՛ որ կարգալը կանֆէթ չի, որ բիրադի բերանդ քցես և փորդ քաղցրացնես: Վայ նրան՝ ով որ նրա համը կառնի, կարելի է մինչև մահը էլ չի մոռանայ:

Խ. Արովեան

11. Ս Ո Ւ Ն Ո Ւ Ս Խ Տ Ո Ր Ը

«Ա՛յ թէ քօռուղուփ <sup>1)</sup>, դու հոսած դաս ես, ժանգի պարկի պէս լցուել, տոզել ես»—

Մէկ օր սըխտորը էսպէս խօսք քըցեց,  
Խեղճ սոխի գլխին թուք ու մուք ածեց:

«Կողքըդ հաստացել, գլուխդ գիրացել,  
Ի՞նչ ես դու էգպէս շատ ուռել, փըքուել.  
Ինչ պտուղ որ ես, քեզ ո՞վ չի գիտի,  
Որ ուզում ես՝ թէ հէնց քեզ տեղ ըլի:  
Մարդ քեզ ուտելիս, բերանն ես կըծում,  
Դանակ դիպչելիս՝ աչքը քօռացնում:

<sup>1)</sup> Անընդունակ:

Չեմ գիտում՝ մարդը ախր ի՞նչ լազաթ է  
Քեզանից տեսնում, որ քեզ ցանում է:  
Էլ մարդ ու բօստան հէջ չի մընացել,  
Բոյրդ դէշ հատովդ բռնել, հոտացրել:  
Ընչանք չեն էփում, քո աչքըդ հանում,  
Դու քո փիս հոտը չես պակասցնում»:—

«Տօ, դու քո Աստուածն՝ ով էլ ինչ ասի,  
Խօսքը սաղ կը դայ, իրաւունք ունի»:—

Սոխը շուղաբը եդ դարձրեց, ասաց:  
Է՞դ էր մընացել, փառք քեզ՝ Տէր Աստուած,  
Որ դ՞ու էլ ըռեխդ ցրուես ինձ վրայ:

Տօ, այ անդամ, հոտած բեհայեայ <sup>1)</sup>,

Էփէլիս էլ է ես հոտս քաշում եմ,

Մարդի բերանը ապականում չեմ:

Քո գլուխը լաս՝ որ խաշի միջումն

Է՛ն հոտն ես թողնում, ուտողի բերնումն,

Որ մօտի կանգնողն իրանից դնում,

Սիրար խոռնըւում, ու քեայլէն ծակում:

Գիտեմ՝ խնամի՛ իմ միտքըս ի՞նչ է,

Ես չեմ ուրանում, իմ հոտըս փիս է:

Արի, դու էլ քո չափը ճանաչիր,

Խօսքիս լսիր ու լեզուդ քեզ պահիր:

Երկուսս էլ ունինք էդ պակասութիւնն,

Մենք մերը ծածկենք, ու պահենք թաքուն:

Մենք իրար վասն որ ասենք մեր լեզուով,

Խայտառակ կըլինք, կըմնանք ամօթով»:—

Էսպէս սոխ, սխտոր հոտած մարդրկերքն  
Լաւ կանեն, իրանց այլին <sup>2)</sup> որ ծածկեն:  
Բայց շատ անգամ որ էսպէս սխտոր մարդ  
Բերանը բանում չի ու վախա բէվախա  
Ուրշին փուղ դնում, էս ա մեզ էրում,  
Է՛ս մեզ խորովում:

Խ. Արովեան

<sup>1)</sup> Անամօթ. <sup>2)</sup> Պակասութիւն:

12. ՄՏԵՓԱՆՆՈՍ ԼԱԶԱՐԵԱՆ

Նազարեանը ծնունդ մօտ 1810-ին, Թիֆլիզում. նրա հայրը, Տէր-Յսայի քահանան, մի շատ բարի և ուսումնասէր մարդ էր: Ստեփաննոսը նախնական ուսումնս ստացաւ հէնց իր հօր մօտ, սպա Ղարաբաղցի Պօլոս հայկաբան վարդապետի մօտ, ուր և սսփորում էր 10. Աբովեանը, 1823-ին, երբ Ներսէս Ե բաց արաւ Ներսիսեան դպրոցը, Նազարեանը Աբովեանի հետ միասին մտաւ այդ դպրոցը և աւարտեց 1827-ին: Նազարեանը իր աշխատասիրութեամբ և ընդունակութեամբ սիրելի էր եղել Ներսէս արքեպիսկոպոսին (սպա կաթողիկոս), ուստի և նրա միջնորդութեամբ բժիշկ Սողոմոն Տէր-Ղուկասեանն ուղարկում է Ստեփանին Գորպաս ուսանելու: Այնտեղ էր արգէն Նազարեանի սիրելի ընկեր Խաչատուր Աբովեանը: Համալսարանն աւարտելուց յետոյ նոքա միմեանցից բաժանուեցան և այլևս միմեանց չհանդիպեցան: Աբովեանն եկաւ հայրենիք, իսկ Նազարեանը դարձաւ ուսուցիչ արաբ և պարսիկ լեզուների Լազարեան ձեմարանում: Սակայն ինչպէս նրանց կրթութիւնը, այնպէս էլ ազագայ գործունէութեան գլխաւոր արգիւնքն էր՝ աշխարհաբարի հաստատումը և մշակումը: 1858-ին Նազարեանն սկսում է հրատարակել «Հիւսիսափայլ» ամսագիրը Մոսկուայում, ուր աշխատակցում էին ժամանակի առաջնակարգ ոյժերը—Նալբանդեան, Ռ. Պատկանեան, Յ. Մելիք-Յակոբեան և այլն: Հիւսիսափայլը փոքրիկ ընդհատումով շարունակուեց մինչև 1865 թ. և իր ութամեայ հրատարակութեամբ մի կատարեալ յեզափոխիչ հանդիսացաւ մեր կեանքի զրեթէ ամեն ասպարիզում:

1869-ին մենք Նազարեանին տեսնում ենք Թիֆլիզում, իբրև տեսուչ Ներսիսեան դպրոցի, ուր, սակայն, նա երկար չմնաց, այլ կրկին հրաւիրուելով, գնաց ետ նախկին պաշտօնին, Լազարեան ձեմարան, ուր և մնաց մինչև մահը, այն է՝ 1879 թ. ապրիլի 26-ը:

13. Ս. Ս Ա. Հ Ա. Կ

Հինգերորդ դարի ճակատումը՝ սրպէս մի նագելի պարագլուխ հայ լուսաւորութեան, որպէս մի յաւիտեան քաղցր պատկեր հայ դպրութեան, պատմագրի հոգու առաջև կանգնած է Պարթևացի Սահակ Մեծը, Հայաստանի 10-րդ հայրապետը, ծնած Կ. Պօլսի մէջ, Ներսէս Մեծի որդին և ձեռնասունը: 490-ին հասնելով պատրիարքական աթոռի, ամբողջ 50 տարի ամենազգաստ արթնութեամբ կառավարել է նա Հայաստանի եկեղեցին այն բազմապատիկ փոթորիկների տակ, որոնց պէտք է տանէր նա այն միջոցներում: Հայոց պատմութիւնը և պատմագիրը չի կարող լռել թէ այս մեծ և հոյակապ աղամարդը սրպիսի անարժան ապերախութեամբ հայ նախարարների և մեծատունների կողմից, սրպիսի անարգ մասնութեամբ պարսից թագաւորի առաջ հրաժարուել է իր հայրապետական պաշտօնից և 540-ին կնքել է իր ճոխավաստակ կեանքը մի տխուր առանձնութեան մէջ՝ սիրտը կոտրած, հոգին լցուած տըրտում մարգարէութեամբ ապագայի վրայ: Նրա գիտնակաւորութիւնը և մեծամեծ վաստակները Հայ ազգի կրթութեան ասպարէզի մէջ կարելի է դատել նրա գործերից, որ սրանք են—աջակցութիւնը տառերի գիւտին, որ նա առաւ Մաշտոցին, գերազանց թարգմանութիւնը հին կաակարանի եօթմասսուն թարգմանիչների հիման վրայ: Մի ճառ եկեղեցու և հոգևորականների բարեկարգութեան մասին: Այս աշխատութեան խորհուրդն այն է, որ արտաքին աստուածապաշտութեան տնտեսութիւնն աւելի լաւ համակարգէ, սաղմոսերգութիւններն աւելի պատշաճապէս կանոնաւորէ, այլև տօները սահմանէ մի բարեկարգ տօնացուցի հաստա-

տուն կանոններով: Բացի սորանից, Մովսէս Խորենացին իր Հայոց պատմութեան երրորդ գրքի մէջ պահպանել է մի քանի նամակ, որ Սահակ Պարթևը գրած է դէպի կայսրը Թէոֆոս կրտսերը, դէպի Կ. Պօլսի Ատտիկոս պատրիարքը և Անատոլէոս զօրավարը: Այլև Սահակ Պարթևի անուամբ գտնուում են մի քանի երգեր Հայոց Շարակնոցի մէջ: «ՀԻՄՆՍՍՓՅՅԻ», Ս. Նազարեան

## 14. ՄԱՅՐԵՆԻ ԼԵՂՈՒ

Մայրենի լեզու, մայրենի բարբառ,  
Ախորժ, ընտանի իմ հոգու համար.  
Առաջին դու խօսք ականջիս հասած,  
Դու, սիրոյ քաղցրիկ, առաջին յօգուած,  
Մանկական լեզուիս թոթովանք տկար,  
Հնչում ես իմ մէջ դու միշտ, անդադար:

Գեղեցիկ լեզու, հրաշալի լեզու.  
Այդ ինչպէս քաղցր հնչում ես ինձ դու.  
Կամիմ աւելի քաջ ծանօթանալ  
Քո ճոխ գանձերին, հոգով հայանալ.  
Առես թէ անա կանչում էին ինձ  
Պապեր և հայրեր խոր գերեզմանից:

Հնչիր, դու հնչիր այժմ և յաւիտեան,  
Մայրենի լեզու, բարբառ սիրական,  
Արի, բարձրագիր հնութեան փոշուց,  
Դու իմ հայ լեզու, մոռացուած վաղուց.  
Ըզգեցիր նոր կեանք սուրբ գրուածքներով,  
Որ ամենայն սիրտ վառուի քո սիրով:

Թարգմ. Ս. Նազարեան

## 15. Գ Ա Մ Ա Ռ - Ք Ա Թ Ի Պ Ա

(Ռափայել Պատկանեան 1830—1892) 62

Մեր ազգի մտաւոր պատմութեան մէջ քիչ տոհմեր կան, որ մի քանի սերունդ շարունակ նշանաւոր մտածողներ տուած լինին: Այդպիսի երեք տոհմ ունինք մենք. Լուսաւորչիներ 4—5 դարերում, Պահլաւունիների տոհմը Ռուբինեանց ժամանակ (Շնորհալի, Գրիգոր Մազիտորոս և այլն) և Պատկանեանների՝ տոհմը 17—18 դարերում:

Պատկանեանների շառաւիղ էր Ռափայէլը. նրա պապը, Սերոբէն և հայրը, Գաբրիէլը, բանաստեղծներ էին, հօրեգրայրը Միքայէլը ուսուցիչ էր, խմբագիր, թատերագիր և աշխարհաբարի հիմնադիրներից մինը: Միւս ազգական Րէստէնը, յայտնի գիտնական—բժիշկ. հօրեգրօր սրբին, Քերոբէնը—բանաստեղծ և ապա յայտնի գիտնական ու սրօֆեսսօր և այլն...

Ռափայէլն աշխարհ եկաւ 1830-ին, Նոր-Նախիջևան և սկզբնական դաստիարակութիւնն ստացաւ իր հօրից. «Հայրս, զբուծ է Ռափայէլը, իւր ժամանակում համարուած էր երևելի քարոզիչ, հայկաբան և պատմագէտ... Նա Նոր-Նախիջևանի համար ամբողջ 30 տարի մի տեսակ բարոյական արեգակ էր, որ իւր շուրջը սփռում էր լոյս և ճշմարտութիւն»...

Այդպիսի մի հօր ձեռքի տակ անա Ռափայէլն սկսեց իր ստոււմը, որ յետոյ նա 10 տարեկանից շարունակեց Լազարեան ճեմարանում: Այնտեղ նա աշակերտեց յայտնի գիտնական և հայագէտ Էմինին մինչ 1849 թ., երբ կլիսաս Թոզներով եկաւ Թիֆլիզ Ներսիսեան դպրոցն իբրև ուսու-

ցիչ: Նոյն տարին նրա հայրը տեսուչ էր Ներս. դպրոցում և հրատարակում էր «Արարատ» առաջին աշխարհաբար լր-  
բագիրը: Այդ թերթումն է ահա, որ Ռափայէլը տպում է  
իր անդրանիկ ոտանաւորներն ի միջի այլոց «Մահ-Չարմայր  
Նահապետի» սօֆեման:

1851-ին նա ուղևորւում է Գորպատ ուսումը շարու-  
նակելու: Այդ ժամանակ Գորպատի հայ ուսանողութեան  
ոսկէ դարն էր. այնտեղ էին Աբովեանի անդրանիկ աշա-  
կերաները, այնտեղ էին և Ռափայէլի ձեռնարանական ըն-  
կերները. Գոգոխեան՝ «Ծիծեռնակի» հեղինակը, Միրիմա-  
նեան, որ գրեց «Հայոց-աղջիկները», Քերոբէն, որ հեղի-  
նակեց «Ինձ համար չէ՛ գարնան գալը» և այլն:

Ուսանողական այդ ուրախ-ազգասէր շրջանումն է,  
որ սկսում է զարգանալ ու կազմակերպուել Ռափայէլի  
ի ծնէ բանաստեղծական տաղանդն և աշխարհիկ լեզուի  
ձաշակը:

Աբովեանի աշակերտը՝ Գէորգ Աբիմեան Գորպատ էր  
տարել ձեռագիր «Վէրք-Հայաստանին», որից մեր ուսա-  
նողները ծանօթանում էին Երևանի բարբառի հետ: Մի  
անգամ խմբովին կարդացին այդ գիրքը, որ նրանց վրայ  
անջնջելի սպաւորութիւն թողաւ թէ՛ լեզուի և թէ՛ նիւթի  
կողմից:

Ուսանողները պարտաւորաբար խօսում էին միմեանց  
հետ հայերէն, որով թէ՛ իրանք էին վարժուում և թէ՛ նո-  
րաբողոք լեզուն հարստացնում էին: Նրանք հեղինակում  
կամ թարգմանում էին երգեր և բերան անելով երգում  
էին:

1852-ին Ռափայէլը տեղափոխուում է Մոսկուա, ուր  
Գէորգ Քանանեանի և բժիշկ Մինաս Թիմուրեանի հետ  
կազմում է մի ուխտ-միաբանութիւն, որի նպատակն էր  
ինքնուրոյն և թարգմանական դրուածքներով զարգացնել  
աշխարհաբարը և տարածել ժողովրդի մէջ: Վերցնելով ի-  
րանց անունների առաջին տառերը, Գ. Մ. Ռ. և ազգա-  
նունների սկզբնազրբերը Ք. Թ. Պ., մէջերն աւելացրին մի-  
մի ձայնաւոր և կազմեցին Գամառ-Քամի՞րՊա:

Այդ անունով ահա, 1854-ին լոյս տեսաւ մի այբբենա-  
րան և մի տաղարան, ուր առաջին անգամ հրատարակուեց  
«Մայր-Արաքսին»: մեր ներկայ լեզուի անդրանիկ գոհոր-  
ներից մինը, որ խորին ազգասիրութեան հետ, պարունա-  
կում է նոր լեզուի քերականութիւնը, ոգին, առաւելու-  
թիւններն ու պակասութիւններն ամբողջովին:

Գամառ-Քամի՞րան հրատարակեց հինգ տետրակ, ազ-  
գային հին ու նոր, ժողովրդական, աշուղային և գրական  
բանաստեղծութիւններ, առանց հեղինակների անունը տա-  
լու: Այդտեղ հաւաքուած էին լաւագոյն երգերը Սայաթ-  
Նովայի, Աբովեանի (Ազատու երգերը), Թաղիաթեանի, Ազ-  
բար-Ազամի, Քերոբէ և Ռափայէլ Պատկանեանների, Գո-  
գոխեանի, Միրիմանեանի և այլն... Որոնց մէջ ամենից  
փայլունն ու տաղանդաւորը, ամենից եռանդունն ու ոգի  
տուողը ինքը, Ռափայէլն էր, ընկերութեան հոգին, հրա-  
տարակողը և տարածողը:

Այդ երգերի նիւթը, ժամանակի տրամադրութեան  
համեմատ մեծ մասամբ ազգասիրական և կամ ուրախ ու-  
սանողական էր: Այդ երգերն էին, որ անմիջապէս թե ա-  
ռան ու թռան քաղցր ու դուրեկան եղանակներով ամեն  
տեղ, ուր հայեր կային, մասնակցելու նրանց ուրախութեանն  
ու վշախն, արտայայտելու նրանց իրձերն ու ցանկութիւն-  
ները, զարթեցնելու հայրենասիրութիւն և աւետելու մի նոր  
լեզուի ծնունդը, մի նոր կեանքի սկիզբը:

Այդ երգերն էին, որ առաջին անգամ անցնելով բեր-  
նէ բերան, անբռնազբօս ու գրաւիչ, արևելեան հայութեանը  
տուլին նոր-գրական լեզուի համն ու հտոր: Իրանք միայն  
կարդացողի համար չէին, նրանք երգւում էին մօր և ման-  
կան բերանում, մեծի և փոքրի մօտ: Նրանք այլևս անհա-  
տական թոթովանք չէին, այլ հասարակութեան սեփական  
զարձած երգեք, բերան արած երգեր, որոնց լեզուն հա-  
մայնացել և ընդունուել էր առանց սրկէ դիմադրութեան  
ու կռուի:

Քանի որ այդ երգերը չէին կրում ոչ մի հեղինակի  
անհատական անուն, այլ ի մի փնջած ներկայացնում էին

ժամանակակից հայ տաղանտի ամբողջութիւնը (սկսած ժողովրդական և աշուղի երգերից՝ հասնելով մինչև խորին և ազգանշանոր անհատականութիւնները, որպիսի էին Աբովեանն ու Ռափայէլը) մի ընդհանուր Գամառ-Քաթիպա անուան առի, հէնց դա էլ պէտք է համարել իսկական հիմնադիրն աշխարհաբար լեզուի:

Գամառ-Քաթիպա ասելով, ուրեմն պէտք է հասկանալ հայ տաղանտի միացեալ ամբողջութիւնը, որի մէջ անհատաբար վերև են խոյանում երկու փաստանկ գլուխ— Սաչատուր Աբովեանն և Ռափայէլ Պատկանեանը:

Ի մի փնջելով հայ տաղանդների արդիւնքը «Հայոց ազգային երգարանում», Ռափայէլը իր լեզուով էլ մի կատարեալ ծաղկափունջ է ներկայացնում ժամանակակից լեզուի, ուր նա հիւսել, ի մի է ձուլել դրաբար, աշխարհաբար, արևելեան և արևմտեան ձևերն անխափր. «Արաքան» այդ խառնակ լեզուի լաւագոյն ներկայիչն է:

Մինչև այսօր էլ, վաթսուն տարիներ յետոյ, չըկայ մեր բանաստեղծների մէջ մինը, որ ժողովրդականութեամբ մրցել կարենայ Ռ.-ի հետ: Երգուելու պատուին քչերն են արժանացել, այն ինչ Պատկանեանի մեծութեան զազանիքն այն է, որ նրա գրածները մեծ մասամբ երգուել են և երգուում են:

Նա հարուածել գիտէր հայ սրտերի ամենաթունդը՝ լաբերին, նա արտայայտեց իր ազգի վշտերն ամենից վստահ, ամենից համարձակ: Նա խօսել տուաւ լուսինն, պատմելով «Վարդանի մահը», նա առաջինն էր, որ դարաւոր շղթաների միջից «Բողոք բարձրացրեց առ Եւրոպա», մի շանթող լեզուով բաց արաւ դարաւոր լուսեան բերանը— «Հիմի էլ լռենք» երգով, նա օրօր երգեց մանկանականջին և խրախոյս կարգաց հերոսին, ծերունուն մանկութիւն էր քարոզում «պատերազմի գնալու», և կանանց յորդորում էր «վիրակապ հիւսել իրանց ծամերից եղբօր վերքերը կապելու համար», նա ծաղրեց ու ծանակեց թուլամորթ երիտասարդին և օրիորդին, և զովեց ու զբուստեց հայ-զեղջուկի զոմէշն ու արտը:

Նա դարձաւ ամենասիրելին մեր բանաստեղծներից, իրաւամբ արժանանալով «Ազգային երգիչ» պատուաւոր կոչման:

Ռափայէլը խիստ բազմազան և շնորհալի տաղանդի տէր էր. թէև նա ժողովրդականութիւն և հոշակ ստացաւ իբրև բանաստեղծ, բայց նրա արձակ ու երգիծական զբուսածներն աւելի մնայուն ու նշանաւոր են, քան նրա ոտանաւորների մեծ մասը, որոնք արդէն մեծ մասամբ հնացել են:

«Հիւսիսափայլ»-ի ամենաեռանդուն աշխատակիցն էր Ռափայէլը, ուր գետեղում էր թարգմանական և ինքնուրոյն յօդուածներ: «Փորձ» ամսագրում նա տպեց «Ծննդանած էի», «Տիկին և Նաժիշտ», «Փառասէրը» վէպիկները, որոնք յայտնի ապացոյց են նրա լուրջ վիպական տաղանդին: Տիպերն այդտեղ բնական են այն աստիճան, որ կարծես լուսատիպ լինին. պատմուածքը կենդանի և զբրաւիչ և հեռու ամեն արուեստականութիւնից. լեզուն պարզ, մատչելի և ծայրէ ի ծայր հայերէն: Անդուզական են Պատկանեանի երգիծական պատկերները Նոր-Նախիջևանի բարբառով, ուր հեղինակը ծաղրում է իր հայրենակիցների ներքին կեանքը, վարքն ու բարքը և պակասութիւնները: Նոր-Նախիջևանցիք խիստ վախում էին երգիծաբանի գրչից, որ երբեմն կրքի ազդեցութեան տակ խիստ սուր կերպարանք էր առնում և շատ անգամ դառնում էր թունաւոր: Ռ. Պատկանեանը շարունակ ապրում էր Նոր-Նախիջևանում՝ վարելով արհեստագիտական դպրոցի տեսչի պաշտօնը. նա մեռաւ 1892 թ. թոքախտից և թաղուեց ս. Սաչ վանքի գաւթում, իր մանկութեան ընկերակից և զբաղան ախոյեան Միքայէլ Նալբանդեանի մօտ \*):

\*) Ռափայէլ Պատկանեանը գործ էր անում բազմաթիւ կեղծ անուններ. Միքայէլ Վայելչեան, Ախաամերկեան, Սիւլիւկ, մանուսնդ իբրև բանաստեղծ նա յայտնի է Գամառ-Քաթիպա կեղծ անուամբ: Այդ անունը կաղմուած է Ռափայէլի և նրա ընկերակիցների անուանց և ազգանուանց սկզբնատառերից:

*բազմաթիւ  
անուններ*

Բանաստեղծը կտակել էր ազգին, որ իրան էջմա-  
ծին թագեն. ազգը չկատարեց նրա կտակը, սակայն հա-  
ւաքական հանգանակութեամբ գերեզմանի վրայ կանգնած  
է արդէն նրա խոհուն կիսարձանը:

Գր. Վանցեան

16. ԽԵԼՔ ԵՒ ԽՈՐԱՄԱՆԿԻՆԻՆ

Խելօքը կը փնտռէ աշխատանք. խորամանկը՝ հանդըս-  
տութիւն. խելօքը գործ ունի բնութեան տարրերի և գո-  
րութիւնների հետ, խորամանկը՝ մարդկային թուլութիւննե-  
րի հետ: Խելօքը կ'ասէ մարդոց՝ «Ի՞նչ ալ շահուեցէք, ես  
ալ շահուիմ»: Խորամանկը կ'ասէ՝ «Ես ձեր կանակէն շա-  
հուիմ, իսկ դուք ինչպէս գիտէք»: Խելօքը մարդոց առջև  
ճանապարհ կը բանայ, որ ամենքը ազատօրէն հասնեն օգախ  
կամ մէկ նպատակի. խորամանկը կը բանայ ճանապարհ, բայց  
ճանապարհի վրան մէկ փոս ալ կը փորէ, որ անցնողը նրա  
մէջ ընկնի: Խելօքը մարդոց ճանապարհը կը լուսաւորէ, իսկ  
խորամանկը ձեռքը բռնած ակնախափից լոյսը՝ շիտակ մար-  
դոց աչքին կ'ուզէ որ շինան: Խելօքը կ'ապացուցանէ, կը  
համոզէ, կը խրատէ. խորամանկը կ'աշխատէ իր ճարտար  
լեզուովը զարմացնելու: Խելօքը որ մէկ ուրիշ խելօք տես-  
նէ իրեն ընկեր, օգնական կը համարէ. խորամանկը կ'աշ-  
խատէ իրան շրջապատել միամիտ, պարզամիտ, խելքի-  
ազբառ մարդկանցով, և ուրիշ խորամանկներու հետ չա-  
րաչար կը պատերազմէ: Խորամանկը կը փնտռէ այնպէս տե-  
ղեր, սր մարդիկ շատ են ու մէջերը կը մտնէ. բայց վերջը  
իր չորս կողմը անապատ կը դարձնէ. խելօքը կը մտնէ անա-  
պատ տեղ. շուրջը մարդիկ կը ժողովէ և անապատը մար-  
դաշատ տեղ կը դարձնէ: Խելօքը իր գլխու ուղեղը Աստու-  
ծոյ ձեռքէն է ստացել, խորամանկը ստացել է սատանայէն:

Խելօք Արամը կանգնեցուց Հայաստանը, խորամանկ  
Վասակը կործանեց: Խելօքի գործը գոհար է՝ կոշտ կճեպով  
ծածկած, խորամանկի գործը շաքարով փաթթած թոյն է:  
Խելօք մարդը սրտանց կը ցանկանայ մարդոց լուսաւորու-

թիւն և կը պատէ լուսաւորեալներուն. խորամանկը թէև  
երեսանց կը գովէ լուսաւորութիւն, բայց լուսաւորեալնե-  
րուն չարաչար կը հալածէ: Խելօքին երբ Աստուած լեզու  
տուեց, ասաց՝ «Իրանով սրտիդ խորհուրդները մարդոց  
պարզէ, յայտնէ»: Իսկ երբ որ սատանան տւեց խորաման-  
կին լեզու, ասաց. «Մաքիդ խորհուրդները շատ խօսելով  
ծածկէ: Խելօքի քիչ խօսքէն շատ բան կը հասկացուի. խորա-  
մանկը թէև բոլոր կեանք խօսէ, ոչինչ չի հասկացնիր: Խե-  
լօքը գինի ու օղի չի սիրել, և եթէ խմէ, կը հարբի. խորա-  
մանկը խմել կը սիրէ, և որքան ալ խմէ, չի հարբել, բայց  
միշտ սուտ հարբած կը ձևանայ: Խելօք մարդը քաղցածին,  
չքաւորին իր տունը կը բերէ, կը կերակրէ, կը կշտացնէ.  
Խորամանկը մեծատուններուն յարգանք կու տայ:

Քանի աւելի է վաճառականի խելքը, նա այնքան հե-  
ռուներէն կը ցանկանայ ստակ վաստակելու ու իր կեցած  
տեղը բերելու. իսկ խորամանկը կ'աշխատէ սրբան կարե-  
լի է մօտիկէն ստանալու իր շահը, այսինքն քովի մարդոց  
գրպանէն: Խելօքը ինքը կը գործէ և ուրիշին ալ կը քարոզէ որ  
մարդս ծնած է աշխարհի համար. իսկ խորամանկը համոզ-  
ուած է, որ աշխարհը ստեղծուած է մենակ իր համար:  
Խելօքը կ'ուզէ իրեն չորս կողմը բարեկամներ տեսնել.  
Իսկ խորամանկը՝ ստորակներ: Խելօքին երեսը միշտ տը-  
խուր է, բայց հոգին՝ զուարթ. խորամանկի երեսէն ժպի-  
տը երբէք չի հեռանալ, բայց նրա սիրտը տարին տաս-  
ներկու ամիս թոյն ու լեղիէ մէջ թաթխուած է:

Եւրոպայի մէջ կը թագաւորէ խելքը, Ասիայի, Աֆ-  
րիկայի ու Աւստրալիայի մէջ՝ խորամանկութիւնը: Խորա-  
մանկը թէև շատ և շատ-շատ կը զարնէ, բայց միշտ ինքը կը  
յողթուի. խելօքը առանց զարնելու կը յողթէ:

Խելքը բարութիւն է, խորամանկութիւնը գորու-  
թիւն: Խորամանկութենէն յառաջացած առաջին պտուղ-  
ները թէև շատ են, բայց նրա վերջը միշտ կորստական է.  
Խելքի արգասիքը ի սկզբան թէև չեն երեւիլ, կամ շատ սա-  
կաւ կ'երևին, բայց գնալով կը շատանան: Խորամանկ թա-  
լէյրանի և Նապոլէօնի ոչ մի պտուղները չմնացին. բայց

*Handwritten notes:*  
|| ին  
|| ոտ ծեղ

Վաշինգտոնի սխրագործութիւններէն առաւել կը շահուին Հիւսիսային Ամերիկայի Միացեալ-Նահանգները:

Խելքը և խորամանկութիւնը ուղեղի տարբեր ոյժեր են. մինը դէպի բարին ուղղուած՝ միւսը դէպի չարը. բոլորովին նման այն մարդուն, որ երկու որդի ունի, մինը բարի, շինող, օգտաբեր. իսկ միւսը չար, քանդող, վնասաբեր: Աշխարհքը և պարագան խելքինն են և ոչ խորամանկութեանը: Խելքը Աստուծոյ հրեշտակն է, խորամանկութիւնը սատանայի օձը: Օձի օրհասը կրունկի տակն է: Խելքի և խորամանկութեան մէջ չափազանց մեծ տարբերութիւն չըտեսները նշան է պակասամտութեան:

Ռ. Պատկանեան

17. Ք Ա Հ Ա Ն Ա Յ

Այն ո՞վ է կանգնած ամբիոնի վրայ,  
Դողդոջուն ձեռքերն երկինք ամբարձած,  
Գրթառատ աչերն լի արտասուքով,  
Բազմութեան ուշքը դէպի նա դարձած.  
Որին ամենը հայր են անուանում,  
Ծանօթ, անծանօթ՝ հաւասար յարդում,  
Որի լուկ խօսքը օրէնք է նոցա,  
Արախ դադանիքը նորան են յայտնում:  
Քահանայ է նա՝ քաւոզ մեղքերու.  
Միջնորդ Աստուծոյ մարդկան ազգի հետ,  
Հովիւ է անխոնջ Գրիստոսի հօտին,  
Երկնաբեր գանձին նա է արթուն դէտ:  
Երբ մենք թաթախուած Ադամայ մեղօք  
Եկանք այս աշխարհ լցեալ ցաւերով,  
Ո՞վ մեզ սփոփեց իր սուրբ խօսքերով,  
Ո՞վ սրբեց, մաքրեց մեր հին մեղքերը,  
Կամ՝ երբ ժանտախտած, ընկած մահձուռ՝  
Մտատանջ, անյոյս մահ էինք խնդրում  
Պանդխտի նրման ամենից թողած՝  
Ո՞վ մեզ առաջին հասաւ օգնութիւն.  
Կամ՝ երբ մոլորուած դառներու նման  
Կոյր վաղում էինք դէպի խորխորատ՝  
Ո՞վ արդեօք այն օր փրկեց մեզ մահից,

Դիւական գըրէն հանեց անարատ.  
Կամ՝ երբ մեղսալի աչքերըս բընաւ  
Չենք համարձակում երկինք ամբառնալ՝  
Որին կանչում ենք միջնորդ հաշտութեան,  
Ո՞ւմով յոյս ունինք թողութիւն ստանալ,  
Եւ կամ՝ ըզրադած ունայն գործերով,  
Մոռցել ենք Աստուած, կրօն, սուրբ հաւատ:  
Ո՞վ է մեր տեղը մեր մեղաց համար  
Արտասուք թափում աչքէն յորդառատ:  
Քահանան է այն, և միշտ քահանան,  
Մեր միջնորդ, հովիւ քաջ և աղօթիչ,  
Որբոց հայր, եղբայր աղբատ մուրացկին,  
Արտասուաց սրբող, յանցանաց քաւիչ:  
Եկ պատուենք, եղբարք, այդ սուրբ քահանան,  
Սիրենք միշտ նորան մանկական սիրով,  
Որ ամբողջ գիշեր իր որդոց վերայ  
Պատրաստ է հսկել անքուն աչքերով:  
Նա բոլոր կեանքը զոհեց մեզ համար,  
Չուղեց փառք, պատիւ, զքօսանք աշխարհի,  
Քանց սուրբ քահանան լ ո՞վ է կարող  
Արդեօք մեզ համար լինել հայր բարի:

ԳԱՄԱՌ-ԳԱԹԻՊԱ. — Ռ. Պատկանեան

18. Ա Ր Ա Ք Ս Ի Ա Ր Տ Ա Ս Ո Ի Ք Ը

Մայր Արաքսի ասերով  
Քայլամուր քնում եմ,  
Հին-հին դարուց յիշատակ  
Ալեաց մէջը պըտրում եմ:  
Բայց նոքա միշտ յեղյեղուկ,  
Պզտոր ջրով եզերքին,  
Դարիւ-դարիւ խփելով,  
Փախչում էին լալագին:  
— Արաքս, ինչո՞ւ ձկանց հետ  
Պար չես բռնում մանկական,  
Դու դեռ ծովը չըհասած՝  
Սըզաւոր ես ինձ նման:

Ինչո՞ւ արցունք ցայտում են  
Քու սէգ, հպարտ աչերից,  
Ինչո՞ւ արագ փախչում ես  
Այդ հաբազատ ասերից:

Մի պըզտորիլ յատակդ,  
Հանդարտ հոռէ խայտալով, —  
Մանկութիւնը քու կարճ է,  
Շուտ կը հասնիս դէպի ծով:

Վարդի թփեր թող բըսնին  
Քու հիւրընկալ ասիի մօտ,  
Սոխակները նոցա մէջ  
Երգեն մինչև առաւօտ:

Մշտադալար ուռիներ  
 Սառ ծոցի մէջ քու ջրին,  
 Ճըկուն սատրն ու տերև  
 Թո՛ղ թաց անեն տապ օրին:

Ափերիդ մօտ երգելու  
 Հովիւք թո՛ղ գան համարձակ,  
 Գառն ու ուլը քու վըճիտ  
 Ձուրը մտնեն միշտ արձակ:—

Մէջքը ուռցուց Արաքսը,  
 Փրփուր հանեց իր տակից,  
 Ամպի նման գոռալով,  
 Էսպէս խօսեց յատակից.

«Խիզմի, անմիտ պատանի,  
 Նիրհըս ինչո՞ւ գարևոր  
 Վըրդովում ես, նորոգում  
 Իմ ցաւերը բիւրաւոր:

Միրելի մահից յետ  
 Ե՞րբ ես տեսել, որ այրին  
 Ոտքից գլուխ պըճընւի  
 Իր զարգերով թանկագին:

Որք համար զարդարուիմ,  
 Որք աչքը հրապուրեմ,—  
 Շատերն ինձ են ասելի,  
 Շատերին ես օտար եմ...

Կար ժամանակ, որ ես էլ  
 Շքեղազարգ հարսի պէս  
 Հազար ու բիւր պըչրանքով  
 Փախչում էի ափերէս:

Յատակըս պարզ ու վճիտ,  
 Կոհակներըս ոլորուն,  
 Լուսարերը մինչև այդ  
 Ձըբիս միջին էր լողում:

Ի՞նչըս մնաց այն օրից,  
 Ո՞ր ջրածու գեղերս,  
 Ո՞րը իմ շէն քաղաքից,  
 Ո՞ր բերկրալի տեղերըս:

Կամ կենսատու իմ ջրով  
 Ափերիս մօտ կըկըզած՝  
 Իր նամազը կատարէ  
 Թուրքը կամ պարսիկը հոտած:

Մինչ իմ որդիք,— ո՞վ գիտէ—  
 Ծարաւ, նօթի, անտէրունչ  
 Օտար աշխարհ յածում են  
 Թոյլ ոտքերով կիսաշունչ...

Հեռու, հեռու, քշեցին  
 Բընիկ ազգըն իմ Հայկեան,  
 Նորա տեղը ինձ տուին  
 Ազգ անկրօն, մոլեկան:

Դոցա համար զարդարեմ  
 Իմ հիւրընկալ ափերը.  
 Եւ կամ դոցա հրապուրեմ՝  
 Ճըպոտտ, պըլշած աչքերը:

Քանի որ իմ գաւաղունք  
 Այսպէս կու մնան պանդուխտ,  
 Ինձ միշտ սըզուր կը տեսնէք.—  
 Այս է անխար իմ սուրբ ուխտ:»

էլ չըխօսեց Արաքսը,  
 Յորձանք տուեց անագին,  
 Օղակ-օղակ օձի պէս  
 Առաջ սողաց մոլեգին:

Ը. Պատկանեան

21 յուլ

19. ԻՆՁ ՀԱՄԱՐ ՁԷ

Ինձ համար չէ գարնան գալը,  
 Ինձ համար չէ ծառի ծաղկիլը.  
 Ուրախութեան սրտի զրդիւր,  
 Ո՛չ մի բերկրանք չեն ինձ համար:

Ինձ համար չէ կենաց բաղդը,  
 Ինձ համար չէ երջանկութիւնը,  
 Եւ մրայօն <sup>1)</sup> կուլի աչքերը,  
 Նոցա արցունք չեն ինձ համար:

Ինձ համար չէ փայլուն լուսնի  
 Անտառ ու սար լուսաւորելը,  
 Գարնան վարդի երգչի տաղերը,  
 Սոխակ ու վարդ չեն ինձ համար:

Ինձ համար չէ ծնողաց լացը.  
 Ինձ համար չէ աղջկայ տխրիլը,  
 Գերեզմանիս վրայ արտասուելը  
 Բարեկամաց՝ չէ ինձ համար:

Բայց ինձ համար կուգայ ժամը,  
 Կ'երթամ թշնամու պատերազմը,  
 Եւ փահառիթ սպանիչ զնդակը  
 Անդ պատրաստած է ինձ համար:

Թարգմ. Ք. Պատկանեան

20. ԵՐԳ ՊԱՆԻՈՒԽՏ ՊԱՏԱՆԵԿԻ

Ծիծեռնակ, ծիծեռնակ,  
 Դու գարնան սիրուն թռչնակ,  
 Իէպի ուր, ինձ ասա,  
 Թըռչում ես այդպէս արագ:

1) Սև ունք:

Ա. իս, թըռիր, ծիծեռնակ,  
Ծընած տեղըս Աշտարակ,  
Անդ շինիր քո բունը  
Հայրենի կրտուրի տակ:

Անդ հեռու արևոր,  
Հայր ունիմ սրգաւոր,  
Որ միակ իւր որդուն  
Սպասում է օրէ օր:

Երբ տեսնես դու նորան  
Ինձնից շատ բարե աբան,  
Ասան, թող նըստի լայ  
Իւր անբաղդ որդու վրայ:

Դու պատմէ, թէ ինչպէս  
Աստ անտէր ու խեղճ եմ ես,  
Միշտ լալով, սղբալով  
Կեանքս մաշուել, եղել է կէս:

Ինձ համար ցերեկը  
Մութ է շրջում արեգը,  
Գիշերը թաց աչքիս,  
Քունը մօտ չի գալիս:

Ասան որ չի բացուած  
Թառամեցայ միացած  
Ես ծաղիկ գեղեցիկ՝  
Հայրենի հողից զրկուած:

Դէհ, սիրուն ծիծեռնակ,  
Հեռացիր, թռիր արագ  
Դէպի հայոց երկիրը  
Ծնած տեղս—Աշտարակ:

(Դորպատ. 1854). Դողոխեան

## 21. Մ Ի Ք Ա Յ Է Լ Ն Ա Լ Բ Ա Ն Դ Ե Ա Ն

Միքայէլ Նալբանդեանը ծնուեց Նոր-Նախշևան 1829 թ. նոյեմբերի 2-ին: Հայերը՝ ուստա Ղազարը, բաղարի մէջ կարի առուտուր ունէր: Ծնողները աուին նրան Տէր-Գարրիէլ Պատկանեանին, որ ուսում տայ Միքայէլին:

Քահանան տեսնելով իր աշակերտի աշխոյժ բնաւորութիւնը, ուշիմութիւնը և բանաստեղծական ընդունակութիւնները՝ առանձին ուշք դարձրեց նրա վրայ և ամենայն ջերմեռանդութեամբ ու սիրով պարապեց հետը: Մինչև 1840 թիւը մնաց նա իր վարժապետի մօտ և սովորեց հայկաբանութիւն, կրօնագիտութիւն, պատմութիւն Հայոց և մասամբ ռուսերէն ընթերցանութիւն: Շատ սիրում էր երգեցողութիւն, լաւ ձայն և նուրբ լսողութիւն ունէր: Մատթէոս արքեպիսկոպոս Վեհապետեանը որ առաջնորդ էր Նախիջևանի և Բեսարաբիայի, 1847 թուին եկաւ Նոր-Նախիջևան և տեսնելով Նալբանդեանի ընդունակութիւնը և գրագիտութիւնը՝ առաւ նրան իր մօտ և կարգեց քարտուղար: Քարտուղարութեան պաշտօնը նա պարգերեսութեամբ կատարեց վեց տարի շարունակ, և արդիւնաւոր ու ջերմեռանդ ծառայութեամբ համակրութիւնը զբաւեց և հասարակութեան, և՛ առաջնորդի: 1853 թուին Նալբանդեանը գալիս է Մոսկուա և այնտեղից՝ Ս.-Պետերբուրգ, ուր համալսարանում քննութիւն տալով ստանում է ուսուցչութեան վկայագիր և Ղազարեան ճեմարանի մէջ կարգւում է ուսուցիչ Հայոց լեզուի: Սակայն այստեղ ևս հանգստութիւն չի գտնում Նալբանդեանը...

Զգալով իր թերի կրթութիւնը և միակողմանի գրագի-

առութիւնը, նա սկսում է կանոնաւորապէս ուսանել եւրոպական լեզուներ և այն գիտութիւնները, որոնք անհրաժեշտ են համալսարան մտնելու համար, այնպէս որ կարողանում է Մոսկուայի համալսարանի բժշկական բաժնում պրոֆեսսորի դասախօսութիւնները լսել և հասկանալ: Բայց չաւարտած և քննութիւն չտուած՝ թողնում է համալսարանը և պարապում է դրականութեամբ: 1858 թուականին գիտնական և անուանի ուսուցչապետ Նազարեանը հրատարակում է «Հիւսիսափայլ» օրագիրը և Նալբանդեանը լինում է նրա քանքարաւոր գործակիցներից մինը: Նրա յօդուածները «Հիւսիսափայլի» զլխաւոր զարգն էին և ամեն օրագրի կարող էին պատիւ բերել... Այսպէս երկուերեք տարի շարունակ փառաւորապէս կրեց նա «Հիւսիսափայլ»-ի դրօշը, իր ճարտար գրչի տակ արդի աշխարհաբար լեզուն մշակելով:

1858 թուականի վերջերը Նալբանդեանը մասամբ տրկարութեան պատճառով և մասամբ բան տեսնելու դիտաւորութեամբ գնաց արտասահման, շրջելով Պօլիս, Վիեննա, Փարիզ և այլ քաղաքներ: Այս քաղաքներում ծանօթացաւ և բարեկամացաւ հայերի հետ և իր՝ «Հիւսիսափայլին» ուղղած նամակների մէջ նկարագրեց նրանց վիճակն ու գործերը: 1859 թուականի վերջերին վերադարձաւ Պետերբուրգ և սկսեց կանգիդատի վկայագիր ստանալու համար քննութեան պատրաստուիլ, և իրօք 1860 թ. Պետերբուրգի համալսարանում քննութիւն տալով՝ ստացաւ արեւելեան լեզուագիտութեան կանգիդատի աստիճան:

Հնգկաստանի մեծատուն հայերը 90—100 տարի սրանից առաջ զանազան հրիտակներով մեծազումար փողեր էին կտակել զանազան քաղաքների, սրանց կարգում և Նախիջևանի անունով. բայց մինչև 1860 թիւը այս ծանրակշիռ գործը մեր ազգի զանցառութեամբ բարձի թողի էր արուած, այսքան տարուայ միջոցում ոչ ոք յանձնառու չէր եղել այդպիսի հեռաւոր ճանբորգութիւն անելու և գործն աւարտելու: Նախիջևանցիը Նալբանդեանին ընտրեցին այդ գործին երեսփոխան և նա անցնելով Պօլիս, Պարիզ,

Լոնդոն, և այնտեղից Պարիզի ու Մուէսի ճանապարհով հասնում է վերջապէս Կալիաթա, ուր մեծամեծ դժուարութեանց և արգելքների յաղթելով՝ հանում է կտակած փողերի մնացորդը...

Բայց այդպիսի անխոնջ պարապմունքը և այլ հանգամանքները շատ վնասակար ներգործութիւն ունեցան նրա արդէն խանդարուած առողջութեան վրայ. էլ առաջուայ աշխոյժն ու կենդանութիւնը վրան չէր մնացել. բոլոր բարեկամների ու ծանօթների սիրտը մորմոքւում էր՝ նայելով առաջուայ կրակոտ հայի ուրուականի վրայ:

1865 թուականին, երբ նա արդէն իր մասնաւոր գործերը վերջացրած՝ պատրաստութիւն էր տեսնում Սարատովի նահանգի Կամիշին քաղաքը գնալու, իբրև աքսորական, Պետերբուրգի երևելի բժիշկները խորհուրդ տուին մնալ մի բանի ամիս այնտեղ՝ կազուրուելու: Սակայն բժիշկների բոլոր ջանքն ու փոյթը ի դուր եղան, վասն զի նրա ցաւը անդարմանելի էր. թոքախտը այն սաստիճան զարգացել էր, որ էլ ամենևին հնար չկար օգնութիւն հասցնելու նրան: Այսպէս յոյսը Աստուծոյ վրայ գնելով՝ վեց ամիս հիւանդութեամբ անցնելով, վերջապէս սրտապնդուած ուղևորուեց դէպի Կամիշին: Մեծ նեղութիւններ կրելով, ղեկտեմբերի 7-ին մտաւ այնտեղ աւելի մեռած, քան թէ կենդանի:

Այսպէս Հորս ամիս դառն և անմխիթար օրեր տեսնելով, վախճանուեց մարտ ամսի 13-ին (1866 թ.):

Նրա մարմինը, իր ցանկութեան համեմատ, բերուեց Նախիջևան և մեծ հանդիսով թաղուեց Ս. Խաչ վանքի դաւթում:

22. ՀԱՅԱՍՏԱՆՅԻ ՊԱՆԴՈՒՆՏԸ

Հայ ազգը օր ըստ օրէ թողնում է իր երկիրները և կենդրոնանում է քաղաքներում: Աշխատութիւնը տոկաւում է նրան թողնել իր տունը, իր ընտանիքը, իր ամուսինը, իր դաւակները և զնալ Պօլիս կամ այլ քաղաք՝ աղքատու-

Բժիշկները

թիւնից ազատուելու համար: Բայց այդ տեղերում ևս նրան հանդէպ է դուրս գալիս էապէս նոյն աղքատութիւնը, գուցէ մէ փոքր քաղաքային ամօք կերպարանքով:

Բացի սրանից՝ ընտանեկան կեանքից զրկուելը, դժոխային աշխատութիւնը՝ որով պիտի շահի նա մի քանի յաւելեալ դուրուշներ, անտուն, վարատական և անմաքուր կեանքը, որ պիտի անցուցանէ նա զանազան իջևաններում, երեկոյեան պիտի գայ վաստակեալ, ուժաթափ, շատ անգամ և վնասուած անդամներով, իսկ լուսաբացին նոյն եղիպտական ծառայութիւնը, որ սպասուած է նրան: Չկայ այն ընտանեկան միութարութիւնը, ամուսնու և զաւակների մտերմական և անմեղ հայեացքը, որ առանց ձայնի, առանց խօսելու՝ կարող են ամօքել ճակատագրի դառնութիւնը: Եւ այսպէս, իբրև գրաստ, իբրև մեքենայ ծառայելով արտասուելի օտարութեան մէջ, տասն-քսան տարի, կամ մեռնում է այնտեղ, թողնելով իր ընտանիքը ծայրացեալ թշուառութեան մէջ, կամ վերադառնում է դէպի իր երկիրը: Վերադառնում է... բայց ոչ այնպէս առոյգ և զուարթ՝ ինչպէս դուրս էր եկել այն տեղից, այլ հասակն առած, ուժաթափ և թօշնած: Վերադառնում է իր տունը, երբ կորուսել է աշխատելու ընդունակութիւնը և յարմարութիւնը: Ուրեմն՝ վերադառնում է նա միմիայն իր ներկայութեամբ իր աղքատ և կարօտ ընտանեաց թիւը աւելացնելու համար:

Եւ ահա նրա տանն և ութը կտմ քսան տարեկան որդին, որ աճել և զօրացել է իբրև մի ծաղիկ իր սեփական հողի վրայ՝ առնում է ձեռքը իր հօր պանդխտական գաւազանը և գնում է...

—Ո՞ւր բարով:

—Պօլիս, Տրտալիզոն, և այլն և այլն:

—Ինչի՞ համար:

«Աշխատելու և ընտանիքին օգնելու»:

—Աշխատելու և ընտանիքին օգնելու,—կրկնում է խօսակիցը անհնարին տխրութեամբ:

Անցնում է սրա վրայով մի քանի տարի, յանկարծ,

այս նորեկը լուր է ստանում, որ իր ծերունի հայրը վախճանուել է, մայրը հիւանդ է: Մի փոքր ժամանակից՝ և մայրը մեռնում է:

Պանդխտակիցքը գալիս են նրան մխիթարելու: Մի երկու բաժակ վինի... մի քահանայ, մի «հոգևոց», և պանդխտի սիրտը պաղում է այն աշխարհից, ուր ծնուել էր... Ի՞նչ բանի համար վերադառնայ: Նա գտնելու չէ իր տունը, իր ծնոգները, նրա աչքին պիտի հանդիպեն երկու գերեզման և մի ամայի բնակարան, եթէ և այն չէ անցել օտարի ձեռքը: Նա որոշում է մնալ պանդխտութեան մէջ, և այս որոշումով յօժարում է մինչև տակը խմել թշուառութեան բաժակը. այն, մնում է նա, բայց տունը մարեց:

Արդեօք սրբան գերդաստաններ ընկնում են այսպէս:

Մ. Նալբանդեան

23. Ա. Ղ. Ք. Ա. Տ. Կ. Ի. Ն.

Յուրաք փրչեց, ձմեռ սաստիկ, *յոյն արտիստի ստիկ*  
Զինը ծածկեց գետինը.  
Ամենայն մարդ մըտաւ իր տուն,  
Պատըսպարուիլ ցըրտիցը.  
Ժամի դռանը դողդողալով,  
Կանգնած է մի աղքատ կին,  
Նըրա հանգերձ պատառ-պատառ,  
Չունի շապիկ իր հագին:  
Անհամարձակ նա իր ձեռքը  
Պարզում է անցկացողին—  
«Ողորմութիւն արէք, պարօն,  
Անտուն, անտէր աղքատին»:

Չեղ, սիրելիք, ասեմ սիվ էր  
Այս խղճալի աղքատը,  
Այն ցրտումը ստարորիկ  
Կանգնած ժամի դռանը:  
Շատ ժամանակ դեռ չէ անցել,  
Երբ նա փառքով ու պատուով  
Ման էր գալիս փողոցներում  
Իր սեփական կառքերով:

Այժմ վախով նա իր ձեռքը  
Պարզում է անցկացողին—  
«Ողորմութիւն արէք, պարոն,  
Անտուն, անտէր աղքատին»:

Ամենայն օր նրա դռանը  
Կանգնած էին շատ կառքեր,  
Միշտ հացկերոյթ, ընթրիք, զինի,  
Նուագարան ու տաղեր.  
Ամենայն ոք ցանկանում էր  
Լինել նրան բարեկամ:  
Այժմ զբրկուած ամեն բանից՝  
Չունի անգամ հացի զին:  
«Ողորմութիւն արէք, պարոն,  
Անտուն, անտէր աղքատին»:

Ամենայն օր իր մարմինը  
Անուշահոտ ջրերով  
Լուանում էր, մաղը սանրում  
Կըրիայի նուրբ սանրով.  
Նա հազնում էր բեհեզ, կերպաս,  
Դիպակ, թաւիշ թանկագին.  
Նա չըզիտէր ինչ ասել է  
Կարօտութիւնն արծաթին:  
Այժմ անլուայ, մաղերն արձակ,  
Չունի հազուտա, թէև հին:  
«Ողորմութիւն արէք, պարոն,  
Անտուն, անտէր աղքատին»:

Ժամի դռանը կանգնած է,  
Աչքերը կոր, վիզը ձուկ.  
Նրա նախկին բարեկամքը  
Չեն ասում նրան. «Խըղճճէկ,  
Ե՛կ դու մեզ մօտ, մենք կ'ամօքենք  
Քո վիճակի դառնութիւն,  
Կը թուլացնենք ճակատազրիզ  
Խիստ հարուածի սաստկութիւն»:  
Նա տանում է տառապելով  
Այս սոսկալի վըշտերին:  
«Ողորմութիւն արէք, պարոն,  
Անտուն, անտէր աղքատին»:

Մ. Նալբանդեան

24. Ե Ր Գ Ա Չ Ա Տ Ո Ի Թ Ե Ա Ն

Աղաան Աստուած այն օրից  
Երբ հաճեցաւ շունչ փչել.  
Իմ հողանիւթ շինուածքին  
Կենդանութիւն պարգևել:

Ես անբարբառ մի մանուկ  
Երկու ձեռս պարզեցի  
Եւ իմ անոթը թեկերով  
Աղատութիւնը գրկեցի:

Մինչ գիշերը անհանգիստ  
Օրօրօցում կապկապած՝  
Լալիս էի անդադար  
Մօրս բունը խանգարած:

Խնդրում էի նորանից  
Բազուկներս արձակել.  
Ես այն օրից ուխտեցի.  
Աղատութիւնը սիրել:

Թոթով լեզուիս մինչ կապերը  
Արձակուեցան, բացուեցան,  
Մինչ ծնողքս իմ ձայնից  
Խընդացին ու բերկրեցան:

Նախկին խօսքն որ ասացի,  
Չէր հայր, կամ մայր, կամ այլինչ.  
«Աղատութիւն», դուրս թըռաւ  
Իմ մանկական բերանից:

«Աղատութիւն», ինձ կրկնեց,  
Ճակատագիրը վերեցի,  
«Աղատութեան դու զինուոր  
Կամիս գրուիլ այս օրից»:

Ո՛հ, փըշոտ է ճանապարհդ,  
Քեզ շատ փորձանք կ'սպասէ.  
Աղատութիւն սիրողին  
Այս աշխարհը խիստ նեղ է»:

—Աղատութիւն,— գոչեցի,  
Թո՛ղ որոտա իմ գլխին  
Փայլակ, կայծակ, հուր, երկաթ,  
Թող դաւ գընէ թշնամին:

Ես մինչ ի մահ-կախադան,  
Մինչև անարգ մահու սիւն,  
Պիտի դոտամ, պիտ կրկնեմ,  
Անդադար, աղատութիւն:

Մ. Նալբանդեան

18 յու



## 25. Պ Ե Ր Ծ Պ Ռ Օ Շ Ե Ա Ն

Ծնուել է Աշտարակում 1837-ին. ուսել է Ներսիսեան դպրոցում, ապա եղել է ուսուցիչ գրեթէ մեր բոլոր գաւառական քաղաքներում, ուր թէ՛ դպրոց է հիմնել, թէ՛ թատրոն, և եռանդուն մատնակցութիւն է ունեցել 40 տարիների ընթացքում մեր բոլոր հասարակական գործերում, աշխատակցելով միևնոյն ժամանակ թերթերին: Եղել է նաև թեմական տեսուչ, պարապել է լուսանկարչութեամբ և մինչև օրս էլ կուսել է ու կուսում է կարիքի և նեղութեան դէմ, ծանրաբեռնուած մեծ ընտանիքով:—Պերճ Պոռչեանը մեր ամենաբեղուն գրողներից է. նրա վէպերի նիւթն են հայ գիւղը, մանաւանդ հայրենի Աշտարակը իր նիստ ու կացով, սովորութիւններով, լեզուով, աւանդութիւններով, շարով ու բարիով: Դրա համար էլ այդ վէպերը պարունակում են հարուստ նիւթ ազգագրութեան և լեզուական հարստութեան:—Նրա գլխաւոր երկերն են. «Սօս և Վարդիթեր», «Կոռածաղիկ», «Հացի խնդիր», «Շահէն», «Յեցեր», և այլն. —Նա Աբովեանին հետևելով, շատ անգամ գրում է այնպէս, ինչպէս խօսում է ժողովուրդը Աշտարակում՝ անխտիր գործածելով թուրք և թաթար բառեր: Չնայելով գրան, Աբովեանից յետոյ, Արարատեան բարբառի նրբութիւններն ու կատարելութիւնները ոչ ոք այնպիսի ճիշտ և այնպէս վարպետօրէն չի ներկայացնում, ինչպէս Պոռչեանը:—Նրա ներկայացրած տիպերը գիւղական կեանքից, կարծես լուսանկարած լինին, այնքան նրանք ճիշտ են և իրական:—Նրա վէպերից մի քանիսը թարգմանուած են ուսերէն և գերմաներէն:

Չիւն ձմեռ: Երկու կարճ խօսք սաս՝ ու երեք չորս երկար ու ձիգ ամիսներ մտիր տունդ, դուռը պինդ փակիր, տաք քուրսու տակին, կամ տաւարի շնչով տաք բաղնիս դարձած գոմի օդայումը մի կողքի վրայ ձգուիր, արջի նման երեք քառասունը չլայ մտիր:

—Չիւն ձմեռ. ասում է աշխատանք սիրող երկրագործը և մտքամուր տարակուսում: Ի՞նչ պիտի անենք երեք չորս երկար ամիսներ տխուր տրտում, մաածում է նա, ջանս ցեց է մտել, գործելու սովոր եմ, աշխատել եմ ուղում, գործ չկայ: Չիւնն եկել, հողի երեսը պինդ ծածկել է. պարզիկան ու սառնամանիքը կանաչ ու գուարթ ծառերին մերկացրել, շինել են չոր ցախ, ցուրտն ու բուրբը իմ աշխատաւոր չորստանի ընկեր եղանք, իմ գոմշին, իմ ոչխարին, իմ կթան ու լծկանին կապերի մէջ է կոխել ու չի թողում, որ երկնքի երես տեսնեն, կէս գաղի հաստութիւնով սառուցը մեր գոչգոչան դետերին, մեր կշկրչան առուններին պապանձացրել է. գործ չի մնացել՝ գործենք, անելիք չկայ՝ անենք, ծոյլերի վրայ ծիծաղում ենք, էն օրի ենք հասել, որ ուղենք, չուղենք՝ պիտի մենք էլ ծուլանանք:

—Է՛յ խելքի պտուկ, էդ ի՞նչ ես ասում, յուսահատութեան դուռը հասած ժրաջան ընկերի երեսը քորում, յանդիմանում է նրանից աւելի աշխարհ տեսած, մարդամիջի գտնուած, ծեր պապերի խրատները ականջին դինդ արած մի ուրիշ աշխատաւոր. ախար դու չգիտես, որ աշխարհքիս դիրքն ու կանոնը բաւորը Ստեղծողի կողմից չափած ձևած է. մեռնիմ Ստեղծողի սղորմութիւնին, ի՞նչ կը լինէր շունչ-կենդանու հալը, եթէ ձմեռը չլինէր: Տարին 12 ամիս եղը կը դիմանար, եթէ ինն ամիս լծի ու բեռան տակ չարչարուելուց յետոյ՝ մի երեք ամիս չհանդրտանար. ջրադացի քարը, որ պինդ քար է, էն էլ իրար շատ քսուելուց մաշուած է, միս ու արիւնից շինուած մարդ,

թէ անասուն, եթէ ձմեռը չհանգստանային, երկու տարուամբ կը մաշուէին, սյժ ու զօրութիւնից կընկնէին ու էլ պէտք չէին գալ: Ծառ ու թփի, խոտ ու ծաղկի արմատները հողի տակին են. աշնանացան ցորենդ աշնան վերջին մի քիչ կանանչել, փչչել, բարձրացել էր. ցելդ գութանած, թողուած է, թէ որ ձիւնը չգար, վերմակի պէս Աստծու ստեղծած էդ բոլոր կանանչեղէն ու արմատեղէնը չծածկէր, ցուրտը սուր ասեղի պէս գեանի սրտուսը կը թաղուէր, ողջը ցբտատար կանէր. էս օրուայ հաստ ձիւնը թէ որ զարունքը չհալուէր, ջուր չկտրուէր, քո ծառ ու տունկի արմատները չկակղացնէր—քո ինն ամսուան աշխատանքդ փուչ կը լինէր:

Դէհ, շտանկենք, կրկնում են միմեանց պարզասիրտ և աշխատասէր գեղջուկները, քանի տաքութիւնը հողի մէջ չի մտել, քանի ամբարներս չեն դատարկուել, քանի կարաններիս մէջ կատար տաքացնող Քրիստոսի արիւնը՝ վրան նայելու՝ երեսներիս ծիծաղում է, քանի ասլանի կաթը (արագ) տկերի մէջ լիւլիկում է, քանի իրար հետ նստել վեր կենալու, սուփրէն բաց անելու, սուփրէն շէն անելու ժամանակ ունինք, Աստծու տուած ազատ օրերից օգուտ քաղենք, Աստծու անունով եկած չքաւորին ու անանկին կշտացնենք, հոգևոր և մարմնաւոր աշխատաւորներին շահենք ու սրտերս ուրախ, խղճմտանքներս հանգիստ՝ ուտենք, խմենք, պարենք, երգենք, ամեն խէթ ու նախանձ մեր ներսից դուրս շարտենք, որ կարողանանք մեծ պասի երկուշարթի օրը պարզ սրտով, պարզ երեսով ժամ գնալ, «Լուացարուք սրբեցարուքը» լսել ու էդ օրուանից սկսել մեր հոգու ճանապարհը մաքրել: Եւ երբ որ աշխատանքի օրերը կըրացուին, մեր կապած տաւաքը դաշտը հանենք, դութանը սարքի բցենք, բոհ, հօտոց, կացին, ցաքատ, մանգաղ ու ամեն տեսակ դաշախ ու այգիների գործիքներ սրբենք, սրենք, պատրաստենք, որ ինչ ժամանակ օրը կը դայ բարին հետը՝ երեսներիս խաչ հանենք, մեր հալալ աշխատանքին կենանք:

Եւ ամակտար հողագործն այլևս տխուր չէ. նա ձմեռ-

նամտին իր ձմեռան կատարելիք ծրագիր կազմեց և մինչև գարնամուտը անթերի կատարեց:

Հմի, ընթերցող, բեզ եմ հարցնում, մեր նկարագրած եղանակից ի՞նչ դուրս եկաւ:

Քո կարծիքը չգիտեմ, բայց ես եկայ այն հաստատ համոզմանը, որ աշխարհս իր ամբողջութեամբ կեանք է և տարին իր չորս եղանակով կեանքի գործօնն է:

Պերժ Պոշեան

## 27. Գ Ա Ր Ո Ի Ն

Գարուն է: Օ՛հ, ինչքան սրտեր յանկարծ բաբախեցին այս կախարդիչ անունը լսելիս: Ի՞նչ ուրախութիւն, որ կողմը կուգես՝ աչքդ դարձրու՝ սար ու ձորեր, դաշտ ու անտառներ, շնչաւոր ու անշունչ—բոլորը այսօր այն չեն, ինչ որ երէկ մէկէլ օրը: Ո՛ւմ հոգսն է, թէ դեռ մարտի սկզբին ենք, սիլ է բանի տեղ գնում, թէ երկնքի սիրելի, երկնքի հետ քաղցր համբոյրներ տուող, երկնքի հետ օր ու գիշեր ասուլիսի բռնուած ոստերը՝ սպիտակ պատանու կոլորուած դեռ խորմիւում են ու վախտ-վախտ իրանցից բաց թողած կատաղի քամիներով՝ քիչ է մնում, աշխարհքը տակով անեն: Ո՛վ է գիժ մարտի փոփոխական բնութիւնից մազաչափ երկիւղ անում: Թէկուզ դաշտերի երեսին թզաչափ ձիւնը նստած է՝ Աստծու ստեղծած բոլոր արարածների համար՝ ոնց որ զամբարակի ուղտի ալանջին մոծակի բզրոցը:

Համեցէք, դուրս արի դաշտը, երեկուան երկաթից պինդ ձիւնը մատով շարժիր, մէկ էլ կը տեսնես մատդ մէջը թաղուեց. խեղճն ալիւրի թեփի պէս վիւրցել է ու թէ որ կտնգնածդ տեղը քիչ արևկող է, կասկած մի տանիր, ձիւնը յետ տուր:—Ըհը, էս ի՞նչ է, տօ, ձիւնի տակից կանանչ խոտի ծլեր են գլուխները խլուշ-խլուշ դուրս ցցել: Փառքիդ մեռնիմ, Աստուած, խոտի տերեւների մէջտեղից ի՞նչ սիրուն դեղին ծաղիկ է կոկոնը պատռել ու բացուել:

—Չեմ հաւատում, ի՞նչ էք ասում, ձիւն ու ծաղիկ:

—Այո, սիրելիս, պինդ բռնիր, բաց չթողնես, ձեռքով խառնածդ ձիւն է, իսկ տակինը ծաղիկ, խկականք ծաղիկ: Հապա երկու բառը իրար հետ միացրու, տես, ի՞նչ դուրս կը գայ—ձնծաղիկ—գարունքը մեզ աչքալոյս տուող ծաղիկ—ձնծաղիկ:

Էդպէս է գարունը. էս օր ցուրտ, էգուց՝ տաք, էս օր մրրիկ ու մառախուղ, էգուց արև-արքայութիւն, գիժ մարտի քամիների շնորքը մեծ է, փշեց թէ չէ, ամպ ու թուխպ որտաճաք կը լինին, գլուխ կառնեն կը կորչեն, կապուտ երկնքի միջից Աստծու աչք-պայծառ արևը կը փայլի, ձիւն ու սառուցի հոտն ու հետքը չի թողալ: Բոլորը կը հալուին, ջուր կը կարուեն, գետ ու ձորերը կը լցուին, չորս ամսուան մեռած երկիրը չորեքօրեայ թաղուած Ղազարոսի նման յարութիւն կ'աննի:

Դէհ, հիմի կացէք ու խնդացէք, Աստծու ստեղծուած արարածներ, գութանդ բան քցիր, աշխատասէր ռանչաւոր, հողը փափկել է, վարիք ու ցանիր: Հօտդ դաշտը քշիր, դաշտի սիրտհար հովիւ, կանանչը դաշտի երեսին ցնծին է տալիս, արածացրու, հօտերդ գիրացրու, մսակտայցրու: Այգուղ թաղը վեր տուր, խաղողիդ մասները հողի տակից հանիր, ժրաջան այդեպան, կեռակտուց հօտոցդ սրիր, կուղրակիդ մատերն էտիր, կտրատիր ու պապերի ասած յոյս ներշնչող առածն երգի՝ «Մարտի իննը, մատը կտրի քցի ձիւնը», եղանակով ուրախ-ուրախ երգիր:

Բանջարքաղիներդ բան քցեցէք, ողջ ձմեռը տներում փակուած, ազապ ու սիրուն աղջիկներ, հարիւր տեսակ բանջարեղէններ՝ գառան դմակից փափուկ ու թարմ ձեզ են դաշտերում սպասում, քողեցէք երգելով ու խնդալով, գոգնոցներումդ պինդ կապեցէք, ցած դրէք, կանաչ խոտի վրայ բոլորուանքի ընկէք, ձեռք ձեռքի, կուռ կուռի տուէք, մի կողմից երգեցէք, մի կողմից ետլի պարեցէք ու իրիկ-նապահին՝ կչկչալով, հռհռալով, ձեր սիրած տղէքանց անունները ավաշկարայ իրար յայտնելով՝ տուն վերադարձէք: Մի վախէք, ոչ գայլ ու գազան կը համարձակուին ա-

մայի դաշտումը ձեզ մօտ գալու, ոչ անիրաւ թիւրքերը սիրտ կանեն ձեր շուաքին մտիկ տալու: Այ, դուք սատանի ետի ոտներ, հօ լաւ գիտէք, որ պահապան հրեշտակներդ խանչալները կապած, քարերի տակից, քարափների ձեղքերից, ձորաթմբերի փոսերից ողջ օրը ձեզանից աչք չեն հեռացնում, ձեր գաղտնիքն իմանում են, ձեր երգերով մայիլ եղած՝ ձեզ վրայ հսկում են: Ի՞նչ ամաչեցիք ու կարմրեցիք, դուք որ սիրտ ունիք, դուք որ սիրում էք, հապա ազապ տղէքը մի թէ քար ու պողպատից են, չէ որ նրանց կրծքի տակ ձեր սրտերի պէս մի մին պստիկ բռնցքաչափ պինդ մսեր ձեր սիրովը տպուտում, տրոփում են: Վայ էն գայլ ու գազանին, էն թուրք աւազակին, որ ձեր շուաքիցը եօթն օրէն ձանապարհ հեռու չի փախչիլ. մեր կտրիչ երիտասարդների ձեռից՝ նրանց օրն ու արևը սև կը լինի:

Այո, այո, գարուն է և գարունը տարուան չորս եղանակներից աւելի սիրելին, աւելի կեանք տուողն է: Ծառ ու ծաղիկ, երգող ու չրերգող թռչուններ, ուլ ու գառներ դարնան կեանքի բերքն ու պտուղն են, մարտ, ապրիլ... մայիսը տարուան 12 ամսի անմեղ մանկութիւնն են: Կիսամեռ ձերունին էլ գարունը դաշտն է դուրս գալիս, լիքը կրծքով անուշ օդ ու անուշ հոտ է ներս շնչում ու երիտասարդանում, կեանք է առնում, որովհետև գարուն է:

Իսկ այս բոլորի առիթը յուսահատեցնող ձմռան սաստկութիւնն է: Գարունը յոյս է. գարունն էն բժիշկն է, որի դեղով շունչը փչող հիւանդը յոյս ունի, թէ պիտի նորից առողջանայ, նորից կեանք վայելի: Այդպէս էլ լինում է. հաւատք հրաշքներ է գործում, յոյսը երբէք անհետևանք չի մնում:

Թող ուրեմն ամեն ճնշուած ու հարստահարուած, ամեն խեղճ ու անանկ յուսով տարի և յոյս ունենայ, թէ իրան սեղմող, իրան կուշ ածող, իր կեանքի թշնամի ձմռան դէմ իրան թև ու թիկունք, իրան պաշտպան կը լինի կեանք տուող գարունը:

Պերճ Պոռշեան

## 28. Ա Մ Ա Ռ

—Ո՞վքեր են նրանք, որ մի մին սփռոց կապոց են արել, գլխներին դրել ու դաշտի երեսն ընկած՝ դնում են:

—Նրանք մեր գիւղի ջահել ու սիրուն հարսներն են, մեր տների տնարար ու աշխատաւոր տանտիկիւնները: Նրանք առաւօտը վաղ վեր են կացել, իրանց տանու գործը վերջացրել, իրանց սկեսոււրների եփած փլաւը մեծ պղնձներով սոււփրի մէջ կապել, գլխներին դրել, մի ուրիշ կապոցով էլ թղթից սպիտակ, ջուր ցնցղկած լաւաշներ, աղը դրած, Սեանայ ծովի ախորժակ բաց անող կողակ ձկան խտոցներ (կտոր), մի քանի կտոր պանիր հոցերի մէջ փաթաթել, իրանց առջևից վազող 10—12 տարեկան երեխաների շալակներն են կապել ու հարեան հարեանի հետ բազրը գրոյց անելով, աժժան շոքը չհարցնելով՝ շտապում են արտերը:

Աչքերը լնջ հնձուորներին. նրանք հեռուից տեսան իրանց համար ճաշ բերողներին, մանգաղ, գերանդի, դէն շպրտեցին ու բոլորեանքի շարուեցին արտի ավերի կանանչների վրայ:

—Կերէք, ձեզ մատաղ, հալալ ձեր մօր կաթի պէս իմ քէյվանու (տանտիկին) ձեռով եփած իւղալի փլաւը. դաւար մնայ կուներդ...

Արևը թէպէտ այրում-խանձում է ամեն ինչ, բայց արևի թէժութիւնից վախեցողները կեանքերը հովերում անցկացրած քաղաքացի վաճառականներն են ու աղա մարդիկը. առուտուրականները հիմի խանութներում թմրած՝ քնի ու աչքերն ուտող ճանձերի հետ են կռիւ տալի և սպասում, թէ որտեղից որտեղ մի կորած մուրած զիւղացի մուշտարի տուն պիտի ընկնի, որ խաբեն՝ փտած ապրանքները դուխը կապեն՝ գրպանը դատարկեն. աղա գրագիրներն էլ սարերի ու անտառների հով ու գովերումն են անգործութիւնից օրերը մթնացնում: Իսկ մեր չարքաշ մշակն արևի տաքութիւնից երկիւղ անողը չի. հակառակի պէս՝ քանի արեգակը զօռ է անում, նրանք կրակ են կը-

տրում ու իրանց ներսը բորբոքուող բոցով սկսած գործերը լափում, վերջացնում:

Հստեղ՝ կալ են կասում, Հնտեղ՝ խոտ են հնձում, կամ կրում, այգիներում հօ՛ աչքդ բարին տեսնի, սկսել են իրար ետևից հասնիլ թութը, կեռասը, բալը, ծիրանը, շոր ու դամբուլը, շաքարկենի, մեղրակենի, թթուաշ ու քաղցր, դեղին ու կարմիր խնձորները, մալաչի ու բօլի ասնձերը. էս բոլորը թափ տալ, քաղուիլ, ժողովուել են պահանջում. խելքը հացի հետ է կերել ուրեմն գործատէրը, որ շոքից վախենայ, կոները ծալի, պարապ նստի:

Կեանք է, կեանք ամառը, էն էլ՝ մի ուրիշ կեանք:

Պերճ Պոռնան

## 29. Ա Շ Ռ Ի Ն

Փառք Աստու, ամբարներս բերնէ բերան տըռած են, մառանս մինչև շէմքը ձեռիս աշխատանքով լիքն է, կալ ու կուտս հաւաքել—վերջացրել եմ, եկող տարուան ցելերս արած պատրաստ են, քաղցուս կարասներում քաղցրութիւնից պճպճում, եփ է գալիս, մի քանի օրից եփը կը նստի, մաճառ կը դառնայ, կատարներս կը տաքացնի, իւղ ու պանրիս, պաս ու ուտիսուան բոնուածքներիս ու թրթուեղէնիս տարեկան պաշարը կապել եմ, ընչի՛ չեմ ուրախանայ:

Ահա այն խօսքերը, որ առատ տարուայ աշնանը լրուում են ջանասէր զիւղացու բերանից: Այն, ունչպարի, այգեգործի, անասնապահի ինն ամսուան քրտնքի կաթիլներն աշնան վերջերքին մարդարտի հատիկներ են, ալմաստ քարի շաւաղ տուող ակներ են. գիւղացին իր աշխատանքի պտուղը քաղել է, նրա հողին հանգարտ, նրա սիրտն ուրախ է:

Սրդարև. ունչպարի աչքը լի է, ձեռքն առատ, երբ իր աշխատանքն օրհնուել, իր ջանքերը պսակուել են: Այդպիսի աշնանը՝ զիւղացու բրախնքով ապրուստ անողները

բորբերեան անխնայ, լի ու լի ստանում են: Սկսած գեղ-  
ջուկի հոգու փրկութեան համար աղօթող, վանքերում  
փակուած անքուն սաղմոս քաղող հայր սուրբերից, ժողո-  
վրդի ուրախութեանն ուրախակից, ցաւերին ցաւա-  
կից, նրան մկրտող, պսակող, թաղող ամուս իրիցից,  
Աստծու անունով երկրագործի դուռն եկած մուրացկանից,  
ժամհարից, նախրապանից, հորթարածից, գլուխ խուզող,  
արիւն թողնող դալարից մինչև թաշաղուխ թուրք դար-  
ւիշները, ջինգեաները, զրբաց, ախրացու ու մօլլաները,  
նետ դնող, գարի բցող հմայութիւն անողները, աշուղները  
ու փահլեանները, բոլորը, բոլորը, դասարկ ձեռքով ներս  
են մանում ունչպարի մօտ, լիքը ձեռքով դուրս դնում:  
Սյգեաէրերից ժողոված էջմիածնապատկան պտղի կոչուած  
կամաւոր սուրբի աւելորդ գինին, բացի սուրբ Աթոռը  
ղրկուածը, մնացածը աէրաէրների, ժամհարների ու աչքա-  
ծակ երեցփոխների կարասներն էլ է լցնում, թէպէտ վերջին-  
ներս իրանց բաժինն էլ յատուկ ստանում են: Վանքին հասա-  
նելիք իւր ու պանիրը վանքի միաբաններին էլ են լիացնում,  
կոնսիստորի գրագիրներին, հոգևոր կառավարութեան ան-  
գամներին ու ծառայողներին, մինչև իսկ ծառային էլ են ձուա-  
ձեղով կշառցնում: Մի տէրտէրի տարած կալավարձը գիւ-  
ղի առաջին համփայի ունեցածից շատանում է: Հողիները  
լոյս կտրուի վերջին տարուանս մէջ ժամանակի ու անժա-  
մանակ մեռնողների. նրանք իրանցապատկան սուրբ խաչի  
խորովուն, եօթնի, քառասունի, տարելիցքի ժամ պատա-  
րագները, գեներգամսօրհնէքներն ու հոգեհացերը անթերի  
տանում են: Գիւղացին կուշտ թէ քաղցած, բերրի թէ  
անբերրի տարին իր բերանի պատառը կրկիսի, իր նոր  
վախճանուածի հոգու փրկութեան հոգսը կըքաշի, իսկ ա-  
ռատ տարին՝ 800 տարուան մեռած պապ ու տատերն էլ  
են ժամ պատարագով, հոգեհացերով յիշուում, յիշատակ-  
ւում:

Վայը կը գայ աշխատաւոր գեղջուկի գլխին, եթէ,  
բերանիցս թռչի, քամին տանի, երաշտ ու անբերրի տա-  
րի լինէր ու մեր շարատանջ գիւղացի եղբօր ցաւերի վը-

րայ հարկ ասուած անտանելի ծանրութիւնն էլ աւելանար:  
Բերանս չի դօրում եռման ջրի վրայ կարկաից սառը-ջուր  
լցնել, պակասաւոր տարու դժուարութիւնները մէկ-մէկ  
մասնահաշուի տակ դնել: Թշուառ մարդ, հարկերի ու գիւ-  
ղական արդար ու անարդար ծախսերի համար վերջին շա-  
պիկդ, օջախիդ պղինձը, երեխէքանցդ ցրտից պաասպար-  
ուելու հասարակ կտակէ վերմակը քանի ու քանի պակա-  
սաւոր աշունքներ գիւղամէջ է քաշ տրուել ու ծախուել: Այս  
բոլորը քեզ ցաւ է եղել, բայց բո համբերատար հողին չէ  
ընկճուել, դու չես յուսահատուել, ամպագայ տարուայ յուսով  
քեզ և քո ընտանիքին այս խօսքերով ես յուսադրել. — «Աստ-  
ծու կամքն էր, մեռնիմ Աստծու ողորմութիւնին, մեր  
սիրտն է նեղ, թէ չէ նրա սիրտը շատ լայն է. ողջ առող-  
ջութիւն լինի, եկող տարին էս տարուան վնասներն էլ կը  
հանենք, մենք էլ ուրախ կ'ապրենք, ուրախ կեանք կը վա-  
յելենք»:

Մենք մեղաւոր անարժաններ ենք, խնդրենք դուժը  
շատ, Երկնային Թագաւորից, որ արժանաւորաց աղօթքը  
լի, իր քաղցր աչքը աշխատասէր հողագործի վրայ պահի,  
նրա ձեռքի աշխատանքը կարկաից, խորշակից, մորեխից,  
թրթուրից, մկնից, առնէտից և ամեն ցասում պատահար-  
ներից ազատ պահի, մշակի կռանը դօրութիւն, անձին ա-  
ռողջութիւն տայ:

Էն ժամանակը քաղաքացի, գիւղացի, հարուստ, աղ-  
քատ, ամենքն էլ կուշտ կը լինին, ամենքն էլ մարգավա-  
յել կեանք կ'ունենան: Որովհետև. — Որովհետև տարին ա-  
ռատ է, իսկ առատութիւնը կեանք է: Ուրեմն, առատ ա-  
շունը կեանք է ու կեանք:

Պերճ Պոռնան



30. Գ Ա Ֆ Ր Ի Է Լ Ս Ո Ի Ն Դ Ո Ի Կ Ե Ա Ն

Սունդուկեանը ծնունդ է թիֆլիզում 1825 թ., սովորել է զիմ- նագիայում և ապա աւարտել Պետերբուրգի համալսարանի պատ- մա-լեզուաբանական ֆակուլտետը, որից յետոյ մտել է պետական ծառայութիւն՝ հասնելով գեներալի աստիճանի:

Նա իր գրական գործունէութիւնն սկսում է 1863 թւին, մի վօզըվիլով: 1871-ին առաջին անգամ ներկայացրին Պէպօն, որ Սուն- դուկեանի գործերից ամենանշանաւորն է: Դրանից առտջ նա արգէն գրել էր «Սաթարայ», «Էլի մէկ զոհ», այնուհետև լոյս տեսան «Քանդուած օջախ», «Օսկան Պետրովիչն էն կինքումը» և «Ա- մուսիններ»:

Այս բոլոր պիէսները, բացի վերջինից, գրուած են թիֆլիզի բարբառով, կենդանի և գեղարուեստօրէն ներկայացնում են թիֆ- լիզեցու կեանքը, նրա շարն ու բարին, լաւն ու վատը, առաքի- նութիւններն ու պակասութիւնները: Դրանց մէջ թիֆլիզի հին սերունդը՝ վաճառականն ու կինտօն, կինն ու ծառան, աղին ու անաղիւր, անմահացած են ֆօտօգրաֆիական ճշտութեամբ:

Չնայելով մի քիչ նեղ ու գաւառական բնաւորութեանը, այս պիէսները լինելով միակը և ամենայաջողը մեր ինքնուրոյն բե- մական գրականութեան մէջ, մինչև հիմա էլ, շարունակ ներկայաց- ւում են բոլոր գաւառական հայ բեմերում:—1901 թ. հայ հա- սարակութիւնը նրա հետ միասին ուսւ և վրացի բեմերը մեծ հան- դիսով տօնեցին Պէպօ-ի երեսնամեակը, որի պատճառով Սունդու- կեանն արժանացաւ մեծամեծ պատիւների և ցոյցերի:— Հայերէնից ոչ պակաս՝ Սունդուկեանի պիէսներն աջողութիւն ունին և խիստ սիրուած են Վրաց բեմում, անշուշտ շնորհիւ այդ պիէսների խորին գեղարուեստական արժանիքների, որոնց մշակութիւնը Սունդու- կեանը հասցրել է գերազանց կատարելութեան:

Պ Է Պ Օ

Կատակերգութիւն 3 արարուածով, հեղ. Գ. Սունդուկեանի:

Բովանդակութիւն եւ հասւած

Արուսթին աղան պարտ է Պէպօ-ի հանգուցեալ հօրը 1000 ուրբլի: Այդ փողը Պէպօն խոստացել է իր քրոջ նը-

շանածին: Նշանածը պահանջում է խոստացած փողը, որ պսակուի, այլապէս թողնելու է աղջկանը: Արուսթին աղան չի ուզում վճարել, մինչև անգամ բացարձակ ուրանում է իր պարտքը, գիտենալով, որ տուած մուրհակը կորած է: Պէպօն բարկացած նրան անսպառում է: Արուսթինը նրան իր տանից դուրս է անում և մինչև անգամ բանտ է քցել տալիս: Այդ ժամանակ միայն բացւում է նրա խարդախու- թիւնը, որովհետև կորած մուրհակը գտնւում է Պէպօ-ի ազգական Գիքօ-ի մօտ:

Պէպօ, Կակալի, Շուգան, Գիֆօ

ԿԱԿՈՒԼԻ. Բարով, դէղի ջան:

ՇՈՒՇԱՆ. (Կակուլուն) Ապրիս, վնւրթի:

ԿԱԿՈՒԼԻ. Օ՛, աղա Գիքօ, բարով՝ ես ու դուն (Ա- ուաջ գալով եւ Պէպօին ցածր:) Սրա վրայ լաւ դճնաղ չըզթմը, տօ:

ՊէՊՕ. Մուլափ... (Շուգանին) Ի՞նչ խմացաք:

(Կակուլին Գիֆօի ետեւից նրա նման իբր թէ քրախոս է փառում, բայց իսկոյն դադարում է եւ ուշադրութեամբ լսում խոսողներին:)

ՇՈՒՇԱՆ. Էլ ինչ խմացայ. գեղինը պատռէ ու ինձ դէվեր տանէ: Թէ էսօր չճարեցինք, Պէպան ջան, էս գի- շիր դիփ մէտի մօշլա է ըլում... Ա՛յ, 'երգնքէն առնիս մա- գիէրն, Արուսթին: (Ղաթիբան վեր առնելով) Նա խօ է- սօր չի տայ ու ուրիշ տիղ ո՞վ ինչ կու աւտայ միգ: Էլի հոքուն վրայ հասաց էն կապ-կտրած Նաթէլին, թէ չէ էն է վիրչի խօսքն էր տանում նուր ախչկայ տիրուչմէն էն միւր սիւէրես փեսի մօգ: Սատանէն անէ նրա գիվանը, հրս:

ՊէՊՕ. Տօ, փեսայէն ի՞նչ իս ուզում. ինչ խոստա- ցիլ ինք պիտի տանք թէ չէ: Նա էլ մարթ է, գլխին գդակ ունէ ծածկած, միզմէն էլ վնւրդի խափվի. աշխարքն ալան թալան խօ չէ... Էնդաղա ասի, վուր մնւլափ, դէղի, ջեր փուղը դուս գայ, իժում էինք նշնի. ամա ձիւր օխտէմէն ո՞վ գու քայ... Ի՞նչ հաշաթ ու, ուր կու կորչի ու, Արու- թինը միւր միխին ինչ կ'օնէ ու, հաշա խօմ չի ուտի ու... դէ, դնա սու, տեսնիմ վնւնց իս առնում:

ԳԻՔՕ. (Նստելով սեղանի մօտ եւ երկար յոգնոց հանելով:) Ա՛խ, իմ գօզալ բարանթ... ետրաբ վճենց կորար:

ՊէՊՕ. Ձէնդ, Գիքօ, թէ չէ, մասաբս գիղենայ, ինչ շիգրն ունիմ, գիփ բիդ վրայ կու հանիմ էս սահաթիս: Դուն վուր չէիր խառնըվի էս բանումը, էս խայտառակութիւնն էլ չէր գա միր գլուխը. ջհանգամը փուղի գլուխը, նրա մօզօնողին էլ ինչ ասիմ...

ԿԱԿՈՒԼԻ. Մճւլափ, մէ բան ասիմ 'ես, Պէպօ. օքմին վկայ չկայ, վուր վրահասու ըլի էս պարակին:

ՊէՊՕ. Միթամ դուն էլ խիթիդ գօր տվիր. էտով վուր բան էր դառի, խօ էս խաթաբալէն էլ չէր ըլի:

ԳԻՔՕ. Ա՛յ. վկայ չիմ, բաս ինչ դահրուսար իմ... ամա վուր չէ ըլում:

ԿԱԿՈՒԼԻ. Վան, ինչի՛:

ՊէՊՕ. (Կակուրուն:) էս բանումը վկայ-մկայ չի ըլի, կ'օսէ, չիս իմանում:

ԿԱԿՈՒԼԻ. (Առանձին, գլուխը շարժելով): Ձէ, 'ես նրան պիտի հարիմ:

ՇՈՒՇԱՆ. Ախար, էն օրը էն սիւ սրտոյն ինչ ջուրաբ էրիտ կտրական:

ՊէՊՕ. Միթամ շեր չիս իմացի... Ասաւ՝ 'ես միտս չունիմ, կ'օսէ, դաւթընեբումս չէ էրեում, կ'օսէ, թա բարաթ իմ տվի ձիդ, բերէք ու փնղը տարէք, կ'օսէ:

ՇՈՒՇԱՆ. Բաս միթամ հանչա է ուզում ուտի: էս վճենց կ'օնէ, Պէպան. աբա բիմէն չիս արմընում: էնէնց հաբուստ մարթը լայիդ պիտի անի էս հանգի բան: Նրա համա հարուր թուամանն ինչ—մէ գրօշ, վուր ուզենայ բաշխելով էլ կու բաշխէ:

ՊէՊՕ. Վճենց չէ. դէմ է բերում:

ՇՈՒՇԱՆ. Ա՛յ, կու տեսնիս թէ չէ... (Լացի ձայնով): Կէհամ, առչիւր կու չոքիմ, լաց կու լիմ, իր վուրթկերանց արիւ սադադա գ'ուղիմ. օրթում կ'ուտիմ, վուր թէ միր մէջը բարաթ լուս ննգնի, թիքա-թիքա անէ միդ, բաթըրնամա կու տամ, տասը վկի ձեռք կու քաշիլ տամ. մէ օր հոքի ունէ տալու, իր հոքէմէն ձեռք վճենց կու վիկարիէ:

ՊէՊՕ. Մճւլափ, մճւլափ, դէղի, 'ես կէհամ, 'ես, էս սահաթիս յեդ գու քամ, ինչըու դուք նստեցէք:

ՇՈՒՇԱՆ. Ձեր մէ թիքայ հաց կի. մէ սահաթ առաջ ըլի, յիդ ըլի, դիփ մէկ է:

ՊէՊՕ. Ձէ, ինչըու շտեսնիմ, բօղադումս հաց չի դէվէր դնա. շուրիբս վճերթէնն է:

ՇՈՒՇԱՆ. էրէդ զանդուկը դրի ԿԱԿՈՒԼԻ. 'ես էլ դամ, Պէպօ:

ՊէՊՕ. Ձէ, դուն դնա, բանդ տիս, էս սահաթին պալիս իմ: (Դուրս է գնում աջ դռնից):

ԿԱԿՈՒԼԻ. Դուն գիղիս... (Խփելով իր կրծքին): Ա՛խ, Արութին, 'ես թէ քու յխտէմէն չէկայ ու կու տեսնիս...

(Դուրս է գնում միջի դռնից):

Շուտան, Գիօ

ԳԻՔՕ. (Նստած, սեղանի մօտ, քախոս փաշելով): Է՛հ, Աստու՛ճ, օրհնվի Քու դագաստանը:

ՇՈՒՇԱՆ. (Նստում է քախսի վրայ եւ ձայնը երկարացնելով:) «Ա՛խ, Աստու՛ճ, վախ Աստու՛ճ, վուրին կու տաս սէլով փէտ, վուրին չիս տա ցախ, Ա՛ստու՛ճ»:

ԳԻՔՕ. Հա՛, հա՛, Շուշան:

ՇՈՒՇԱՆ. Է՛հ, օրհնի նրա դարգահը. վուրին էնդադա դօվլաթ է տալի, վուր իր դօվլաթը չէ կանանցի մարսի, ու վուրիմէն օրան թիքէն խլում է ու էն էլ դօվլաթաւուրին է տալի... Փնօք իրան, իր կամքն է. հալբաթ միր ճակտին էս էր գրած:

ԳԻՔՕ. Էլի Աստու՛ճ օղորմած է, Շուշան...

ՇՈՒՇԱՆ. Էլ ինչ օղորմած է, ջուրն էկիլ է միդ տարիլ է: էն անաստու՛ճը վուր էլի մի բան մօզօնէ ու փուղը չտայ էօր, ետրաբ ինչը կու լի միր չարէն. ճլէքք կու ննգնի խիղճ ախչիկս: Թալաթ օրն օրվան վրայ հալվում է, էլ ինչը կու աղբեցնէ նրան: (Լացով): Խիղճ իմ Կէկէլ, նօրչի տրիվդ պիտի փչանայ, էլի, թագի մագիէր սիւ գերեզմանը պիտի մտնիս... (Լաց է լինում):

ԳԻՔՕ. (Լացի ձայնով): Օ՛հ, օհ, օհ... (Աչքերը սրբաբարձր կ'առնի):

բելով դուրս է գնում ձախ դռնից: Ներս է մտնում Պէ-  
պօն զարդի հագուստով):

Շուշան, Պէպօ

ՇՈՒՇԱՆ. Տօ, ախար, ջեր մէ թիքա հաց կ'ուտէիր:

ՊէՊՕ. Հաց չէ, գահրումար ուտիմ... Ի՞նչ կ'օնիմ  
հաց. գանա հացի արժանի իմ... (Գօտիկը կապելով): Հացը  
վուր ստիղծած է, գանա ի՞նչ համա է ստիղծած. հացը վուր  
'ես ուտիմ, աղա Արուսթինը ի՞նչ ուտէ: Նա էլ հաց ուտէ,  
'ես էլ հաց ուտիմ... (Դառը ծիծաղով): Հրա, հրա, հրա...

ՇՈՒՇԱՆ. Սիվցիլ էր իմ օրը, ահրա: (Աչքերը սրբելով  
դուրս է գնում):

ՊէՊՕ (Մենակ ախալուխի կոնակները մէր գցելով):  
Գնա. Պէպօ, գեղին լգէ, խալխի վուտներուն պնչ արա,  
նրանց վուտի ցիխը լկէ... Ո՞վ իս դուն. ի՞նչ իս դուն. ի՞նչ  
մարդահէսարուն իս դուն, ի՞նչ անում ունիս դուն...  
'Եփօր գ'ուզի՛ն, վուտի տակը կու դցին քիզ, վրէտ կու ման  
գան, գեղնի հիդ կու հաւարին... ի՞նչ հաջաթ, ջիան-  
ճվէլի վրայ ինչո՞վ իս աւել... Դուն իս մարթ չիս, մարթ կե-  
րանց համա կերակուր է ստիղծի քիզ Աստուձ... Գիշեր չարչըր-  
վի, ցերեկ չարչըրվի, 'երգնքի տակը լուսացրու, անձրիվի ու  
քամու հիդ կոխու տու, ձմեռը ցրտէմէն կոնկոռնա, ամառը ա-  
րեգակի շուքունն էրվի ու խորվի... գնա էնէնց մէ թիքա հաց  
ճարէ ու էն թիքա հացով գէդիտ ու քվիրդ պահէ... Էս  
ի՞նչ, ի՞նչ մարթութիւն... էսէնց շունն էլ է ճարում մէ թի-  
քա, վուր տունը պահում է... Միթամ դուն էլ շուն իս...  
քանի աշխրքիս էրեսին ման իս դալի, դուն էլ շան պէս կե-  
րակրվի... Էս ի՞նչ մարթութիւն է... (Դաղար): Մարթ էիր ու-  
զում գաննա. կ'էհէիր մարթիք կու թախէիր, գուղու-  
թիւն կ'օնէիր, իմ նման խղճերուն կու դքնէիր. քսանուհինդ  
հազար տիդ արէն արտրսունք կու թափիլ տէիր, էն արտը-  
սունքնիրը փուղ կու շինէիր ու էն փուղով օսկէ անիր... մէ-  
չը փառաւուր ման գու քէիր... դրօշկա, կալասկա, ձիանիր  
կու սարքէիր, քսանուհինդ ինձպէսին գլխիս դարաւաշ կու  
կանգնեցնէիր... Ա՛յ, էն չախը կ'օտէի քիզ՝ մարթ իս, Պէպօ,  
ի՞նչ մարթուն պիտի... ի՞նչ քէփդ գ'ուզէր, էն սահաթիւն կու  
ճարէիր... էն չախը դիփունքը քիզ գլուխ կու տէին, կու  
մեձրէին, պատիւ կու տէին ու մէկս մէկու գլուխ կու  
կոտրէին, վուր քու աճկը նրանց վրայ քաղցը ըլի...:

(Դուրս է գնում դիմացի դռնից):

31. Դ Ե Ի Ի Ե Ր Դ Ո Ի Մ Ը

Երդուում եմ ահա ստեղծագործութեան  
Առաջին օրով,  
Երդուում եմ ահա նրա կատարման  
Եւ վերջին օրով,  
Նշաւակութեամբ մեղապարտութեան  
Տալիս եմ երդում,  
Եւ յաղթանակը սուրբ ճըշմարտութեան  
Վկայ եմ բերում.  
Երդուում եմ անկման դառն կսկիծով  
Եւ յաղթանակի կարճատե ցնորքով,  
Քո հետ տեսութեամբ երդուում եմ նոյնպէս,  
Եւ հրաժեշտով, որ գալոց է մեզ:  
Ողջ հողիների ժողովարանով  
Եւ իմ հպատակ միարանների  
Ճակատագրով,  
Անաչառ և սուրբ հրեշտակների,  
Այն է, իմ արթուն թշնամիների  
Սուր սուսերներով:  
Երկինք ու դժոխք վկայ են խօսքիս,  
Երկրի սրբութեամբ երդում եմ ուտում.  
Երդուում եմ և քո վերջին հայեացքով,  
Եւ քո առաջին ջերմ արտասուքով.  
Շնչառութեամբը անչար բերանիդ,  
Եւ մետաքսեղէն քո գանգուրներով.  
Երդուում եմ երկնի երանութիւնով,  
Երդուում եմ նոյնպէս դառն տանջանքով,  
Վերջապէս և իմ բորբոքուած սիրով.  
Հրաժարուեցայ ես հին վրէժից,  
Հրաժարուեցայ չար խորհուրդներից.  
Այլ այսուհետեւ թոյնը նենգութեան  
Ոչ ոքի միտքը չունի շփոթել,  
Այլ այսուհետեւ ես միանգամայն

Կամիմ երկնի հետ հաշտութիւն կապել,  
 Կամիմ սիրել, ազօթել կամիմ,  
 Առաքինութեան հաւատալ կամիմ  
 Եւ դղջում տալով ես արտասուածքով,  
 Ճտկատիցդ քեզ արժանաւոր  
 Երկնային հրոյ հետքը կը սրբեմ.  
 Եւ թող առանց իմ աշխարհ համօրէն  
 Ծաղկի իւր խաղաղ անգիտութեան մէջ:  
 Ո՛հ, հաւատան ինձ, ես միայն ցայսօր  
 Քեզ ճանաչեցի, գնահատեցի:  
 Եւ քեզ ընտրելով սրբունի ինձ նոր,  
 Իշխանութիւնս ոտիդ տակ դրի:  
 Քեզանից պարզե սէրդ եմ սպասում.  
 Նորա բոլէին կը տամ յաւիտեան:  
 Հաւատա, որ ես միշտ եմ հաստատուն  
 Նոյնպէս սիրոյ մէջ, ինչպէս չարութեան:  
 Ես, որ եթերքի ազատ որդին եմ,  
 Քեզ աստղերից վեր կը թռուցանեմ,  
 Այն տեղ աշխարհի կը լինիս թագունին  
 Եւ նախամեծար իմ ընկերունին.  
 Առանց գթութեան և մասնակցութեան  
 Կըսկեսս նայել դու երկրի վերայ.  
 Ուր ոչ ճշմարիտ բաղդ կայ կենսական,  
 Եւ ոչ յարատե գեղեցկութիւն կայ,  
 Ուր միայն պատիժն ու մեղքն են լիուլի,  
 Որ կեանքն անցնում է փոքրիկ կերքերով:  
 Եւ ուր չգիտեն տաանց երկիւղի  
 Ոչ արհամարհել, ոչ սիրել հոգով:  
 Գուցէ չգիտես, թէ արդեօք ի՞նչ է  
 Կարճատե կեանքը մարդկային սեռի,  
 Միայն արիւնի նա վրդովմունք է,  
 Օրերը կ'անցնին և այն կը սառի:  
 Ո՞վ կարէ տանել հրաժարումը,  
 Հրապուրանքը նոր գեղեցկութեան,  
 Ծանր վաստակը և խիտ ճանձրոյթը,  
 Կամակորութիւնը երեակայութեան:  
 Չէ, իմանաս դու, ընկեր քաղցրունակ,  
 Ճակատադիրդ չէ սահմանել քեզ,  
 Որ նախանձաւոր բրտութեանը տակ  
 Իբրև մի ստրուկ, անյայտ թառամես,  
 Կեղծ ընկերների, թշնամիների,

Կամ թէ փոքրոգի և չար մարդոց մէջ, 38  
 Ունայն և ծանր աշխատանքների,  
 Անպտուղ յուսոյ և երկիւղի մէջ:  
 Դու չես շիջանի առանց կիրքերի  
 Բարձր պատի տակ լուռ և թախծալից,  
 Ազօթք անկող մարդկանցից հեռի,  
 Նոյնպէս և հեռի Աստուածութիւնից:  
 Ո՛հ չէ, անմասն արարած սիրուն,  
 Այն չէ քո համար դրել օրհասը,  
 Քեզ ուրիշ կիրք է այնտեղ սպասում,  
 Ուրիշ ցնծութեան խոր զգացմունքը.  
 Ճակատադիրն թող դու ուրեմն  
 Թշուառ աշխարհը, իղձերդ նախկին,  
 Ես քեզ կը բանամ, նոցա փոխարէն,  
 Բարձր գիտութեան անդունդը խորին:  
 Եւ սպասաւոր իմ հոգիների  
 Բոլոր ամբողջ ոտքդ կը բերեմ.  
 Թեթև նաժիշտներ և սքանչելի,  
 Ո՞վ իմ զեղեցիկ, քեզ կը պարզեմ.  
 Եւ արեւելեան տատղից կը խլեմ  
 Քեզ համար չքեզ պսակը ոսկի,  
 Եւ բոլոր շուրջը նորա կը ցանեմ  
 Փայլուն ցօղովը թարմ ծաղիկների.  
 Արեւմտի կարմիր նշուլով  
 Ժապուէնի պէս մէջքդ կը պատեմ,  
 Քաղցրահոտութեան մաքուր բուրմունքով  
 Բոլոր շրջակայ օդը կ'ոռոգեմ,  
 Եւ հիանալի նուազ հնչելով,  
 Նուրբ լսելիքդ միշտ կը փաղաքեմ,  
 Եւ մեծ պալատներ փառաւոր շէնքով  
 Ազամանդներից կը կառուցանեմ,  
 Ես մերթ կ'իջանեմ ծովի յատակը,  
 Եւ մերթ կը թռչեմ աստղերից վերև,  
 Ողջ քեզ կը տամ, ողջ երկրայինը,  
 Միայն սիրիր ինձ... այս է քո պարզև:

«Դև» — Լերմոնտովի, թարգմ. Սաղաթեան

32. Ս Մ Բ Ա Տ Շ Ա Հ Ա Ջ Ի Չ (1841)

1861-ից «Հիւսիսափայլի» էջերում երեան է գալիս մի երկտասարդ բանաստեղծ, որ կրթուել ու կազմակերպուել էր Նազարեանի և նրա շրջանի անմիջական ազդեցութեան տակ: Այդ երկտասարդը դեռ այն ժամանակ կազարեան ձեւարանի ուսանող, Սմբատ Շահազիզեանն էր:

50-ական թուականների սկզբում Շահազիզը դեռ 10 տարեկան երեխայ, իր հայրենի Աշտարակ գիւղից գնում է Մոսկուա, կազարեան ձեւարանը, ուր աւարտում է 1862-ին: Դեռ դպրոցական նստարանի վրայ սկսում է գրել ոտանաւորներ: Սկզբում թունդ գրարարական էր և նրա առաջին ոտանաւորները, որոնք տպագրուեցին 1859-ին «Ճաքաղի» մէջ, գրարար էին: Բայց նա շուտով թողեց թէ գրարարը և թէ «Ճաքաղը»:—1864 թուականը բանաստեղծի գեղեցիկ շնորհքի առատութեան տարին էր, որ, աւանդ, այլևս չկրկնուեց: Այդ տարին Շահազիզը գրեց բազմաթիւ մեծ ու փոքր ոտանաւորներ, ինչպէս նաև «Լեւոնի վիշտը»—պօէման:

Ինքը, Շահազիզն ամենից լաւ է բացատրում թէ ինչ է ինքը. «Նախ բաղաբացի և ապա, պոյէտ»: Քաղցր մեղկութեան և անգործութեան, գինու և սիրոյ երգիչ է՛ նա, այլ «բաժանորդ է ազգի ցաւի հետ»:

ԼԼՕ («Մտեփաննոս Նազարեան» հ. II)

33. Ե Ր Ա Ջ

Ես լըսեցի մի անոյշ ձայն—  
Իմ ձերացած մօր մօտ էր.  
Փայլեց նըշոյլ ուրախութեանս—  
Բայց ափսոս, որ երազ էր:  
Կարկաշահոս ազբիւր այնտեղ  
Թաւալում էր մարդարիտ.  
Նա յըստակ էր որպէս բիւրեղ:—  
Այն երազ էր ցնորամիտ:  
Եւ մեղեդին տխուր մայրենի  
Յիշեց մանկութեան օրեր.  
Մօրըս համրոյրն ես ըզգացի:—  
Ա՛խ, ափսոս, որ երազ էր:  
Կուրծքին սեղմեց կարօտագին,  
Աչքերս սրբեց— շատ թաց էր—  
Բայց արտասուքս գնում էին...  
Ա՛խ, այդ ինչո՞ւ երազ էր:

34. Ա Շ Տ Ա Ր Ա Կ

Գեղեցկանիստ է Աշտարակ.  
Շատ այդիներ նա ունի,  
Այնտեղ երկինքն է կապուտակ.  
Այնտեղ օդն է քաղցրալի:  
Մեծ, ընդարձակ կանաչ դաշտեր  
Լի են ծաղկով քաղցրահոտ,  
Մարդահասակ, խնկանուէր,  
Բարձրանում է այնտեղ խոտ:  
Այդ սիրուն գիւղն ունի մի գետ,  
Եւ այն լի է ձրկներով.  
Այնտեղ իշխան և կարմրախէտ  
Պաղ են կապում խայտալով:  
Եւ հարազատ այդիներից  
Տարածում է քաղցրութիւն,  
Եւ Քասախը ուրախալից  
Բերում է ձեզ իր ողջոյն:  
Բայց այդ բոլորն ըստրկութեան  
Կաշկանդուած է կապանքով.  
Ժողովուրդը թշուառական,  
Պեղզուած է մեծ խաւարով:

35. Գ Ի Շ Ե Ր

Սիրո՞ւն պատկեր. պարզ զիշեր էր.  
Եւ օղեղէն ովկիանում  
Փայլում էին անթիւ սատգեր,  
Եւ ուրախ էր սիրտըս զարկում:  
Ամբըռասկան ծաղիկներ վառ  
Անուշութիւն էին բուրում,  
Եւ երկնքի ցօղ կենարար  
Բնութիւնն էր զովացնում:  
Ես անխոտով երգում էի,  
Իմ երգըս սուրբ, մաքուր էր.  
«Ազատութիւն» էի երգում,  
Հայրենիքի «պարծանք» ու «սէր»:  
Ս. Շահազիզ

Գէորգ Բարխուդարեանը ծնունդ է թիֆլիզում 1836 թ. նոյեմբերի 10-ին. նրա հայրը, Նիկողայոսը, դերձակի տրհեստանոց ունէր: Գէորգը սովորում է գիմնազիայում: Այդտեղ նա աշակերտում է յայտնի Աւաքել վարժապետ Արարատեանին: Այդ միջոցներին Դորպատի անունը սիրելի էր զարձել թիֆլիզի հայ երիտասարդների համար Մաշատուր Աբովեանի շնորհիւ. Գէորգն էլ այնքան է ոգևորւում Դորպատով, որ գիմնազիայի վեցերորդ դասարանից դուրս գալով պատրաստւում է և 1851 թ. սեպտեմբերին ֆուրգունով ուղևորւում է դէպի Դորպատ: Գէորգի հետ է լինում նաև 10-ամեայ Սմբատ Շահագիզը: Այդ ժամանակ Դորպատի հայ ուսանողութեան ամենածաղկեայ շրջանն էր. ուսանողութիւնը ոգևորւած էր վերածնութեան գաղափարով: Այնտեղ էին՝ Քերոբէ և Ռափայէլ Պատկանեանները, Դոգոխեանը, Միրիմանեանը, Աբովեանի աշակերտներից շատերը: Գէորգն ընկնելով հայրենասէր երիտասարդների մէջ, ինքն էլ ոգևորւում է զրանց քարոզած գաղափարներով և ամեն կերպ աշխատում լաւ հայերէն սովորել, սրովհետև Դորպատ գալով՝ նա միայն թիֆլիզի բարբառով էր կարողանում հայերէն խօսել: Դորպատում Գէորգը երկար չէ կարողանում մնալ. աչքերի հիւանդութիւնը ստիպում է նրբան 1853 թ. աշնանը կրկին թիֆլիզ վերադառնալ: Բժըշկուելուց յետոյ նա քննութիւն ասլով գաւառական ուսուցչի ցենդ է ձեռք բերում և գաւառներում ուսուցչի պաշտօն վարում: Այդ միջոցներին Գէորգը ոտանաւորներ դրելու փորձեր է անում և տպագրում «Մեղու Հայաստանի»

ըրագրում և յետոյ «Հիւսիսափայլ»-ում և ապա դառնում է «Փորձի» ամենաեռանդուն աշխատակիցը, ուր նա զետեղեց Շիլլերի Դօն-Կարլոսը.—1879 թ. Բարխուդարեանը Վրաստանի և Իմերէթի թեմի Հայոց ծխական-եկեղեցական դպրոցների թեմական անուշ նշանակուեց և այդ պաշտօնը վարեց մինչև 1883 թ.: Նրա նախադահութեամբ 1882 թուին անդի ունեցաւ մեր առաջին և վերջին ընդհանուր ուսուցչական ժողովը թիֆլիզում: «Փորձ» ամսագիրը դարբելուց յետոյ Բարխուդարեանը թէ իր ինքնուրոյն բանաստեղծութիւնները և թէ թարգմանութիւնները ապագրել է «Արձագանքում», «Հանգէս գրականական և պատմական», «Լուծայ», «Թատրոն», «Մուրճ» հանդէսներում:

Թէպէտ Բարխուդարեանն իբրև ինքնուրոյն բանաստեղծ աչքի ընկնող անդ չի գրաւում մեր նորագոյն գրականութեան մէջ, իբրև թարգմանիչ-բանաստեղծ այժմ առաջինն է նա և նրա անունը հայ մատենագրութեան մէջ միշտ շողկապուած կրմնայ Շիլլերի ու Գէօթէի անունների հետ: Բարխուդարեանի թարգմանութիւնների «Գլուխ գործոցը»՝ «Յառուսար» մի այնպիսի մատենագրական դանձ է, որ հայ գրականութիւնը երբէք չի մոռանայ նրա առաջին բանաստեղծ-թարգմանչին:

Գէորգ Բարխուդարեանի գրիչը հաւատարիմ մնաց «Դորպատեան»-ների աւանդական իղէպներին:

Իսահակ Յարութիւնեան

Կրկին յայտնւում էք, պատկերներ աղօտ,  
Որ երևեցաք երբեմն իմ աչքին.  
Փորձե՛մ այս անգամ պահել ձեզ ինձ մօտ,  
Զգում եմ իմ սիրտը հակուած այն ցնորքին.  
Խմբւում էք իմ շուրջ օդում մշուշոտ:  
Շատ լաւ, հակառակ չեմ ես ձեր կամքին.  
Կուրծքս զգում է ոյժ պատանեկան,  
Դիպչելով ինձ ձեր շունչը դիւթական:

Բերում էք ձեզ հետ ուրախ օրերի  
 Պատկերներ և սիրելի ստուերներ,  
 Իբր աւանդութիւն անցած դարերի,  
 Զարթում է սրտումս առաջին սէր:  
 Վիշտս նորոգում, սրտիս լարերի  
 Հնչիւնը կրկնում է հին գանգատներ,  
 Եւ անուանում է սիրելիներին,  
 Որոնք հեռացան, թողին ընկերին:

Նոքա չեն լսում իմ նոր երգերը,  
 Որոնց երգեցի երգերս առաջին:  
 Աւանդ, ցրուած են բարեկամները,  
 Քնարս չէ հնչում նոցա ականջին:  
 Երգս լսում են անծանօթները,  
 Ուրախ չեմ անգամ, թէ դովել հաճին,  
 Իսկ որոնք էին երգովս զմայլուած,  
 Թէև աղբում են, հեռու են ցրուած:

Եւ ինձ քաշում է բուն ցանկութիւնը  
 Դէպի կախարդական խաղաղ աշխարհը.  
 Իմ թոթով երգը արձակում հնչիւն,  
 Ինչպէս էօլի տաւիղի լարը:  
 Դողում եմ, լացն է ինձ թեթևութիւն,  
 Նա հալածում է սրտիս խաւարը.  
 Այն, ինչ որ ունիմ, հեռու է թւում.  
 Ինչ որ էլ չկայ, ինձ պարզ երևում:

«ՅԱՌՈՒՏ» - ԳԵՕՔԷ Թարգմ. Բարխուդարեանի

38. Ա Ր Ձ Ա Գ Ա Ն Ք

Խոր ձորի մէջ գնում եմ ես,  
 Պարզ գիշեր է աստեղազարդ,  
 Բնութիւնը քնած է կարծես,  
 Եւ չորս կողմս լուռ ու հանդարտ:

Ո՛չ սոխակի երգն է լսում,  
 Ո՛չ վայ տալիս իւր գլխին բուն,  
 Ծառերի մէջ հով է խաղում,  
 Զկայ մի ձայն, չկայ ծպտուն:

Ես ընկղմած մտքերիս մէջ  
 Առաջ եմ գնում և իմ հոգին  
 Մտածում. — «Կըլինի՞ վերջ  
 Հայոց ազգի տառապանքին:

Ճանկարձ կուրծքիցս դուրս թռաւ.  
 «Էրնեկ մէկն ինձ տար պատասխան».  
 Արձագանքը տարաւ բերաւ  
 Եւ հնչեցրեց. — «Ա՛ն պատասխան»:

— Պատգամաբոս անտես անյայտ,  
 Մէկ հարցմունքիս լաւ ուշ դարձրու:  
 Արձագանքը միայն կիսատ  
 Կրկնում է ինձ խօսքս. — (Հ)արցրա՛ւ:

«Ի՞նչ է սպասում լսեղճ հայ ազգին,  
 Միթէ կորսւտ, ո՞չ փրկութիւն»:  
 Արձագանքը որոտագին  
 Պատասխանում է. — «Փրկութի՛ւն»:

Գէորգ Բարխուդարեան



38. Ր Ա Յ Ֆ Ի (1835—1888 թ.)

Րաֆֆին ծնաւ 1835 թ. Սարմատս գաւառի Փայաշուկ գիւղում, Պարսկաստան: Հայրը, Մելիք-Միրզաբէկ Մելիք-Յակոբեան, իր ժամանակի յայտնի վաճառականներից էր և առևտրական յարաբերութիւն ունէր Ռուսաստանի հետ: Մի անգամ նա իր հետ Թիֆլիզ է բերում մանուկ Յակոբին և տալիս է տեղական գիմնազիա ուսանելու: Յակոբը գիմնազում հասնում է մինչև հինգերորդ դասարան, բայց 1857-ին կիսատ թողնելով ուսումը, ստիպուած է լինում վերադառնալ Պարսկաստան, հոր առևտրական գործերը վարելու: Գիմնազից նա մեծ ուսում չտարաւ, բացի այն, որ ազատ հասկանում ու կարգում էր ուսուերէն, իսկ հայերէն նրա կարգալու գրքերը գրաբար էին և նորաբողոք աշխարհաբարը: 1858-ին նա Սարմատսից ուղևորում է Տաճկա-Հայաստան, Մուշի ս. Կարապետի վանքն ուխտի. ճանապարհին նա անցաւ Վան, տեսաւ Վարազը և Խրիմեան Հայրիկի հիմնած անդրանիկ դպրոցը, այցելեց Աղթամարայ կղզին. տեսաւ պատմական Հայաստանը և նրա աւերակները, յիշեց անցեալի փառքն ու անդորրութիւնը և այդ ամենը համեմատութեան առաւ ներկայի թշուառութեան հետ. տեսաւ հայի վիշտն ու տառապանքը, ցան ու հոգսերը... այն, ինչ որ արդէն տեսել ու գիտել էր իր հայրենի Պարսկաստանում, դիտեց և ուսումնասիրեց նա այդ ամենը քար, աղիւս և աւազ պատրաստելու այն շէնքերի համար, որոնք յետոյ նա լոյս պիտի ընծայէր Կայծեր, Ջալալէղզին, Խենթ, Խաչագողի Յիշատակարան և այլն փառաւոր ու հոյակապ բովանդակութիւններով մէջ...

Այդ ճամբորդութեան էպիզոաններից մինն էր, որ նա գրեց ու տպեց առաջին անգամ «Հիւսիսափայլում» — «Աղթամարայ կղզին» վերնագրով. ուր նա Վանայ ծովակին ողբակից լինել էր կանչում թշուառին, Ջայն տուր, ով ծովակ — դեղեցիկ, տխուր ու մերամաղձաւ երգով...

*Handwritten note:* նույն

Այդ գաղափարներով սողորուած, հայրենիքի ցաւերով զբաղուած, նա չէր կարող լաւ վաճառական մնալ, ուստի շուտով ամեն բան կորցրած գալիս է Թիֆլիզ մի շորափաճառի մօտ իրրև դործակատար: Այստեղ նա ծանօթանում է Գր. Արծրունու հետ, որ նոր էր հիմնել «Մշակը», և դառնում է նրա մշտական աշխատակիցը: Սույա դնում է Թաւրիզ ուսուցիչ, այնտեղից կրկին գալիս է Թիֆլիզ և ուղևորում Ագուլիս, դարձեալ ուսուցչի պաշտօնով: Այդ ժամանակ էր անա, 1877 թուին, որ ծագեց Ռուս-թուրք պատերազմը և Հայաստանը նորից դարձաւ արեան, աւերածի, կողոպուտի և դողթականութեան աստղարէգ:

Ոչ ոք Րաֆֆուց լաւ չէր ճանաչում Հայաստանը և ոչ ոք էլ նրանից աւելի սաղանգաւոր, յուզիչ ու գրաւիչ կերպով չէր կարող նկարագրել նրա դրութիւնը: Եւ անա մէկը միւսի յետևից լոյս են տեսնում «Ջալալէղզին», «Խենթ», «Կայծեր»... ուր ներկայի ծանր ու ճնշող դրութեան հետ ծրագրում են սպառալի վառվառն, գրաւիչ, յուսալի և խարուսիկ երազները. — բոցալաւ պատկերների մի հսկայական կոնստրաստի մէջ նա ներկայացնում էր դժոխքն իր բոլոր սարսափներով Հայաստանի ներկան, մօտաւոր հորիզոնի յետևը գրախտի սքանչելիքը ցոյց տալու պատրանքով, Հայաստանի մօտաւոր սպաղան, նորը, երիտասարդը, սպաղան (Խենթ, Մահրատ, Կարօ) կոխ են մղում հնի, փտածի, ներկայի հետ (Թոմաս էֆենտի, քաւոր Պետրոս, Տէր-Թողիկ)... Նա հայի ցաւերի երգիչն էր, նրա յոյսերի երագողը և նրա սպաղայ գործունէութեան ծրագրողը... վէպերի մէջ... Այնքան գունագեղ էին այդ վէպերը, այնքան մօտալուս և յուսալի այն երազները և այնքան կենդանի ու վառվառն էին դուրս թուշում Րաֆֆու բեղմնաւոր գրչի տակից այդ պատկերները, որ մա-

տաղ սերունդը ուշն և ուրուշը լարած ոչ թէ կարգում, այլ լափում էր այն ամենը ինչ որ Բաֆֆին էր արտադրում իր վառվռուն երևակայութեամբ: Ներկայի սարսափների, սպազայի յարաջուն երազների հետ զուգընթաց նա ներկայացնում էր մօտաւոր անցեալից փոռաւոր դէպքեր և հիանալի արկածներ. Դաւիթ-Բէգը, որ զրեթէ յալթանակով պիտի վերականգնէր հին ու մոռացուած հայրենի թագը, Խամսայի—կիսով չափ անկախ հայ-մեյլիքները, որոնց երազները օդն էին ցնդել և որոնց ժառանգները դեռ կենդանի են... Լարաբաղի աստղագէտը (Թարգմ.), և այլն և այլն... Լրացնում էին այն պանօրաման, որ բաց էր արել Բաֆֆու վառվռուն երևակայութիւնը ծարաւի հայութեան առաջ... անուպատի մէջ ծարաւից ու ստպից այրուող ճամբորդի նման հայ հասարակութիւնը կլանում էր ամեն մի պատկեր, որ օասիդի միրաժների նման ի ցոյց էր հանում Բաֆֆին իր տաք և գունաղեղ երևակայութեամբ...

Նրա վէպերն անցնում էին ձեռքէ ձեռք և կարգացում էին յափշտակութեամբ ամեն դասակարգից, ուստի 1888 թուի ապրիլին, Բաֆֆու անսպասելի և վաղահաս մահը մի սոսկալի հարուած էր ոչ միայն մեր ազգատիկ գրականութեան, այլ ամբողջ հայ հասարակութեան համար, որի բուն համակրանքն և անկեղծ կակիծն արտայայտուեց Բաֆֆու այնպիսի թաղմամբ, որին մինչ այն չէր արժանացել և ոչ մի հայ: Յարդ, ոչ ոք Բաֆֆու չափ ժողովրդական չէ և ոչ ոք նրա չափ չի կարգացւում. դեռ կենդանութեան ժամանակ նրա գրքերն այնքան էին ծախւում, որ հեղինակին միջոց էին տալիս մի համեստ ազրուտի: Բաֆֆին առաջին հայ մարդն էր, որ հնարաւոր զարձրեց գրականութեամբ ապրիլը, որ լաւադոյն ապացոյց է նրա անասնման ժողովրդականութեան: Նա ստեղծեց և մշակեց մեր վէպի լեզուն և նա էր որ այդ լեզուն մատչելի դարձրեց ընթերցող հասարակութեան ամենաբայն խաւերում: Նրա ոճը և պատմելու ձևը ոչ միայն չեն մեռել, այլ հէնց այսօր, երեք-չորսից աւելի հետեակ դրողներ,

առանց խոշոր տաղանդի ընթերցող և ժողովրդականութիւն ունին լոկ Բաֆֆուն նմանուելու պատճառով:

Ռ. Պատկանեանից յետոյ, որ ստեղծեց մեր երդն ու նրա լեզուն, Բաֆֆին ամենամեծ մշակողը, տարածողն ու հարստացնողն է մեր լեզուի, որին գոյներ, հողի, արտայայտութիւն և զգացմունք տուողը իրօք Բաֆֆին է միայն:

Նրա բացասական տիպերը մեծ մասամբ իրական են և ընական, այն ինչ իրէպական տիպերը երևակայական և անկենդան: Այդ չէր խանգարում, որ մօտիկ անցեալի մեր շարժումներն սկսուէին և գործադրուէին Բաֆֆու գրած ճանապարհով և իրական մարդիկ կրէին Բաֆֆու երևակայական հերոսների անունները... Նա բազաւոր էր, որ երկնեց այդ ամենը և մեռաւ, առանց հետեանքները տեսնելու:

Բաֆֆին մի ազգասէր գրող է, ինչպէս մեր հեղինակների մեծամասնութիւնը. նրա գրչի տակ Հայաստանը գուրս է գալիս մի դրախտ, հայը միշտ քաջ, թէպէտ անբախտ. նրա անբախտութեան պատճառներն են՝ վանքերը, տղէտ հոգևորականութիւնը և քրիստոնէութիւնը: Նրա ամենից յայտնի գործը «Սամուէլն» է. դա Փաւստոսի Հայոց պատմութեան վերարտադրութիւնն է գեղարուեստական ձևով. գեղեցիկ, տեղ-տեղ հիմնալի պատկերների մի պանօրամ է դա կարելոյն չափ պատմական, թէև միանգամայն գուրկ գեղարուեստական ամբողջութիւնից: Իր ունեցած պատմական տեղեկութիւնները Բաֆֆին այնքան շատ է տալիս, որ թէ ծանրացնում է վէպը և թէ թուլացնում նրա գեղարուեստական տալաւորութիւնը: Տիպերը, բացի Որմիզդուխտից և Արտաւազդ մանուկից, անկենդան են և անաջող: Ամբողջ վէպը ձգտում է պատկերացնելու Քրիստոնեայ Հայաստանի կուրը հեթանոս Հայաստանի և մանաւանդ հեթանոս Պարսկաստանի հետ. հայ թագաւորների կուրը նախարարների և կաթուղիկոսների հետ: Լեզուն, միւս վէպերի համեմատութեամբ աւելի հարուստ է և աւելի հայերէն, թէպէտ, ըստ սովորութեան լի կրկնաբանութիւններով: Երևակայութիւնը վառ, պատկերները գու-

նագեղ ու կենդանի, զգացմունքներն ու քարոզող գաղափարները տաք ու վառվռուն...

Բաֆֆին իր վեպերից շատերում (Կայծեր, Խենթ, Դաւիթ-Բէգ և այն) չի սահմանափակում մի ամփոփ գեղարուեստական սահմանի մէջ, այլ նա ուղում է տալ և ստոյգ պատմութիւն, և բացատրել զրա պատմական, տընտեսական և քաղաքական պատճառները, այդ ամենը կապելով մի վիպական հանգոյցի շուրջը: Այդ ամենը նա կատարում է խիստ լայն չափերով, ուստի թուլանում է գործի գեղարուեստական ամբողջութիւնը, որից զուրկ են պրեթէ նրա բոլոր մեծ վեպերը: Խենթի, Կայծերի և Խաչ. յիշաւ. մէջ նա քարոզիչ-յեղափոխական և էտնոպրաֆ է. Սամուէլի և Դաւիթ-Բէգի մէջ նա պատմավիպասան է, երբեմն աւելի պատմաբան, քան վիպասան, երբեմն էլ հակառակը: Հրապարակախօսը, պրօպագանդիստը և վիպասանը նրա մէջ նստած են կողք-կողքի, որոնք աւելի միմեանց խանգարում են, քան լրացնում. և որոնց միացնում է և շողկապում է Բաֆֆու վառվռուն հայրենասիրութիւնը և խորին համոզմունքը քարոզած գաղափարների:

Գ. Վանցեան

39. ՄԻ ՊԱՏԿԵՐ ՌՈՒՍ-ԹՈՒՐԻՔԱԿԱՆ ՊԱՏԵՐԱԶՄԻՑ

1877 տարուայ մայիս ամիսը մտնենում էր իր վախճանին: Աղբակայ գաշտերից մէկի վրայ մի բանակ էր երևում՝ բազմաթիւ վրաններից բաղկացած: Մէջտեղը կար մի ընդարձակ հրապարակ, ուր անբացատրելի խռովութիւն մէջ շարժում էին զինուորուած ազամարդիկ, որոնց երեսները արասայտում էին կատաղի անհամբերութիւն: Նոցա ամեն մէկ շարժումը ցոյց էր տալիս, թէ գոքա մի սարսափելի պատերազմի են պատրաստում: Վերջապէս գլխաւոր վրանի առջև կազմուեցաւ մի ամբիոն՝ թամբերը միմեանց վրայ դարսելով: Մի պատկառելի ծերունի բարձրացաւ նրա վրայ, որ իր արտաքին կերպարանքով ներկայացնում էր մի անձնաւորութիւն, որ միևնոյն ժամա-

նակ և՛ բարձր հոգեորական է և՛ հզօր զինուոր:—Նա՛ և՛ Շէյխ էր, և՛ դօրավար: Նա իր ձեռքում բռնած ունէր կարմիր դրօշակ: Զինուորած ժողովուրդը այս հրաշալի երևոյթը տեսնելով՝ այնպէս էր երեակայում, իբրև թէ իրանց հզօր պապերը կենդանացել են և ոգելից ճառ պէտք է խօսեն:

Շէյխի քարոզը սկսուեցաւ օրհնութիւններով և փառաբանութիւններով: Ալլահի, Մուհամմէդի և նրա յաջորդների անունները արասասնում էին մեծ ջերմեռանդութեամբ: Յետոյ սկսեց քաջալերել այսպէս.

«Ո՛վ Իսլամի որդիք, մեծ մարգարէն—փառք իր գօրութեան—կոչում է ձեզ մի սուրբ գործի համար, կոչում է ձեզ պատերազմել իր կրօնի թշնամիների դէմ, որոնք սկսել են թափել Աստուծոյ ծառաների արիւնը: (Եւ թող նդովեալ լինին նոքա):

«Վհատութիւնը, երկչտութիւնը և կասկածը թող հեռու լինեն ձեզանից, որովհետև երկիւղը Աստուծոյ զինուորների համար չէ: Տէրը ինքը կը տայ ձեր բազուկներին զօրութիւն և թշնամու պարանոցները ձեր սրերի առջև կը կտրատուին, որպէս չորացած հասկը հնձողի մանդաղի առջև: Դուք ձեր ձեռքով կը բռնէք նրանց գնդակները և գէպի իրանց յետ կը դարձնէք: Ձեր անձերը պաշտպանուած կը լինեն երկաթեայ պարիսպներով, որոնց ձեր աչքերը չեն տեսնի: Ձեզ աջակից կը լինեն կոտորող հրեշտակների աներևոյթ դունդերը, որոնց մարգարէն ձեզ օգնութեան կուղարկէ: Մեծ է Իսլամի Աստուածը և բացի նորանից ուրիշը չկայ:

«Տոյր գեաւուբները պիղծ են Աստուծոյ առջև: Նրանց կայքը, ընտանիքը և ամեն ինչ, որ պատկանում է անհաւատներին, Աստուած մատնում է ձեր ձեռքը: Յափշտակեցէք, կողտպացէք, այրեցէք և կոտորեցէք, որքանով կը լիանայ ձեր սիրտը: Աւարը և իր կրօնի թշնամիների արիւնը՝ Աստուած հալալ է անում սուրբ պատերազմի զինուորներին...

«Սուրբ կրօնի թշնամիների արիւնի հոսումը հաճելի է Տէրի առջև: Անհաւատների աւերակների ծուխը նա ըն-

դունում է որպէս մի ողջակէզ, որից ծուխը ուղիղ բարձրանում է դէպի Յաւիտենականի աթոռը: Կողոպտեցէք, որքան կարող էք դուք: Եւ ձեր կոտորածների արիւնի լւրաքանչիւր կաթիլի համբարքով՝ դուք կը ստանաք վարձ Աստուծոյ դրախտի մէջ:

«Մեծ է ուղղափառների Աստուածը և բացի նրանից չկայ մի ուրիշը:

«Եթէ ձեր վեր առած գերիններից՝ ձեր սրտին հաճելի կը լինի ընտրել կնիկներ կամ աղջիկներ, — եթէ դուք ծառայեցնելու համար կ'ընտրէք պատանի սարուկներ ձեր ձեռքն ընկած գեաւուրներից, — Աստուած չէ արգելում ձեզ միայն այն ժամանակ, երբ նրանք կ'ընդունեն Իսլամը: Իսկ եթէ հաստատ մնացին իրանց մոլորութեան մէջ, ձեզ թոյլ է տրւում սպանել: Իսկ ծերերին խնայել չկայ: Անհաւատութիւնը նրանց մէջ ամբացած է իրանց սկզբների նման»...:

Դեռ ևս երկար խօսում էր Շէյխը, նա կանգնած էր ամբիսնի վրայ, որպէս Իսլամի մարմնացած ոգին, որպէս հայածասիրութեան և մոլեոանդութեան մի կենդանի օրինակ: Նրա ձայնը ազդու էր և ուր, և այն վայրերի ժողովրդեան կարողացաւ ոգևորել մարդկանց մտքերու համար: Երբ վերջացրեց նա ճառը, կրկին դարձաւ դէպի բազմութիւնը այս խօսքերով.

«Աստուած ձեզանից ուխտ է պահանջում, և թող ձեզանից ամեն մէկը կատարէ իր երգումը»:

Երբ երգումը կատարեցին և բոլոր արարողութիւնները վերջացան, լսելի եղաւ թմբուկի ձայնը: Ամեն մարդ վազեց իր ձին նստելու, վրանները հաւաքուեցան, և մի քանի ժամից յետոյ՝ ամբողջ բանակը պատրաստ էր ճանապարհ ընկնելու: Նա շարժուեցաւ, երբ Շէյխը իր ձին նստած՝ կարմիր դրօշակը ձեռին՝ առաջ ընկաւ: Աւելի քան տասն հազար բիւրդեր հետևում էին այդ սարսափելի ծերունուն:

Այսպէս սկսուեցաւ Շէյխ Ջալալեդդինի արշաւանքը դէպի տաճկական Հայաստանը:

Անցաւ մի ամբողջ շաբաթ:

Մի ճանապարհորդ էլ չէր ճանաչում իր ծանօթ լեռները: Այժմ տեսնում է բոլորովին դատարկ, առաջ այսպէս չէր: Սուրաւէտ արօտներում արածում էին հօտեր, ձորերի մէջ կազմուած էին խաշնարած հայերի վրանները, և հովիւների սրինգը հեռուից հնչում էր թռչունների առաւօտեան ձայների հետ: Այն ժամանակ հովիտների և լեռնադաշտերի վրայ հողագործ հայը, իր սովորական երգը երգելով, կամ վարում էր կամ հնձում: Իսկ այժմ. — Այժմ ամեն դործ դադարել էր, ոչ մի շունչ չէր երևում, էլ անց ու դարձ անոյ քարաւաններ չէին երևում, այլ միայն դիւղերի ճարակն ու ծուխը երկինքն է բարձրանում: Աւերակներ և ամայութիւն ամենայն տեղ:

«ՋԱԼԱԼԵԴԴԻՆ». Բաճքի

41. Ռ Շ Տ Ո Ի Ն Յ Ի

Չէ կարելի տեսնել և չհիմնալ այդ առողջ, կենդանի, մշտադուարթ ժողովրդով: Նա երբէք չէ թառամում, որպէս իր ծմակների մշտականաչ կիպարիսը: Նա երբէք չէ ծերանում, որպէս թաւուտների դարևոր եղևին: Հօր կուրծքը մերկ, զօրաւոր բազուկները հոլանի, գլխին թաղիբեռայ կոնաձև քոլոզը դրած և նրա վրայ գոյնզգոյն թաշկինակներ փաթաթած, որոնց ծայրերը, ոսկեգոյն մազերի երկայն գիսակների հետ թափւում են լայն թիկունքի վրայ. հագին մի կարճ քաղախայ (բաճկոնակ), որի ամբողջութիւնը, երկաթեայ զրահի նման, կարող է դիմանալ ամենասուր դաշոյնի առաջև, ներքին հագուստը մազեղէն գոյ-գոյ անդրափարաիքի մէջ հաւաքած, — դուք կը տեսնէք Ռշտունեաց լեռների այդ գաւակին, որ երկայն նիզակը ձեռքին, թեթև, վազրի նման, անցնում է մի սպառաժից դէպի միւսը: Նրա նիզակը, որ երկու ծայրերում սև սուր երկաթներ ունի՝ ծառայում է և՛ իբրև դէնք, և՛ իբրև նեցուկ, որը գետնի մէջ ցցելով՝ յինւում է նրա վրայ և

ստիւններ է գործում սարսափելի վիերի վրայից: Այդ բոլորը այնպէս արագ է կատարւում, որ դու կարծում ես, թէ նա թռչունի նման թևեր ունի և օդի մէջ սլանում է: Նրա թաղիքեայ փափուկ տրեխների տակերը ամբողջապէս դամած են սրածայր բեռներով, որ չտահեն, չսայթաքեն ժայռերի վրայ ման դարձ ժամանակ: Գօտու մէջ խրած ունի մի կեռ խենջար, որի կոթը դերձանով կապած է պատեանին. այդ կապանքը նրա համար է, որ մինչև արձակելը նրա բարկութիւնը անցնի. իսկ երբ մերկացրեց սուրը՝ գործողութիւնն արդէն վճռուած է, մինչև արեան մէջ չզովացնէ՝ իր տեղը չի դնի:

Թշնամու հետ անդուծ է՝ իբրև դադան, բարեկամի հետ բարի է՝ իբրև հրեշտակ: Իր հովիտների բարձրահասակ սօսիները նման դեղեցիկ է նա: Երբ նայում է քո երեսին՝ դու գմայլում ես: Նրա կապուտակ աչքերը այնպէս լուսավայլ, այնպէս ընդարձակ և այնպէս խոր են, որպէս այն կապուտակ ծովը, որ ծփում է նրա աշխարհի մօտ: Նրա այրական դէմքը այնպէս արձակ ու այնպէս պայծառ է, որպէս մշտունեաց պարզ երկինքը:

Ռշտունեաց պարզ երկնքի նման՝ այդ խաղաղ դէմքը յանկարծ մռայլում է, մթնում է, շանթեր է արձակում՝ երբ եղանակը փոխւում է, և տեղի է ունենում վերահաս փոթորիկը... Այդ միջոցին նա չէ խօսում, այլ որոտում է և այդ որոտման ձայնի մէջ դու լսում ես նախկին հայի ու ժեղ բարբառը իր բոլոր կոշտ և անառչ ձևերով: Բայց այդ կոշտ հնչիւնները քո հոգուն այնքան ազդու են, քո սրտին այնքան կախարդիչ են, որ որքան էլ ընկած լինես դու հոգով՝ յանկարծ ներշնչում ես մի անբացատրելի ոգևորութեամբ...

Րաֆֆի

41. ԼՈՒՍՍԻՈՐՁԻ ՏՈՂՄԸ

Լուսաւորչի տոմը ունէր իր սրբազան անցեալը, որ նուիրագործուած էր մեծահոշակ և վսեմ աւանդութիւններով, որ ժողովրդի սրտին և հաւատին շատ մօտ էին,

որ նրա համար անմոռանալի էին: Ժողովուրդը պաշտում էր այդ տոմը և ընդունում էր նրան իբրև ամենաբարձր հոգևոր հեղինակութիւն: Այդ էր պատճառը, որ Հայաստանը սիրում էր այդ տոմի մէջ միայն տեսնել իր եկեղեցու ներկայացուցչին, նրան միայն արժան էր համարում հայրապետական անթոռը, և միշտ նրա բարերար ձեռքում էր փափագում տեսնել իր ծայրագոյն հովուապետի դաւադանը: Այդ դրացմունքներից առաջ եկաւ այն ժառանգական կաթողիկոսութիւնը, որ իջնում էր Լուսաւորչի տոմի մէջ յորդոց յորդի:

Եւ այդ հայրապետական տունը, իր գոյութեան ամբողջ ընթացքում, միշտ արդարացրեց ժողովրդի թէ հաւատը և թէ նրա փափագները: Նա միշտ մնաց անբիծ և անարատ, և ամենայն անձնուիրութեամբ կատարեց իր յանձն առած բարձր հոգաբարձութիւնը: Իսկ այդ հոգաբարձութիւնը որքան հաճելի է ժողովրդի համար, նոյնքան ծանր է թագաւորների համար: Ամենայն անաշատութեամբ սանձահարում էր նա թագաւորների մոլութիւնները և նրանց կամայականութիւններին սահման էր դնում: Նա, իբրև, ճնշում էր գործ դնում թագաւորների վրայ, բայց երբէք դահին չէր դաւաճանում: Հայրենասիրութիւնը և արքայական թագի պաշտպանութեան դադափարը՝ այդ տոմի գերագոյն առաքինութիւններից մէկն էր:

Լուսաւորչի հայրապետական տունը, իր վեհափառութեան բարձր դիրքի համեմատ՝ արքայավայել կացութիւն ունէր: Այդ տունը աւելի փայլ ստացաւ Ներսէս Մեծի օրերում: Թագաւորը այնտեղ մտնելու ժամանակ՝ իրաւունք չուներ նստելու, մինչև հայրապետը տեղ ցոյց չտար: Բայց հայրապետը թագաւորի արքունիքը մտնելու ժամանակ ազատ էր ամեն տեղ նստելու: Ծառայողների և զանազան պաշտօնակալների մի ստուար բազմութիւն միշտ ներկայ էր այնտեղ: Տասն և երկու եպիսկոպոսներ հայրապետի անբաժան գործակիցներն էին և խորհրդակիցները: Չորս վարդապետ և վաթսուն երէց միշտ անպակաս էին նրա սպասից: Աշխարհականներից մինչև հինգ հարիւր

հողի ամեն օր սեղան էին նստում: Բացի դրանցից՝ հայրապետը ունէր իր այլ և այլ պաշտօնեաները, որպիսիք էին սենեակապետ, փակակալ, դռան եպիսկոպոս, դպրապետ, հիւրընկալ, սարկաւազապետ, դռան վարդապետ, դռան երէց և այլն:

Հայրապետական տունը, Լուսաւորչի բոլոր ժառանգների օրերում, փակուած չէր այս կամ այն վանքի առանձնութեան մէջ: Նա աշխարհից չէր անջատուած և աշխարհի առջև միշտ բաց էր: Լուսաւորչի ժառանգները՝ Աբրահամի, Իսահակի և Յակոբի նման, միեւնոյն ժամանակ թէ ժողովուրդի հայրեր էին և թէ գերդաստանի հայրեր: Նրանք բնակուած էին իրանց ընտանեկան խաղաղ շրջանում:

Մեծ էր փառքը հայրապետի, երբ նա մի օր և է տեղ էր դնում: Մի ամբողջ բանակ շարժուած էր նրա հետ: Մի քանի հարիւր սպառազինուած ձիաւորներ իր թիկնապահներից՝ ուղեկցում էին նրան: Մի քանի հարիւր եպիսկոպոս, վարդապետ, երէց և այլ եկեղեցականներ ջորիների վրայ նստած՝ ընթանում էին նրա առջևից և ետևից: Ինքը հայրապետը նստած էր լինում կամ սպիտակ ջորու վրայ կամ կառքի մէջ, որ նոյնպէս տանում էին երկու սպիտակ ջորիներ, որ միայն թագաւորն իրաւունք ունէր գործածելու: Ջորիների թամբերը և այլ հանդերձանքը զարդարած էին լինում ոստով: Հայրապետը սովորաբար երեօր ծածկած էր ունենում սև քօղով: Առջևից տանում էին հայրապետական գաւազանը, և իբրև սրբազան դբօշ — բարձր խաչվառը: ՎՍՄՈՒԷԼ. — Րաֆֆի

43. Ա Ր Ա Ք Ս

Հին Արաքսը... դարմանալի քմահաճութիւններ ունէր: Անյիշելի ժամանակներից յամառութեամբ կռոււած էր իր անհաւասար եղբերքի հետ և, կարծես, դժգոհ էր այն նեղ շաւղից, որ դժել էր նրա ընթացքի համար նոյնքան քմահաճ բնութիւնը: Նա սիրում էր ազատութիւն: Նեղ շաւղը վրդովում էր նրան:

Երբեմն լեռնային երկու զուգահեռու գօտիներ միաբանում էին և սեղմում էին նրան իրանց անձուկ և խորին ձորակի մէջ: Այդ միջոցին նրա կատաղութիւնը չափ չունէր: Ահռելի յորձանքներով զարկուած էր իր ապառաժոտ ամերին, գոռուած էր, գոչում էր, փրփրում էր, և մարդ, կարծես, լսում էր նրա սոսկալի որոտմունքի մէջ այս ճակատագրական խօսքերը. «Նեղ է... խեղդւում եմ»...

Երբեմն լեռնային գօտիների միաբանութիւնը խախտուած էր, բաժանուած էին միմեանցից, հեռանում էին միմեանցից և բաց էին անում նրա անջև լայն, ընդարձակ տարածութիւն:

Այդ միջոցին նրա կամայականութիւնը չափ չունէր: Ազատուելով իր նեղ կիրճից, մի չար վիշապի նման՝ անխնայ ողողում էր, յեղեղում էր իր հարթ, կանաչազարդ ամերը, — և կամ, մի արբած հսկայի նման, երբեմն դէպի աջ էր թեքուած, երբեմն դէպի ահեակ էր խոտորուած, և երբէք ուղիղ ճանապարհով չէր գնում:

Նա ազատութիւնը խելացի կերպով վայելել չգիտէր: Յանկարծ վիթխարի թևերը բաց էր անում, խլում էր ցամաքից մի կտոր հող և, ճնշելով իր գով գրկի մէջ, կղզիացնում էր նրան: Առժամանակ երեխայական սիրելութեամբ՝ սկսում էր փայփայել և խնամել իր խաղալիկը: Կղզին աճում էր, կանաչազարդում էր, աճում էին թուփերը, վառում էին ծաղիկները: Երկնքի թռչունը հիւսում էր այնտեղ իր բոյնը, վայրի անասունը սնուցանում էր այնտեղ իր ձագուկներին: Կղզին ներկայացնում էր մի գեղեցիկ փունջ, որով զուարճանում էր նա և, պճնասէր երիտասարդի նման, զարդարում էր իր հպարտ կուրծքը: Բայց, յանկարծ, կարծես ձանձրանում էր նա. ալիքները փրփրալով բարձրանում էին, կոհակները կատաղաբար մոնչում էին և մի քանի բոպէի մէջ կլանում, ոչնչացնում էին գեղեցիկ զարդը և նրա հետքն անգամ չէր երևում:

ՎՍՄՈՒԷԼ. — Րաֆֆի

## 44. Ա. Պ. Չ. Ա. Ր. Ո. Ս. Ա. Ղ. Ա. Յ. Ե. Ա. Ն.

Աղայեանը ծնուել է 1840-ին Թիֆլիզից ոչ հեռու գրտնուող Բօյնիս գիւղում: Առաջին ընթերցանութիւնը նա սովորել է Շամշուղա գիւղի քահանայից: 1853-ին նա մտնում է Ներսիսեան դպրոցը, այնուհետև մի տպարանական ձուլարան՝ իբրև աշակերտ, ուր Համբարձում Էնֆիաճեանցի հովանաւորութիւնն ու խրախուսանքը նրան ասպարէզ են տալիս առաջ դնալու: Էնֆիաճեանցի շնորհիւ Աղայեանն ընկնում է իր ժամանակի առաջաւոր մարդկանց՝ Ախվերդեանի, Մարկոս Աղաբէգեանի և այլոց շրջանը: Այդտեղ ահա, տպարանում ծառայելիս, նա ապում է իր անդրանիկ երկը, 1862 թ. «Մեղուի» մէջ: Աղաբէգեանի խորհրդով, արհեստն ու ուսումը կատարելագործելու համար, Աղայեանը թողնում է իր արդէն ապահով պաշտօնը և գրեթէ առանց որևէ միջոցի ուղևորւում Ռուսաստան, ուր Մոսկուայում, կրկին մտնում է տպարան գրաշարութեամբ ապրելու և միաժամանակ ուսումը կատարելագործելու նպատակով: Մի քանի տարի շարունակ Մոսկուայում և Պետերբուրգում փոխ առ փոխ ապրելուց և արհեստի մէջ կատարելագործուելուց յետոյ, Աղայեանը վերջապէս ընկնում է Եգեանի շրջանը: Վերջինի մօտ այդ ժամանակ ժողովներ էին տեղի ունենում, ուր ուսանողները պարտաւոր էին գրաւոր շարագրութիւններ կարդալ թէ անձնական զարգացման և թէ մանաւանդ նորարոյս լեզուի մշակման համար: Այդ ժողովների արդունքն է ահա Աղայեանի առաջին յայտնի աշխատութիւնը՝ «Արութիւն և Մանուէլ»: Ինքն Աղայեանը հետևեալ կերպով է որոշում իր գրած վէպի արժէքը. — «Ոմանք այն միտքը տարածեցին ընթերցող հասարակութեան մէջ, որ իբր թէ իմ աշ-

խատութիւնը մի պատերազմ է յայտնում հին զաղափարների, հին դաստիարակութեան դէմ, որոնց վրայ չի ողբում, այլ յարձակւում է անխնայ և նրանց տեղը տարածում նորը և լաւագոյնը»:

1870-ին Աղայեանը հրաւիրւում է Ախալցխա՝ ուսուցիչ, այստեղից էլ Ալէքսանդրապօլ, որպէս տեսուչ, ապա նոյն պաշտօնով տեղափոխւում է Երևան և Շուշի: Այնուհետև նա նշանակւում է Թիֆլիզի նահանգում թեմական տեսուչ: Ապա հինգ տարի շարունակ նա աշխատակցում էր «Աղբիւր» մանկական թերթին, ուր մի կողմից նա սքանչելի լեզուով խօսում էր մանուկների հետ, իսկ մեծերի բաժնում, դրում և արծարծում մանկավարժական և լեզուական խնդիրներ: Այդ տարիների արդիւնքն է ահա նրա սկսած կռիւը «ու»-ի դէմ, որի շնորհիւ այսօր շատերը հեռեւ լով Աղայեանին, դրում են միայն «ւ» այնտեղ, որտեղ «ու» կարգացւում է «վ»: Աղայեանի գործերից յայտնիներն են. «Արութիւն և Մանուէլ» և «Երկու Գոյր». — Սակայն իբրև մանկական գրող նա իր նամը չունի մեր գրականութեան մէջ. «Անահիար», «Տորք Անգեղ», «Արեգնազան», «Օձամանուկ» և «Արևոհատ», «Արևամանուկ», մեր մանուկների ընթերցանութեան ամենալաւ գրուածքներն են: Աղայեանի դասագրքերը ամենալաւն են մեր գրականութեան մէջ:

Գ. Վանցեան

## 45. Ա. Ր. Ո. Ի. Թ. Ի. Ի. Ն. Ի. Ա. Ղ. Օ. Թ. Ք. Ը.

Ո՞հ, Աստուած իմ, Աստուած, Դու բարի ես, Դու միշտ ողորմած, Շատ ժամանակ է, որ Քո գթութիւնդ երբէք չեմ յիշած. Ներքի ինձ, ներքի, Հայր իմ Արարիչ, ես մեղաւոր եմ, Դու ինձ շնորհել ես ուժ ու զօրութիւն, ես մոռացել եմ. Դու հրամայել ես լինել գործունեայ, ես նոր եմ յիշում, ես այսուհետև գործել կըսկսեմ իմ բոլոր կեանքում. Գործունէութեամբ իմ մէջ կըգտնեմ ես ինձ բարերար, Գործունէութեան դէմ չըկայ ոչինչ անհաս և դժուար: Թող այս ձեռներս, որ այժմ քաջութեամբ, պարապիս գործով, Թող այս ձեռներս, որ այժմ լայնացած, ճոխանայ մտքով,

Թող այս ոտներըս, որ այժմ ամբացած, ուղիղ ընթանան,  
 Թող այս աչքերըս, որ այժմ բացուած, նոր փայլ ստանան.  
 Յօժար եմ, յօժար, ամենայն անձամբ գործունեայ լինել,  
 Հաստատուն յուսով, անվեհեր սրտով միշտ յառաջ դիմել—  
 Դէպի նպատակ—դէպի կատարեալն և դէպի բարին,  
 Որին ձգտելը մի անհրաժեշտ պարտք է մարդկային:  
 Դու մի հաստատուն, ով իմ Արարիչ, կամք տուր ինձ միայն,  
 Իսկ Քեզ վայել է և փտոք և պատիւ այժմ և յաւիտեան:

## 46. Չ Մ Ե Ռ Ն Է

Չմեռն է, ձմեռ, սիրուն երեխէք,  
 Չմեռն է, և դուք դողում, մրսում էք,  
 Բայց դուք մենակ չէք, ես էլ եմ մրսում,  
 Ես էլ եմ ձեզ պէս դողում, սարսրում:  
 Բայց զիտէք արդեօք ինչ է ձմեռը,  
 Այդ պատկառելի համարուած ծերը.  
 Ո՛հ, մի՛ հարցնէք, դուք կըսարսափէք,  
 Երբ զրա բարքը պատմեմ ձեզ մէկ-մէկ:  
 Այդ անիրաւը ուր ոտք է դնում,  
 Առանց խղճալու մահ է տարածում.  
 Երեսին առած ըսպիտակ դիմակ,  
 Մեղինից ծածկում է սև դէմքն այլանդակ:  
 Շատ ժամանակ չէ, ինչ որ դա եկաւ,  
 Եւ դուք լաւ տեսաք, թէ ինչեր արաւ.  
 Դըրա երկիւղից ջուրը քար կտրեց,  
 Քչքրչան առուն լուռեց, պապանձուեց,  
 Դալար բոյսերը սառան, փէտացան,  
 Նախշուն հաւքերը թռան, հեռացան,  
 Բայց էլի շատին իր ճանկը ձրկեց,  
 Բուք-բորան արաւ, բոլորին խեղդեց,  
 Սիրուն վարդենու թուփը չորցրեց,  
 Սոխակի լեզուն տակիցը կտրեց:  
 Ո՛վ դու կեղծաւոր, փաշտեցի ձեր,  
 Դու ունիս, գիտենք, շողոքորթներ էլ,

Որոնք բորանդ, թիփիդ չեն տեսնում,  
 Ոչ բուք-բորեաղիդ տակ ցրահարում.  
 Սառցեղէն սրաին ինչ բուք, ինչ բորան  
 Կարէ ներգործել, կամ ինչ ցուրա՝ ինչ բան.  
 Օրը կարճացել, գիշերն երկարել,  
 Լոյսը նուաձուել, խաւարն է տիրել,  
 Երկինքն ամպապատ, գետինքը սառած,  
 Գարունը հեռու, ցուրտը կատաղած.—  
 Այսպէս է անա սոսկալի ձմրան  
 Ալիքով ծածկած պատկերը դաժան...

Ցուրա է, սասաիկ ցուրա, սիրուն երեխէք.  
 Եթէ ինձ նման դուք էլ մըրսում էք,  
 Եկէք միասին մի հնար գտնենք,  
 Չմռան ճանկերից մեր գլուխն ազատենք:  
 Դուք ձեր մանկական անարատ մտքով,  
 Ես իմ հասակիս բազմամեայ փորձով,  
 Եթէ կամենանք, խելք խելքի կըտանք,  
 Եւ ինչից ասես՝ կրակ կըստանանք,—  
 Կրակ լուսատու, պայծառ, անստուեր,  
 Որ տաքացնէ սառցեղէն սրտեր,  
 Որ կենդանացնէ դօսացած ձեռներ,  
 Որ հալեցնէ սառցապատ լեռներ.—  
 Օրինակ առնենք մեզ կիզ-ապակին,  
 Եւ մենք կըհասնենք մեր նպատակին:

Ղ. Աղայեան

## 47. Ա Շ Ո Ի Ղ

Ինչպէս ամեն տեղ, նոյնպէս և մեր երկրում երգերը  
 դարերի ընթացքում ապրել են ժողովրդի բերանում, սերնդից  
 սերունդ անցնելով: Երգի հետ միասին առաջ է եկել և ե-  
 րաժշտութեան նախնական ձևը՝ սրինդն ու սազը, որ մի  
 տեսակ պահանջ դառնալով ժողովրդի համար, առաջ է բե-

բել երգող երաժիշտների մի ամբողջ բաղմուժիւն, որ մեզանում աւուղ են անուանում:

Անգրկովկասի ժողովրդական երգիչներ-աշուղները, որոնք բացառապէս նուիրուած են իրանց արհեստին, թափառական կեանք են վարում: Նրանք առն չունին, նրանք շրջում են գիւղից գիւղ, գաւառից գաւառ, երգում, սաեղծագործում... Պէտք է ասել, որ ժողովրդական երգիչը մեծ յարգ ունի մեր գաւառներում, նրա կուրուժեան առջև պատկառում է գիւղացին, իսկ նրա ստեղծագործութեան մէջ նախախնամութեան մատը տեսնելով՝ ժողովուրդը երկիւղածութեամբ է վերաբերում դէպի աշուղը:

Օտար աշուղը գիւղում ամբողջ հասարակութեան հիւրն է. ձմեռը նրան անից տուն են տանում և, մի քանի ընտանիք ժողովուրդով մի որ և իցէ գոմում, սաքուի վրայ, բոլորուելով երգչի շուրջը, մի իւր է ճրագի լոյսի ասկ, որ մի խոհրդաւոր տեսք է տալիս ժողովին, ականջ են դնում երգչի նուագախառն երգին և սրտի յուզմունքների բուռններում աշուղին սև կոպէկներ նուիրում:

Պէտք է ասել, որ գիւղերում ձմեռուայ համերգները աւելի ընտանեկան բնաւորութիւն ունին, իսկ ամառը, մանաւանդ լուռընկայ գիշերները, մի մեծ հրապարակի վրայ, գլխաւորապէս կրպակի մօտ՝ ամբողջ գիւղը լցում է երգչին ականջ դնելու և աւելի հետաքրքրում է աշուղների մրցութիւնով:

Աշուղների մրցութիւնը, այն էլ յայտնի, արդէն հրոչակ ստացած աշուղների մրցութիւնը մի ամբողջ դարագլուխ է կազմում գաւառական կեանքի մտաւոր պատմութեան մէջ: Երկու նշանաւոր աշուղների մի գիւղ գալը իմացում է գաւառում մի քանի օր առաջ. հարեան գիւղերից շատերը գալիս են ներկայ գտնուելու երգերի այդ ճակատամարտին, և ամբողջ գաւառը անհամբեր, լարուած հետաքրքրութեամբ սպասում է մրցումի վախճանին, որի մանրամասն պատմութիւնը սկսում է բերանից բերան շրջել գաւառներում և երկար ապրում է սերունդների յիշողութեան մէջ: Պատմում են, որ աշուղների այնպիսի մրց-

ցումներ են եղել, որոնք օրեր ու շաբաթներ են շարունակուել: Այն երգչի մասին, որ տանում է յաղթանակը, ժողովուրդը ասում է, օրինակ՝ «Աշուղ Օհանը աշուղ Դաւթին կապեց»:

#### 48. ԱՇՈՒՂՆԵՐԻ ՄՐՑՈՒՄԸ

Գիւղի քեթիսուղաները, քահանան և բոլոր կանայք ու երեխայք հաւաքուել էին և աշուղի շուրջը ծալապատիկ նստաւել գետնի վրայ: Այդ խմբին մօտեցաւ մի ուսում առած երիտասարդ Յարութիւն անունով: Սա ոչ որի վրայ ուշք չկարծրեց, բացի աշուղի նուագարանից (սազ), որի մեծութիւնն ու զարդարանքը գրաւեց իրան: Ուստի անվախ ու համարձակ մօտեցաւ աշուղին և գլուխ առեց նրան, ասելով.

— Է՛ղիս օլա, սևտա \*):

— Է՛ղիսն չո՞խ օլա, սաֆա գեալգն \*\*), պատասխանեց աշուղը:

Նրանք իրանց խօսքերն ու երգերը շարունակեցին տաճկերէն, որոնց թարգմանութիւնը այս է.

ՅԱՐՈՒԹԻՒՆ. Վարպետ, չի՞ կարելի արդեօք, որ մենք գօտիկ գօտիկ խփենք, շնորհք շնորհքի: Ես լսել եմ քո համբաւաւոր անունը և եկել եմ, որ՝ եթէ կարելի է, մեր շնորհքը իրար հետ համեմատենք:

ԱՇՈՒՂ. Գլխիս վրայ, մեծ ուրախութեամբ, շատ սիրով, շատ բարի, շատ բարի... Բայց, իմ սիրելի, իմ աչքիս լոյս, ես տեսնում եմ, որ դու աշուղ չես, դու նուագարան չունես, նուագարանդ ուրիշի ես տուել, ինձ մօտ առանց նուագարանի եկել... Ո՛չ, այդպէս չէ լինում... Ինձ մօտ նուագարանով են գալիս, առանց նուագարանի զնում... Դու մոլորուած ես, քեզ խաբել են, դու երիտասարդ ես... Իմ գիրն այնպիսի գիր չէ, որ ամեն մարդ կարգայ. իմ

\*) Զուարթ կաց, վարպետ: \*\*) Եստ զուարթ կաց, բարով եկար:

Չուրն այնպիսի Չուր չէ, որ ամեն մարդ խմի... Ի՞նչ կ'ա- սես, սան ետխի (դո՛ւ լաւ ասա):

ՅԱՐՈՒԹԻՒՆ (իր մէջ). Այս ի՞նչ ճարտար մարդ է, սրան չի կարելի յաղթել: Է՛հ, շատ հոգս չէ, ի՞նչ ուզում է՝ լինի, ձու հօ. չեմ, որ կոտորեմ, աշուղ չեմ, որ անուես կոտորուի: (Ձայնը բարձրացնելով) Գիտես ի՞նչ կայ, վար- պետ, դու ուղիղ ես ասում, ես աշուղ չեմ, ուզում եմ աշուղ դառնալ, բայց նուազարան չունիմ: Քո նուազարանը ինձ շատ է դիւր գալիս: Ա՛րի մրցենք (բաս մտնենք), ի՞նչ ուզում է՝ թո՛ղ լինի: Եթէ դու յաղթես, ես իմ հրացանը քեզ կը ասամ, որ Ղոխմ-բաղչասարայի է, երկու հարիւր ուսելով է առած: Թո՛ղ վկայ լինեն այս բոլոր քեթխուղա- ները: Իսկ եթէ ես յաղթեմ, որ յոյս ունիմ Աստուծով, նուազարանը, ինչպէս աշուղների օրէնքն է, մեծահոգու- թեամբ ինձ կը տաս:

ԱՇՈՒՂ. Ծատ բարի, շաա բարի... Բայց դու գոնէ ա- շուղների օրէնքը գիտես, որ սկզբի ասելու իրաւունքն իմն է. որովհետեւ դո՛ւ ես եկել ինձ մօտ, դո՛ւ ես ուզում իմ նուազարանը ձեռքիցս առնել, որ երազով էլ չես տեսնի...

ՅԱՐՈՒԹԻՒՆ. Գիտեմ, գիտեմ, բոլոր կանոնը գիտեմ: Կարող էք սկսել:

Նրանք հարցրին իրար անունը. աշուղն ասեց որ իր անունը Ծոխայի է, Յարութիւնն էլ իր անունը փոխեց, ասեց՝ «Քերովբէ եմ»... Յարութիւնը իր մահակը նուազա- րանի տեղ բռնեց և ծունկ չոքեց աշուղի դիմացը: մենից առաջ սկսեցին պարծենալ: Բայց որովհետեւ սկզբի ասելու իրաւունքը աշուղինն էր, նա առաջ սկսեց: Յարութիւնը պարտական էր նրա երգի յանդին (դափիս) ետևել:

ՇՈՂԱՅԻ (սկսում է երգով պարծենալ).

Ընդունիր ողջոյնս, աշխոյժ պատանի,  
Համարձակ, քաջի պէս դուրս արի մէյդան.  
Թո՛ղ չ'ելլէ ասպարէզ, ո՛վ շնորհք չունի,  
Աշուղ անուն տալը նրան չէ արժան:

ՔԵՐՈՎԵՒ. — Ընդունում եմ ողջոյնդ, պատուելի վարպետ, ես ունիմ խօսքերիդ մէկ մէկ պատասխան.

Ձեմ մնայ քո դիմաց յետադէմ, անպէտ,  
Համարձակ կանգնող եմ քո դէմ յանդիման:

ՇՈՂԱՅԻ. — Կանչել եմ անունը Մըշու Սուլթանի,  
Որ մարդին \*) նամարդի նա մոհտաջ չանի.  
Երևի քաջ լինել դու չես արժանի,  
Քեզնից պէտք է խըլել քո գէնք հըրացան:

ՔԵՐՈՎԵՒ. — Ես այդ չեմ ընդունում, դու սո՛ւտ ես խօսում,  
Ի դուր ես ինձանից շուտով բամբասում.  
Ոսկեռանդ լարերը սաղիդ չէ՛ն ասում,  
Որ յետ երկրոպէի ինձ է սեպհական:

ՇՈՂԱՅԻ. — Իմ ոսկեթել սաղին շատերն են հաւնել,  
Շատերը քեզ պէս մէյդան են ելել.  
Բայց նրանք են իրանց սաղից զրկուել.  
Եւ սարսափած փախել մինչի Հընդստան:

ՔԵՐՈՎԵՒ. — Վայ, վարպետ, վարպետ, 'պա չէ՛ս ամաչել,  
Որ այդպէս խոր ու մութ երգեր ես կանչել...  
Այդ սչինչ, թէ և դու սովոր չես փախչել,  
Այժըմ նրանց յետքից կ'երթաս Խորասան:

ՇՈՂԱՅԻ. — Դու որ կաս՝ փետուր ես, ես որ կամ՝ քար եմ,  
Կարծում ես թէ ես էլ քեզ պէս անձա՛ր եմ.  
Սպասիր, քո առջևդ մի թակարդ լարեմ,  
Որ դու ընկնես մէջը ճընճղուկի նրման:

ՔԵՐՈՎԵՒ. — Ես այնպէս տրդայ չեմ, որ թակարդ ընկնեմ,  
Ինձ ի՞նչ պէտք է ասես, որ ես չըզըմանեմ.  
Բայց քո վերադ այնպէս մի քար կը գնեմ,  
Որ հէնց մընա՛տ տակը այժմ և յաւիտեան:

— Դրան վերջ չկայ, ձայն տուին քեթխուղաները. դո՛ւ կ'ասես, նա կ'ասի... Ծնւտ արէք, թէ բան էք ասե- լու, ասեցէք, տեսնենք սրբդ էք յաղթուում, սրբդ չէ:

ՇՈՂԱՅԻ. — Դուք շատ էք շտապում, թո՛ղ լինի այդպէս,  
Սրա պէս պարծեցողին չեմ անի անտես.

\*) «Մարդին» բառի մէջ, որ նշանակում է «աղնիւ», դն ք չպէտք է հնչել:

Աշուղ Շոհրային եմ, գիտուն, սրբատես,  
Չեմ ուզում լինել ցածհոգի, անբան:

**ՔԵՐՈՎԻԷ.**—Քո բոլոր գիտութիւնն ինձ վաղուց է յայտ,  
Մի նայիր որ սաղի տեղ ձեռքումս է փայտ.  
Անբաղդ Քերովբէն եմ, աշուղ եմ անյայտ,  
Ո՛հ, թէ այսպէս մընամ մինչև օրն իմ մահուան:  
Սրան հեակում է հանելուկ թեժիւսը, այսինքն հարց  
ու պատասխանը:

**ՇՈՂԱՅԻ.**—Լըսիր, թէ գիտուն ես, ո՞վ քաջ ձևացող,  
Այն ո՞վ էր, որ ջուր հանեց ոսկրից,  
Այն ի՞նչ պողաւոր էր, երեսին կար քօղ,  
Ո՞վ է ծնուել երկու անգամ մօրից:

**ՔԵՐՈՎԻԷ.**—Քո ասածներին կամ պատրաստ լըսող,  
Մամիսոնն էր՝ ջուր հանեց ոսկրից,  
Պողաւոր Մովսէսն էր՝ երեսին կար քօղ,  
Յովսէսն էր ծնուել երկու անգամ մօրից:

**ՇՈՂԱՅԻ.**—Ի՞նչ ծառ է, որ անհող, անջուր է բսնում,  
Առանց տերևների ճիւղեր արձակում.  
Ի՞նչ բան է սուր՝ քան թուր սրբաի մէջ ցցում,  
Այն ի՞նչ արարած է, որ ծընաւ հօրից:

**ՔԵՐՈՎԻԷ.**—Բախրի եղջիւրները անհող, անջուր են բսնում,  
Առանց տերևների ճիւղեր արձակում.  
Դառը խօսքն է սրբատում սրբի պէս ցրցում,  
Քո կարծիքով Եւան ծընել է հօրից:

**ՇՈՂԱՅԻ.**—Այն ո՞վ էր, որ սայլով երկինք վերացաւ,  
Սողոմոնն իմաստունը ի՞նչ բան չիմացաւ,  
Կարմիր ծովը քանի տեղից պատուեցաւ,  
Շոհրային եմ՝ շատ լաւ տեղեակ բոլորից:

**ՔԵՐՈՎԻԷ.**—Եղիան էր՝ սայլով երկինք վերացաւ,  
Սողոմոնն ինձպէսի միտքը չիմացաւ.  
Կարմիր ծովը տասներկ տեղից պատուեցաւ.  
Քերովբէն եմ՝ շատ ու շատ գոհ այս օրից:  
Հարցնելու հերթը հասաւ կեղծանուն Քերովբէին. ուս-  
տի սկսեց, բայց ոչ թէ տաճկերէն, այլ հայերէն:

**ՔԵՐՈՎԻԷ.**—Ես քո սուր հարցերը մէկ մէկ լուծեցի,  
Չկամիմ հեակել քո մոլորութեան.  
Հէնց այժմ մի չընչին խօսք մրաածեցի.  
Ո՞վ է հիմքը դրել Հայոց ազգութեան:

Աշուղը մնաց լուռ ու գունաթափ. չիմացաւ թէ ինչ  
պատասխանի: Բայց քեթխուղաները հարկադրեցին Քերով-  
բէին որ նա աւարտէր իր երգը, ուստի նա շարունակեց.  
Եթէ դու գովէիր Հայոց Քաջերին,  
Մի համբոյր կը տայի սաղիդ լարերին.  
Բայց դու հաւատում ես սուտ սուտ խօսքերին,  
Չգիտես՝ ո՞վքեր են Սրամ ու Տիւրան:  
Քեղ Սուրբ Կարապետը շնորհք է տուել՝  
Պարզամիտ Հային խաբել, սուտ ասել.  
Դու հայերէն անգամ չես ուզում երգել,  
Ո՞րտեղից կ'իմանաս՝ ո՞վ էր Դայլ Վահան:

—Է՛ վալլա, ասեց աշուղը՝ սաղը տալով Յարութիւ-  
նին: Յարութիւնը սաստիկ ուրախանալով՝ չիմացաւ ինչ ա-  
սի: Յանկարծ միտքն ընկաւ իր սովորական երգը, որ այս էր.  
Աշուղ ըմ չալ քչեղանկ,  
Մհանի կանչեմ քու տեղանկ.  
Աղջիկ չըմ, թա հրմանչիմ,  
Տըզայ ըմ, ծիլ ծիլ կը կանչիմ...  
Այս մէկ տունը երգեց ու իսկոյն հեռացաւ, որ սաղը  
ձեռքից յետ չխլեն:

Ղ. Աղայեան



Աղէքսանդր Մովսիսեանը (Շիրվանդագէ) ծնուել է Շամախի 1858 թ. ուսել է նախ՝ նշանաւոր բողոքական Սարգիս վարժապետի մօտ, ապա հայոց դպրոցում. այնուհետև ուսաց դաւառական ուսումնարանում (уѣздное училище): 17 տարեկան նա գնում է Բագու, ուր ծառայում է նահանգական ատեանում իբրև գրագիր. ապա եղել է հաշուապահ՝ զանազան առևտրական տներում, մինչև 1887 թիւը: Բագուից նա արդէն թղթակցութիւններ էր գրում «Մեղու Հայաստանի» և «Մշակ» լրագիրներին:

Շիրվանդագէի առաջին գործը, որ արժանացաւ ուշադրութեան, «Հրդեհն» էր, տպուած «Մշակում» 1883 թ. այնուհետև Շիրվանդագէն գալիս է Թիֆլիզ և 1884-ից սկսում է աշխատակցել «Արձագանքին» ու պարապել զուտ գրականութեամբ: Նշանաւոր գործերն են. «Հրդեհ», «Գործակատարի յիշատակարանը», «Նամուս», «Օրիորդ Լիզա», «Նորերից Մէկը», «Արամբին», «Արսէն Դիմաքսեան», «Յաւագար», «Քաօս» և այլն: Շիրվանդագէի վէպերի նիւթը քաղաքի կեանքն է: Նա էր, որ առաջին անգամ սկսեց խորը մշակել իր ներկայացրած տիպերի հոգեբանական կողմը և միջավայրը, որով հիմք դրեց հոգեբանական վէպին մեր մէջ, միանգամայն հեռու մնալով մինչ այն մեղանում սիրուած ու տարածուած ժողովրդագրական կամ ազգասիրական վէպերից: Այսպէս անուանուած րէալիստ ուղղութեան լաւագոյն ներկայիչն է մեր մէջ: Վերջերս Շ. փորձեց իր տաղանդը և թատերգութեան մէջ, տալով մեր գրականութեանը Սունդուկեանից յետոյ ամենայաջող պիեսները: Յայտնիներն են. «Եւզինէ», «Ունէր իրաւունք», «Պատուի համար» և այլն:

Հրդեհն արդէն բաւական ընդարձակուել էր: Այրոււմ էր ամենաարդիւնաբեր հորերից մինը: Կրակը, բուրգի ստորին մասից սրընթաց դուրս գալով, շատաւում էր ընդգրկել ամբողջ աշտարակը: Երկնքի հորիզոնի վրայ ձգուել էր մթին ծխի մի լայն ժապաւէն, որ քամու ընթացքով տարածոււմ էր հեռու և հեռու:

Մշակները շրջապատել էին վիթխարի խարոյկը և կազմել կենդանի օդակ սարսափած դէմքերի, ապշած աչքերի: Մի խումբ մտել էր ասպարէզ և աշխատում էր դուրս բերել բուրգի տակից մեքենան, միակ բանը, որ կարելի էր կրակից ազատել:

Միքայէլի առաջին միտքն էր, դտնել եղբօր գաւակներին ու կնոջը: Առանց տատանուելու, վաղեց դէպի այն պատշգամբը, ուր այնքան ծանր հառաչանքներ էր արձակել կրծքից, նայելով դիմացի լուսամուտներին: Կրակը դեռ չէր հասել բնակարանին, բայց արդէն մօտենում էր: Մշակներն աշխատում էին բուրգի և բնակարանի մէջտեղում գտնուող նաւթային լճակը ապահովել կրակից: Եթէ նա վառուէր, ամբողջ տունը կորած էր:

— Եկէք ետևիցս, — գոչեց Միքայէլը, դառնալով առաջին մշակներին:

Շրջանից բաժանուեցին երեք հոգի՝ Չուպրովը, Ռասուլը և Կարապետը: Նրանք հէնց նոր էին հասել հրդեհի տեղը և դեռ չզխտէին վաանգը որ կողմումն է: Ամենից առաջ վաղեց Չուպրովը, հրելով ընկերներին աջ ու ձախ: Ամբօխը տեսնելով հակային սանդուղքի վրայ, օգևորուեց: Մի քանի վայրկեան կարմիր շապիկը փալվիւեց բոսորագոյն լոյսի ներքոյ և չքացաւ:

Ծուխն արդէն շրջապատել էր ամբողջ տունը: Մի քանի րոպէ ևս, և ամեն ինչ կարող էր ուշ լինել: Եթէ կրակ էլ չլինէր, ներսում եղողները պիտի ծխից խեղդուէին: Նաւթային հրդեհը նման չէ սովորական հրդեհներին: Հանքերում ու գործարաններում կրակը երբեմն տարած-

ւում է հողմի արագութեամբ: Այստեղ այրում է ամեն ինչ, նոյն իսկ օդն ու երկիրը՝ ամենուրեք տարածուած նաւթի ու գազի շնորհով: Շատ անգամ մարդիկ հաղիւ լսում են շուրջներէ սուլոցները, և արդէն նրանց կեանքը վտանգի մէջ է: Դեռ լաւ է, եթէ կրակն սկսուում է բուրդից կամ շէնքից: Իսկ եթէ կրակն սկսուել է նաւթամբարից, վտանգն անխուսափելի է: Ամբարի ազատ տարածութեան մէջ կուտակուած գազը, ընդհարուելով կրակի հետ, պայթում է հարիւրաւոր թնդանօթների ուժով, և կրակի հեղեղը սփռուում շորս կողմ:

Չուպրովը պատշգամբի վրայ ուժեղ ձեռներով յետ մղեց Միքայէլին, գոռալով՝

—Այս ձեր տեղը չէ:

Նա վազեց ներս: Նա հասկացել էր, որ այնտեղ մարդիկ կան, որոնց պէտք է ազատել: Թէ ուր էր էին այդ մարդիկ, միևնոյնն էր նրա համար: Արհամարհել ամեն վտանգ և ազատել մարդկանց—այս էր հասարակ մոտեցիկի պարզ սկզբունքը:

Լճակը բռնկուեց բուրդից թափուող խոշոր կայծերից: Կրակը մի քանի բոպէում կլանեց կիզանուտ հեղուկը: Սև ծխի թանձր ամպերը պատեցին շորս կողմ:

Չուպրովը լսեց ամբողջի ազդակը և բնագրումով գուշակեց, որ վտանգն անցնում է բնակարանի ներսը: Նա երեսը խաչակնքեց, չմոռանալով զրակը վերցնել, և վազեց յաջորդ սենեակը: Այս տազնապալի վայրկեանին նա մի ձեռով խլեց Ալեօշային, միւսով փետուրի պէս բարձրացրեց Վասիլային: Մանուկներն ապշած էին, չբզիտէին ինչ է կատարուում:

—Մամա—գոռաց Վասիան, ամուր գրկելով Չուպրովի պարանոցը:

Մի քանի վայրկեան անցած, ղռների մէջ երևաց Կարապետը, որ ուսերի վրայ դուրս էր բերում Անտօնինա Իվանովնային: Տիկինը արձակում էր յուսահատական ճչեր:

Կարապետի ետևից յայտնուեց Ռասուլը, տիկնոջ ազականին շալակած:

Միքայէլն իջաւ բակը միայն այն ժամանակ, երբ համոզուեց, որ ներսում ոչ ոք չմնաց:

Այժմ բակում տիրում էր բարելոնեան խառնակութիւն: Մշակներն աւելի գոռգոռում էին, քան օդնում: Միմեանց հրում էին, միմեանցից առաջ վազում, վայր ընկնում, վեր կենում թրջուած, ցեխաւած: Ուրախացան, երբ լսեցին, թէ աղայի ընտանիքը այժմ ապահով է:

Կիզանուտ հեղուկով սողորուած փայտաշէն բուրգն այժմ ներկայացնում էր մի հսկայական ջահ, վառուած ծայրէ ի ծայր: Կրակն արագ լափում էր բուրդի տախտակները, ինչպէս սոված կենդանին լափում է ծառի շոր տերևները: Բիւրաւոր խոշոր կայծերը, փամփուշաների պէս, բարձրանում էին վեր, ծխի ալիքների մէջ կատաղի պլատյաներ գործում և թափուում ներքև: Գոյացել էր մի սքանչելի հրեղէն անձրև: Քամին կայծերը հաւաքում էր ու ամսում կիտում պատերի տակ, անկիւններում ու երկրի խոռոչներում այնպէս, ինչպէս կիտում է ձիւնը:

Կային միամիտ մշակներ, որ ճգնում էին ջրով հանդցնել բուրդը, մի բան, որ անհնարին էր: Կրակը ծիծաղում էր ջրի բազկաշափ հոսանքի վրայ, որ չբթչթալով դուրս էր գալիս սեպիտի խողովակից, ձեռաշարժ ջրմուղի միջոցով: Այլովի ահուելի լեզուները, ընդհարուելով հակառակ տարրի հետ, արձակում էին դիւական քրքիջներ: Չուրը, մի վայրկեան շոգի դառնալով, աւելի ոյժ էր տալիս կրակին, քան կուում նրա հետ:

Փորձուած բանուորները աշխատում էին նաւթամբարները ապահովել հրեղէն անձրևից: Այրուող բուրդից ոչ այնքան հեռու կար նաւթով լի մի գեանափոր շտեմարան: Մօտ քառասուն մշակ, մոռանալով ամեն վտանգ, հաւաքուել էին նրա հոգային կտուրի վրայ և թրջուած թաղիքներով ծածկում էին բաց տեղերը, ուսկից դուրս էր գալիս նաւթային գազը: Մի թեթև ընդհարում ալովի հետ, և նաւթամբարը պիտի պայթէր, իր հետ օդը ցնդեցնելով մշակներին:

«ՔԱՍՍ». Շիրվանզադէ

## 51. Հ Ո Գ Ե Հ Ա Յ

Տան ընդարձակ բակում խոնուել էր խեղճերի անազին բազմութիւն: Հանգուցեալի դորձակատարներն ու սպասաւորները նրանց կերակուր էին բաժանում: Տիրում էին անասելի աղմուկ և իրարանցում: Կեղտոտ, կիսամերկ մուրացկանները միմեանց հրում էին, խփում, հայհոյում՝ աշխատելով իրարու առաջել և մօտենալ խոհանոցին:

Պոնձէ կաթսաների հնչիւնները, ծառաների դռուս-դոնչիւնները, քաղցած խուժանի կառաչիւնը ընդհանուր առմամբ ներկայացնում էին քաօս, ուր տիրում էին կոպտութիւնը, կեղտը, ցնցոտիներն ու հայհոյանքը: Մի կոյր հայ փայտով անխնայ հարուածում էր աջ ու ձախ: Մի սլաքանի սլաքսիկ, նրա փէշերից բաշելով, աշխատում էր ինքն առաջ ընկնել: Մի ուսու անդամալոյծ սայթաքեց, ընկաւ մի ասորի կնոջ վրայ և կարողութիւնից խածեց ոտը: Մի կարմրերես լեզզի, որի թևերը մինչև արմունկները կարած էին, սրա ու նրա վրայ էր արձակուում, ատամներով խլում մսի կտորները և դրեթէ առանց ծամելու կուշ տալիս: Շների վոհմակը խտոնուել էր մուրացկաններին և մրմուռով կրծոտում էր դեանի վրայ թափուած սակորները և լակում կերակուրների կեղտոտ հեղուկը:

Բոլոր ուսելիքները բաժանուցեցին, խոհանոցի դռները փակուցեցին, բայց խուժանը դեռ չէր հեռանում: Նրանց շան սլէս փայտերով չէին արտաքսում, և այս նշանակում էր, որ մի բան կայ: Ահա սանդուղքի վրայ յայտնուեց Սրաֆիօն Գասպարիչի հանդիսաւոր կերպարանքը: Նա հրամայեց ծառաներին — մէկ մէկ մուրացկաններին թոյլ տան իրան մօտենալու: Ձեռում բռնած էր մի գոյնզգոյն թաշկինակ արծաթի դրամներով լի: Սյրի աիկին Ոսկեհասն էր հրամայել սեպհական փողերից հարիւր ուսելի բաժանել մուրացկաններին հանգուցեալի յիշատակին:

Սրաֆիօն Գասպարիչը թաշկինակը շարժեց, դրամները հնչեցին: Արծաթի ախորժալուր ձայնը, էլէքարական տօկի սլէս անցնելով խուժանի մարմնով, ցնցեց նրան: Քանի մի

վայրկեան անշարժ էր և ապշած նայում էր վաղեմի ատիճանաւորի դիւթական թաշկինակին: Բայց անա շարժուեց, դղրդաց և, խուշ աղաղակ բարձրացնելով, արձակուեց թաշկինակի վրայ, որովէս դիշակեր ազուաների երամ: Այլ ևս ոչ ծառաներն ու գորձակատարները և ոչ փողոցից եկած ոստիկանները չկարողացան զսպել մերկանդամ բանակը:

Սուժանը շրջապատեց ծերունուն: Հարիւրաւոր կեղտոտ, առողջ և դօս ձեռներ միաժամանակ ցնցուցին օդի մէջ. կազմուեց մի շարժուն անտառ: Կային անդամալուծներ, զուրկ երկու ոտներից: Ձեռների վրայ սողալով, սրա ու նրա ոտները բռնահարում էին և երբեմն կծոտում, որ իրանց համար ճանապարհ բանան: Պատանիները արմունկների հարուածներով միմեանց քիթը և ծնօտն էին ջարդում: Կանայք ճշալով իրարու մաղերն էին քաշքշում: Պարսիկները օրհնում էին հանգուցեալի յիշատակը և աղերսում նրա համար երկնային դրախտ: Քրիստոնեաները անդուսպ հայհոյում էին «անհաւատներին», անխնայ ծեծելով նրանց: Խլացուցիչ ժխորի մէջ լսում էին ամենակեղտոտ ածականներ, ամենազաղբելի յիշոցներ, որ դարերի ընթացքում կազմուել էին ցեխի կոյտերից, այն աղտոտ մթնոլորտում, ուր սուլրում է ու շնչում է մերկութիւնը:

Տեսարանը հետաքրքրել էր հիւրերից շատերին: Պատշգամբի վրայ հաւաքուած, նայում էին դէպի ցած և զուարճանում: Դրանք մեծ մասամբ հարուստ երիտասարդներ էին:

Այստեղ էր նաև բանաստեղծ-հրապարակախօս-թղթակից Արմենակ Մարգպետունին, թուխ - դեղնագոյն դէմքով, մեծ քթով, փոքրիկ միրուքով մի երիտասարդ, հազին երկայն մահուդեայ սև սիւրառուկ, որի անթիւ ծալերը ցոյց էին տալիս, թէ նոր է սնդուկից դուրս բերուել: Տեսարանը թելադրում էր նրան մի յօդուած, որ պիտի կրէր «Հակադրութիւն» վերնագիրը: Նայում էր դէպի ցած — քաղցի ու մերկութեան ստակալի պատկեր, ուր մարդիկ շներից

չէին ջոկուում: Նայում էր դէպի վեր—կշտութեան ու անհոգութեան կենդանի մարմնացում: Այնտեղ մերկ մարմիններ, կեղտոտ ու զգզուած մազերով ողորմելի դուռխներէ մի քստմնելի ճահիճ: Այստեղ վերջին տարազի հագուստներ, ոսկէ շղթաներ՝ թանկագին «բրելօկներով» ազամանդեայ մատանիներ ու փողկապի քորոցներ: Կաբելի էր խըղձալ ոտորինին, գրչով համակրել նրան, բայց զրաւիչը վերինն էր: Ահա ինչու Մարգպետունին աշխատում էր իր վրայ դարձնել հաբուստ երիտասարդների ուշադրութիւնը, պտոյտ-պտոյտ անելով նրանց շուրջը:

Մօտեցաւ Սմբատին, հանդուցեալի որդուն, որ դիտում էր իր սեղանի փշրանքների վրայ կռուող խուժանին, և ասաց.—ես այսօր ևեթ կը նկարագրեմ թաղման հանդէսը և կուղարկեմ լրագրին...

—Լաւ,—արտասանեց Սմբատը անտարբեր:

—Մեր պարտքն է սուպարէզ հանել հանդուցեալի օրինակելի բարեգործութիւնը...

—Իմ կարծիքով, կարելի է և չգրել այդ մասին:

—Ոչ, անպատճառ պէտք է գրել, որ ուրիշներին օրինակ լինի...

Սմբատը երեսը շուռ տուեց, հազիւ կարողանալով թաղցնել արհամարհանքը դէպի թղթակիցը:

Մօտեցաւ ազատամիտ Տէր-Աշոտը:

—Ցտեսութիւն, Սմբատ Մարկիչ, թոյլ տուէք կրկին ու կրկին ասել, որ ձեր հայրը իրան անմահացրեց...

Մօտեցաւ պահպանողական Տէր-Սիմոնը:

—Պարոն Սմբատը իր հանդուցեալ հօր արածը մեզանից լաւ է հասկանում,—ասաց. հակառակորդին մի կատաղի հայեացք պարզեցրուց յետոյ, սիրալիր նայելով հաբուստ ժառանգին:

Սմբատը քաղաքավարի, բայց սառն սեղմեց մէկի ու միւսի ձեռը և, երեսը գարձնելով, հեռացաւ:

«ԲԱՍՍ». Շիրվանզադէ

52. ՄՈՒՐԱՅԱՆ—ԳՐԻԳՈՐ ՏԷՐ-ՅՈՎՀԱՆՆԻՍԵԱՆ ✓

Ծնել է Շուշի 1854 թ., ուսել և աւարտել է տեղի հոգևոր դպրոցում 1874-ին և եղել է ուսուցիչ: Թիֆլիզ գալուց յետոյ շարունակ զբաղուել է հաշուադահութեամբ: 1880-ին «Փորձ»-ում լոյս է տեսնում նրա գրած «Բաղդասար Միաբնակիցի կենսաբը».—1882-ին գրում է «Ռուզան»-ը, որ խաղոյն ներկայացնում են և այնուհետև դառնում է մեր բեմերի սիրած պատմական պիեսներից մինը:

Մուրացանի միւս նշանաւոր գործերն են. «Հայ-բողոքականի բնտանիքը», «Հասարակաց որդեգրը», «Իմ կաթոլիկ հարսնացուն», «Անպատճառ իշխանուհի», «Զ'հաս», «Սորհրդաւոր Միանձնուհի», տպուած մեծ մասամբ «Նոր-Դարում». 1896-ին «Արձագանքում» լոյս տեսաւ նրա առաջին պատմական վէպը, «Գէորգ Մարգպետունի», որ Մուրացանի գլուխ գործոցն է: Այնուհետև նա գրեց. «Անդրէաս Երէց» և այլն. նորերս մի հատորի մէջ նա հրատարակեց 1) «Նոյեան ազուաւը», 2) «Առաքեալը» և 3) «Սորհրդաւոր Միանձնուհին».—Նոյեան ազուաւը ներկայացնում է ծնողների միակ զաւակին, որ գնում է ուսանելու, կրանում է ծնողաց խնամքն ու կարողութիւնն առանց նրանց սրկէ օգուտ բերելու և կորչում է ինչպէս «Նոյեան ազուաւ»: «Առաքեալը», հարուստի զաւակ, աւարտում է մեծամեծ խոստումներով, գաղափարով ներշնչած վերագաւնում է հայրենիք, գնում է գիւղ, ապա Սևան, տեսնում է ժողովրդի կարիքն և ըզգում, որ ինքը պիտանի կարող է լինել, սակայն կօնֆորտի պակասութիւնը նրան ստիպում է քաղաք վերադառնալու և մոռանալու իր խոստումները:

Այս երկուսին հակադրուած է «Սորհրդաւոր Միանձնուհին», մի կոյս, որ գնում է զիւղ, բաց է անում զըպրոց, կրթում է մանուկներին, բարեկարգում է եկեղեցին և օգնութիւն է հասնում խրատներով ու խորհրդով ամեն նեղեալի... Այն ինչ որ չ'արին պոռոտախօս երիտասարդները, կատարում է մի համեստ հայ-կին:

Մուրացանը բեղմնաւոր հեղինակ է, համարում է պահպանողական: Նրա լեզուն, բառերի ընտրութիւնը, ոճի սահունութիւնն ու կոկոսութիւնը չունի իր նմանը, տարբադղաբար ժողովրդին սակաւածանօթ:

53. ԵՐԿՈՒ ԾԱՄԲՈՐԴ

Օգոստոսի սիրուն առաւօտներից մինն էր, երբ ես ու ընկերս՝ կանխաւ արած մեր որոշման համաձայն, դուրս եկանք քաղաքից ձիով՝ հայրենի գաւառակի զիւղերը պլատելու և մի քանի աւերակներ անձամբ տեսնելու:

Մենք պատկանում էինք «տուն վերադարձող» այն նորեկների թուին, որոնք ընտանիքի հացը հայթայթելու համար ստիպուած են լինում տարիներով տարել մեծ քաղաքում, ծծել միշտ նրա անստողջ օդը, սնուել աւելի փոշիով, քան թէ կերակրով և, հետևապէս, կարօտել այնպիսի բարիքների, որ բնութեան մէջ ապրող մարդը վայելում է առատօրէն, առանց սակայն նրանց արժէքը գնահատել կարենալու:

Ի՞նչ բան է, օրինակ, մաքուր օդը, դաշտի կանանչը, հովտի առուակը, անտառի գովը... Մի՞թէ կարելի է կարօտել գրանց, կամ ցանկացած ժամին չ'սպելել: Լեռնցի գեղջուկը, որ կարիք բաւը հասկանում է միայն նիւթականի վերաբերմամբ, անշուշտ կը ծիծաղէր, եթէ իմանար թէ մեր զրկանքը կաղմում են այդ չնչին, հաղիւ երբեմն իր կարիքը լցուցանող բաները:

Բայց ով տարիներից ի վեր ապրել է մեծ քաղաքում, միշտ միևնոյն նեղ փողոցի վրայ, նոյն ապականուած մըթ-

նտրորտի մէջ և գործել շարունակ լուսից ու օդից զուրկ մի դրասենեակում, որի բոլոր հրապոյրը կաղմում են եղել չոր հաշուեմատեանները, երկաթէ պահարանը և անմիտ համարիչը, իրեր, որոնք առնչութիւն ունեն միայն փողի և հաշուի հետ, բայց որոնց անժանօթ է սիրտը և աւելի ևս դժայուն հոգին, իրեր, որոնք մարդու ուղեղը բթացնում, աշխոյժը մարում և հոգին նուաստացնում են... այդպիսին, հարկաւ, կարօտելով կը կարօտի այն ամենին, ինչ որ անարժէք է բնութեան գաւակի համար. կը կարօտի նրա դաշտին ու մարզին, նրա հովտին ու առուակին, նրա անտառի անոյշ հովերին:

Մենք էլ, ահա, այդ կարօտեալներից էինք: Ընկերս վերադարձել էր Մոսկուայից, իսկ ես Թիֆլիզից: Երկուսս այժմ միացած՝ գնում էինք բնութեան քաղցրութիւններից մեր կարօտն աննելու:

Պետրոս Մինարեանը (այս էր ուղեկցիս անունը), հայոց հոգևոր դպրոցի սան էր. տակաւին երիտասարդ, միջահասակ, փոքր ինչ թուլակազմ, բայց աշխոյժ ու զրաւչապէմ: Բնաւորութեամբ բաւական անհամբեր և զիւրազրգիւ էր, երբեմն նոյն իսկ յանդուգն ու անքաղաքավար, բայց սրտով բարի և անկեղծ: Ունէր տարօրինակ հայեացքներ, որոնք իր խօսակիցներին մերթ գայրոյթ և յաճախ՝ դուարճութիւն էին պատճառում: Սիրում էր խառնուել ուրիշների գործին, կամ յաճախ՝ ինքնակոչ դատաւոր հանդիսանալ: Սիրում էր վիճարանել, ազատ մտքեր յայտնել, բայց երբեմն աւելի հակառակելու, քան մի ճշմարտութիւն ասելու համար: Այսուամենայնիւ, այս բոլոր ասարօրինակութիւնների հետ միասին, ճանապարհի լաւ ընկեր էր, որովհետև սրտոտ էր, կամարար և սակաւապետ:

Բաւական ժամեր էին անցել՝ ինչ էլէլ էինք քաղաքից և թէպէտ առաւօտը գով էր ու հեշտայի, այսուամենայնիւ, քանի արևը բարձրանում էր, այնքան աւելի օդը ջերմանում և նեղացնում էր մեզ: Միջօրէի մօտ մենք գտնուում էինք արդէն բաց դաշտի վրայ: Արևի ճառագայթները այբում էին. չկար ոչ հովի շունչ, ոչ ծառերի

չքարան: Այդ պատճառով աշխատում էինք ժամ առաջ հասնել գիւղը, որ գտնւում էր մեր հանդէպ երող լեռան գեղադիր լանջի վրայ:

Չնայելով որ քաղաքից ելածներին միջոցին ընկերս պատմում էր թէ մի օր հիացմունքով էի մասձում այն ժամի ու վայրկեանի մասին, երբ մայրաքաղաքից հեռացած՝ գտնւում կը լինէր հայրենիքում, նրա ազատ օդի ու դաշտերի մէջ՝ և չնայելով որ այդ ժամին նրա փափագն արդէն կատարուած էր, այսուամենայնիւ, նկատում էի, որ երիտասարդի համբերութիւնը ենթարկւում է փորձութեան: Տօթից, ըստ երևոյթին, նա շատ էր նեղանում, ուստի և յաճախ գանգատում էր:

Երբ մի ձորակի գետակն անցնելով՝ սկսանք դէպք գիւղը տանող առապարը բարձրանալ, միջօրէի տապը աւելի ևս զգալի դարձաւ, որովհետև արևի ճառագայթներից զատ այրել սկսան մեզ նաև կեծացած ժայռերը, որոնք եղերում էին առապարը երկու կողմից:

— Ախ, մի հասնէինք այն սօսիներին, բացականչեց յանկարծ ընկերս այնպիսի մի կարօտով, որ կարծես զըսնըւում էր Սահարայի անապատում և ուր որ է խորշակը շնչասպառ պիտի անէր իրան:

— Համբերութիւն, բարեկամ, սօսիներին էլ կը հասնենք, նկատեցի ես:

— Համբերութիւն... միշտ համբերութիւն, շնչաց Պետրոսը, դժգոհ իմ խօսքից և ապա դառնալով ինձ, հարցրեց.

— Ի՞նչ ես կարծում, սփքեր են համբերում:

— Ի՞նչպէս թէ սփքեր. համբերատարները, պատասխանեցի ես:

— Իսկ ես չեմ կամենում համբերատար կոչուել:

— Ի՞նչո՞ւ, հարցրի նրան:

— Որովհետև համբերում են միայն թոյլերն ու տկարները. այսինքն մարդիկ, որոնք այս կամ այն չարիքը սեփական ուժով իրանցից չհեռացնելով՝ տանում են նրա պատճառած նեղութիւնները ստրկաբար: Եւ որպէս զի այդ ա-

նարգանք չհամարուի իրանց, ասում են թէ՛ «համբերում ենք»:

— Էհ, եթէ չհամբերես, ի՞նչ պիտի անես. կարող ես արևի հրավառ գունդը հեռացնել քո գլխից, կամ այս շիկացած ժայռերը հովանաւոր ծառերի փոխել:

— Ձեմ կարող:

— Ի՞նչո՞ւ ուրեմն ի դուր աղմուկ ես հանում:

— Նրա համար որ ցոյց ասմ թէ՛ անդգայ արարածի մէկը չեմ, թէ իմ մէջ կեանք ու կենդանութիւն կայ, թէ հեշտութիւնն ինձ հաճոյք, իսկ նեղութիւնը՝ դժգոհութիւն է պատճառում:

— Իսկ դրա օգնւոր:

— Այն, որ մարդիկ ճանաչելով ինձ՝ զգաստ լինին իմ վերաբերմամբ և զգուշութեամբ վարուեն հետս: Ինքզ էլ հօ գիտես որ աշխոյժ ու շանձահարուող ձիուն մօտենում են երկիւղով ու փաղաքշանքով և հազիւ ուրեմն կարողանում հեծնել. մինչդեռ համբերատար իշին ականջներից քաշելով՝ բարձում են միշտ որքան կամենում են, առանց նրա կամքն ու ցանկութիւնը հարցնելու:

Ես ծիծաղեցի:

— Դու այս կարծիքին չե՞ս, հարցրեց ընկերս:

— Ո՛չ, ասացի:

— Ի՞նչո՞ւ:

— Որովհետև համբերել բառը աւելի բարձր նշանակութիւն ունի, քան ինչ որ դու տալիս ես նրան: Էշերի ու ձիաների ընկերութեան մէջ՝ հաւանական է որ համբերութիւնը համարուի անարգ ունակութիւն, բայց մարդկային հասարակութեան մէջ ճանաչւում է այն իբր առաքիտութիւն:

— Միջնադարեան վարդապետների կարծիքով, ընդհատեց Պետրոսը:

— Նոյն իսկ դարավերջի փիլիսոփաների կարծիքով, յարեցի ես:

— Պատճառը:

— Որովհետև համբերութիւնը բարիք է արտադրում, մինչդեռ անհամբերութիւնից միայն չարիք է առաջանում:

— Ի՞նչպէս:

— Աշխարհում համբերում են, առհասարակ, կամքի ոյժ, հոգւոյ արիութիւն և սրաի կորով ունեցողները, հետևապէս, մեծ գործերն էլ ստեղծում են դրանք: Կարող պատմութիւնը և կը տեսնես որ աշխարհի բոլոր նշանաւոր գիւտերը, բոլոր մեծամեծ գործերը արդիւնք են եղել դժուարատար նեղութեանց ու հերոսական համբերութեանց: Անհամբերութիւնն, ընդհակառակը, նշան է թուլութեան և անգորութեան: Ուստի երբէք չէ տեսնուած որ անհամբերի մէկը կարողանար մարդկութեան համար ստեղծել մի մեծ բարիք: Այս է, ահա, պատճառը որ համբերութիւնը համարւում է առաքինութիւն, և բարոյախօսներէից մինը, մինչև անգամ, աւելի մեծ փառք է համարւում մարդու համար՝ մեծամեծ նեղութեանց համբերելը, քան մեծ գործեր կատարելը:

— Այդ դուցէ այդպէս է, բայց երբ արևն այրում է, հօ կարելի է նրա դէմ տրտնջալ: Չէ որ տրտունջը թեթևացնում է մարդու նեղութիւնը:

— Ընդհակառակը, պէտք է սովորել՝ երբէք և ոչ մի բանի դէմ չտրտնջալ, այլ դրա փոխարէն աշխատել՝ նեղութեան պատճառը մէջտեղից հեռացնել: Ծոյլ ու անգոր մարդը ճանճի շիթելու դէմ էլ է տրտնջում, փոխանակ լուրթեամբ ձեռքը բարձրացնելու և նրան քշելու:

— Ճանճը կարելի է քշել, արևը սրտեղ քշենք:

— Այդ դէպքում էլ արևը քշելու փոխարէն քո ձին պէտք է քշես և մի կէս ժամ առաջ հասնես տուն. համբերատար և գործունեայ մարդու համար միշտ փրկութեան ճանապարհ կայ:

Ընկերս լուռ էր: Չգիտեմ համաձայնուեց ինձ հետ, թէ չկամեցաւ անգոր երևալ իմ աչքում: Այնուամենայնիւ, ոչ մի նոր առարկութիւն չանելով՝ շարունակեց ճանապարհը առանց այլ ևս տրտնջալու արևի դէմ, որ այրում էր մեզ, արգարև, անողորմաբար:

Քիչ ժամանակից յետոյ մենք գիւղը հասանք և ուղղակի դիմեցինք ընկերոջս ազգական գիւղացու տունը: Վեր-

ջինի հովանաւոր սրահը և հիւրընկալի քաղցր ընդունելութիւնը շուտով մոռացրին մեզ ճանապարհի շոքից կրած մեր նեղութիւնը:

Մուրացան

#### 54. ԽՈՐՀՐԴԱՒՈՐ ՄԻԱՆՁՆՈՒՀԻ

Մութը կոխել էր: Լուսնի արծաթափայլ սկաւառակը յուշիկ բարձրանում էր լեռների ետևից և աղօս լուսով սար ու ձոր լուսաւորում: Երջակայ դառիվայրերը հեազհետէ ծածկւում էին արօտից վերադարձող նախիրներով ու հօտերով: Կովերի բառաչը, մաքիների մայունը, տաւարածի հն-հօ-ները և հովուական սրնդի մեղամաղձիկ երգը, որ հնչում էր մթապատ ձորամիջում, խառնուելով միմեանց, մի հաճելի աններդաշնակութիւն էին կազմում: Որքան մօտենում էինք գիւղին, այնքան ազմուկն ու շրշուկը աւելանում էր: Ն. գիւղը հասնելով մենք իջանք տեղական բահանայի տանը:

Հայոց գիւղերում երկու տուն կայ, ուր ճանապարհորդը վստահութեամբ և առանց հարց ու փորձի կարող է իջևանել: Առաջինը՝ տանուտէրի տունը, որ աւելի պաշտօնական մարդկանց է հիւրընկալում, երկրորդը՝ քահանայի, ուր ամեն բարի հայ սիրով է ընդունւում: Թէպէտ հասարակ գիւղացին էլ իւր հիւրասիրութեամբ յետ չէ մնում այդ երկուսից, այսուամենայնիւ, ճանապարհորդը միշտ չէ վստահանում մօտենալ նրան՝ զգուշանալով աւելորդ նեղութիւն պատճառելուց:

Երբ ներս մտանք քահանայի տան բակը, մեզ խնդն դիմաւորեց մի բարձրահասակ և բարեկազմ երիտասարդ, որ ուրախ ժպտով մեզ ողջունելուց յետոյ, մօտեցաւ ինձ օգնելու որ ձիուց իջնեմ: Ես ի հարկէ նեղութիւն չսուրի նրան և խնդն իջնելով՝ սեղմեցի ձեռը, որ նա կանխաւ ուղղել էր ինձ առանց սպասելու որ ուղեկիցս յայտնէ նրան իմ ով լինելը:

Դա, ինչպէս յետոյ իմացայ, քահանայի ամուսնացած որդին էր:

Երիտասարդի հրամանով մի ծառայ սկսաւ մեր ձիերը պատեցնել մինչև որ նրանց քրտինքը ցամաքէր և ապա ախոռը տանէր: Իսկ մենք, հիւրընկալի առաջնորդութեամբ մտանք սրահը, ուր երիտասարդի ամուսինը մի ակնթարթում արդէն ընդարձակ թախտի վրայ փռել էր մաքուր գորգ և վրան էլ օթոց:

Քահանան տանը չէր: Իմ հարցին թէ՛ ո՞ւր է նա, երիտասարդը պատասխանեց թէ՛ ղեռ եկեղեցուց չէ վերագարձել:

— Մի՞թէ այստեղ այդպէս ուշ են սկսում ժամերգութիւնը, հարցրի ես:

— Միայն շաբաթ երեկոները, որպէս զի հանգից վերադարձողը կարողանայ եկեղեցի գնալ:

«Գեղեցիկ կարգ է», մտածեցի ես և հէնց պատրաստում էի հարցնել թէ՛ արդեօք հին սովորութիւն է դա, թէ՛ Տէր-հայրն ինքն է սահմանել, մէկ էլ տեսայ որ վերջինս բակը մտաւ:

Դա բարձրահասակ, առողջակազմ, ալեխառն մօրուքով և քաղցրադէմ մի քահանայ էր, որ առաջին վայրկեանից իսկ ախորժ սպաւորութիւն արաւ ինձ վրայ: Նրան տեսնելուն պէս ես ոտքի ելայ և յառաջանալով, համաձայն գիւղի սովորութեան, աջը համբուրեցի:

Տէր-հայրը շատ սիրով ընդունեց ինձ և ձեռք բռնած բերաւ իմ տեղը նստացրեց: Շուտով մենք ծանօթացանք միմեանց: Ես իմ ուղի, սրտեղացի լինելը և ի՞նչ նպատակով իրենց գիւղը գալս յայտնեցի, իսկ ինքը, մանրամասն տեղեկութիւններով, ծանօթացրեց ինձ իւր անձին ու ընտանիքին:

Մենք վայելում էինք տիրուհու պատրաստած բարիքը և շարունակ խօսում:

Տէր-հայրը խիստ հետաքրքրում էր ինձ իւր խօսակցութեամբ և յայտնած կարծիքներով: Դրանցից մի քանիսը լսելուց յետոյ, ես եկայ այն եզրակացութեան որ նա զրուեսիկ քահանաների թուին չէ պատկանում: Իբրև գիւղական քահանայ նա մինչև անգամ աւելի բան գիտէր, քան

սպասելի էր: Ինձ շատ զարմացրեց մանաւանդ այն՝ որ նոյն իսկ օրուայ խնդրի մասին, որ այդ ժամանակ կաթողիկոսական ընտրութիւնն էր, նա նորութիւններ գիտէր և յայտնում էր բանաւոր կարծիքներ: Նա ծանօթ էր ոչ միայն Ներսէս պատրիարքի, Խրիմեան Հայրիկի և Մելքիսեդեկ սրբազանի անուններին, այլ և նրանց գործերին, անձնական արժանիքներին և կենսագրութեանը: Նա հարցնում էր ինձանից նաև բացաղբութիւններ նկատմամբ լրագրական այնպիսի ակնարկութիւնների, որոնք իւր ուշադրութիւնից չէին վրիպել: Իմ տարակուսանքն ի հարկէ վարատուեց, երբ իմացայ որ Տէր-հայրը ստանում է Թիֆլիզում հրատարակուող հայոց թերթերը: Հասկանալի է որ լրագիրը շատ բան կը սովորեցնէր նրան: Բայց և այնպէս այդ մեկուսացած լեռների մէջ՝ այսպիսի մի քահանայ տեսնելն ինձ համար մի հաճելի անակնկալ էր:

— Ինչպէս տեսնում էք, մենք բոլորովին կտրուած ենք աշխարհից, ասում էր Տէր-հայրը. օրհնուի լրագիր հնարողը, այս հեռու անկիւնում, ուր տարիներով քաղաքացու երես չենք տեսնում, մեր միակ մխիթարութիւնը լրագիրներն են: Այնքան անձկութեամբ ենք սպասում նրանց, որ եթէ որոշեալ ժամանակից ուշանում են, իսկոյն ձի եմ նստում և նրանց ետևից, կէս օրուայ ճանապարհ, մինչև վաճառ գնում: Քաղաքից կօնսիստօրը վանահօր անուամբ է զրկում թերթերը, իսկ հայր-սուրբը շատ անգամ ուշադիր չէ լինում ժամանակին հասցնելու:

Իմ հարցին թէ՛ այդ լրագիրներից միայն ինքը տէր-հայրն է օգտուում, թէ՛ ժողովրդին էլ մասն է հանում, նա պատասխանեց.

— Ինքս էլ շատ տարի չէ ինչ սկսել եմ լրագիր կարգալ: Օրհնուի մեր կոյսը, նա վաղուց էր թերթ ստանում և յաճախ կարդում ինձ մօտ, աշխատելով սիրելի անել ինձ իւր կարգացածները: Եւ իբրև մի տարուց յետոյ՝ ես այնքան սիրեցի լրագիրը որ կարևոր համարեցի ինքս ստանալ և անձամբ կարդալ, որպէս զի կոյսին միշտ նեղութիւն չպատճառեմ: Փառք Աստուծոյ, ես նիւթապէս ապահով

Եւմ և հեշտութեամբ էլ վճարում եմ լրագրի գինը: Երբ լրագիր կարդալն ու հասկանալը ինձ համար հեշտացաւ, մեր կոյսը խորհուրդ տուաւ ինձ՝ հետաքրքրական և հեշտ հասկանալի կտորները կարդալ և հասկացնել նաև իմ ժողովրդին: Ես հետևեցի նրա խորհրդին և մի կիրակի՝ ճաշից յետոյ, երբ գիւղի գլխաւորները հաւաքուել էին ինձ մօտ, կարդացի նրանց առաջ լրագրի մի քանի կտորներ և բացատրեցի: Այդ նորութիւնն այնքան գիւր եկաւ նրանց, որ այդ օրից սկսած՝ ամեն կիրակի՝ ճաշից յետոյ հաւաքուում է մեր բակը բազմաթիւ ժողովուրդ և սիրով լսում է իմ ընթերցումն ու բացատրութիւնները:

Տէր-հօր հաղորդածները ինձ համար հաճելի նորութիւններ էին: Այդպիսի քահանայի հովուութեան յանձնուած գիւղում, անկարելի էր որ, նաև, դալրոց չլինէր: Ուստի ցանկացայ իմանալ՝ ունի՞ն թէ ոչ:

— Ի՞նչպէս չէ և ի՞նչ հրաշալի դալրոց, բացականչեց Տէր-հայրը հալարութեամբ. եթէ տեսնէք կը հաւանէք: Օրհնուել մեր կոյսը, նա է հիմնողը, ինքն էլ կառավարում է:

Այս քանի՞ երրորդ անգամն էր որ «կոյսի» անունը լսում էի Տէր-հօրից, ուստի հետաքրքրուեցայ իմանալ թէ ո՞վ է այդ կոյսը, արդեօք վարժուելի է, թէ որ և է անապատի հաւատաւոր կին:

— Այդ կոյսը քոյր-Աննան է, մի՞թէ չէք ճանաչում, հարցրեց ինձ Տէր-հայրը:

— Ոչ, չեմ ճանաչում, պատասխանեցի ես:

— Ամբողջ Սիւնիքը ճանաչում է մեր կոյսին, ամենքին յայտնի է նրա անունը, այդ ի՞նչպէս է որ դուք չէք ճանաչում:

— Այդպէս է, Տէր-հայր, չեմ ճանաչում. անունն անգամ չեմ լսել:

— Ճշմարիտ էք ասում, հարցրեց քահանան զարմանալով:

— Ի հարկէ, ճշմարիտ, ի՞նչպէս կարող եմ ստել, նկատեցի ես:

Տէր-հայրը սկսաւ մտածել. յետոյ ինքն իրեն մի քանի բառ շնչաց և ապա դառնալով շարունակեց.

— Իրաւունք ունիք, որդի, մեր այս կորած անկիւնից ո՞վ է ձեզ համար լուր բերում: Ասենք թէ շատ էլ բերին, ի՞նչ նշանակութիւն ունին ձեզ համար գիւղի նորութիւնները:

Քոյր Աննան և նրա գործերը մեր, գիւղացիներիս աչքումն են մեծ բաներ երևում. ապա թէ ոչ, դուք այնքան նշանաւոր մարդիկ ու գործեր ունիք, որ մեր հակները թղթակներ կերևան ձեզ:

— Ասենք այդտեղ սխալում էք. մենք ոչ նշանաւոր մարդիկ ունինք, ոչ նշանաւոր գործեր:

Բայց թողնե՛ք այդ հարցը: Կարո՞ղ էք կոյս Աննայի ո՞վ լինելն ինձ յայտնել:

— Ի՞նչպէս չէ, ասացի որ նա մեր դիւղական դալրոցի հիմնադիրն է և կառավարողը. այժմ աւելացնեմ՝ որ դասատուն էլ ինքն է: Նա մի բարի, ազնիւ և առաքինի կին է. ուղիղ տանն և ինն տարի է որ գտնուում է մեր գիւղում: Իմ ձեռնադրութիւնից վեց տարի յետոյ եկաւ այստեղ: Այդ ժամանակ ո՞վ գիտէր թէ ինչ բան է գիւղական կանոնաւոր դալրոցը: Ես էի մի քանի սղաններ գլխիս հաւաքել և լաւ, վատ կարգայնում էի: Բայց երբ կոյս Աննան եկաւ, նա իւր ծախքով և, ի հարկէ, նաև մեր օգնութեամբ շինեց գալրոցական տուն, որ անշուշտ կրտսնէք: Նա հաւաքեց իւր մօտ թէ սղայ և թէ սղջիկ երեխաներ և սկսաւ կարդացնել: Այժմ մեր գիւղում քիչ երիտասարդ կայ, որ հայերէն գրել, կարդալ չիմանայ: Այս բոլորն էլ դալրոցը մօտ հարիւր յիսուն աշակերտ և աշակերտուելի ունի՝ ժողովուած թէ մեր և թէ շրջակայ գիւղերից: Իրանք բոլորն էլ կարդում են ձրիաբար: Եւ գեռ պէտք է գիտենալ թէ՛ կոյսի դալրոցն որքան զբաղեցնէր է տուել մեր դաւառին այսքան տարուայ ընթացքում: Ծշմարիտն ասած՝ այդ կոյսը մեր բարեբարուելին է, մենք բոլորս պաշտում ենք նրան: Իմ ու տանուտէրի խօսքից աւելի՝ նրա խօսքն ունի արժէք գիւղացու համար. բոլորը նրան լսում են ինչպէս իրենց իմաստուն մօրը: Եւ ի պատիւ նրա՝ պէտք

է ասել՝ որ մօր նման էլ խնամք է տանում զիւղացիների վրայ. օգնում է կարօտեալին, այցելում է հիւանդին, պաշտպանում է այրիներին, անզօր որբուկներին, ես ձր մէկն ասեմ:

Սկսած այն օրից որ կոյսը մեր զիւղումն է, զբեթէ ոչ մի տան, կամ ընտանիքում խռովութիւն ու գժտութիւն չէ պատահել: Հէնց որ լսում է թէ մի սեղ անհամաձայնութիւն, վէճ կամ կռիւ կայ, իսկոյն զիմում է այնտեղ և խաղաղութեան հրեշտակի պէս ամենին հաշտեցնում, երբեմն խրատելով, երբեմն յանդիմանելով, բայց շատ անգամ էլ քաղցրութեամբ համոզելով: Իսկ ով համարձակում է քոյր-Աննային ընդդիմանալ կամ նրա խրատներն արհամարհել, նրա հետ այլ ևս ոչ որ չէ խօսում, մինչև որ վերջինս համոզուելով թողութիւն չէ խնդրում: Մեր զիւղական գործերի մէջ նոյնպէս քոյր-Աննան օգնում է մեզ իւր իմաստուն խորհուրդներով և առհասարակ այն գործը, որ նրա ցոյց տուած ճանապարհովն ենք սկսել և շարունակել՝ միշտ յաջողութեամբ է պսակուել: Բացի այս, դուք մեզ մօտ կը տեսնէք գեղեցիկ կարգեր ու սովորութիւններ, որոնք միւս զիւղերում չկան. դրանք բոլորը նոյնպէս քոյր-Աննային ենք պարտական: Միով բանիւ, այդ կոյսը մեր բարերարը և խնամակալուհին է, որին՝ կը խնդրեմ Աստծուն՝ պարգևել երկար կեանք և առողջութիւն:

Տէր-հօր պատմածները վերին աստիճանի զրգուցին իմ հետաքրքրութիւնը:

— Բայց թվ է վերջապէս այդ կինը, ձրտեղացի է, ձրի աղջիկն է. ձրտեղ է սովորել, հարցրի ես շտապաւ:

— Նա միանձնուհի է, պատասխանեց քահանան միամտաբար:

— Բայց ձրտեղից, որ քաղաքի կուսանոցից:

Տէր-հայրը մնաց կանգնած: Նա չէր կարողանում որ ոչ պատասխան տալ, ուստի մի փոքր մտածելուց յետոյ՝ ասաց.

— Ծշմարիտը խոստովանած չգիտեմ:

— Բայց միթէ այսքան տարիների ընթացքում երբէք չհետաքրքրուեցիր իմանալ թէ՛ որտեղից է նա լոյս ընկել այս լեռների մէջ:

— Ինչ մեղքս ծածկեմ, չեմ հարցրել. այսքանը միայն գիտեմ, որ նա միանձնուհի է և զալով մեր զիւղը, հաւանել է և վճռել՝ ապրել այստեղ և օգտաւէտ լինել մեզ:

— Իսկ նա հասակաւոր է, թէ երիտասարդ:

— Նրա տարիքը քառասունից ակնի է:

— Ուրեմն, այդքան միայն գիտէք նրա մասին:

— Այո, միայն այսքան:

Այժմ ես տեսայ սր Տէր-Յովսէփս ինքնիրեն բուսած մի ծառ չէ, այլ անշուշտ, այդ խորհրդաւոր կնոջ ստեղծագործածն է: Տէր-հօր այն խոստովանութիւնը թէ՛ այսքան տարիների ընթացքում չէ հետաքրքրուել այդ կնոջ ով լինելն իմանալու, ինձ անկեղծ էր թւում, ուստի նրա վարկը որ ոչ չափով նուազեցաւ իմ աչքում. որովհետև, այդպիսի մի անտարբերութիւնը յանցանքի չափ ծանր էր թւում իմ աչքում: Բայց յետոյ մտածեցի թէ՛ գուցէ այդ կինը ինքն է վախուստ տուել քահանայի հետաքրքրութիւնից, առիթ չտալով նրան՝ այդպիսի հարցերի գիմելու: Թէպէտ այն էլ զիտէի որ հեշտ չէր զիւղում այսքան տարի ապրել և ազատ մնալ զիւղացիների հարցասիրութիւնից: Սակայն բոլոր այս մտածութիւններն ուղեղս լարելուց դատ՝ ուրիշ մի եզրակացութեան չէին բերում: Մնում էր որ ինքս ծանօթանայի այդ կնոջ և նրա թվ և ինչ անձնաւորութիւն լինելը ստուգէի անձամբ:

— Ե՞րբ կարող էք ծանօթացնել ինձ ձեր միանձնուհուն, հարցրի Տէր-հօրը:

— Երբ կամենաք, ասաց նա, վաղը կիւրակի է, ես պատարագ ունիմ. կը գաք եկեղեցի, ներկայ կը լինիք պատարագին և երբ ժամերգութիւնը կ'աւարտի, ես ձեզ կը ծանօթացնեմ նրան:

— Շատ լաւ, ասացի ես և որովհետև ընթրիքն արդէն պատրաստ էր, ուստի շուտով սեղան նստանք:

Տէր-հայրը բոլոր ջանքը դորձ էր դնում ամենալաւ կերպով ինձ հիւրասիրելու: Եւ թէպէտ իւր գինին արժանիքով ստոր էր տանուաէր Ակոբի գինուց, այսուամենայնիւ, մենք նրանով էլ մի քանի կենաց բաժակներ դատարկեցինք:

Տէր-հօր հիւրասենեակում ինձ համար քնելու տեղ պատրաստեցին, ուր և առանձնացայ խաղաղութեան հրեշտակին յանձնուելու համար:

Չնայելով որ ամբողջ նախընթաց օրը ճանապարհորդել էի, այսուամենայնիւ, երէկ շատ վաղ զարթեցայ: Գիւղը, կարծես, ինքն է զարթեցնում քեզ: Մարդ այստեղ ամաչում է, եթէ չասենք ախոսում, առաւօտեան զով ժամերը քնին նուիրելու: Երբ դուրս եկայ բակը, արշալոյսը դեռ նոր էր շառագունում, բայց Տէր-հայրս արդէն գնում էր եկեղեցի:

— Միթէ այսքան վաղ պիտի սկսէք ժամերգութիւնը, հարցրի ես:

— Ոչ, դեռ սազմոս պիտի քաղեմ, դուք կարող էք կէս ժամով ուշ դալ, պատասխանեց նա:

Ես որովհետեւ եկեղեցում երկար կանգնել չէի կարողանում, ուստի որոշեցի օգուտ քաղել ժամանակից և բարձրանալով գիւղի վերնակողմը՝ նրա ընդհանուր դիրքը և շրջապատը տեսնել, որպէս զի հաւատարմանում թէ՛ սրբան յարմար ամարանոց եմ ընտրել:

Բակի մի անկիւնում Տիրուհին և իւր հարսը կթում էին կովերը, որպէս զի նախիրը արօտ ուզարկեն: Սարգիսը մօտ կանգնած՝ օգնում էր նրանց՝ առաջ բերելով կովերը: Որպէս զի նորից տանից դուրս չգայի, մօտեցայ նրանց և մի բաժակ կաթ խնդրեցի: Հերիքնազն խսկոյն վայր դրեց կովկիթը և վազելով տուն՝ բերաւ մի մեծ բաժակ և իւր ձեռքով կթելով կաթը նրա մէջ, տուաւ ամուսնուն և վերջինս՝ ինձ: Ես ախորժանօք դատարկեցի անուշահամ ըմպելիքը և խնդրեցի երկրորդը, որը նոյն հոգածութեամբ դարձեալ լցուեցաւ և նոյն ճանապարհով յանձնուեցաւ ինձ: Իմ նախաձաշը վերջացել էր, որի համար շնորհակալութիւն անելով՝ հար-

ցրի Սարգսից գիւղի վերին կողմերն անցնելու ճանապարհը և հեռացայ:

Ես գնում էի մանուածապատ, նեղ և զառիվեր փողոցներով, որոնցից շատերը կազմում էին պարտէզների շրջապատ ցանկերը: Ուրախ էի որ ոչ մի տեղ շներ չբարսահեցին՝ իրենց ազմուկով ինձ ուղեկցելու համար: Երբ գիւղի վերին ծայրը հասայ՝ արևի առաջին ճառագայթներն ընկան մօտիկ բլրի վրայ, որ ծածկուած էր գեղեցիկ անտառակեզ: Հասնելով այդ բլրին, սկսայ նրա վերին կողմից դիտել գիւղը և նրա շրջապատը:

Ն. գիւղը, որ գուտ հայաբնակ է, գտնուում էր մի գեղեցկագիր և արեգընդդէմ լեռնալանջի վրայ, որի շարունակութիւնը դէպի լեռը՝ ծածկուած էր ամբողջապէս անասով: Գիւղի դիրքը մասամբ սարահարթ և մասամբ զառիվայր էր: Տները, որոնց թիւը երկու հարիւրից աւելի պիտի լինէին, շինուած էին խառն ի խուռն և, մեծ մասամբ, ետևի կողմից գետնին հաւասար: Գետնի մակերևոյթից բարձր տներ, առանձնապէս, գտնուում էին գիւղի այն մասում, որի դիրքը սարահարթ էր: Գիւղն ըստ ամենայնի, նման էր միւս բոլոր հայաբնակ գիւղերին, միայն այն առաւելութեամբ, որ այստեղ ամեն տուն ունէր իւր մեծ կամ փոքր պարտէզը և սարերից իջնող ջրերն այնքան էին առատ, որ զրեթէ ամեն տուն առու ունէր իւր բակում: Գիւղի վերջին ծայրում, մի կանաչագարդ բարձրավանդակի վրայ, կառուցած էր եկեղեցին, որ հեռուից բաւական կոկիկ և գեղեցիկ էր երևում: Նրա մօտ կար միայրակ, բայց ընդարձակ և սիրուն ծառերով շրջապատուած մի ուրիշ շինութիւն, որ անշուշտ ուսումնարանը պիտի լինէր: Գիւղի ընդհանուր պատկերն առաջին անգամ ինձ վրայ ախորժ տպաւորութիւն արաւ: Սակայն աւելի գեղեցիկ էին շրջակայ տեսարանները: Գիւղի առաջև ընկած էր ընդարձակ և անտառախիտ խորածոր, որի միջից խոխոջալով անցնում էր մի գետակ: Նրանից այն կողմը, ինչպէս և գիւղի ետևից, բարձրանում էին վիթխարի լեռներ, փառահեղ գագաթներով, որոնցից մի քանիսի վրայ

զեռ նշմարուում էին հին դարերում ապրող Սիւնեցիները՝ զօրութեան ու մեծագործութեան հետքերը—կիսաւեր բերդերի մնացորդներ: Գիւղի աջ կողմից սկսուում էր մի հովտաձև սարահարթ, որ գնալով լայնանում ու դաշտանում էր և որի վրայ տարածուում էին գիւղացիների արտերը:

Այս բոլորը տեսնելուց և զննելուց յետոյ՝ ես կամաց կամաց իջայ գիւղը, բռնելով այնպիսի ուղղութիւն, որ ինձ պիտի տանէր դէպի եկեղեցին:

Զարմանալի շարժում էր տիրում այդ ժամանակ գիւղի փողոցներում: Կարծես բնակիչները մի հրաշք տեսնելու կամ հրդեհ հանգցնելու համար էին շտապում: Կին, տղամարդ, ծեր և երիտասարդ աճապարում էին դէպի եկեղեցին. նրանք զնում էին աղօթելու:

Այս տեսարանը սրբան ուրախացնում, նոյնքան և զարմացնում էր ինձ և այդ զարմանքը կրկնապատկուեց, երբ ուրիշների հետ ես ևս եկեղեցին հասնելով՝ տեսայ այդտեղ հաւաքուած ժողովրդի բազմութիւնը: Ես հայոց շատ գիւղերում էի եղել, բայց ոչ մի անեղ ժողովրդի մէջ այսքան ջերմեռանդութիւն չէի նկատել: Սա ինձ յիշեցնում էր Կովկասի գերմանական մի գաղթավայր, ուր յաճախ գտնուել և միշտ հիացել էի գերման ժողովրդի եկեղեցասիրութեան վրայ և զիտել՝ որ մեր գիւղերում, ընդհակառակը, ժողովուրդն օր ըստ օրէ սառչում է եկեղեցուց, առանց սակայն մի ուրիշ հոգեշահ դործի մօտենալու:

Գրեթէ զօրով ներս մտայ եկեղեցին և զօրով էլ առաջ անցայ, որովհետև խոնուած բազմութիւնն իւր միջից անցնելու ճանապարհ չէր թողել:

Եկեղեցում, ամենից առաջ, ուշադրութիւնս գրաւողը բազմախումբ դպիրների երգեցողութիւնն էր, որին ես երբէք չէի սպասում: Աւելի յառաջանալով՝ աւելի ևս զարմացայ, տեսնելով որ մօտ 20 հոգուց բաղկացած խմբի մէջ, տղաների հետ միասին կանգնած էին և հասակակից աղջիկներ, որոնց բոլորին դպրատկտութիւն էր սնում բարձրահասակ, գլուխը սև շղարշով փաթաթած և մթադոյն շապիկ հագած մի կոյս, յար և նման մեր կուսանոցի միանձնուհիներին:

Իսկոյն յիշեցի Տէր-Յովսէփի կոյս-Աննան և չերկմտեցի, որ իմ առաջ կանգնած դպրատկտուհին նա ինքն է: Բայց նախ քան կուսի անձով հետաքրքրուելս՝ իմ լսելիքը գրաւեց Սրբասացութեան խորհրդաւոր երգը, որ նա հրաշայի ձայնով սկսաւ երգել: Բայց ի՞նչ երգ, ի՞նչ ձայն էր այն: Ոչ մի եկեղեցում նմանը չէի լսած: Մի քանի րոպէ ինձ այնպէս թուաց թէ՝ հնչող ձայնը ոչ թէ մարդկային կրծքից, այլ մի կախարդական սրնգից կամ երգեհոնի միջից է բղխում, այնքան հնչեղ և, միևնոյն ժամանակ, գողարիկ ու սխորժաւոր էր նա: Երգչուհու ձայնը, նայելով երգի աստիճաններին, դնալով զօրանում ու զուարթանում էր. եկեղեցու կամարները կարծես ձայնակցում էին նրան դիւթական հնչիւններով: Ես հիացայ, յափշտակուեցայ և գիւղական եկեղեցում գտնուելս մոռացայ: Ես ամբողջապէս լսելիք էի դարձել, նոյնն էր և ժողովուրդը. ոչ ձայն, ոչ շշուէ, բոլորն էլ յափշտակուած լսում էին հրաշալի մեղեդին և ջերմեռանդութեամբ աղօթում: Եւ սրբան սէր, սրբան հաւատ այդ ծնկաշոք և ձեռնամբարձ պաղատողների մէջ... չզխտեմ ի՞նչպէս, ես էլ արդէն չոքել էի խոնաւ գետնի վրայ (որն ուրիշ տեղ չէի սնում) և գիւղացիների հետ միասին աղօթում էի... Եւ իմ երիտասարդական կեանքի մէջ դա առաջին ջերմեռանդ աղօթքն էր...

Շուտով լսումքն էլ սկսաւ դաշնակցիլ դպրատկտուհուն: Երգեցողութիւնը յորդոր բայց ներդաշնակ կերպարանք առաւ: Այս բոլորը լսում էի հրճուախառն հիացմունքով և զգում, որ այդ գիւղական եկեղեցում կատարեալ քրիստոնեայ եմ դարձել՝ նման այն բարեպաշտ քրիստոնեաներին, որոնք ապրում էին այդ սրբազան կրօնի հալածանքների դարերում, երբ իշխանն ու սարուկը, աիկինն ու աղախինը, միևնոյն մթին գետնափորում, միասին պաշտում և աղօթում էին քրիստոնէութեան հիմնադրին և միևնոյն սեղանի վրայ՝ հաղորդւում նրա կենարար մարմին և արեանը:

Քաղաքի եկեղեցիներում, խոստովանում եմ, խորշում էի փոքր ի շատէ գծուծ հագնուած մի մարդու մօտ

կանգնելուց, վախենալով շորերս կեղտոտել... բայց այստեղ, ճհ, ինչպիսի սիրով ողջունեցի ես մի աղքատ, կարաքամակ և կոշտ հագուստներով ծերուկ գիւղացու, երբ սարկաւազի «Ողջոյն տուք միմեանց ի համբոյր սրբութեան»... խօսքերը լսեցի: Ես պատրաստ էի՝ իմ ողջունի հետ միասին՝ նոյն իսկ համբուրել ծերուկին... — Ի՞նչ յեղափոխութիւն էր այս, որ կատարուում էր իմ մէջ. չբզիաէի: Ո՞ւր էին այն թերահաւատ մտածմունքները, որոնք ճնշում էին ուղեղս մեր եկեղեցիներում. չկային, անհետացել էին: Արդեօք հրաշալի երգչուհու և նրա խմբի ներգաշնակ ու սգևորող երգեցողութիւնը չէր իմ մէջ կատարուող այս յեղափոխութեան պատճառը...

Ամենամեծ հաճութեամբ լսեցի պատարազի մնացորդ երգեցողութիւնը, շարունակ հիանալով գպրապետուհու գիւթական ձայնի վրայ: Սակայն քանիցս փորձ փորձեցի տեսնել նաև նրա գէմքը, բայց այդ չյաջողեց ինձ, որովհետև նա իւր գէմքը ոչ մի կողմ չէր դարձնում, իսկ իմ կանգնած տեղից առաջ գնալ չէի կարող: Բոլոր ժողովուրդը սպասեց մինչև վերջին «Օրհնեալ եղերուք»-ը, ես ևս նրբանց հետ, առանց մի վայրկեան ձանձրանալու:

Դուքս գալով եկեղեցուց, սկսայ նրա շուրջը պտտել և ապա ուսումնարանի կողմն անցայ՝ բայց աչքս միշտ եկեղեցու դռանը, որպէս զի կուսի երևելը տեսնէի:

Դեռ գրօնում էի եկեղեցու բակում, երբ Տէր-հայրն ու կոյս-Աննան եկեղեցուց դուքս գալով՝ ուղղուեցոն գէպի ինձ: Ես ևս իմ կողմից առաջացայ գէպի նրանց:

Բայց, Աստուած իմ, այս կինը ինձ հանգիստող հանկուկների մեծագոյնն էր: Այս յետ ընկած հայ գիւղում, այս վայրենի լեռներում գիմում էր գէպի ինձ Կոմոլետտիի «Քոյր թերեզան»: Նոյն գեղեցիկ հասակը, նոյն սիգածեմ գնացքը, նոյն անուակաւան տիպարը, որ ես թատրոնի բեմի վրայ, կուսանոցի պատերում քոյր թերեզայի մէջ էի տեսել, այդ բոլորը ճշուութեամբ գտնում էի այստեղ՝ ինձ մօտեցող կնոջ մէջ: Կարո՞ղ էի միթէ գարմանքս չափաւորել և սպուշի կերպարանք չ'առնել:

Իմ բաղդից ժամաւոր կանանցից մինը, հէնց ճանապարհի կիսում, կանգնեցրեց երկուսին և ինչ որ բան էր հարցնում, կամ հարցրում նրանց: Ես ժամանակ ունեցայ զգաստանալու և, մինչև անգամ, խօսելու նիւթ ընտրելու:

Երբ իրար մօտեցանք, ողջունեցի Տէր-հօրը և կոյս-Աննային ասելով.

— Այսօր ես այստեղ երկու խիտ ուրախացնող անակընկալների հանգիպեցայ. առաջին՝ ձեր եկեղեցում հրաշալի երգեցողութեանը, որի նմանը, խոստովանում եմ, լսած չէի ոչ մի տեղ և երկրորդ՝ այս գեղեցիկ գպրոցական շէնքին, որի գոյութիւնն, այսպիսի մի հեռաւոր գիւղում, չէի կարող երևակայել:

— Այդ բոլորը, անհ, մենք այս քրոջն ենք պարտական. նրան պէտք է շնորհակալ լինել:

Այս ասելով Տէր-հայրը ծանօթացրեց ինձ կոյս-Աննային, յայտնելով իմ ու՛յ, սրտեղացի լինելս և ի՞նչ նպատակով իրենց գիւղն այցելելս:

Մուրացան



## 55. ԼէՕ (ԱՌԱՔԵԼ ԲԱՖԱԽԱՆԵԱՆ)

1860-ին աշխարհ եկաւ Առաքելը Շուշի քաղաքում. նրա հայրը մի խեղճ դերձակ էր, որ վերջը դառաւ ժամկոչ: Լէօն սովորեց նախ թեմական գալրոցում, ապա անցաւ քաղաքային ուսումնարան, ուր և աւարտեց: Հազիւ ուսարտած քաղաքային գալրոցը, կորցնում է իր հօրը ստանալով իբրև ժառանգութիւն սմբոյջ ընտանիքը պահելու հոգսը: Նա դառնում է գրագիր, ապա հեռագրատան պաշտօնեայ, այնուհետև տպարանի կառավարիչ Բագու քաղաքում, մինչև որ 1895 թ. նրան հրաւիրում են Թիֆլիզ որպէս «Մշակ»-ի մշտական աշխատակից: Այդ լրագրում էլ դեռ 1884-ին լոյս էր տեսել Լէօ-ի առաջին վէպիկը «Մնապաշտութեան քուրմ»: Այնուհետև Լէօ-ի անունը մեր մամուլի մէջ ամենասովորականներից մինն է դառնում, իբրև վիպասան, պատմա-կենսագիր և մանաւանդ իբրև հրապարակախօս: Նա գրում է զգացմունքով ու կրքոտ, ուստի ընթերցողների հոծ բազմութիւն ունի, չնայելով նրա միակողմանի և կուսակցական հոգուն: Յայանի գործերիցն են. «Ուխտաւորի յիշատակարանը», «Պանդուխտ», «Ծայրեր», «Կորածներ», «Մելիքի աղջիկը» և այլն: Պատմական գործերն են. «Հայկական տպագրութիւն» 2 հատոր, «Ստեփաննոս Նազարեան» (2 հ.), «Գրիգոր Արծրունի» 3 հ., «Յովսէփ կաթողիկոս», «Ս. Մեսրոպ» և այլն...

## 56. ԹԱԹԱԽՄԱՆ ԵՐԵԿՈՅ

Երեկոյ է, գարնանային թարմ, անուշ երեկոյ: Մութը կոխել է ամեն տեղ. նիւհում է Սիւնիքի հակայ բնութիւնը, ամեն ինչ հանգիստ է, անվրդով: Ասաղերը հեղ ու մունջ

ձագպում են բարձրից Տաթևի վանքի վրայ, ձագպում են, կարծես ծանր ու ցածր արտասուքի կաթիլներ են մի մի ցած գլորում այն խեղճերի վրայ, որոնք փռուած են վանքի բակում:

Տաթևի դրսի մեծ դռների վրայ կայ մի փոքրիկ եկեղեցի: Այդ եկեղեցու առաջ, հրապարակում, թափուած է մեծ եկեղեցուց դուրս արած ամբոխը: Այդտեղ վանքի ագրիւրը ամեն օրուայ պէս մեղմ ու հանդարտ քչքչում է, իսկ պարսպի տակ փափուկ գորգի վրայ նստած է թուրք խանը: Վառուած է մի հատ խարոյկ, որ արդէն մոռացուել է. և նուազ ու բարակ բոցերը թրթռում են, մի երերուն, գողգող լուսով լուսաւորում են տեսակ-տեսակ դէմքեր և խանի կնճռոտ, մաղձոտ դէմքն ու հինայով ներկած նօսր ու սրածայր միրուքը:

Գեռ նոր էին բեռնած շորիներ ուղարկել վանքից. իսկ խարոյկի մօտ դեռ կուտուած էր վանքի անօթների, թանկագին զգեստների մի կոյտ:

Պանը բարկացած էր, ուզում էր ինքն իրան ուտի: Ամեն մէկի գլխագինն էին սրոշում: Կամ այսքան ոսկի սուր, կամ թէ գլուխդ: Ամենից առաջ Աւթանդիլ տանուտէրի և Մելիք-Միհրանի գլուխներն էին զնահատել, վերջացրել: Մնում էր զինը տալ և կապանքներից ազատուել: Սակարկութիւնը դեռ երկար պիտի տևէր. խանը շատ էր զնահատում, իսկ փրկանք տուողները զետնաքարշ սողում էին, ազաշում էին պակասացնել գլխագինը:

— Հա, — յանկարծ գոռաց խանը, — Ասաղը, Ասաղը... տուէք ինձ իմ ամենալաւ մարդը...

Թիւրքերից միայն մէկն էր սպանուել և դա՛ Ասաղն էր: Գին էին անում Ասաղի արիւնը. եթէ վճռուած զինը չտային, 12 լաւ տղամարդկանց արիւն պիտի թափուէր, որ խանի սիրտը հովանար:

— Ո՛վ սպանեց նրան. գտէք, տուէք ինձ. ես նրա միտը կտոր-կտոր պիտի վերցնեմ ատամներովս. տուէք, շներ, խոզի ձտեր...

Պանն այնքան բորբոքուած էր, որ տեղից կանգնեց, երկու քայլ առաջ գնաց և ոտը գետնին խփեց:

—Ողորմութիւն արա,—լուսահառաչ ձայն արձակեց թափուած ամբոխը:

—Շուտ, հա՛, թէ չէ՛ բոլորիդ, բոլորիդ կը կոտորեմ: Տղերք,—ասաց նա իր մարդկանց,—սուր պատրաստեցէք:

Բազմութեան մէջ մի խուլ, յուսահատ մրմունջ անցաւ: Մութ անկիւնից դուրս եկաւ մէկը, չորէչոր մօտեցաւ, վիզը ծռեց և ասաց լացի ձայնով.

—Ես տեսայ. Հալիձորցի թաթոսն սպանեց:

Ամբոխն օրհնեց այդ մարդուն: Բայց խանը աւելի սաստիկ գոռաց.

—Ո՞րն է, ո՞վ է այդ անպիտան շունը, դուրս բերէք, տուէք աեսնեմ...

—Սեղդուած փսփոտը մտաւ ամբոխի մէջ: Անցնում էին բոսպէներ. լւրաքանչիւր կապուած խեղդում էր, հոգի տալ էր պատրաստուում: Ո՞րտեղից գանեն թաթոսին: Նա չկայ, և այսքան մարդիկ գլուխ պիտի տան նրա պատճառով: Դառնութեան ժամը մօտենում է և ամբոխը կծկւում է անտանելի մորմոքների մէջ:

Բայց կապուած Մէլիք-Միհրանը առաջ է սողում, խօսում է: Սանը նստում է իր տեղը, կարճատև հանդստութիւնը քաղցրացնում է գետնատարած ամբոխի բոսպէները:

—Խան, գլխիդ ու արևիդ մատաղ,—ասաց Մէլիքը.—խղճան մեզ, խեղճ ենք, ողորմելի ենք, քո ծառաներդ ենք: Նա այստեղ չէ, կորել է, Աստուած վկայ, սուտ չենք ասում: Եթէ այստեղ լինէր, ինքներս նրան կտոր-կտոր կանէինք: Հրաման արան, էգուց կամ միւս օրը, երբ որ լինի, կը բռնենք նրան, ձեռքերը կապած ոտդ կը բերենք:

—Տուն, տեղ ունի՞,—հարցրեց խանը մի քիչ ցած ձայնով:

Ամբոխի միջից մէկն իսկոյն պատասխանեց սիրտ առած.

—Ունի, կնիկ էլ ունի, մէկ էլ մի երեխայ, տամուկ չորս ամսական:

—Էգուց առաւօտ կը բերէք ինձ մօտ,—հրամայեց

խանը:—Իւզ-թափալարի մօտ, այնտեղ է քնացել իմ մարդկանց մեծ մասը, ոտաբօքիկ, գլխաբաց կը բերէք... Ես գիտեմ, թէ ինչ կանեմ... Եթէ չէք ուղում, որ ձեր գիւղերը քարուքանդ անեմ, կը բերէք... Իսկ հիմա արիւնի գինը տուէք, երկու բուռը...

Վերջին խօսքի վրայ խանի ձայնը յանկարծ կտրուեց. վերևից, պարսպի գլխից, մի ահազին քար թռաւ, ընկաւ խանի գլխին: Նա ցած գլորուեց:

Թուրքերն իսկոյն վրայ վազեցին, բռնեցին խանին: Բայց նրա գլուխը բոլորովին ջարդուել էր:

Անհնարին սուզ ու շիւան ընկաւ բազմութեան մէջ: Աղաղակում էին ամենքը, ողբում էին, կրճքները ծեծում:

—Երկինք, Աստուած,—պաղատում էր ամբոխը:

Մի սուկալի ահ գոլացնում էր ամենքի ծնօտները. կարկամած լեզուները անհասկանելի ձայներ էին հանում: Խանը սպանուած էր... Բազմութեան սիրտը պատուում էր...

Երկու թուրք փախան դէպի դռները, բայց այդ ժամանակ հինգ մարդ վազեցին իջան եկեղեցու քարի սանդուղքներով:

—Թաթոսն է, թաթոսն է.—լեղապատառ գոչեցին մի քանիսը և վազեցին, որ բռնեն նրան:

Մնացածները լալով ասում էին.

—Քո տունը քանդուի, դու մեր տունը քանդեցիր, կրակ թափի գլխիդ, այս ի՞նչ բերիր մեր գլուխը:

Թաթոսը մի մեծ սուր ձեռքին ցատկեց, խարոյկի մօտ կանգնեց: Նրա ընկերներից մէկը մի սարսափելի ձայն, վայրենի աղաղակ հանեց բերանից. ամենքը գողգողացին այդ ձայնից, և ինքը, այդ մարդը, խելագարի պէս սկսեց արագ պտոյտներ դործել, դէս ու դէն թռչկոտալ. նրա ձեռքում էլ կար մի մեծ սուր, որ անդադար շողշողում էր, երբ նա կրակին էր մօտենում: Դրան իսկոյն ճանաչեցին. ահազին փափախի տակ մտած մի մարդ էր, որ ունէր կարճիկ հասակ, բայց բաւական հասա էր, գէմքը փոքր, թաւամազ. նրա ոտիւնների տուռ մարդ չէր կարողանում կանգնել:

—Դո՞նեքը փակած են, — գոռաց թաթոսը. — ո՞վ որ հայ է, քրիստոնեայ է, թող սրանցից մէկին սպանէ:

Բազմութիւնը քարացել էր: «Թող ինքն անէ, — լուեցան այս ու այն կողմից ձայներ, — թող ինքն անէ, մենք արնատէր չենք, մենք նեղացած, չարչարուած ենք»:

Խարոյկի բոցը բարձրացաւ, թաթոսի հետ եկած մարդիկ փայտ էին դարսում նրա վրայ: Առաջ գնաց թաթոսը. նա տանում էր մի աւելորդ սուր կա: Նա մօտեցաւ Աւթանդիլին:

Խոնարհ ու հանդարտ կերպով նայեց նրան, դուրսը ցածրացրեց և սուրը մեկնեց նրան, կոթը դրաւ նրա ձեռքում, որ չուանով կապկապած էր: Աւթանդիլն ընդդիմացաւ. թաթոսն ուզում էր արձակել նրա ձեռքը կապանքից, բայց նա թոյլ չտուեց, կռնով դէն հրեց իրան մեկնած սրի կոթը: Բայց թաթոսը չէր հեռանում. նա դարմացած նայում էր այդ իշխանին և աշխատում էր նրա ախուր, յուսահատ դէմքի վրայ մի պատասխան կարգալ: Աւթանդիլը առաջ շարժուեց սողալով, և թաթոսը պատկառանքով ձանապարհ տուեց նրան: Աւթանդիլը խօսեց. նրա ձայնը տխուր էր, սգաւորի ձայնի պէս էր.

— Մարդիկ, եթէ դժուել էք, այս գժին լսեցէք. բայց իմացէք, թէ էգուց մեր գլուխն ինչ կը գայ: Սրա գլուխը ծախուած է, պրծած: Խանի մարդիկ էգուց կը գան... էգուց կնիկ ու երեխայ դերի կը գնան Բարկուշատ: Ես արիւնի տէր չեմ. տեղիցս չեմ էլ շարժուի, կազանքներս չեմ էլ արձակի:

Եւ նա գլուխը կախ արած մի կողմն անցաւ, թուրքերին մի ինչ որ բան ասաց:

— Անիծուի դա, — գոչեց գերիների խումբը:

Թուրքերը սրեր հանած, կանգնած էին: Նրանց և թաթոսի հետ եկածների մէջ դեռ միայն հայհոյանքներն էին փոխանակուում: Բայց Աւթանդիլի խօսքերից յետոյ նրանք առաջ անցան և սուր շողացնելով վրայ թափուեցան: Թաթոսն իր ընկերների հետ խնայել չգիտէր. սրի հարուած-

ները թափուեցան, և թուրքերը յետ ու յետ դնացին: Թաթոսը սուրը բռնած ընկաւ ամբոխի մէջ:

— Կոտորեցէք դրանց, — գոռում էր նա և ձեռք ընկածին հարուածում էր սրի տափակոցով:

Էլի բարձրացաւ բազմութեան ազեկտուր հեծեծանքը:

— Խեղճ ենք, մեղք ենք, վայ... գոռգոռում էին այս ու այն կողմից: Սարսափահար բազմութիւնը այս ու այն կողմ էր փախչում, վանքի ընդարձակ բակում մի անհնարին խառնակութիւն էր տիրել:

— Կոտորեցէք, — գոչում էր թաթոսը սարսափելի ձայնով. նա կրճատցնում էր ատամները, նրա աչքերը արիւնով լցուել էին, տրաքում էին:

Կարճիկ ու բրդոս մարդն այդ միջոցին վերջացրել էր իր գործը: Թուրքերը զինաթափ էին եղել և հաւաքուած մի անկիւնում՝ լուռ ու մունջ իրանց դասատանին էին սպասում: Եւ կարճիկ մարդը մօտեցաւ թաթոսին, շարժւում էր նրա հետ միասին. նա ոչինչ չէր խօսում, այլ միայն բարձրացրած սուրը շարժում էր մարդկանց վրայ:

— Քարերով, քարերով, — լուռում էր թաթոսի բոլորովին փոխուած ձայնը:

Ամբոխը անից սարսափած, դողահար ընկաւ քարակոյտի վրայ, որ դիզուած էր այդտեղ: Եւ ամեն մէկը մի մի քար վերցնելով, վազեց դէպի թուրքերը: Սրանցից միքանիսը փախել էին պարսպի գլխով: Լսեցին, թէ ինչպէս ազազակում էին նրանք՝ «չուն դեաւուրները կասաղել են»:

Մնացածները դեռ կանգնած էին: Եւ քարերը կարկտի պէս թափուեցան մնացածների վրայ: Իսկ կարճիկ ու հաստ վայրենին խրախուսում էր մարդկանց և իր սրի ծայրով մանր-մանր հարուածներ էր տալիս ընկած թուրքերին: Նա, կասես, հանաք էր անում:

Խարոյկը մարել էր. միայն կրակն էր քիչ լոյս տալիս իր չորս կողմին: Թաթոսը դէս ու գէն էր վազում. նա կրակ էր կտրել: Նրա ոտը մի ինչ-որ բանի զիպաւ և նա հազիւ պահուեց վայր ընկնելուց: Նա ցած խոնարհուեց և նայեց: Իր ոտների տակ դեռ պառկած էր Աւթանդիլը,

չուանը դեռ կապկապած էր նրա ձեռքերն ու ոտքերը: Մի սարսուռ ընկաւ թաթոսի երակներէ մէջ. մի ակնթարթում նա խղճաց նրան և կռացաւ, որ նրան բարձրացնէ: Բայց Աւթանդիլը զոռաց.

— Կորիւր, աւազակ. մարդկանց տունը քանդել ես, իմն էլ ես ուզում քանդել...

— Բողորին կոստրեցին, — ասաց թաթոսը գողալով: Նա առաջին անգամն էր մեծ մարդու հետ խօսում: Եւ աւելացրեց.

— Վեր կաց, իշխան, ընկնելուց ի՞նչ օգուտ:

Աւթանդիլը երեսը շուռ տուեց և լռեց. թաթոսը գողալով հեռացաւ նրանից, բայց էլի յետ գարձաւ:

— Մեռած մարդ, — գոչեց նա և իր սուրը բարձրացրեց: Սուրը սաստիկ թափով իջնել էր ուզում ընկածի ուսի վրայ, բայց թաթոսի սրտում գարմանալի փոփոխութիւններ էին կատարուում. մի վայրկեանում նա փոշմանեց, դէն տարաւ սուրը, մինչև անդամ մի քայլ հեռացաւ, բայց նորից յետ գարձաւ և, խոնարհուելով նրա վրայ, խորին զգուանքով թքեց նրա երեսին. գողոցը այնպէս էր բռնել նրան, որ նա չկարողացաւ պահուել, և նրա սրի ծայրը ծակեց իշխանի կողը:

Աւթանդիլը բզուեց: Նրա շուրջը հաւաքուեցան մարդիկ: Բայց թաթոսը ուշադրութիւն չդարձրեց. նա հեռացաւ, որոնում էր միւս իշխանին: Բայց չտեսաւ նրան և անցաւ վանքի փոքրիկ բակը:

Քիչ ևս անցաւ, ամեն ինչ վերջացաւ: Յոգնած, մի կարճ ժամանակում մաշուած մարդիկ հաւաքուեցան միասին, գառնութեամբ խօսում, աղաղակում էին:

էօ

## 57. ԿՈՍՏԱՆԴԻՆ ՄԵԼԻՔ-ՇԱՀՆԱԶԱՐԵԱՆ

(Տմբլաչի-Սաչան)

Ծնաւ Շուշի 1857-ին. չորս ամեայ զրկուելով հօրից, մեծացել է հօրեղբոր խնամքով. 1874-ին աւարտելով Շուշու թեմական դպրոցը, ուղևորուում է նորաբաց Գէորգեան ճեմարանը: Այնտեղ նա մտում է մինչև 1878 թ. և մի խումբ ընկերների հետ հեռանում ճեմարանի Ե. դասարանից: Մի տարի Դերբենդում վարժապետելուց յետոյ ուղևորում է Մոսկուա և մտնում Լազարեան ճեմարանի լիցէյն որպէս ազատ ունկնդիր, սակայն, նիւթականի սղութեան պատճառով կրկին դառնում է Դերբենդ և վարժապետում է մինչև 1883 թ. երբ ուղևորում է Ֆրանսիա, պիլզանտեսութիւն ուսանելու, մնալով այնտեղ մինչև 1885 թ.:

Նա աշխատակցել է և աշխատակցում է մեր բոլոր պարբերական թերթերին, մասնաւորապէս «Նոր-Դարին» և «Աղբիւրին» նրանց հրատարակման օրից սկսած:

Իբրև ֆելիետոնիստ, նա իր նմանը չունի մեր մէջ. Ղարաբաղի բարբառով նա ծաղրում ու պախարակում է իր հայրենակիցների պակասութիւնները Տմբլաչի-Սաչան կեղծ անունով:

Աղայեանից յետոյ նա մեր շնորհալի մանկական գրողներից մէկն է, կենդանի և բանաստեղծական լեզու ունի նա: Բացի դրանից գիւղատնտեսական բազմաթիւ գրքեր ունի հրատարակած:

## 58. Ի Մ Պ Ա Ն Ա Ր Ա Մ Ը

Ա.

Ես մի ծեր մարդ եմ, սիրելի մանուկներ, իմ ընթերցողներ. պարտել եմ շատ գիւղ ու քաղաքներ, անցկացել դետեր ու ծովեր, շատ բաներ տեսել ու շատ բան լսել, երբեմն տրամել, երբեմն ուրախացել, այժմ ուզում եմ պանարամիս մէջ փոքրիկ պատկերով տեսածս ցուցնել...

Դէհ, շուտով այստեղ, դուք ժիր մանուկներ,

Մեծ ու պատիկներ, խելօք ու չարեր,

Կարգ-կարգ շարուեցէք, ինչ որ կըլսէք

Եւ կամ կըտեսնէք, ձեր մտքում ամուր,

Ամուր պահեցէք...

Սկսում է: Ահա մի պատկեր: Մի մեծ քաղաք է, մեծ-մեծ աներով, լայն-լայն քուչէքով, ուր պարտում են մարդիկ ոտով ու կառքով, տաք-տաք մուշտակներ ուսերին ձգած, սիգար, պասպիրոս բերանները զրած՝ ֆիսւ, ֆիսւ, ծծում, փչում են մուխը թանձրացած:

Թո՛ղ ծրծեն, փրչեն, փորերն ուռցնեն,

Ի՞նչ ունին պակաս, որ ինչ հոգս սնեն...

Ահա մի պատկեր դարձեալ նոյն տեղից. մի խուլ փողոց է, ցեխոտ ու կեղտոտ. խարխուլ անակներ աջ ու ձախ շինած, երկու դրկիցներ դռան առաջին զրոյց են անում քիթ քիթ տուած: Եւ հեռուն կանգնած մի աղքատ կնիկ, շորերը պատուտած, ոտքերը ըրբիկ, մի հիւանդ մանուկ բռնած իր գրկում, եկող գնացողին ձեռք է դէմ անում...

Այժմ ձեզ ցոյց տամ մի այլ տեսարան.

Դարձեալ նոյն քաղաքում մի լայն փողոց է.

Եղևու ճիւղեր աջ ու ձախ փռած.

Մի մեծ բաղմուտիւն առաջ է անցնում

Դիակառքի չորս կողմը լըցուած:

Առջևից գնում են քահանաները, ծաղկեայ փիլոններ ուսերին ձգած և նրանց հետ էլ շատ տիրացուներ, մամ

ու խաչվառներ ձեռքներին բռնած. իսկ վերջից, տեսէք, ինչքան կառքեր կան, սևազգեստ կանայք մէջը նստոտած. անի, ինչպէս ակուր, ինչպէս վշտալից, հեռուում են սրանք մեռելի ետքից:

Դարձեալ մի պատկեր. քաղաքի ծայրում հինգ-վեց մշակներ ուսերի վրայ տանում են անբախտ ընկերի դիակ, որ քանի տարի իր երկրից հեռու, ծանր բեռի տակ մաշել է իր կեանք... չկան յուզարկաւորներ—նչ քոյր, նչ եղբայր, չեն տեսնում նաև ոչ հայր և ոչ մայր. լուռ է փողոցը, լուռ են և մարդիկ. տեսնում է այս բոլոր միայն պարզ երկինք...

Ահա ձեզ մի այլ պատկեր. բարեկենդան է. մի մեծ զարդարուն սենեակ ձեր առաջ. կանթեղ ու լամպա վառած ձախ ու աջ, մեծ-մեծ հայելիք կախած պատերին, աթոռ, բաղկաթոռ ամեն տեղ շարած, իսկ մէջտեղ երկայն սեղանը ձգած, տասնեակ մարդ ու կին ընթրիքի նստած. ինչէր նրանց առաջը, անի, չկան դրած.

Շամպայն ու մազէր, անուշ գինիներ,

Խաչած ու խորած լաւ ձկնեղէններ,

Խաւեսար ու պանիր, տապակած հաւեր

Ու քանի տեսակ քաղցրաւենիներ...

Ուտում են, խմում, քահ-քահ ծիծաղում,

Բարեկենդանը լաւ անցկացնում...

Ես էլ մաղթում եմ բարի վայելում:

Ահա նոյն տան կից փոքրիկ խրճիթում, մի թոյլ ու աղօտ ճրագի լուսում, չոր թախտի վրայ մայրը որդոց հետ բարեկենդանի ընթրիքն է անում: Չկայ ոչ սեղան, ոչ համեղ ընթրիք, չկան գինիներ ու քաղցրաւենիք, այլ մի հին, մաշուած սիւնոց առաջները, հացի կտորաանք նրա մէջ զրած ու մի ամանով պանրի փշրտանք, ուտում են անձայն, դուլս քաշ ձգած...

Տխուր է խրճիթը, խոնաւ և անշուք, տխուր են գէմ-քերը մօրն ու որդոց. միայն չար փխտն նրանց մօտ պըպըզած՝ շարժում է պոչը, աչքերը պըրշած...

Այժմ ծերուկիս թողէք որ գնամ,  
 Եկող անգամը շատ բան ցոյց կըտամ.  
 Դէհ, մնաք բարեալ, դուք, ժիր մանուկներ,  
 Մեծ ու պատիկներ, խելօք ու շարեր:

Բ

Անցան ամիսներ, բոլորեց տարին, ահա խեղճ ծերուկս  
 կայ ձեր առաջին. եկէք մանուկներ, իմ աչքի լոյսեր, դառ-  
 նացած սրախ դուք միակ յոյսեր. դարձեալ բերի ձեզ ես  
 իմ պանաւաւ, մի քանի պատկեր նորից ձեզ ցոյց տամ.

Պատկեր լաւ ու վատ երբոր կը տեսնէք,

Ազաչում եմ ձեզ, մաքից մի հանէք:

Դէհ, սկսում է:

1

«Ամուռը սարում»:

Տեսէք այս սորը կանաչով պատած, այստեղ ու այն-  
 տեղ վրաններ թողած, վրանի դիմաց հայ, թուրք գիւղա-  
 կան մի մի գործ ձեռին բանի է նստած, որը աաշում է, որը  
 սրում է, որը կար կարում, տղին օրօրում, որը հաց կամ  
 կաթ տաքացնում, կարագ ու պանիր, մածուն պատրաս-  
 տում:

Ահա քիչ հեռի նրանց տաւարը, ոչխարի հօտեր, ձի-  
 անց բօլուկներ, մինչև փորի տակ խոտերում ծածկուած  
 կամ զլլան ջրի ափը հաւաքուած, տկզած կանգնել են, չեն  
 շարժում տեղից, ինչու-որ կուշտ են ու գոհ վիճակից:

Եւ գիտէք ո՞վ է մոթալ փափախով,

Հաստավիղ մարդը իր դազանակով,

Որ աչքը տնկած սարի լունջերին,

Մի բան է երգում գիւ-գիւ խոտերին.

Դա է նախրապանը — տէրը տաւարի,

Որ սար է գալիս ամենայն տարի:

2

Ահա նոյն նախիր, նոյն հօտն ու ձիեր, բայց ոչ թէ  
 ամառը սարի խոտերում և ոչ բըշբըշան ջրի ափերին, այլ  
 ցուրտ ձմեռը գիւղի գոմերում:

Հալուել է միսը, ոսկրները ցցուել, տկզած փորերնին  
 մէջքներին կպել, քաղցած է տաւարը՝ խոտ չկայ տալու,  
 սառել են գաշտեր՝ գարունն է հեռու:

Կրծում են սովից մսուրի փայտեր,

Դոփում կճղակով, պըշում աչեր.

Մայում, բառաչում, վիզերնին ծռում,

Թուլացած ընկնում, քաղցից սատակում:

Իսկ մեր գիւղացին, սհ, ինչպէս խղճուկ

Կանգնած նայում է ու թափում արցունք...

Մեծ է նրա վիշտ, մեծ է նրա ցաւ,

Երբ մի անասուն իր ձեռքից անցաւ:

3

Ահա ձեզ մի ուրիշ պատկեր.

«Գարնան սկզբում գիւղացու յոյսեր»:

Գարուն է, դարձն. ի՞նչ քաղցրիկ անուն: Արտերը  
 կանաչել են, ծառերը ծաղկել, ծաղկունքը բացուել, ջրերը  
 փռուել, գեղջուկ մշակը յոյսերով լցուել:

Կըգայ ամառը՝ կըգեղնի ցորեն, հունձը կըհնձէ կը-  
 ժողվէ ամբար, կըհասնեն պտուղը՝ թափ կըտայ, կըլցնէ  
 կլթոց, կըկախէ շարեր:

Սոտ կայ տաւարին, դարման ձիերին,

Ծաղկունք մեղուին, մեղը մանուկներին.

Ո՞հ, մեր գիւղացին ի՞նչպէս երջանիկ

Կ'անցէ այդ տարին...

4

Պատկերը փոխուեց.

Ահա նոյն գեղջուկ ամառ ժամանակ, տխուր նստած  
 է իրան կտրի տակ. ո՞ւր է նրա յոյս, իր արան ու այգին,  
 ի՞նչու է ժոնդոտ մանգաղ-գերանդին:

Մարախը եկաւ արտերը կերաւ,  
 Մարախից պրծածը՝ կարկուտը ասարաւ.  
 Թրթուռը խժուեց ծառերի տերև,  
 Պտուղ չըմնաց՝ ողջ այրեց արև:

Սոված մեղուներ թռան փեթակից,  
 Բճիճը մնաց զուրկ ծորան մեղրից.  
 Դաշար չորացաւ՝ խոտ չըկայ կովին,  
 Ամբարն է դատարկ՝ մահ է գեղջուկին:

Ո՛հ, ինչպէս թշուառ, ինչպէս յուսահատ  
 Կ'անցնէ այդ տարին...

5

Նայեցէք հովտի փոքրիկ քաղաքին, ուր սև-սև ամպերը սարերի նման կանգնել են գլխին: Բնութիւնը խաղաղ է, խաղաղ է և գետը, որ սարի կողմից իջնում է քաղաք, ջրում պարտէզներ, պտըտում ջաղացք, վշշալով անցնում, կորչում ձորերում, ամենայն տարի յոյս և կեանք բերում: Ահա ամբոխը կանգնած գետափին, ուրախ է հոգով, երկնից ամպերին, որ անձրև կըտայ, կըջրէ երկիր, կեանք կ'առնէ մարդը, դաշտ ու այգին...

Իսկ փոքրիկ տղաք տես ինչպէս անհոգ  
 Խաղում, վաղվզում են, «Անձրևը երգում»,  
 Որ ցած գայ ջրէ, բսնէ կանաչ խոտ,  
 Աւլէ փոշիներ ու մաքրէ վատ օդ:

6

Ահա նոյն քաղաք, նոյն սև-սև ամպեր, որից թռուչում են կրակէ նետեր, անձրևի փոխանակ կարկուտ է թափւում, որոտում երկինք, երկիր գրգռում:

Մարդիկ հաւաքուած իրանց տները, քարացած նայում են այդ ահեղ սրատփին, որ փշրում է, ջարդում, սուռն ու տեղ աւրում, այգի ու պարտէզ խլում, հետը տանում:

Լացում է մանուկը մօր վզին փաթթած,  
 Բառաչում է տաւարը դրսում մնացած,  
 Գոռում գոչում է գետը կատաղի,  
 Ահ, սարսափ պատում ամեն սրտերի...  
 Եւ ահա յանկարծ մի ձայն է լսում,  
 Մի ձայն գուժաբեր ամենքին հասնում.  
 «Հեղեղ, հեղեղ, կանչում են մարդիկ,  
 Ա՛խ, մեռանք, կորանք, խնայէ, երկինք»...

7

Հեղեղը եկաւ, հեղեղը գնաց,  
 Բայց տեսէք ահա աեղը ինչ մնաց.

Ահա մի ծերուկ խտտած մի դիակ, կիսամեռ ընկել էր իր փլած տան տակ. նրանից հեռի գետնին տարածուել տամնամեայ մանուկ՝ մօր հատիկ գաւակ:

Ահա քոյր, եղբայր միմեանց դրկած, ընկել են իրանց ծնողաց կրծքին, իսկ այնտեղ խեղդուել սկեսուրն ու հարս, օրօրոցում կապած մանուկը կողքին...

Մգում է քաղաքը, սգում են ամենքը, սրբ իր հայրը, սրբ իր որդին, քոյրը իր միակ եղբայր թանկազին:

Որբի լացի ձայն երկինք է հասնում, մեծ ու փոքրի սիրտ շարժում, մղկաում...

Ա՛խ, թողէք ծածկեմ այս տխուր պատկեր,  
 Պատկեր սոսկալի, արիւնով ներկուած,  
 Որի ժանտ տեսիլ գեռ մինչև այսօր  
 Սարսափ է ազդում դժբախտ բնակչաց:

Կ. Մ.-Շահնազարեան

## 59. ԷՇԸ ԵՒՐՈՊԱՅՈՒՄ ԵՒ ԿՈՎԿԱՍՍՈՒՄ

Ա.

Չեմ կարծում որ էշ տեսած չլինիք, այն կենդանին, որին երկայնականջ էլ են ասում մեզանում և մեծ թէ փոքր համոզուած են, որ նրա պէս յիմար արարած չկայ աշխարհումս: Յիրաւի, կանգնիք էշի դիմացը, մի լաւ նայիք նրա քիթ ու մուռթին, դրումի պէս կախ ընկած կարկաժ գլխին, լատան-լատան ականջներին, խոշոր ու թմրած աչքերին, ազեղ կերպարանքին ու շարժուածքին և կըտեսնես որ էշ անունը շատ սազ է գալիս նրան:

Շուռ սուր աչերդ նաև միւս էշերի վրայ, սև լինին նրանք թէ մտխրադոյն, մեծ լինին թէ փոքր, դիւզում լինին ապրում թէ քաղաքում, դարձեալ նոյն յիմար, նոյն թմրած, կեանքից ճանճրացած էշերն են: Բայց ինչո՞ւ այդպէս են, գուցէ կըհարցնէք ինձ, երևի Աստուած դրանց էլ թմրած է ստեղծել: Ամենևին, կըպատասխանեմ ես, և կըհամոզուիք ասածիս, եթէ տեսել էք և կամ կըտեսնէք փոքրիկ էշերին— իշուկներին:

Մեզանում իշուկը, քանի որ մէջքին փայան չի դրուել ու կողքերին ճիւղոտ չի դիպել, մի շատ ուրախ ու կայտառ կենդանի է. նա մարդից չի քաշուում, ում ասես մօտենում է, հոտոտում, ականջները խըշում, լոք-լոք անում, աջ ու ձախ թռչկոտում, կապկութիւններ անում, մի խօսքով՝ նա շատ գրաւիչ է իր խողերով, բայց ոչ մեծերն են ուշադրութիւն դարձնում նրան և ոչ էլ փոքրերը. միթէ արժէ իշուկը այդ պատուին... Մեր իշուկի տարին դեռ չըրացած, տեսնում ես խեղճի մէջքին մի ծանր փալան դրին, փորքաշով պինդ կապկպեցին ու մի քանի փութ ծանրութիւն բեռնեցին զիւզ կամ քաղաքը տանելու: Մեր իշուկի ուժը չի պատում այդ բեռանը, նա ճըկը-ճըկը է անում, մէջքից երկտակում է, ոտքերը զոզոզում են, ուզում է ճիւղուել բեռի տակ, մէկ էլ յանկարծ տիրոջ ճիւղոտը գաւակին այնպէս է շըմփում, որ զարմանքից թէ

տարսափից երկու գազ առաջ է թռչում: Էլ կըհամարձակուի մեր իշուկը տեղը կանգնել կամ ճըկուի, ճիւղոտը միշտ ճըմճըմում է ետևից, ինչքան ուզում է թող մէջքը կտարուի, ո՞վ է նրան հարցնողը...

Գնում է անքալով մեր իշուկը, քրտինքը ջրի պէս վազում է նրանից, բերանը փրփուր է կապում, աչքերը մթնանում են ու ծուռում է ճանապարհից. ճիւղոտն ուզում է նրա ծուռ քայլը. ուշքը դուրսն է գալիս, տեսնում է որ իր երազած երջանիկ աշխարհը չէ սա, ուր միշտ կարելի է արտինգներ տալով ապրել. մի ըսպէ մտածում է փախչել տիրոջից, սրում է ականջները, խըշում դէս ու դէն, բայց մի կողմից բեռն է ճնշում, միւս կողմից՝ «չո՛ւ, թօ՛շ, թօ՛շ» լաւում է տիրոջ սպառնալի ձայնը...

Շարունակում է լուռ ու մունջ իշուկը իր ճանապարհը. ահա յանկարծ տեսնում է քիթի տակին գլխները բարձրացրած փափուկ ու զիւզիլ խոտեր, բանջարներ. ախորժակը բացում է, զլուխը ծոռում է դէպի բոսոր, բերանը լայն բաց անում ու հէնց որ ուզում է հափ—կծել, տիրոջ գազանակը թրը՛խի, դիպչում է չոր գլխին, աչքերը կրակ են անում ու դատարկ ծնօտները իրար չըխկըխկում...

Գալիս է մի առու, գըլգըլգըլ, քըջքշում է ջուրը, մեր իշուկը տաքից խաշում է, նրա լեզուն պտպակում է վրայ ընկնել մի լաւ խմել, բայց դեռ մաքիցը չի անցել տիրոջ գազանակի զօրութիւնը, դեռ ևս մըմնջում է խօսած տեղը, այս անգամ թոյնում անցնում է: Գալիս է երկրորդ առուն, երրորդը, մէկը միւսից աւելի պարզ, աւելի վճիտ. ծարաւը աւելի ևս տանջում է. ճար չկայ, որ մեռնի, պիտի խմէ այս անգամ, և ահա վիզը երկարացնում է, զլուխը կախում կամաց ու դեռ խեղճը հասա շրթունքները ջրի երեսին չդիպցրած՝ շըմփի, էլի գազանակը համնում է դնչին...

Աչքերը ճպճպալով ու ներքեի շրթունքը կախ գցած, ախուր հեռանում է առուից. ահա նրան պատահում են իր ծանօթներից ու ազգականներից շատերը, որը իր նման բեռնուած է, որը անբեռը. նկատում է նրանց մէջ և իր

հին ընկեր Չալ-էշին, կուրծքը զանգակներով զարդարուած, մի բոպէ մոռանում է իշուկը իր վիշաբ. հեռուից զոհիկ-զոհիկ անելով նրան բարևում է, քայլերը արագացնում է, որ մի բոպէ շուտ բարեկամի տեսութեանն արժանանայ: Չալ-էշն էլ պակաս կարօտ չէ նրան, և անա երկու հին բարեկամները դէմուդէմ են գալիս, քիթ-քիթ դնում, մէկ-մէկու հոտոտելով բարևում, և դեռ իրարու ցաւը չըհարցրած, իրարու կարօտը չառած, փայտը՝ թրանխկ՝ դիպչում է երկուսի քիթն ու բաժանում...:

Վերջապէս համուտ է մեր իշուկը տուն բոլորովին թուլացած, բոլորովին յուսահատ, բեռը վեր են առնում մէջքից, մի քիչ գարման կամ չոր խոտ թափում առաջը որ ուտի: Ազահուլթիւնով մի երկու բերան հախուում է կերակուրից ու յետ կանգնում խռոված երեխի պէս. դարմանը խոնաւ կամ փշոտ է լինում, խոտը ժանգալներով, կածուկներով լիքը, այնպէս որ ուտելիս տաշււմ է բերանը: Մի երկու ժամից նրան շուր են տալիս. նոյն ազահուլթիւնով խմում, լցնում է դատարկ փորը. այժմ ախորժակը աւելի ևս բացւում է, բայց էլի նոյն կերակուրներն է առաջին, ուզի չուզի՝ պիտի ուտէ...:

Այսպէս նա մի կերպ փորի հոգսը վերջացնում է թէ չէ, այժմ նրան անհանգիստ են անում մի կողմից իշաճանճերը, միւս կողմից ականջներում հաւաքուած լուսաները, փորին ու ոտերին կպած տիղերն ու ցեխի փշուրտանքը, փալանի հարած տեղերը, մի խօսքով նրա ամբողջ մարմինը քոր է գալիս. ի՞նչ անէ, լեզու չգիտէ, որ իր գրուլթիւնը մարդկանց հասկացնէ, ձեռներ չունի, որ ինքն իրան քորէ. շատ շատ՝ ատամներով կարողանում է միայն առջևի ոտերն ու գաւակը գրգիւլ և գուզուլ պոչը տատանելով՝ ճանճերին փախցնել, բայց փորը. մէջքը. նա զոտւմ է մի քանի անգամ, բայց չէ, տէրը դաշը չի բերում. ճարահատեալ նա չոքում է, թոմփ՝ ընկնում կողքի վրայ, ոտները օդի մէջ բարձրացնում, պարան-պարան գալիս ու թաւալ տալիս. վայ նրան, եթէ տէրը այգալիսի գրուլթեան մէջ տեսաւ, դարձեալ անիծած դազանակը փշրում է

դիւին... բայց շատ անգամ էլ պատահում է, որ մեր մոխրաթաւալ տեղից բարձրանալիս, այ քեզ բան, փալանը շուտ է գալիս, ընկնում փորի տակը, փորքաշը կարում մէջքի սէնը. ամբողջ ժամերով նա անշարժ մնում է այսպէս և անիծում իր թաւալ տալու ժամը...:

Բոլորում է իշուկի շարչարանքի երեք տարին, այժմ նրա հետ հոնաք անել չի լինիլ. նա թողել է իր առաջուան խնդիկ-խնդիկ անելը, թուչկոտալը, ուրախ-ուրախ գրոզոցը, լաւ քէֆի ժամանակ շանը, կատուին ու շար երեխաներին մի-մի աքացի խփելը... այժմ ճիպոտից էլ չի վախենում, ինչքան ուզում ես՝ հասցրու, նրա համար ողջ մէկ է. կեր ու խումի մէջ էլ նազ ու սազ չկայ, ինչ որ տալիս են, ինչքան բեռնում են, ուր տանում են, նա անարտունջ հպատակում է. մի խօսքով ևս կատարեալ է՞ է դարձել...:

Եւ անա մենք այդ էշին տեսնում ենք ինչպէս գուլը քաշ, տնքալով, չորս հինգ փուլ մէջքին, շատ անգամ տէրն էլ վրան նստած, ոտները դեմնին քաքսուելով, գիւղը կամ քաղաքն է մտնում. նրան տեսնում ենք և մեր հրապարակներում, ուր անձրևի, ցեխի կամ ձիւնի մէջ, փայտի, փշի, քարի, հողի, ածուխի կամ մրդեղէնի բեռան տակ, սոված, ծարաւ վեց-եօթը ժամ շարունակ մնում է ականջները կախ կանգնած և մեծ թէ փոքր արհամարհանքով նայում են նրան, թօշ-թօշ ասում ու անցնում...:

Տարիներ անցնում են և մեր էշը պատուում է ու առաջուայ ունեցած յարգանքն էլ կորցնում. նրան այժմ օրերով չեն քորում, գարի չեն տալիս, առանց դրան էլ նա կարող է ապրել, մտածում է տէրը. բայց թէ փալանը և թէ ծանր բեռը նրանից չի հեռանում, ինչ վնաս թէ ծերացել է: Մի բան որ էշի կեանքում փոխուել է՝ այդ ծեծի եղանակն է. նրա կաշին ծնուած օրից սկսած դադանակի հարուածների տակ այնպէս թմրել անզգայ է գարձել, որ էլ թակը նրան չի ներգործում. այժմ հնարագէտ տէրը բզած փայտ է բանեցնում, որ զըզըզալով ծակում է խեղճի կաշին ու աչքերից ջրեր թափեցնում. վայ

նրան, որ մի քիչ դանդաղ գնաց ու հագար վաճ, երբ պառաւ էջը ցեխի մէջ մնայ կամ սառուցի վրայ գնալուց սահի ընկնի ու չկարողանայ տեղից շարժուիլ. էլ սոս, քիթ, բերան, դուխ, ողջ տեղ չի մնալ, ջարդուփշուր կըլինի: Նա ամենայն ուրախութիւնով իր շունչը կըփչէր ընկած աեղը, եթէ մարդիկ պոչից, ոտից, դըլխից բռնած՝ ծեծելով չբարձրացնէին ու բզբզելով էլի առաջ չբշէին...

Այսպիսի դառն օրերի մէջ անց է կացնում մեզ մօտ էջը իր կեանքը և տասը-տասնհինգ տարին գեռ չհասած, մի օր բեռան տակ ընկնում, ոտքերը մի քանի անգամ գետնին խփում ու յաւիտեանս աչքերը փակում:

Խեղճ անասունի սատկելուց յետոյ էլ հանգիստ չի թողնում տէրը. ազցանով հանում է սմբակներից մեխերն ու պայտը, կաշին մաշկում տրեխների համար, խոկ դիակը՝ մի թոկ կապերով, քաշ տալիս գէսլի ձորը... այնտեղ միայն ազատւում է նա իր փալանից ու տիրոջ դազանակից...

## Բ

Բայց բոլորովին ուրիշ կեանք է կովկասի էջերի այն ազգակիցների կեանքը, որոնք բախտի բերմամբ ընկել են Եւրոպայի հողի վրայ:

Ես չեմ խօսիլ մարդուած էջերի մասին, որոնք յայտնի են կրկէաներում իրենց խաղերով, և ոչ էլ այն ուշիմ կաթ բաժանող էջերի մասին, այլ վեր կառնեմ Պրանսիայի գիւղացու բեռնակիր էջը, որ նոյն չորքոտանի երկայնականջ արարածն է, ինչ որ մեղանում, միայն այն տարբերութիւնով, որ տէրը կովկասցի չէ, այլ եւրոպացի:

Ես կըսկսեմ էլի իշուկից:

Իշուկին սիրում են ամենքը. նրան տեսնելիս թէ մարդ, թէ կին, թէ գիւղացի թէ քաղաքացի, թէ հարուստ և թէ աղքատ փաղաքշում է, «ոհ, ինչ ազնիւ է, ինչպէս խելօք է», ասում են փոքրիկները, շփում նրա թաւ ճա-

կատը, ճպոտա աչքերը, քիթուպոունդը. ով մի քաղցր բան ունի, իշուկին է համեցէք անում. նա էլ խունջիկ-մունջիկ մօտենում է ամենքին, առնում համեղ պարզկները, հոտոտում, լիզում նրանց ձեռքն ու երեսն ու փունգարով թռչկոտում է նրանց շուրջը:

Քանի մեծանում է իշուկը, տիրոջ խնամքն էլ շատանում է. նրան ամեն օր թիմարում է, տարին մի քանի անգամ լողացնում, անմաս չի թողնում և քաղցր ճակընդեղից, կազամբի ու խամբարի (եղիպտացորենի) տերեւներից, ուտացնում է և տանը մնացած հացի աւելցուկը, այնպէս որ իշուկի աչքը միշտ կուշտ է մնում. նրա գոմը ևս կարգին է, տաք, մաքուր, յատակը խոզանով ծածկած, չուլ ու փալտաք եղանակի համեմատ փոխում է. մի խօսքով՝ իշուկը գոհ է մնում իր վիճակից...

Քալիս է բեռ քաշելու ժամանակը, տէրը դիտէ որ նա դեռ թոյլ է, ոսկորները չեն ամրասնգուել, նրա ուժի համեմատ մի թեթիւ սայլակ է կապում ետևից, մի փոքր բան գնում մէջը և ճանապարհ ընկնում ուղած տեղը. իշուկը թռչկոտում է, սայլակի շխշխոցը նրան գուարձութիւն է պատճառում, տէրը դազանակի փոխանակ նրան գուրգուրում, աշխոյժ է տալիս ամեն քայլափոխում, ճանապարհին պատահած խոտից կտրում, բերանն է կոխում և նա սոփ-սոփ անելով՝ միշտ սրանում է:

Համնում է սուն իշուկը, նրան արձակում են սայլակից, խոկոյն շփում նրա աչքերը, ախանջները, կերակուրը առատ թափում նրա առաջը, եթէ եղանակը ցուրտ է՝ ծածկում մէջքը, փորը, որ չմբսի, ժամանակին շուք տալիս. փոքրիկները մօտենում են նրան, դարձեալ սկսում է առաջուան փաղաքշանքը երկու կողմից:

Նա մեծ էջ է գառնում, ուժը կրկնապատակուել է. նրան լծում են աւելի մեծ սայլակում, այժմ աւելի մեծ բեռ է քաշում, բայց երբէք չես լսիլ նրա սնքոցը, տիրոջ սպասուալի ձայնը. նա միշտ նոյն աշխոյժ էջն է, ինչ որ առաջ, նրա մէջքը գեռ մարակի հարուած չի տեսել ու ծեծի մասին դազափար չունի: Մօտեցիլ նրան ուր որ էլ լինի,

ազատ թէ բեռան տակ. նա գլուխը կըծուի դէպի քեզ, կը-  
հոտոտայ, ախանջներն ու պոչը ուրախութիւնից կըշարժի  
ու կըփունգայ:

Այդպիսի հարիւրաւոր էշեր ամեն օր կըպատահեն  
քեզ ճանապարհներում, շատ սնգամ առանց տիրոջ, անա-  
գին սայլը քաշելիս, և կամ չորս հինգ կնիկ նստած, սան-  
ձը բերանում գիւլը դնալիս:

Ծերացաւ էշը, պատիւն էլ շատացաւ. նրա բեռը  
թեթեւանում է, աշխատութիւնը քչանում. նա շատ ազատ  
ժամեր ունի դաշտում արածելու, իր ցանկացած խոան  
ուտելու, իր ուզած շուրը խմելու, ոչ ոք նրան չի արգե-  
լում, ոչ ոք նրան բէդամաղ չի անում. առաջուան պէս  
ամենքը սիրում են նրան, ինքն էլ նրանց է սիրում. սէ-  
րը՝ սիրոյ փոխարէն...

Մեռնում է Եւրոպայի էշը ոչ թէ բեռան տակ, ոսկր  
ու կաշին մնացած, այլ հանգստութեան մէջ, խոր ծերու-  
թեան հասած. նրա վրայ ցաւում է տէրը, մանրիկները  
արտասւում են սև էշի վրայ ու յարգանքով թաղում գիւ-  
ղից մօտիկ մի փոսի մէջ:

Սահում են տարիները, փոքրիկ գիւղացին մեծանա-  
լով՝ երբ անցնում է այնտեղից, յիշում է հօր սև էշը,  
նրա արած ծառայութիւնը. մի բոպէ կանգնում է  
տիրադէմ ու հառաչելով անցնում դէպի առաջ...

Ահա այսպէս են վարում եւրոպացիք, որ յիմար ա-  
նասուններն էլ խելօք են, իսկ մեզ մօտ մեր խելօքներն  
էլ յիմարանում են, որովհետև մենք չգիտենք նրանց  
գրաւել, կրթել, խնամել:

Կ. Մ. - Շահնազարեան



60. Ե Ր Գ Չ Ի Ա Ն Է Ծ Ք Ը

Դարեր առաջ կար բարձրաբերձ պարիսպներով մի դղեակ,—  
Հոյակապ էր, փառքն հասել էր մինչև ովկիան կապուտակ.  
Շուրջը փռուած ծաղկեպսակ անուշաբոյր պարտէզներ,  
Թարմ, գովաշունչ շաղրուաններ ցայտում էին վառ շիթեր:  
Եւ բազմայաղթ այնտեղ նստած զոռոզ արքան հողաշատ  
Բազմած էր իր գահի վրայ մոսյլ գէմքով ու գունատ.  
Ամեն խորհուրդն արհաւիրք էր, կատաղութիւն աչքերում,  
Նրա ամեն խօսքը կորուստ, արիւն էր նա միշտ գրում:  
Այս ամբողջ երկու ազնիւ երգիչ գնացին մի անգամ՝  
Մէկն ալեգարդ, միւսը մանուկ ոսկեգանգուր ու փարթամ.  
Տաւիղն ուսին, մի գեղեցիկ նժոյգ հեծած ծերունին,  
Նրա կողքին ընթանում էր ծաղկահասակ պատանին:  
Ծերունին ասաց իր ընկերին. «Պատրաստ եղիր, իմ որդեակ,  
Մեր սրտառուչ տաղերն յիշիր, երգի՛ր ազատ, համարձակ,  
Երգի՛ր և՛ վիշտ, և՛ խնդութիւն մատաղ ձայնով դու հօր,  
Գոռ արքայի քարէ սիրտը պիտի շարժենք մենք այսօր»:  
Արդէն շքեղ սիւնաղարդ նրանք սրահումն են կանգնած,  
Գահի վրայ թագաւորը և թագուհին են բազմած:  
Նա սիգապանձ՝ ինչպէս փայլը արիւնավառ հիւսիսի,  
Իսկ թագուհին ընքուշ՝ նման արուսեակին յուսալի:  
Չարկեց ծերունին ողևորուած նուրը լարերին մասներով,  
Ճոխ արձագանք տուին նրանք լիահնչիւն ձայներով  
Եւ գեղեցիկ տաղ երկնարժան չընաղատես պատանին,  
Ինչպէս համերգ ոգիների, և խաճայն ծերունին:  
Նրանց երգն էր գարուն և սէք, երանաւէտ ոսկեղար,  
Ազատութիւն, խօսք ճշմարիտ, արիութեան զործ արդար,  
Եւ հեշտութեան ամեն վայելք, որ յուզում է սիրտ մարդկան,  
Եւ այն ամենն, որ կարող է մարդուն տալ տիպ վեհութեան:  
Պալատական ասպետներ ծաղրի խօսքեր մոռացան  
Եւ անվեհեր զինուորները հօր երգիցն յաղթուեցան:  
Իսկ թագուհին, սիրտը շարժուած, աչքին արցունք բերկրալից,  
Ահա հանեց, ձգեց երգչին չքնաղ մի վարդ իր կուրծքից:  
«Գայթակղեցիք դուք իմ ազգը,— գոռաց արքան մոլեգին,  
Չգեց սուսերն, օգում ցոլաց, մատաղ կուրծքը պատռոտեց,  
Ոսկեհնչիւն երգերի տեղ կուրծքիցն արիւն դուրս ցայտեց:  
Ասես մըրիկն իսկոյն ցրուեց այն ունկնդիր ամբոխին:

Իր վարպետի գրկումն հողին փշեց անբաղդ պատանին,  
 Ծածկեց մարմինն նա թիկնոցով, նստեցրեց երկվար,  
 Ամուր կապեց և ամրոցից նա հեռացաւ վշտահար:  
 Եւ դուրս եկաւ, կանգնեց բարձր գարբասի դէմ ձերունին  
 Եւ ձեռքն առաւ տաւիղն, ամեն տաւիղներից մեծագին.  
 Չարկեց նըրան կճեայ սեանը, փշուր-փշուր խորտակեց.  
 Դէպի ամրոց ու պարտէզներն սոսկալի ձայն արձակեց.  
 «Վայ քեզ, խրճիսս դու ապարանք. թող ոչ մի ձայն քաղցրութեան,  
 Լարի հնչիւն, երգ չըլտուի քո յարկի տակ յաւիտեան,  
 Այլ ստրուկների երկչոտ քայլեր և հառաչանք, հեծութիւն,  
 Մինչ չար ոգին վրէժխնդրութեան քեզ դարձընէ սև աճիւն:  
 «Վայ ձեզ և դուք անուշարոյր, գարնանաղեղ պարտէզներ,  
 Տեսէք անձ մանուկ երգչի դէմքին վառուած տանջանքներ.  
 Թող սըրա տեղ դուք թառամիր, աղբիւրներդ ցամաքեն.  
 Գալ օրերին թող քար կտրած և ամայի ձեզ տեսնեն:  
 «Վայ քեզ, նզովքդ երգիչների, վայ քեզ, անարգ մարդասպան,  
 Արիւնապսակ փառքի համար մարտդ լինի թող ունայն.  
 Թող մոռացուի քո անունը մշտագիշեր խաւարում,  
 Ինչպէս մահուան վերջին հառաչք, սին ձայն ցնդի թող օդում:  
 Ծերուկն ասաց, և երկինքը լսեց նըրա պաղտանք.  
 Պարխանքը փոշի գարձած, կործանուած է ապարանք:  
 Բարձր մի սիւն դեռ վկայ է հին օրերի փառաւոր,  
 Այն էլ շուտով պիտի լինի մի փլատակ սըզաւոր:  
 Չը կայ բուրմունքն այգիների, շուրջը միայն անապատ,  
 Չը կայ վտակ, սաղարթախիտ չըկայ մի ծառ սուեքաշատ  
 Եւ չի յիշում մի տարեգիր կամ երգ անունն արքայի.—  
 Այսպէս անձ կատարուեցաւ անէծքն անեղ ձեր երգչի:  
 ուռ.ս.գ. Թարգմ. Յ. Յովհաննիսեան

61. Ա Ն Գ Ր Ա Գ Է Տ

Երբէք մէկին չեմ նախանձում ես աշխարհի երեսին,  
 Միայն, գրագէտ դուք պարոններ, նախանձում եմ ձեր բաղդին.  
 Ա՛խ, գթացէք գեղջուկ որբիս, մի լաւութիւն միայն արէք—  
 Տուէք մի թերթ ինձ ճերմակ թուղթ, մի փետուրէ գրիչ տուէք.  
 Եւ ինձ գրել սովորեցըէք, սովորեցըէք լաւ, շուտով,  
 Որ գրեմքս կայծակից էլ արագ թռչէ գրբիւով.  
 Որ պատմելով թղթի վրայ ես ձեզ ցոյց տամ ամեն բան—  
 Մեր աշխատանքն, մեր շարչարանքն ու մեր խաչը վկայութեան...  
 Կը յայտնէի՝ ինչ ցնորքներ, ինչ մտքեր կան իմ գլխում,  
 Մի ողջ աշխարհ ցոյց կը տայի ես աննման պատկերում...

Բայց այժմ անհետ չքանում են բոլոր իմ քաղցր երազներ.  
 Ես անգրագէտ, ես անուս եմ... Սովորեցրէք, պարոններ:  
 Կը գրէի, ինչպէս ամառն արշալոյսն է փայլփայլում,  
 Եւ քարերին զարնուելով կայտառ ջուրն է կարկաչում.  
 Ինչպէս արտում ցօրենի հետ գրոյց է անում մեղմ քամին  
 Եւ աղօթքի հրաւիրում փոքրիկ զանգը մեր ժամին.  
 Ես աղօթել եմ կամենում, բայց չըգիտեմ աղօթքներ—  
 Ես անգրագէտ, ես անուս եմ... սովորեցրէք, պարոններ:  
 Ազնիւ գործ է, թէ մարդ գրել իր խօսքերը կարենայ,  
 Բոլորն ինչ որ մտածում է, բոլորն ինչ որ գլուխը գայ,  
 Գրելով պատմէ այն ամենը, ինչ դիզուել է իր սրտում,  
 Ճշմարտութիւն միշտ քարոզէ, բարի գործի մեծութիւն.  
 Ես շատ անգամ ծաղր եմ լսում, բայց իմ ուսեալ թշնամուն՝  
 Սիրտս այրում է, պատասխանի չունիմ ոչինչ գօրութիւն.—  
 Եւ դուր տեղը ես տանջում եմ և յուզում եմ և դողում,  
 Եւ միմիայն թղթի վրայ անմիտ կերպով խաղաղում:  
 Ինձ ծաղրում են և ամօթու կարծրում են իմ այտեր...  
 Ես անգրագէտ, ես անուս եմ... սովորեցրէք, պարոններ:  
 Շատ լաւ բան է գիր իմանալ: Գրագէտ է վաշխատուն.  
 Գրագէտ են դատարանի ծառայողներն անկշտում.  
 Եռանդով էլ նրանք գրում են, նրանցն է դրախտն աշխարհի,  
 Իսկ այդ գրելն ի՞նչ փոյթ, որ խեղճ մարդու հողին պիտի հանի:  
 Շուտով, շուտով, գրբիչ տուէք, սովորեցըէք գործածել,  
 Կամի՛մ գրել ազգի համար, նըրա համար աշխատել.  
 Եւ ես նըրան կը պաշտպանեմ չարագործից, յիմարից,—  
 Կ'արտագրեմ Աւետայանն ես բոլորը ըսկզբից...  
 Ա՛յ, դու անդ իմ, ճերմակթեիկ, քեզ տուել եմ կերակուր,  
 Քեզ սրբել եմ—փոխարէնը թեիցդ ինձ մի գրիչ տուր.  
 Միբուն դու սագ, տուր խնդրում եմ ինձ թուշուր զոյգ թևեր,  
 Ուր բոլորը կըրագէտ են.—սովորեցրէք, պարոններ:  
 Լեւեմբեմ3. Թարգմ. Յ. Յովհաննիսեան

62. Գ Ա Ր Ո Ի Ն

Քեզ ըսպատող չը մնաց,  
 Ո՛ւր ես գալի, այ գարուն,  
 Գովքըդ ասող չը մնաց,  
 Զուր ես գալի, այ գարուն:  
 Սև-մութ պատեց աշխարհին,  
 Սար ու ձոր դռտան արիւն,

Մեզ վայ բերեց էս տարին,—  
Ո՞ւր ես դալի, այ դարուն...

Բիւլբիւլն եկաւ՝ վարդ չունի,  
Ծաղկոցը կայ՝ դարդ չունի.  
Էլ ո՞վ ա որ դարդ չունի—  
Ո՞ւր ես դալի, այ դարուն:

Յ. Յովնանիսեան

63. Հ Ա Տ Ի Կ

Հոյսը բացուում է, շուտ արտը դնամ,  
Պատուեմ սուր խոփով ես կուրծքը հողի  
Եւ, սիրուն հատիկ, քեզ նրան պահ տամ  
Մինչև օրերը ամրան արևի:

Թագեմ քեզ, հատիկ, և դարդս քեզ հետ,  
Թէ Աստուած ուզեց, դու կանաչեցիր,  
Թո՛ղ դարդս մեռնի գետնի տակ անհետ,  
Դու ինձ մխիթար, կրկին տուն դարձիր:

Եւ ջերմ աղօթքով Տիրամօր առջև  
Ես մոմ կը վառեմ, ես խունկ կը ծխեմ,  
Որ քեզ պարզեմ մի առատ անձրև,  
Որ քեզ միշտ սիրով նայե խնդապէմ:

Բայց թէ այդ շնորհին մեղքերիս համար  
Արժանի չը լինեմ, ծով կը դարձնեմ  
Ես տաք քրտինքը ճակտիս արևաւ,  
Որ քեզ, իմ հատիկ, ծարաւ չը թողնեմ:

Ծիր, կանաչիր, ոսկէ սաւանով  
Ծածկիր իմ արտը ողջ ալեծածան,  
Նոր այն ժամանակ անուշ շրջիւնով  
Տնւր ջարդուած սրտիս մի քուն հանգստեան:

Յ. Յովնանիսեան

64. Մ Ա Յ Ր Ե Ր Ը

Գիւղական փոքրիկ եկեղեցու կիսախաւարի մէջ խնկի ծուխը պալան-պալան բարձրանում էր այն երեկոյ և բակ-կապում փոքրիկ լուսամուտների շուրջը: Կանթեղի աղօտ լոյսի առաջ քահանան մումուսով քաղում էր աղօթքները և բազմաթիւ ժամաւորները մերթ դետնատարած խտրնե-րի վրայ, մերթ ոտքի կանգնած ու բաղկատարած՝ մրմն-ջում էին մի ընդհանուր ու խուլ մումուսոց հանելով: Կա-նանց բաժնում սևացած սեան վրայ կախուած էր Աստուա-ծածնի նկարը մի մղլած, դեղնած շրջանակի մէջ և նրա առաջ կանգնած էր մի տարիքաւոր կին՝ Սուսանը: Այդ կինը և այդ նկարը երկու մայրեր էին, որոնք նայում էին իրար ակնապիշ և կարծես ջանք էին անում հասկանալ մի-մեանց մտքերը, կարգալ միմեանց սրտերը: Տիրամայրը վերևումն էր՝ սեան վրայ, Սուսանը ներքևում՝ գետնի վրայ. մէկը սուրբ էր, կարող և հրաշագործ, միւսը խեղճ, վըշ-տահար, անգոր մի պառաւ, որ եկել էր նրա առաջ լաց լինելու, աղերսելու:

Միաձնի փոքրիկ, գանգրահեր գլուխը սղմած իր կու-սական կրծքին, Աստուածամայրը լուսնադադատանքով ու ժը-պիտով նայում էր վոր, իր ստների տակ սողացող, գա-լարուող բազմութեանը, նայում էր նոյն ժպտով նաև Սու-սանին, որ եկել էր ցաւոտ կուրծքը նրա առաջ բանալու:

Սուսանն աղօթում էր իր միակ որդու, իր դարիբ թա-փառական Սաքօի համար, որ քանի մի օր առաջ թողեց, դնաց մութ անյայտը, դէպի հեռուն...

Ո՞վ սուրբ Տիրամայր, ասում էր նա, բուր ցաւոտ

սրտերի, բոլոր վշտացած հոգիների, բոլոր մղկտացող մայրերի դու գթոս մայր, ձեռքս քո փէշն եմ ձգել, էրուած, մորմոքուած սիրտս բերել եմ քո սուրբ ոսկերի տակ դնելու. բաց այն, Տիրամէր, տես, արցունքը մի կողմ, կրակը միւս կողմն են բռնել սրտիս և արցունքը վառ կրակը մարել չի կարողանում, բոցերը շատ են. բաց ու նայիր, անձարների մայր. չէ՞ դու սրտերի կրակը հասկանալ, զգալ գիտես, տես ինչեր կան իմ եփուած սրտում, ու յետոյ մի ճար, մի դարման, ողորմած թագուհի: Իմ ծով մեղքից էս ձեր օրերիս ֆալազը մի դաղ քաշեց սրտիս, մի խոր դաղ և էրուած տեղը դեռ մխում է, մխում. դու հօ տեսար, սուրբ մայր, թէ էն մէկ ջիւանս, սարի պէս սղամարդ, ինչպէս կտոր-կտոր արին անօրէնները. ան ջաւով ծնած, մեծացրած զաւակիս էս կտարած ձեռներովս արիւնսս գերեզման իջեցրի: Ի՞նչ անեմ, գուցէ իմ մեղքից, գուցէ Աստուած էր վրաս բարկացել: Այս մէկն էլ գնաց... մըղկտացի, աղաչեցի, լաց եղայ, ձեռքն ու ոտքն ընկայ, որ չը դնայ, բայց գնաց... թէ ուր, այն դու ինձանից լաւ գիտես, Տիրամէր... հեռու սարերում, ձորերում, քարը՝ բարձ, ժայռն՝ անկողին, օձերի հետ ջուրը, գազանների հետ բունը կիսելով՝ նա թափառում է և ես անտէր, անտիրական, ձեռքս չոր գեանին, սիրտս՝ դող, հոգիս՝ ցաւած, օրս սև, թաց աշքս դռանը բռնած գիշեր, ցերեկ մղկտում, վշտում եմ: Փրկիր նրան, իմ զաւակին, Տիրամէր, բարեխօս եղիր նրա մօտ, որ այնպէս սիրով գրկել, սղմում ես քո սուրբ կրծքին. տես նա ինչպէս փարում է քո մայրական ստինքներին, ինչպէս ուզում է լսել քո սրտի ձայնը, մայր, մայր, ախր ես էլ եմ մայր, ես էլ սիրտ ունիմ, մայրական կաթովս քանիսին կերակրեցի, կրծքիս վրայ քանիսին ջերմացրի և էլ չկան, չկան, ոչ մէկը չկայ, ութ ծնունդ նրատեցի, ութ երկունք քաշեցի, և այժմ էն մէկն է: Մոմերը մէկիկ-մէկիկ այրուեցին ու մարեցին, Աստուածածնի և Քրիստոսի դէմքերը կամաց-կամաց կորան խաւարի մէջ. քահանայի ձայնը լոց, աղօթաւորների մրմունջները դադարեցին, եկեղեցին դատարկուեց: Սուսանն այնտեղ մնաց

մենակ և դեռ աղօթում էր, դեռ նա աչքերը վար չէր բերում Տիրամօր պատկերից, դեռ չորացած բազուկները տարածած նա օդնութիւն, գթութիւն էր աղերսում և լալիս էր ու լալիս...

— Սուսան խաթուն, ուշ է. ժամը պրծաւ, որդի: Կինը դուրսը բարձրացրեց. խօսողը ձերունի քահանան էր:

— Տէրտէր ջան, աջիդ մեռնեմ, աղօթում եմ:

— Հն, որդի, գիտեմ, որ աղօթում ես, լաւ ես անում, թող Աստուած լսի. ասում եմ, որ ժամը պրծաւ, էլ մարդ չկայ, տես:

— Դու գիտես, չէ՞, հայր ջան, էս մէկն էնպէս բեմուրայ եղաւ, մէկէնները գնացին, արեան ծով էր, խեղդեց բոլորին, էս մէկն էլ չոլերն ընկաւ, ես եկել եմ Աստուածածնի փէշերից կախուել:

— Լաւ ես անում, զաւակս, լաւ ես անում, բայց ուշ է արդէն:

— Գիտես, հայր ջան, չեմ թողնի, չեմ թողնի նրա փէշերը. ամեն օր էսպէս կը գամ, ես ի՞նչ եմ արել, որ էսքան սեր մենակ քաշեմ, որ էսքան ցաւը մենակ ինձ տան, մեղք չեմ, էէ, սա էլ մայր է. էս Տիրամէրը տես, տես ինչպէս գրկել է իր զաւակին, տես ինչպէս սղմում է կրծքին, խկ ես ոչ ոք չունիմ, ոչ սք: Դու գիտես չէ՞, տէրտէր ջան, չէ՞ քեզ հետ գրինք հողը արնակոլով զաւակներին:

— Հն հն, որդի, դէ հիմա բաւական է, մնացածն էլ էգուց:

Սուսանը խաչակնքեց երեսը ու կամաց-կամաց երեբալով դուրս գնաց: Քահանան կանգնած նայում էր նրա յետևից և երբ այդ փոքրիկ, գողգոջուն ստուերն իսպառ ծածկուեց դրսի խաւարի մէջ, նա գլուխն օրօրեց խորհրդաւոր ձևով:

— Խեղճ կին, ասաց նա կամացուկ, ի՞նչ է լինելու վերջը, խեղճն արդէն կարծես տեղը չէ. փառք քեզ, Աստուած, հազար բերան փառք:

Դուրսը մուտ էր:

էլի գարուններ եկան, բոլորեցին Սուսանի զխով, էլի դաշտ ու ձորեր ծաղիկներով ու կանաչներով ծածկուեցին: Բակի մի հատիկ խնձորենին մի քանի անգամ ծաղկեց և բուրմունք արձակեց իր շուրջը. պատերի նեղ ճեղքերի մէջ ճնճողուկները բուն դրեցին և ձագեր հանեցին. հօտերն ու նախիրները դաշտերը կենդանացրին, արագիւններն արդէն քանի անգամ շուեցին հեռու, հեռու և կրկին վերադարձան: Էլի աշուններ եկան իրանց միատառ քամիներով և ծառերի տերևները լիզեցին, թռչուններն ահագին ու տխուր երամներով թողին ու հեռացան դեղնած դաշտերից, կռուկները վշտաւ կղզոցով սև ցեղերի վրայ հատիկներ մուրալով երկնքի երեսից անցան, բայց Սուսանի որդին չկար ու չկար:

Ամեն երեկոյ գնում էր եկեղեցի, վեց մոմը դողդոջուն ձեռքով կայցնում Տիրամօր պատկերի սևացած, այրուած շրջանակի վրայ, ձեռքերը տարածում էր գէպի երկինք և աղօթում, աղօթում: Եւ ամեն երեկոյ աղօթքից յետոյ, երբ բոլոր ժամաւորները դուրս էին գնում, նա դառնում էր տէրտէրին.

—Մաքօն կը դայ, այնպէս չէ, տէրտէր:

—Հն, որդի, ի հարկէ կը դայ, քո այնքան արցունքը, աղօթքները...

—Բերանդ տաճար է, տէրտէր շան, տաճար բերնիդ մեռնեմ. ասան, ասան, այդպէս ասան. դու որ ասում ես, Տիրամէրն էլ ժպտում է, յոյսը սրտիս մէջ վարդի պէս բացւում է:

—Հապա, որդի, Տիրամէրը ո՞ւր խնդիրն է թողել անկատար. երկնքի դռները նրա բարեխօսութեան առաջ միշտ բաց են:

Եւ Սուսանը հանգստացած տուն էր վերադառնում:

Սուսանն անքուն է դեռ. նա նստած է և մտածում է իր Մաքօի մասին. ո՞ւր է նա այժմ. ո՞ր շուրում, ո՞ր ձորում, ո՞ր այրի մէջ, կամ ժայռի տակ կձկուած: Մարերում այժմ ինչպէս ցուրտ է. նա էլ երևի թրջուած է, կրակ

չունի, ի՞նչպէս վառի, նրանք կրակ չեն անում, այն թափառականները, որ վառեն, լաւ չէ, ասում են... հիմա ի՞նչպէս մրսում է իր Մաքօն, այսպիսի գիշեր...

Բակի դուռն են թակում, Բօղարը հուփած նետուեց գէպի այն կողմը:

—Թըր՛խկ, թըր՛խկ...

Սուսանը ցնցուեց ու դողաց բոլոր մարմնով, բայց ինքն էլ չիմանալով ինչու, մի վայրկեան մեխուած մնաց իր տեղում անշարժ և ամբողջապէս լսողութիւն դարձած, բերանաբաց, շնչակտուր. նա լսում էր, թէ ինչպէս շունը կատաղաբար շանգոռում է դուռը, —Թըր՛խկ, թըր՛խկ, խրփում են դրսից:

—Ո՞վ է... ո՞վ ես դու...

—Ես... ես Աստուծոյ մարդ եմ... անխնայ ու անպէտք. դողում եմ ցրտից, թրջուած եմ. հեռուից եմ դալիս... անձրևի տակ մնացի, մալթը վրայ հասաւ սարերում, նոր հասայ. ես անպէտք մարդ եմ, Աստուծոյ արարած... Տես, դողում եմ, մի տեղ, մի կրակ, մի ձար, Տիրամօր սիրուն...

—Տիրամօր սիրուն, կրկնեց Սուսանը մեքենայաբար, մի վայրկեան լուեց, յուսահատ դայրոյթով կրծոտեց շրթունքները մրմնջալով:

—Նա չի, նա չի, ճ, անողորմ մարդ:

—Չար գիշեր է, շարունակեց անծանօթը, խեղճին ո՞վ տեղ կը տայ, քանի՞ դուռ եմ թակել, բացող չկայ, վախեցում են, ես անպէտք մարդ եմ, էլի վախենում են. դէ ես էլ Աստուծոյ ստեղծածն եմ:

—Ղարիբի տէր եմ, դու էլ ղարիբ ես, ներս արի, ասաց նա վերջապէս:

—Տիրամէրը համնի ղարիբին:

—Հն, Տիրամէրը ղարիբին. սուս, Բօղար, սուս, մի դայրացիր, ի՞նչ անենք, Աստուծոյ ստեղծածն է, խեղճ է, անձար է. Տիրամէր, բոլոր անձարներին, բոլոր տառապեալներին հասիր, յետոյ նրան, մրմնջում էր սրտաւր ցե-

խերի միջից դանդաղութեամբ քայլերով և օտարականը հետևում էր նրան:

Ներս մտան. ձէթի ճրագը պլպլում էր. պառաւը դարձաւ, նայեց օտարականին: Ծեր մարդ էր, սպիտակ մադերով ու միրուքով. խղճուկ զգեստները ողջ թրջուած՝ ծըլանքներից շուրը կաթկաթում էր: Նա դողում էր ցրտից ամբողջ մարմնով: Նրա մի ուսից կախուած էր մի պարկ, կիսով չափ լի հացով, իսկ միւս ուսից մի երկար բան, որ սազի էր նմանում: Սուսանը նայում էր ուշադրութեամբ:

— Աշուղ ես, հարցրեց նա:

— Չէ, մէրիկ, աշուղ չեմ, այլ գզրար, ես թափառում եմ գիւղից գիւղ, դռնից դուռ, գզում եմ բուրդ ու բամբակ, ով տալիս է. այս էլ աշուղութիւն է, մէրիկ. տես, ես դարկում եմ այս լարին, նա ցոյց տուեց իր գործիքը, և նրա հաստ լարը լաց է լինում իմ հարուածների տակ, և լարով բուրդ է գզում, այդ լացի գնով, սև օրով ես ապրում եմ. ի՞նչ անեմ. մէրիկ, ջիւաները արնակոյտ եղան մեր վէրան աշխարհում, ես եմ մնացել, ծեր օրերիս, մէրիկ, անպէտք եմ. Սասուած հոգիս չի առնում, որ աղատուեմ: Օտարականը վար դրեց իր պարկը, ցած բերեց ուսից գործիքները, մօտեցաւ թոնրին, կծկուեց ու մնջեց: Լուսացաւ. անձրևը դադարեց. բացուեց աշնանային մի ցուրտ ու սլայծառ օր: Մարդիկ դուրս սողացին բնակարաններից: Սուսանի հիւրը նոյնպէս պատրաստուած էր դուրս բնկնելու իր գիշերային ապատարանից: Նա դանդաղութեամբ վերցրեց իր պարկը, կախեց ուսից, առաւ նաև բուրդը գրգելու գործիքը և դարձաւ Սուսանին.

— Շէն մնաս, մէրիկ. օջաղդ վառ մնայ: ✓

— Գնում ես:

— Հն, գնում եմ ցնցոտիներս ու անպէտք դուրս երկրէ երկիր, գիւղէ գիւղ, դռնէ դուռ քաշ տալու, մինչև մի տեղ շանստակ լինեմ ու մաշուած, արորուած ոսկորներս հանգիստ առնեն: Եւ մինչ օտարականը խօսում էր, պառաւը մտածում էր, տեսնես սա չի՞ տեսել նրան, էն սարերի արծուին:

— Լսիր. դու շատ տեղ ես ման եկել:

— Շատ, խիստ շատ:

— Պառաւը դուրսը քաշ գցեց ու լուեց:

— Ինչո՞ւ ես հարցնում, մէրիկ:

— Է՛հ, հէնց էնպէս, տեսնում եմ, որ շատ տանջուած ես:

— Հն, մէրիկ, տանջանքը իմ եղբայրն է, մենք միասին ծնուեցինք, իսկ այժմ էլ անբաժան ենք:

— Լսիր, դու սարերում արծիւ տեսել ես, հարցրեց Սուսանը: Նրան թուաց, որ այս օտարականն էլ պիտի հասկանայ, որ արծիւը նա է, Սաքօն է:

— Բան չեմ հասկանում, մէրիկ, սասց նա, ես արծիւ չեմ տեսել, սև օր շատ եմ տեսել, խեղճ ու կրակ գզրար եմ, քո յարկի տակ աղ ու հաց կերայ, թէ բուրդ ունիս, բեր գզեմ, գնամ իմ ցաւը հողամ: Պառաւի աչքերը փայլեցին. նրա գլխով կարծես մի լուսաւոր միտք անցաւ. որդու անկողինը, այդ ի՞նչպէս է, որ նա մոռացել է:

— Բ՞ճրդ, հն, բուրդ ունիմ, ինչ լաւ սասցիր, ողորմի հօրդ, գզելու բուրդ, որ փափուկ լինի, էնպէս չէ, որ դղեն, բուրդը փափուկ կը լինի, անկողինն էլ լաւ. մատերովս եմ քրքրել, բայց այդ քիչ է: Եւ նա ծալքից ցած բերեց որդու անկողինը, քանդեց, բուրդը դուրս թափեց գզրարի առաջ:

— Այ, գզիր, գնրկ, լաւ գնրկ լարիդ. թող փափկի: Օտարականը գործիքը ցած բերեց ուսից, հացի պարկն էլ մի կողմ դրեց, ծուռիկ չոքեց և սկսեց դարկել իր գործիքի հաստ լարին: Բուրդը գզուած էր ամպերի պէս՝ քուլա քուլա բարձրանում, իսկ լարն ասես լալիս, հեծում էր նորա հարուածների տակ:

Սուսանը լուսեցում և հիացմունքով նայում էր: Գործը շարունակուած էր, գզրարն այս անգամ և՛ գարկում էր, և՛ երգում, կարծես իր լարի հետ մէկ տեղ հեծեծում էր ու լալիս. նա ասում էր. «Գարահիսար լերան կրծքին նա էլ բնկաւ վիբաւոր, կուրծքը պատուած, սիրտը խոցուած, չար թշնամու գնդակով. մէտոտ լերան լերկ կա-

տարից վար սլացիր սև արծիւ, թևերդ բաց, լայն թևերդ ու ջիւանին հով արա:

«Սոցուած սրտից մուգ արիւնը կաթիլ կաթիլ կը ծորայ, ան, ջիւանի կեանքն է հոսում ցաւոտ կրծքի լայն վերքից. ժէռոտ լերան լերկ կատարից վար սլացիր, սև արծիւ, թևերդ բաց, լայն թևերդ ու ջիւանին հով արա»:

Սուսանը լսում էր սկզբում ուշադրութեամբ, բայց կամաց-կամաց նա կարծես մի մեծ սարսափի առաջ աչքերը չոեց ու գունատուեց:

—Սյդ ի՞նչ ես երգում... այ մարդ:

Օտարականը գլուխը բարձրացրեց, գործը թողեց. նա յում էր զարմացած այս կնոջ յուզմունքի վրայ և կարծես խօսք չէր գտնում պատասխանելու:

—Սուս, սուս, անողորմ, շարունակեց Սուսանը, թող այդ սև արծուի երգը, ես սեր չեմ ուզում:

—Տէր Աստուած, այդ հին բան է, շատ հին, ամենքը (գիտեն, հին երգ է, ամենքն են երգում:

—Հի՛ն է... Սուսանը կարծես մի փոքր հանգստացաւ, որ «բանը» այնպէս հին է:

—Հին է, մէրիկ, քանի՛ տարի է ինչ երգում են ամեն տեղ:

—Ո՞վ է, ո՞վ է այն ջիւան վիրաւորը:

—Չգիտե՞ս, արար աշխարհ գիտէ Գարահիսարի բանը, Եաման բան էր. վերան մնայ Գարահիսարը. քանի՛ սն էին...

—Ո՞վ է ջիւանը, քեզ ասում եմ, անողորմ...

—Մի՛թէ չգիտես, Սաքօն է:

—Սաքօն... ու՛՛՛հ, անաստուած, նզովք քո շրթունքներին, քո եկած ճանապարհին, քո ծննդին... սուտ է, սուտ է. Տիրամայրը կայ, աղօթքս, մոմերը, սուտ ես խօսում, չար սատանան ես դու, դուրս, դուրս, դուրս... Բայց չէ, կաց, կաց, աղաչում եմ, սուտ էր, այնպէս չէ՞, դու սուտ ասացիր...

Սուսանը դեռ վազվզում էր բակում խելագարի պէս, կուրծքը՝ բաց արած, չորացած ստիճանները բռնած ցոյց էր տալիս երկնքին.

—Նայիր վերից, կապուտաւոր,\* ) նայիր էս չորացած աղքիւրներին, քանիսին կերակրեցի սրանցով, քանիսին իմ միս ու արիւնը տուի, մեծացրի, էլ չկան, չկան, ոչ մէկը չկայ... Մէկը Սաքօն է, Սաքօն, էն սարերի արծիւ, էն էլ... Ի՞նչ ասաց անիրաւը... ճիշտ է, դու չտեսար... Սաքօն, սարը միջնեց, արծիւը սև կապեց, ճիշտ է: Բա դու ի՞նչ ասիր, ի՞նչ արիր: Մայր եմ, չէ՞, մայր էի, էլ մայր չեմ, ութը ծնունդ, ութը երկունք, հազար ցաւ, հազար խոց սեւաւոր սրտիս... ու՛՛՛հ... և նա ջարդուած ընկաւ խնձորենու տակ, ծեր գլուխը կախուեց կրծքին, արցունքը թափուեց, թափուեց. իսկ վերևից ծառի վերջին, դեղնած տերեւները մէկիկ մէկիկ մաղւում էին նրա գլխին և ճիւղերը մերկ ու դողբոջուն օրօրում էին աշնան սառն քամու առաջ:

Սուսանը հիւանդ է, Սուսանը մեռնում է...

—Հին բան է, որդի, հին բան, ասում էր նրա գլխավերևը նստած ծերունի քահանան, որ եկել էր հիւանդին վերջին մխիթարութիւնն ասելու, վերջին հաղորդութիւնը տալու:

—Հի՛ն բան է, կրկնում էր մեռնողը, Տիրամէրն էլ գիտէր, աէրաէր ջան:

—Աշխարհը գիտէր, որդի, բեգանից բացի ամենքը գիտէին:

—Դ՞ն էլ գիտէիր:

—Դէ, որդի, թէ քեզ էլ ասէինք, ինչ օգուտ, ցաւդ գրանով չէր թեթեանայ. այնքան մայրեր լաց եղան, այնքան սրտեր փշրուեցին, այնքան գլուխներ սև կապեցին, էհ, ի՛նչ անենք, մեր ճակատագիրն է:

—Չէ, չէ, Տիրամէրը խաբեց, ես խոով եմ ժամից, պատարագից, Տիրամօրից, երկնքից, թող այսուհետև դժոխքի բոցերին բաժին դառնամ:

—Մի ասիր այդ, որդի, մի ասիր, հոգուդ մեղք մի անիր: Չատկին քահանան եկաւ սունն օրհնելու, մխիթարութիւն խօսելու, մերժեց. այժմ էլ հիւանդ ընկած, ան-

\*) Աստուած:

կողմում. նա մեռնում է, չի ուզում հաղորդուել:

—Չէ, չեմ ուզում, դիտմամբ չեմ ուզում, որ հոգիս սատանայի բաժին դառնայ: Ես կը կանգնեմ Աստուծոյ դահլի առաջ և Տիրամօրից պանգատ կ'անեմ և յետոյ այնպիսի բաներ կ'ասեմ, այնպիսի բաներ: Այ, էս չորացած սաինքներս ցոյց կը տամ ու կասեմ՝ ի՞նչ արիր, Տէր, մեռանք, փոթոթուեցինք, վարամ ճշացինք, աղերսեցինք, ձայներս աստղերին հասաւ և դու մեզ չհասար. հիմա տար ինձ կարի կարասը, ես ի՞նչ, ես մի կտոր բոց եմ, ձգիր ինձ կրակի մէջ, բոցը բոցին ի՞նչ կ'անի. հա, կարի կարասը, ես այնտեղ կը պլպլամ ու կը վառուեմ ու կը սպասեմ, որ ինձ նման սեւաւոր բոլոր մայրերը բոց դառած հասնեն ինձ և ամենքս միասին հրդեհ կազմենք, այնպիսի հրդեհ, որպիսին վարումն է, վէրան սև վաթանում\*), թող երկինքն էլ վառուի նրա պէս, թող երկինքն էլ մոխիր դառնայ, տար, տար, ինձ կարի կարասը, ես բոց եմ, մի կտոր կրակ: Այ, այսպէս կ'ասեմ:

—Որդի, աղաչում եմ, ասաց լացակամած քահանան, այդ ի՞նչ ես ասում. տես, էս ծեր տեղովս ես քեզ աղերսում եմ. մի ասիր այդ, քեզ համար ես էլ պատասխանատու եմ Աստուծոյ առաջ:

—Պատասխանատու եմ, դու էլ. Տիրամէրը խաբէց, մայր էր, սիրտ պիտի ունենար, բայց խաբէց, ինքը երջանիկ է, ինքը զաւակը կրծքին սղմած ունի, իսկ ուրիշին խաբէց...

- Տիրամէրը:
- Հա, Տիրամէրը:
- Նայիր այստեղ:

Քահանան ցոյց տուեց իր Աւետարանը, նրա երեսի խաչելութիւնը: Թաշուած Քրիստոսի ստանդարտի տակ սգում էր Աստուածածինը մի խուրձ սրեր մխուած սրտում:

—Ճանաչում ես, շարունակեց քահանան մատը դնելով Աստուածածնի վրայ. սա էլ է Տիրամէրը:

\*) Հայրենիք:

Պատուը նայում էր աչքերը լայն, բերանը բաց, զարմացած:

—Նայիր, նայիր, երկար նայիր, ասում էր քահանան, դու միայն երջանիկ Տիրամէրն ես տեսել, տես և այս սգաւոր, այս զժբազդ մայրը: Պատուը ձգուեց առաջ շքնշահտուր, դողդոջուն ձեռքերը մեկնեց և բռնեց Աւետարանը, մօտեցրեց աչքերին:

—Տես, քանի սուր է մտել սիրտը, չէ՞ այն էլ նրա որդին է խաչուած վերևում:

- Հա, հա, նրա որդին է խաչուած:
- Նա մեռնում է աշխարհի համար, մեր բոլորի համար:
- Նա մեռնում է մեր բոլորի համար... Իսկ իմ Սաքօս...
- Սաքօս, որդի, էհ, նա էլ մեր սև ու վէրան աշխարհի... Սյուպէս է, որդի, մայրերը ծնում են երկու նիւթ, պահում են ցաւերով, մարդակեր աւխարհը քանում է, քանում, ի՞նչ անեն:

—Մայրերը ծնում են երկու նիւթ, պահում են ցաւերով ու աշխարհը տանում է, հա, հա, տանում է անողորմ աշխարհը:

—Սաքօս էլ գնաց, ուր աստերն են գնացել նրանից առաջ, եւ ուր աստերն էլ կ'երբան նրանից յետոյ, ինչ անենք:

- Սաքօս էլ գնաց, ուր սա է գնացել, հա, տէրտէր ջան, էս խաչի մեռնողը:
- Հա, որդի, նոյն ճանապարհով, աշխարհի համար:
- Մեղայ Աստուծոյ, մեղայ Աստուծոյ, ես մեղաւոր եմ, —պառաւ ձայնը կերկերաց, արցունքները թափուեցին, նա Աւետարանը սղմեց շրթունքներին մրմնջարով.
- Խեղճ մայրեր, խեղճ մայրեր...

Ա. Անարոնեան

65. ՈՂՈՐՄԱԾ ԵՂԷՔ

Երբ ձեր հոյակապ, շքեղ տներում  
Անթիւ զարդարանք ձեզ շրջապատած—  
Գոհար, աղամանդ, դիպակ, արբեշում,  
Գուք ծիծաղում էք՝ կեանքից լիացած.  
Եւ այդքան դանձերն առատ ու անբաւ,  
Ձեռն էլ շացնում ձեր աչքը բնաւ.

Երբ դուք բաղդաւոր, «կենաց բաժակներ»  
Ուրախ պարպում էք փարթամ խնջոյքում,  
Ասացէք դուք ինձ, ո՞վ մեծատուններ,  
Այդ գուարթ ժամին դուրսը, փողոցում  
Գուք նկատում էք անձար աղբատին՝  
Լալով նայելիս ձեր լուսամուտին:

Խղճուկը քաշուած փողոցի անկիւն,  
Քաղցած նայում է նա ձեր խնջոյքին  
Եւ խուլ մրմնջում. «Ահա լիութիւն,  
Առատ բարիքներ, ահա խնդազին  
Եւ պայծառ օրեր, և՛ վիճակ խաղաղ,  
Ահա ամեն ինչ—կեանք, վայելք, ծիծաղ...»

«Իսկ ես... ես թշուառ, ես մերկ, անօթի,  
Իմ օթեանը խարխուլ ու մըթին,  
Վայ ինձ... ես մի այլ դառն վիճակի  
Դատապարտուած եմ երկրիս երեսին.  
Կինս թոքախտում, տանս հոգս ու ցաւ,  
Խեղճ զաւակներս քաղցած ու ծարաւ...»

«Եւ շատ քչերին տուած է կեանքում  
Վայելել օրեր լի՛ երջանկութեան.

Անարդար բախտը կեանքի խնջոյքում  
«Ապրիր»—ասում է հարուստ մեծատան.  
Իսկ ինձ—«դու հեռու, դու բախտին օտար»,  
Անվերջ երազիր բախտալից աշխարհ»...

Օհ, նա, միայն նա կարող է ըզգալ,  
Թէ ի՞նչ ասել են այս դաժան խօսքեր,  
Ով ինքն է եղել թշուառ, տառապեալ...  
Քայց դուք, դուք, բախտի հարուստ ընտեալներ,  
Ձեզ ի՞նչ փոյթ... ձեր կեանքն առատ է, լեցուն,  
Ողորմած եղէք, Աստուծոյ սիրուն:

Ողորմածութիւնն մայր է որբերին,  
Մայր նոցա, որոնք իրանց սև բախտին  
Խորթ մայր են կոչում: Եւ այնտեղ, ուր միշտ  
Տիրում է տանջանք, ցաւ, կարիք ու վիշտ,  
Սյնտեղ է նա միշտ թռչում, սլանում  
Եւ մարդկանց աչքից արտասուք սրբում:

Աղերսում եմ ձեզ յանուն որբերի,  
Հալածուած բախտի անողոք վճուով.  
Թո՛ղ մարդս բարի, ողորմած լինի.  
Թո՛ղ նա զթառատ, սիրաբուխ սրտով  
Իր ճոխ դանձերից և՛ հէք թշուառին  
Ձերո՛մ կարեկցութեամբ միշտ հանէ բաժին:

Ողորմած եղէք: Ահա գործ վսեմ...  
Երբ անտէր մի որբ կամ ծեր մուրացկան  
Ձեր զրսան առաջ ահով, տխրադէմ,  
Լուռ սպասում է ձեր ողորմութեան,  
Եւ դուք մընում էք անհող, անտարբեր—  
Դուք Տիրոջ սիրան էք խոցում, հարուսաներ:

Ողորմած եղէք, որ հօր Աստուած  
Ձեզ և ձեր որդոց լինի պահապան,  
Որ ձեր ամբարներ ցորենով լցուած՝  
Ներս օրհնութեամբ անսպառ մընան.

Ողորմէք... և ձեզ ամենայն գիշեր  
Կ'այցելեն պայծառ, սիրուն երազներ...

Ողորմած եղէք, որ մահուան ժամին  
Որբին, անձարին ձեր տուած սուրբից,  
Հանդերձեալ աշխարհ դուք տանէք բաժին,  
Որ նա, ում այստեղ կեանքն էր ողբալից,  
Նա կարողանայ ձեր դրոան մօտով  
Անցնել աննախանձ և խաղաղ հոգով:

Ողորմած եղէք, որ ապրէք զուարթ,  
Որ սիրոջ սիրոյն լինիք արժանի,  
Ողորմէք անվերջ, ողորմէք առատ...  
Ձերմ ազօթքները տառապեալների  
Քոչում են այնտեղ, այն սուրբ օթևան,  
Ուր աղբատութեամբ հզօր ենք միայն...

Վ. ՆԻՅՕ. Թարգմ. Աղ. Ճատուրեան

### 66. ԱՐԾԻՒՆ ՈՒ ՃԻՃՈՒՆ

Հսկայ թևերը լայն-լայն տարածած  
Հզօր արծիւն ուղղեց իր թռիչք  
Դէպի բարձրաբերձ լեռներ սեպացած,  
Դէպի անսահման կապուտակ երկինք:  
Երկար սառունեց նա խիտ ամպերում,  
Քանի ոյժ ունէր զօրեղ թևերում.  
Եւ վերջիվերջոյ՝ յոգնած ու զաղրած,  
Նա նստեց հսկայ մի լեռան կրճքին,  
Որի գագաթը մինչ երկինք հասած,  
Սարսափ էր ազդում վերև նայողին:  
Նստեց նա հանգիստ, անվախ, անվրդով,  
Եւ շուրջը գոռոզ հայեացք ձգելով,  
Իր արքայական ձայնովն ահեղ  
Որոտաց ուժգին. — «Մենակ եմ այստեղ,  
Մենակ ու ազատ այս լեռան վրայ,  
Որպէս քաջայայտ լիազօր արքայ.

Իմ գահն է անհուն այս երկնակամար,  
Որտա ու ամպեր—ստքիս պատուանդան.  
Ո՞վ կայ աշխարհում փառքիս հաւասար,  
Ո՞վ կարէ հասնել գահիս բարձրութեան»...  
—Ե՛ս...

Հստեցաւ յանկարծ մի ձայն թոյլ, բարակ,  
Մեծապանծ թռչնի հէնց ոտները ստակ.  
—Ես՝ անձրեային ճիճուս աննշան:

—Ք՛նչպէս, դու, այստեղ, ի՞մ դէմ յանդիման.  
Ասա ինձ շուտով, ճիճուս անպատկառ,  
Ո՞րտեղից դու այս ամպերին հասար:  
Ասա, պատմիր ինձ, ի՛նչպէս, ի՛նչ կերպով»...  
—Ի՛նչպէս. —սողալով, արծիւ, սողալով...

Թարգմ. Աղ. Ճատուրեան

### 67. ԹԷ ՇՐՋՈՒՄ ԵՄ

Թէ շրջում եմ աղմկալից փողոցում,  
Թէ մտնում եմ ես մարդաշատ սուրբ տաճար,  
Թէ նստած եմ ջահիլների շրջանում,—  
Միշտ նոյն մտքերն ինձ յուզում են անգաղար:

Ես ասում եմ—տարիք կանցնեն ու կը գան,  
Եւ ամենքըս, որ կանք այստեղ խլմբովին,  
Պէտք է նընջենք երկրի խորքում յաւիտեան,  
Եւ գուցէ, մէկն արդէն մօտ է իւր մահին:

Թէ նայում եմ մենակ կանգնած լուս կաղնուս,  
Ես խորհում եմ—այդ նահապետն անտառի,  
Որ վրկայ է իմ պապերիս մեռնելուն,  
Ե՛ւ ինձ թողած՝ էլի կապրի շատ տարի:

Թէ սիրասուն մանուկին եմ փայփայում,  
Մըտքումս արդէն ես ասում եմ՝ մնաս ըարև.  
Քեզ եմ տալիս ես իմ տեղն այս աշխարհում,  
Ինձ-մահ, իսկ քեզ—զեռ կը ժպտի նոր արև:

Եւ այսպէս միշտ—ամեն օրն ու տարին  
Սովորել եմ մտածածունքիս հետ կապել  
Եւ նոցա մէջ ըստասելով օրհասին,  
Աշխատել եմ գալիք մահըս գուշակել:

Եւ, ով գիտէ, ինչ տեղ է մահ պատրաստում  
Ինձ օրհասը—ծովում, մարտում թէ ճամբին.  
Գուցէ, հանդիմ հէնց ժողովայ այս հովտում—  
Նա ընդունէ իմ ցըրտացած, անշունչ դին:

Թէպէտ մէկ է, սէր էլ հանդիմ յաւիտեան,  
Ո՛ւր էլ փրտի սառն, անզգայ իմ դիակ.  
Բայց, ան, քաղցր էր, թէ գըտնէի գերեզման—  
Սիրած երկրում—հայրենիքիս հողի տակ:

Եւ թո՛ղ կեանքը, մտտաղ կեանքը սիրաւէտ  
Շիրմիս ափին զուարճանայ ու խաղայ.  
Եւ անտարբեր բընութիւնը իւր յաւէտ  
Գեղեցկութեամբ շուրջըս փայլէ ու շողայ:  
ՊՈՒՇԿԻՆ. Թարգմ. Ծատուրեան

68. Մ Ա Ր Գ Ա Ր Է

Յողմանձ ու տանջուած, հոգով ծարաւի  
Մութ անապատում թափառում էի.  
Եւ անա այնտեղ տեսայ վեցթևեան  
Ելաւ Սերուրէն իմ դէմ—յանդիման.  
Եւ նուրբ մասներով թեթև ու քընքոյշ  
Շըվեց իմ աչերն, կարծես, նինջ անոյշ.  
Եւ զարհուրանքով նոքա բացուեցան,  
Ահարեկ արծուի աչերի նըման.  
Եւ նա ականջիս դիպաւ կամացուկ,  
Եւ իմ լըսելիքն յուզեց ձայն, ազմուկ.  
Անսացի երկնի սասանումն ու դող,  
Հրեշտակների թըռիչք լեռներում,  
Ծովի յատակին զեռունների լող,  
Ողկոյզի աճումն ճոխ հովիտներում  
Եւ նա հըպեցաւ իմ սառ շրթունքին  
Եւ պոկեց, հանեց լեզուս մեղսալի՛  
Սովոր նենգութեան և նանիր խօսքին.

Եւ այնտեղ գըրեց իմաստուն օձի  
Թունաւոր խայթոցն իւր արնոտ ձեռով.  
Եւ նա պատառեց իմ կուրծքը սըրով  
Եւ հանեց սիրտըս դողդոջ, բարախուն  
Եւ նորա փոխան՝ իմ բացուած կրծքում  
Նա գըրեց բոցոտ ածուխ վառվուն.  
Եւ ընկած էի ես անապատում,  
Որպէս մի դիակ: Եւ անա բարձրից  
Անսացի Տիրոջ կոչը դէպի ինձ.  
«Ե՛ր, սով մարգարէ, և լուր, և հայիր,  
Եւ հըզօր կամքիս հըլու, անձնուէր,  
Շըրջիր դու ծովեր, շրջիր գու երկիր,  
Եւ խօսըով այրիր մարդկային սըրտեր»:  
ՊՈՒՇԿԻՆ. Թարգմ. Ծատուրեան

69. Հ Ր Ե Շ Տ Ա Կ

Կէս զիշերային անհուն երկնքում  
Հրեշտակ էր թռչում և մեզմիկ երգում.  
Եւ լուսին, աստղեր, ամպեր խըմբովին  
Սըրբազան այդ երգի՛լ լուռ լըսում էին:  
  
Երգում էր նա բախտ և երջանկութիւն  
Եղեմում ապրող սուրբ ոգիներին.  
Երգում էր զովեստ նա Տէր-Աստըծուն,  
Եւ այդ գովեստն էր անկեղծ, սըրտալի՛:  
  
Մատաղ էակ էր նա գըրկին տանում  
Երկրային վըշտի, արցունքի համար.  
Եւ երգն հրեշտակի այդ մատաղ սըրտում  
Մընաց կենդանի, թէպէտ անբարբառ:  
  
Եւ երկրիս վերայ, լեցուն փափազով,  
Երկնը տառապեց այն մատաղ հոգին.  
Բայց նորան երկիրն իւր տխուր երգով  
Զփոխարինեց երգը երկնային:  
ԼԵՐՄՈՆՏՈՎ. Թարգմ. Ծատուրեան

## 70. ԵՐԲ ՄԵՂՄ ԾՓՈՒՄ Է

Երբ մեղմ ծըփում է արաը ոսկեշող,  
Դալար անտառում սօսափում քամին.  
Եւ կարմրիկ սալորն անտես, գաղտագող  
Պահում է այգում, տերեւի միջին:

Երբ անուշաբոյր ցօղով թարմացած՝  
Ճերմակ շուշանը անյալէս սիրալից,  
Վառ արշալուսին կամ մութը պատած,  
Ինձ ողջունում է թփերի միջից:

Երբ սառն աղբիւրի կարկաչը ձորում  
Յուզիչ ցընորքով սիրաբն պաշարած,  
Ինձ խորհրդաւոր երգ է թոթովում  
Այն երկրի մասին, ուր ինքն է ծընած.—

Այնժամ դադարում է իմ յուզումս հոգին,  
Մըռայլ ճակատիս թախիժը ցըրում.  
Եւ ես զգալով բախտը երկրային,  
Հոգով տեսնում եմ Ասածուն երկնքում...

ԼԵՐՄՈՆՏՈՎ. Թարգմ. Ծատուրեան

## 71. Լ Օ Ռ Ի

Այն Լօռու ձորն է, ուր հանդիպակաց  
Ժայռերը խորունկ նօթերը կիտած՝  
Դէմուզէմ կանգնած, յամառ ու անթարթ  
Հայեացքով իրար նայում են հանդարտ:

Նըրանց ոտքերում դազազած գալի  
Գալարում է գիժ Դե-Բեզը մոլի,  
Խելագար թըռչում քարերի զըլխով,  
Փըրփուր է թըքում անգուսպ երախով,  
Թըքում ու զարկում ժեռուտ ափերին,  
Փընարում է ծաղկած ափերը հին-հին,

Ու գոռում գիժ-գիժ.

—Վ.ճշ-վի՛ 22, վ.ճշ-վի՛ 22...

Մութ անձաւներից, հազար ձևերով,  
Քաջքերն անհանգիստ հըտալիտ ձայներով  
Դեի հառաչանքին արձագանք տալի,  
Ծաղրում են նըրա գոռոցն ահռելի

Ու կրկնում գիժ-գիժ.

—Վ.ճշ-վի՛ 22, վ.ճշ-վի՛ 22...

Գիշերը լուսնի երկչոտ շողերը  
Հէնց որ մըտնում են այն խաւար ձորը՝  
Ալիքների հետ խաղում գոռալով,  
Անյայտ ու մռայլ մի կեանքի գալով՝  
Ոգի է առնում ամեն բան այնտեղ,  
Շընչում է, աղրում և մութն և ահեղ:

Այս աախտի վըրայ աղօթում մի վանք.  
Այն ժայռի զըլխին հսկում է մի բերդ,  
Մութ աշտարակից, ինչպէս զարհուրանք,  
Բուր կոխնչն է տարածում մերթ-մերթ  
Իսկ քարի դլխից՝ լուռ մարդու նման,  
Նայում է ձորին մի հին խաչարձան:

Յուլի. Թումանեան

## 72. Ի Գ Ի Թ Ի Ս Պ Ա Ն Ո Ւ Թ Ի Ի Ն Ը

Ինչպէս մի հեղեղ վեր կենար յանկարծ,  
Երկընքի մըթնած ամպերից իջնէր.  
Ինչպէս փոթորիկ սաստիկ սըընթաց,  
Գիւղից սըլացան մի խումբ կըարիճներ:

Յաւից տաքացած՝ էլ բան չեն հարցնում,  
Թըռչում են, ասես ահից հալածուած,  
Ու նըրանց առջև ահռելի բացում,  
Թըռչում է ձորը արիւնսով լըցում:

Գիւղը դատարկուեց մի աղընթարթում.  
Քարափի դլխին կանգնած անհամբեր,

Լնու, սըրտատրոփ ախանջ են զընում,  
Նայում են ներքև... ձայն չի գալի դեռ.

Դեբեգն է միայն անդընդում յուզուած՝  
Խըլածայն ողբով սուրում դէպի ցած:

Ու մարդաստղանը գուրս եկաւ ձորից,  
Դէմքը այրայլած, քայլուածքը մոլոր.  
Սարսափ է կաթում արնոտ աչքերից,  
Եւ կերպարանքը փոխուած է բոլոր:

Առանց նայելու մարդկանց երեսին,  
Առանց խօսելու, սեակնած, գաժան,  
Մօտեցու սրահին, կախ տուաւ սընին  
Սև հրացանը, սև օձի նրման:

Պապանձուէց նոյնպէս ամբոխը մեխուած,  
Ոչ ոք ծըպըտալ չի համարձակում,  
Մենակ մի հողի անդուսպ կատաղած՝  
Հարսյ է կանչում, երեսը պոկում:

Մեռած չոբանի նանն է նա՝  
Յաւից խելագար բառաչում, լալիս.  
Տարարանխո ծընող, վազում է ահա,  
Չորիցն է տըխուր գոռոցը գալիս:

Յովհ. Թումանեան

### 73. Հ Ա Մ Ե Ր Գ

Վրտակը ժայռից ներքև է թռչում,  
Թափ առած ընկնում քարերի գըլլիին,  
Չարկում աւազին, շաչում է, ճըչում,  
Ճըչում անհանդիստ, փըրփուրը բերնին:

Ինչպէս ծերունին, ձայնով պառաւած,  
Չայնակցում է ժիր թոռնիկի երգին,  
Այնպէս է ծերուկ անտառը կամաց  
Արձագանք տալի ջըրի աղմուկին:

Սակայն բընութեան զըւարթ համերգի  
Ունկընդիրն անխօս, յաւիտենական,  
Ժայռը մըտախոհ իր մըռայլ մըտքի  
Նսեկից ընկած լըսում է նըրան:

Յովհ. Թումանեան

### 74. ԱՅՎԱԶՈՎՍԿՈՒ ՆԿԱՐԻ ԱՌՁԵՒ

Ելած՝ ուկիանի անդուսպ ալիքներ  
Ծանրը յորձանքով զարկելով դէպ վեր  
Լեռնանում էին գոռալով ահեղ.  
Եւ մըրըրիկն ուժղին շընչում էր այնտեղ  
Անեղը ու անվերջ  
Տարածութեան մէջ.

«Կանգնեցէք», դոչեց վըրձինը ձեռքին  
Կախարդ ծերունին յուզուած տարերքին  
Եւ լուռ, հընազանդ հանձարի ձայնին,  
Մութ ալիքները՝ փոթորկի ժամին  
Կըտաւի վըրայ  
Կանգնած են ահա:

Յովհ. Թումանեան

### 75. Մ Ա Յ Ր Ի Կ Մ

Հայրենիքէս հեռացել եմ,  
Խեղճ պանդուխտ եմ, տուն չունիմ.  
Ազից մօրէս բաժանուել եմ,  
Տխուր, տրտում, քուն չունիմ:

Սարէն կուգար նախշուն հաւքեր,  
Ա՛խ, իմ մօրը տեսել էք.  
Ծովէն կուգար մարմանդ հովեր,  
Արդեօք բարև բերել էք:

Հաւք ու հովեր եկան կշտիս,  
Անձէն դիպան ու անցան.  
Պապակ սրտիս,—փափաք սրտիս՝  
Անխօս դիպան ու անցան:

Ա՛խ, քու աեսքին, անուշ լեղուին  
Կարօտցել եմ, մայրիկ ջան,  
Երնէկ, երնէկ, երազ լինիմ,  
Թըռչիմ մօտդ, մայրիկ ջան:  
Երբ քունդ դայ, լուռ գիշերով,  
Հոգիդ գրկեմ, համբոյր տամ,  
Սրտիդ կպնիմ՝ վառ կարօտով,  
Համ ու խնդամ, մայրիկ ջան:

Աւ. Իսահակեան

76. Գ Ի Շ Ե Ր

Շղարշ ամպերն երկինքն առան,  
Լուսնակն աղօա կը շողայ,  
Լռիկ ճահճում հարհանդ-մարմանդ,  
Նուրբ եղեգնը կը գողայ:  
Մռայլ-ափին մենակ նստած  
Սիրտս անուշ կը թախծի.  
Եւ անուրջում միտքս թաղուած,  
Քունն աչքերիս կը հանդչի...

Աւ. Իսահակեան

77. Չ Մ Ե Ռ

Պարզըկայ գիշեր...  
Աստղերն երկնքում լուռ պսպղում են.  
Լուսնի շողերը դիպել են սարի  
Ձիւնոտ կողերին,—կողերը ցուում.  
Պէճին են տալիս:

Յրտաշունչ քամին  
Թևերը փռած՝ փնչում է, թռչում,  
Սառած երկիրը՝ ճաքում-ճաքճքում,  
Ձեան հատիկներով քարափի կուրծքը

Ծեծում ու ծեծկում...

Անծայր ճանապարհ...  
Առաջ եմ գնում,—ո՛ւր.—ես չգիտեմ,

Սառնյց ու ձմեռ,  
Առաջ եմ գնում անյոյս, անընկեր,  
Քամի՛ ու գիշեր.  
—Ա՛խ, եթէ յանկարծ յոյս շողշողար,  
Նա ինձ ողջունէր...

Աւ. Իսահակեան

78. Մ Ա Ճ Կ Ա Լ

Մաճկալ ես, բէղարած ես,  
Առը շուռ տուր, շուռ արի.  
Ծովի պէս քրտընած ես,  
Եզներն արձակի, տուն արի:  
Կաթի սերը բաշել եմ,  
Դրել եմ հովին՝ սառի.  
Ալ զոգնոցս փռել եմ,  
Արի թառլան, թը՛ռռ արի:

Դադրած, բէղարած ետը ջան,  
Ամպերն ելան, դէ՛հ, արի,  
Բէղարած ջանիդ զուրպան,  
Ծափց թև ան, թէ՛դ արի:

Աւ. Իսահակեան

## 79. Թ Ա Ր Թ Ա Ր

Մռայլ, անաւոր ձորի անդրնդում  
Թարթարը անվերջ գոչում է, թնդում.  
Հսկայ վիշապի նման: կատաղած՝  
Առաջ է վազում յուղուած, փրփրած.  
Առաջ է վազում նա գալարուելով՝  
Գետնի ապառաժ կուրծքը ճեղքելով,  
Բարձր մոնչում, գոչում է ուժգին,  
Իր անեղ ձայնով տատանում չորողին.  
Շարժում է տեղից լեռնոտ գետափը,  
Ծեծում ու քերում ժեռ ու քարափը:

Նեղուած ամերից դաժան, անողոք՝  
Գետը զայրացած բառնում է բողոք.  
Բայց այնտեղ անա ծառերը դալար  
Երկու ամերից կազմել են կամար  
Եւ խոնարհուելով՝ կարգում են յորդոր,  
Որ հանգստանայ գետը անաւոր.  
Արևն էլ շողքը կապոյտ երկնքից  
Գցել է ներքև ճիւղի արանքից,  
Ջուրը փայփայում, հետը խաղ անում...  
Սակայն նա դարձեալ աղմուկ է հանում:

Եւ անգնդախոր ձորի եզերքին,  
Ուր ամբառնում են ծառերը երկին,  
Նեղ, օձադառոյտ շաւղի վըրայով,  
Տես, կարաւան է ընթանում անով:  
Ձորը բաց աշած անեղ բերանը՝  
Ուղում է կուլ տալ ողջ կարաւանը.  
Մի թեթև շարժում, անդգոյշ մի քայլ—  
Նա կը գլորուի անդունդը մռայլ.  
Ձայրագլին, յուղուած Թարթարը այնտեղ  
Խեղդամահ կ'անի իր զոհին անմեղ...

Յար. Թումանյան

## 80. Լ Ա Լ Ի Ա Ր Ս Ա Ր Ը

Ծագում է մանուկ արևը գարնան  
Կովկաս լեռների ճիւղի պասնէշից,  
Ձարթնում են մէկ-մէկ սարերն աննրման  
Ջմրան անվրգով քնի մշուշից.

Անա Լաւարի վիթխարի ուսին  
Բազմում է արփին թարմացած ուժով,  
Սարեր ու ձորեր իրար երեսին  
Նայում են, ժըպտում ամպի մշուշով...

Վերջին ճիւղերն էլ անա հալ ընկան,  
Արտասուեց խկոյն լեռների հսկան.

Ամեն մի ձորից աղբիւր է հոսում,  
Ամեն մի թփից բիւբիւլ է խօսում:

Եւ դալար հովիտ, և ժայռի կրքեր  
Արձագանք տալով գարուն են հընչում.  
Ջրմրան փարախից հովուական երգեր  
Չեփիւռի թևով սարերն են թռչում:

Ծաղկալից աշխարհ անվերջ ձորերի  
Բացում է, ժըպտում կոկոնից զըւարթ.  
Փարթամ գեղութեան ողին Գուգարքի  
Շընչում է գարնան բոյրով անարատ:

Ամպերն էլ իրար համբոյրներ աալով,  
Չըւում են կայտառ, Լաւարը զըրկում,  
Առաջին անգամ թռչնոք սրոտալով,  
Գուգարք աշխարհին ողջոյն են երգում:

Եւ հայրենիքում փայլակ-կայծակի  
Գիշերուայ զրոյմած գաղանի համբոյրներ,  
Երգում են երկրին սէրը երկնքի,  
Դողում են սիրուց սարեր ու ձորեր:

Եւ խորհրդաւոր մի թովիչ ձայնով  
Խօսում են նըրանք, իրար հետ փարւում,  
Երգում են, խընդում, հաղար բերանով  
Լաւարի վիթխարի հասակը գոփում:

Վ. Միրաբեան

## 81. Ս Ա Ր Գ Ն Ա Լ Ը

Ահն գարնան հեա և շարան-շարան  
 Դաշաավայրերից դէպի գով սարեր  
 Ձգուեց սայլերի, ուղաերի քարւան—  
 Փախչում են շոքից թէ թուրք, թէ հայեր:  
 Թընդում են ձորում գանգի հնչուններ,  
 Ձիերի խրխինջ, պայտերի դոփիւն,  
 Մէկ-մէկի կըցած անվերջ քարւաններ  
 Քաշում է նաոր, ահեղ մանչում:  
 Ո՛րը ասնում է ալաչխի քէչան,  
 Կուժն ու խնոցին, ճիպոտն ու չաթան.  
 Ո՛րն էլ զարդարուած գիր ու փնջերով  
 Օրօրւում, անցնում լեռան լանջերով:  
 Բայց նառն ինքնագոհ քայլում է հանգարտ,  
 Բոժոժ ու զանգեր վըզին ու կըրծքին,  
 Եւ օրօրելով կապերտներ ու զարդ,  
 Գեղեցիկ հարսն է նա տանում մէջքին.  
 Մերթ բարկանալով, կանգնում է հպարտ,  
 Մերթ փրփուր թափում կատաղած բերնով,  
 Մերթ երկար շուրթը կախելով բարդ-բարդ,  
 Նա պարծենում է գեղեցիկ բեռով:  
 Բռնել է ճամբէն թունդ իրարանցում,  
 Դոփում են ձիեր, սանձերը կըրծում—  
 Ազնիւ մետաքսից ոսկեթել գործած,—  
 Ազաջարիներ թամբերին զըցած,  
 Հուժու կըրծքերից կապած թալիսման,  
 Արևելեան ճոխ արծաթն ու ոսկին,  
 Ճերմակ դաթիբան, քօզն ամպի նման  
 Փռոփում են սիրուն հարսների դէմքին:  
 Լեռների տօնն է. մարդ և անասուն  
 Ուրախ երգերով դիմում են սարեր,  
 Մոռնալով ձըմբան քաշած փայնասուն,  
 Ծաղիկ փնջելով անցնում են ձորեր.

Անցնում են արագ քոչ-քոչի միջով,  
 Գարնան արևից փայլում են դէնքեր,  
 Եւ թարմ կենսաբոյր թաւիչ կանաչով  
 Բացում են, ժըպտում սարւորի դէմքեր:  
 Փոքրիկ երեխան պինդ մէջքին կապած՝  
 Խեղճ հովուի կինն էլ վագում է ուքով,  
 Օդնում է մարդուն՝ գոհ և սըրտաբաց  
 Բախաի որոշած ծանր վիճակով:  
 Մայում են, բայում գառնն ու մաքին,  
 Թընդում կովերի, հորթերի բառաչ.  
 Իսկ տըրնգայով գոմէշը ձագին  
 Կանչում է՝ դանդաղ վագելով առաջ:  
 Վագում են յոգնած շները հօտի,  
 Եւ լեզուն հանած թանջին են տալիս...  
 Լսում է յանկարծ ձայնը լակոտի,  
 Որ քոչից ընկած՝ կալանչ է գալիս:  
 Քարւանի ծայրը սարերը հասաւ,  
 Հասաւ ու ձուլուեց թուխ ամպերի հեա,  
 Վըրան-վըրանի ետևից բըսաւ  
 Ծաղիկների մէջ գոյն-գոյն, սիրաւէտ:  
 Ալաչուխ, դագա, անվերջ վըրաններ  
 Շըրջան կազմելով սառն աղբրի ավին,  
 Ինչպէս ծեր արծուի կարկատած բըներ,  
 Յենուեցին մէկ-մէկ բարձրը բարափին:  
 Դաշտեցի հայն էլ սառ ջրրի կարօտ՝  
 Եկել է, դըրել բինէն այս ամառ  
 Լօք, կալար, Լեջան աղբիւրների մօտ,  
 Շոքերից ազատ ապրելու համար:  
 Գուզարք սարերի սիղաւէտ լանջին  
 Բագմել են հայի, թուրքի բինաներ,  
 Բայց դարձեալ խառնուած քոչ-քոչի միջին՝  
 Դեռ երբում են ուղտի քարւաններ.  
 Խըրինջում է ձին, կովը բառաչում,  
 Բուրն էլ իրանց իւրտն են ճանաչում.

Մայում է անուշ ամլիկը գառան.  
 Սարեր ու ձորեր նորից կեանք առան:  
 Գիշերը հասաւ. մըթին է ճամփան.  
 Մարում է կամաց աղմուկը քոչի.  
 Առուակի ափին քարւաններն իջան,  
 Կանչում են՝ «տըղերք, ապրանք չկորչի»:  
 Մայլերի ճրոտոց, ոչխար ու տաւար  
 Գըննելով ձորում գիշերն իջեան,  
 Հանգիստ են առնում միւս օրուան համար:  
 Կըրակի վրայ առուակի ափին  
 Մի տեղ ընթրիք են շտապ պատրաստում,  
 Մի տեղ էլ կորած գառանն ու հորթին  
 Մար ու ձոր ընկած հովիւն է կանչում.  
 Մի այլ տեղ ուրախ շըրջան բոլորած,  
 Ուտում են նըրանք կաթն ու խորոված:  
 Գիշերն էլ արդէն ֆիջում է, լըռում.  
 Յողմած քոչւորին հանգիստ քուն բերում...  
 Ամպի փէշերը կախած մի ծայրին,  
 Լաւարն էլ կարծես նոյն վիշտն է զգում,  
 Ինչպէս վիրաւոր արծիւը ժայռին,  
 Թևերը փռած քոչւորին հսկում:  
 Բայց Լօք սարերի կանաչ լանջերում  
 Մի բինա էլ կայ, որ զեռ չի քընում.  
 Այնտեղ խարոյկի շուրջը բոլորած՝  
 Տեսած ու լըսած արկածն են պատմում,  
 Եւ մեծ ու փոքր ահանջներ լարած՝  
 Աշուղ Գիքօյի երգերն են լսում.  
 Պատմում է, երգում աշուղն անցեալից,  
 Ձորերում տեսած հին իզիթներից.  
 Կըրակին գըցած կաղնի մեծ գերան՝  
 Սարւորն էլ արթուն լսում է նըրան:

Վ. Միրաբեան

## 82. ՀԱՄԲԱՐՁՄԱՆ ԳԻՇԵՐ

Սարերին բազմեց սեահեր գիշեր  
 Աստղերը ճակտին  
 Ու քանդեց-թողեց ծամերը սև-սև  
 Շաղ առեց չորսգին:  
 Հէքեաթի նման աղբիւրն է հոսում  
 Գիշերուայ գիւթիչ շուրթերի վրան,  
 Կարծես թէ խորքից Աստուած է խօսում,  
 Եւ աշխարք գիւթուած լսում է նրան:  
 Այն գիժ Ճորոխի ժայռերն են ահա,  
 Որ ինչպէս մթնած երկու մուայլ ամպ  
 Կարծես գիմարգել երկու աժգահայ՝  
 Իբար են նայում կանգնած պատահմամբ:  
 Այն գիժ Ճորոխն է, որ ահեղ ձորում  
 Քարւանի նման չըւում է իր չուն,  
 Որ մէկ գոռում է, մէկ նուազ մարում,  
 Պարելով ճամբայ խաւարի միջում:  
 Հանգչում են, հալչում ձայներն աշխարհի,  
 Հնչում է ժամը խորին պապանձման,  
 Գիղում են, կապում ջրերը երկրի  
 Եւ ահանջ գնում գիշերն Համբարձման:  
 Սիրուն հարսի պէս զուգուած են ծաղկունք,  
 Մնում է անտառն ուրախ հարսանիքի,  
 Մինչև որ երկնից կ'իջնի սուրբ մի տուրք,  
 Կը խօսեն բոլոր, փարուին մէկ մէկի:  
 Դերսնիկ Դէմիրջեան

83. Պ Ա Տ Մ Ա Կ Ա Ն

Կառավարութիւնը հին հայոց մեջ

Կառավարութեան սկիզբը խոր հնութեան մէջ ծածկուած է: Իւրաքանչիւր ժողովուրդ, երբ միասին հաւաքուած են՝ ընկերութեամբ կեանք վարելու համար, պէտք է կարգաւորեող կառավարութիւն ունենայ որոշ օրէնքներով:

Բայց կառավարութեան մէկ կամ միւս ձևը կախուած է երկրի գրութիւնից, ժողովրդական կեանքի հանգամանքներից և շրջակայ ազգերի բնաւորութիւնից: Պատմութիւնից տեսնում ենք որ ժայռոտ, աւազոտ, քարքարոտ տեղերում և ծովային ափերի մօտ բնակող ժողովուրդները, իրանց չոր ու ցամաք երկրի պատճառով, շուտով ստիպուած են դաշտային երկկրները ասպատակել՝ կողոպուտ անելու դիաւաւորութեամբ: Այսպիսի ժողովուրդների մէջ բնականաբար գերագոյն իշխանութիւնը անցնում է հէնց սկզբից այն գերդաստանի ձեռքը, որից դուրս են գալիս քաջասիրտ և յաջողակ առաջնորդներ. կազմում է ժառանգական հարստութիւն. և միապետական իշխանութիւնը անգգոյի կերպով հաստատութիւն է ստանում: Ուրիշ բան է պատահում հովուական ու երկրագործական ժողովուրդների մէջ: Այստեղ առանձին գերդաստաններ են միանում և ցեղական ընկերութիւններ են կազմում առանձին ցեղապետների պաշտպանութեան տակ, որոնց սլարտքն է հովուել իրանց ցեղը և պաշտպանել նրա սեփականութիւնը և աշխատանքի պտուղը անիրաւութեան զէմ: Այստեղ արիւնակից գերդաստաններ կամաց-կամաց ցեղական ընկերութիւններ կազմելով՝ գերդաստանի հօր ի-

րաւունքներն էլ անցնում են ցեղապետին և այսպիսով կազմում է կարուածական կամ տանուտիրական կառավարութիւն, որ հայոց էլ իբրև հովուական ու երկրագործական ժողովրդի, սեպհական էր սկզբնական ժամանակում: Մեր առաջին նահապետները, մինչև Արամը, ժողովրդեան համար ոչ այլ ինչ էին, բայց եթէ հայրեր, որոնք ինամում էին իրանց ցեղը այնպէս, ինչպէս որ գերդաստանի հայրը հոգում է իր որդուց պիտոյքը, կամ ինչպէս այժմեան գիւղական կեանքում տանուտէրը կամ ծերը կառավարում է իր գիւղը: Չանագանութիւնը միայն նրանում էր, որ մեր նահապետների մէջ միշտ կար մէկը, որ ժառանգութեամբ ստանում էր ազգի ընդհանուր կառավարութիւնը և որի հովանաւորութեան տակ գտնուում էին միւս բոլոր ցեղապետները: Այս առաւելութիւնն ունէին Հայկից յետոյ ուղիղ գծով յաջորդող նահապետները, որոնց տանուտիրական իրաւունքների ընդհանրութիւնը հիմնուած էր ժառանգական սեպհականութեան վրայ, որով մէկը, իբրև գլխաւոր նահապետ, իր ուղածին պէս կամ հին սովորութեան համեմատ՝ բաժանում էր կարուածները արիւնակից ցեղերին: Բայց այս գլխաւորութիւնը այնպէս անզգալի էր, որ երբեմն գլխաւոր տանուտէր նահապետը իր հայրերից իրան ժառանգութեամբ ընկած երկիրը թողնում և ուրիշ տեղեր էր գաղթում: Այսպէս՝ Ամասիան թողնում է Արմաւիրը և գնում է Մասիսի ստորոտը գաղթում, Գեղամը գաղթում է Սևանայ լճի ափերը և այն կողմերը իրան սեպհականում: Արանից երևում է, որ գլխաւոր նահապետի իրաւունքը շատ չէր զանազանուած երկրորդական նահապետների կամ ցեղապետների իրաւունքից:

Այս տանուտիրական խաղաղ ու պարզ կառավարութիւնը տևեց հայոց մէջ մինչև այն ժամանակ, երբ Հայկի սերունդը սկսեց շփուել զբացի ազգերի հետ, որոնց յարձակմունքներից պաշտպանուելու համար՝ հարկ էր բոլոր ցեղերը միացնել և մէկ մարմին կազմել՝ նրանից՝ մէկ անձի հրամանի և իրաւունքների տակ: Այս բանը կատարեց

Արամը, որ միապետական իշխանութեան սկիզբը դրեց Հայաստանում: Արամի հաստատած միապետութիւնը ժողովրդական կեանքի հանգամանքներից բղխելով և ոչ իշխանական փառասիրութիւնից՝ արդիւնաւոր հետևանքներ կ'ունենար հայոց համար, եթէ Ասորեստանի տիրապետութիւնը չընդհատէր այդ բնական ու պարզ կառավարութիւնը: Նինուէի թագաւորները ուրիշ նահանգների պէս, Հայաստանն էլ կառավարեցին մինչև ութերորդ դարի սկիզբը և նրանից յետոյ էլ մինչև Պարոյր՝ բնիկ կուսակալների ձեռով, որոնց պլխաւոր պարտքն էր հարկ հաւաքել՝ մէկ մասը թագաւորութեան և միւսը իրանց պիտոյքի համար: Նրանք իրանց ձեռքի տակ ունէին բազմաթիւ դատաւորներ, որոնք ցրուած էին երկրի բոլոր նահանգներում և փոքրիկ դաւառներում: Այս վերջինները ունէին իրանց տեղական կառավարիչները, որոնք առանձին խորհրդի միջնորդութեամբ հոգում էին ժողովրդի պիտոյքը:

Տարակոյս չկայ, որ այս վարչական ձևը առանց ազդեցութեան չմնաց հայոց կառավարութեան վրայ Պարոյրի և նրա յաջորդների ժամանակ, որոնց կառավարութեան եղանակի վրայ թէև ոչինչ չենք իմանում, այնուամենայնիւ հաւանական է, որ սրանց կամ աւելի ճիշտ՝ Տիգրանի ժամանակ, մտած լինին հայոց մէջ առաջին կարգաւորեալ կառավարութեան ձևերը՝ բարեկարգ դասաւորներով, պլխաւոր օրէնքներով և դաշնադրութիւններով և այլն, որոնք պարսից և յունաց լեզուով էին գրուում:

Ս. Պայասանեան

84. ՀՈՂԱԳՈՐԾՈՒԹԻՒՆԸ ԵՒ ԱՌԵՒՏՈՒՐԸ ՀԱՅՈՑ ՄԷՋ

Հայերը ի բնէ ժիր և աշխատասէր ժողովուրդ լինելով շատ վաղ ժամանակներից իրանց առևին երկրագործութեան և անասնապահութեան: Հայաստանի բերրի դաշտերն ու ճոխ արօտատեղիքը այն բնական ձգտողութեան զօրաւոր պատճառներն են: Բայց սրանից՝ զբաղաշատական

վարդապետութիւնը երկրի մշակութիւնը մարդուս հարկաւոր առաքինութիւններից մինն էր համարում: Հայաստանի արգաւանդ դաշտերը տարէ ցտարի առատութեամբ տալիս էին ցորեն, դարի, բրինձ, հովիտներն էլ, որոնք լի էին արօտներով, սնուցանում էին անհամար ընտանի կենդանիներ՝ ձի, շորի, գոմէշ, ոչխար, այծ, էջ ու կով: Բացի սրանից՝ իւրաքանչիւր նահանգ կամ գաւառ կլիմայի և դրութեան համեմատ՝ աեսակ աեսակ բերքեր ու հանքեր էր տալիս. հիւսիսային արևմտեան կողմերը տալիս էին աղ և բիւրեղ, Աղձնիքը և Տուրուբերանը ունէին պղնձի, երկաթի և կապարի հանքեր, Արարատը և Սպերը սակի, Փայտակարանի կողմերը բամբակ, Տուրուբերանը՝ զաղպէն ու մեղր, Գողթան գաւառը՝ անուշահոտ ու առատ գինի, Տայքը՝ թուղ, նուռ, սերկևիլ ու նուշ, Ուտի նահանգը՝ ձիթենի, Այրարատը որդան կարմիր ներկը. Երասխի ափերի և Սիւնեաց Փայտակարան նահանգների անտառները տալիս էին ամեն աեսակ ազնիւ փայտեր, որոնց զործ էին ածում պալատների շինութեան համար:

Այսպիսի բնական ու արուեստական բերքերով լի երկիրը, ժողովրդեան պիտոյքը լցնելուց յետոյ, բնականաբար ընդարձակ վաճառականութեան տապարէղ պէտք է բանար հայոց համար: Եւ յիրաւի, հայերը նշանաւոր էին իրանց վաճառականութեամբ ամենահին ժամանակներում: Հայաստանը թէև ցամաք երկիր է, բայց իր շուրջը երեք ծով ունի և մէջը չորս երևելի գետ, որոնց միջնորդութեամբ միանում է ծովերի հետ: Ծորոխ գետով կապում է Մե ծովի հետ, Երասխ գետով միանում է Կասպից ծովի հետ, Եփրատ ու Տիգրիս գետերով միանում է մէկ կողմից սիկիանոսի հետ, իսկ Եփրատը Սամոսաաի և Մարաշի կողմից մօտենում է Միջերկրական ծովին: Այսպիսի դիրք ունենալով՝ Հայաստանը գիւրութեամբ կարող էր վաճառականական յարաբերութիւններ ունենալ նոյն ժամանակի բոլոր ծանօթ ազգերի հետ:

Բայց ծովային վաճառականութիւնից առաջ սկսուեց հայոց մէջ ցամաքայինը. այս վերջինն էլ սկզբումը զբա-

ցի ազգերի հետ էր լինում, որոնց հետ հայերը փոխանակում էին իրանց բերքերը: Յետոյ կամաց կամաց սկսեց հեռաւոր երկրներ գնալ և աւաղակների յարձակմունքից ազատ մնալու համար՝ կարաւաններով, այսինքն՝ բազմութեամբ էին ճանապարհորդում ասիական սովորութեամբ, մինչև որ սկսան գետերի ու ծովերի վրայ գնալ: Այնուհետև ցամաքային վաճառականութիւնը, որ մեծ նեղութիւններով էր լինում, երկրորդական տեղն է բռնում և ծովայինը ընդարձակութիւն ստանում: Արևելքում հայ վաճառականները Երասխ և Կուր գետերով գնում էին Կասպից ծովը, այնտեղից էլ Նաքսարաէս և Ոքոսո գետերով բազարիացոյց, սոգտիացոյց, պարթևաց և հնդկաց երկրներն էին գնում և այնտեղից իրանց ապրանքները բերելով Սև ծովով՝ Յունաստան և մինչև Իտալիա էին ուղարկում: Արևմտեան հարաւում կարաւաններով Կասպիցովկիայից Փիւնիկէ էին հասցնում հայ երկրի բերքերը: Տիւրքոսի և Տարսոսի վաճառանոցներում վաճառում էին հայոց երկրի բազմաթիւ ձիերն ու ջորիները, որոնց վրայ Սուրբ-Գիրքն էլ յիշատակութիւն է անում, և յետոյ տարածում էին դրացի երկիրները, մանաւանդ Պաղեստին: Նրանց տեղ բերւում էին Հայաստանի վաճառանոցները կամ, ինչպէս որ հները ասում էին, «շահաստան քաղաքները» ոսկի, արծաթ, գոհարեղէն ազնիւ կտաւեղէններ ու ներկեր, ցորեն, իւղ ու մեղր:

Աւելի յաճախ երթևեկութիւն ունէին հայերը Նինուէ ու Բաբելոն, ուր Եփրատ ու Տիգրիս գետերի միջնորդութեամբ մեր վաճառականները տանում էին Հայաստանի փինին, մրգեղէնները, փայտը, տախտակը և ուրիշ վաճառքները, ու նրանց տեղ բերում էին Բաբելոնի գոյնզգոյն թանկազին կտաւեղէնները, կերպաները, գորգերը, որոնց մասին հարևանցի ակնարկում է Մ. Խորենացին: Հերոդոտոսը այսպէս է նկարագրում Բաբելոն գնացող հայ նաւերի կազմութիւնը. «Հայաստանում, ասում է նա, նաւերի կողերը ուռիներից են շինում և յետոյ դրսից մորթով պատում են. նաւի ոչ առաջին կողմը յայտնի է, ոչ յե-

տինը սուր, այլ վահանի ձևով է բոլոր բոլորակ»: Այսպիսի նաւերի մէջ ապրանք բարձելով՝ մանաւանդ գինի, երկու մարդ թի քաշելով, ասում է, տանում էին գետի վրայ»: Յետոյ աւելացնում է. «Այս նաւերի մէջ մեծեր էլ կան, փոքրեր էլ. ամենից մեծերը մինչև 1000 տաղանդ բեռն էին տանում: Իւրաքանչիւր նաւ ունի իր մէջ մէկ էջ, մեծերը աւելի շատ: Երբ որ նաւավարները Բաբելոն են հասնում և բեռը թափում, փայտն ու յարդը ծախում են, իսկ մորթերը էշերի վրայ բարձելով՝ Հայաստան են ջըռում, որովհետև անկարելի է գետի ընթացքին հակառակ գնալ, այնքան սրընթաց է. հէնց այս պատճառով նաւերը փայտից չեն շինում, այլ մորթից»:

Ս. Պալատանեան

## 85. ՄԵՀՐՈՒԺԱՆ ԱՐԾՐՈՒՆԻ ԵՒ ՍՄԲԱՏ ԲԱՐԱՏՈՒՆԻ

Ա.

Մեհրուժանը Արծրունեաց հայ իշխանական ցեղից էր: Նա շատ փառասէր էր և մտածում էր մի օր հայոց թագաւոր լինել:

Երբ մեռաւ Արշակ երկրորդը՝ Մեհրուժանը օգտուեց այդ զէպքից, դաւաճանեց իր հայրենիքին, ուրացաւ իր հաւատքը, անցաւ պարսից կողմը և գարձաւ կրակապաշտ: Պարսից թագաւոր Շապուհը, որ վաղուց ուզում էր վերջացնել Հայաստանում քրիստոնէութիւնը, շատ է ուրախանում Մեհրուժանի հաւատուրացութեանը: Նա վճռում է նրա օգնութեամբ նուաճել Հայաստանը և հայերին կրակապաշտ դարձնել: Մատնիչ նախարարին աւելի զբաւելու համար՝ նա ընծայում է նրան շատ զիւղեր, կնութեան է տալիս իր քոյր Որմիզդուխտին և խոստանում է տալ նրան հայոց թագաւորութիւնը՝ եթէ միայն հնազանդեցնէ իրան հայ իշխաններին և մտցնէ իր մայրենի երկրում կրակապաշտութիւնը:

Փառասէր Մեհրուժանը ուրախութեամբ ընդունում է

Շապուհի առաջարկութիւնը և ստանալով նրանից ըստմա-  
թիւ գորք՝ արշաւանք է դործում Հայաստան: Նա աւերում  
է շատ գիւղեր և քաղաքներ, առնում է մի քանի բերդեր,  
գերում է հայ իշխանների կանանց, հաւատացած լինելով,  
որ գրանով կըստիպէ նրանց ամուսիններին անձնատուր լի-  
նել իրան: Բացի այս՝ նա շղթայակապ ուղարկում է Պարս-  
կաստան հայ եպիսկոպոսներին և քահանաներին, որ ժո-  
ղովուրդը մնայ առանց հովիւների. այրում է ձեռն ընկած  
գրքերը, արգելում է հայերէն խօսել և ստիպում է բո-  
լորին պարսկերէն սովորել:

Վշտացած Ներսէս կաթողիկոսը չգիմացաւ Մեհրու-  
ժանի այս չարագործութիւններին. նա ուզեց զրանց ա-  
ռաջն առնել և դիմեց յունաց կայսեր օգնութեան: Գրիս-  
տոնեայ կայսրը խղճաց հայերին, սուեց Յունաստանում  
գտնուող թագաժառանգ Պապին՝ Արշակի որդուն, օգնակա-  
նութեան գորք և ուղարկեց նրան Հայաստան:

Շքով և հանդիսով եկաւ Պապը հայրենի երկիրը: որ  
անհամբերութեամբ սպասում էր իր թագաւորին. խորը խոց-  
ուեց նրա սիրտը՝ երբ նա անաւ, որ ամենքը սգի մէջ  
են, երկիրը աւերակ է դարձել և նենգաւոր Մեհրուժանը  
տիրացել է իր թագաւորութեանը: Ունենալով պատրաստի  
գորք՝ նա յարձակուեց գաւաճան իշխանի վրայ և կարճ մի-  
ջոցում քշեց նրան իր երկրից:

Չարասիրտ Մեհրուժանը ուզեց իր պարտութեան  
վրէժն առնել հայ նախարարներից. նա հրամայեց բեր-  
դապահներին՝ պարսպներից կախել գերած կանանց և թող-  
նել նրանց զիւկները զիշակեր թռչուններին, ապա ինքը  
վախկոտ նապաստակի նման փախաւ Պարսկաստան:

Պարսից արքայ Շապուհը օստտիկ չարամում է իր  
սկսած գործի անաջողութեան համար. նա հաւաքում է  
անթիւ գորք և նոյն Մեհրուժանի առաջնորդութեամբ ու-  
ղարկում Հայաստան: Յունաց կայսրը, իմանալով այս  
մասին՝ անօգնական չէ թողում Պապ թագաւորին և տա-

լիս է նրան ընտիր գորք՝ պաշտպանուելու անօրէն թշնա-  
միների դէմ: Պատերազմը Չիրաւ դաշտումն էր: Երկու  
կողմի գորքերը վստահութեամբ ճակատ ճակատի են տա-  
լիս: Սկսում է կատաղի կռիւը. գէնքերի շաշիւնը, զին-  
ւորների աղաղակները գորգեցնում են դաշտը: Հայ իշխան-  
ների մանուկները իրանց կամքով նոյնպէս վազում են  
կուռի դաշտը, առաջնորդութեամբ Սմբատ Բագրատունու,  
որ ասպետական ցեղից էր \*). նրանք խրոխտ կերպով ձի  
նստած, վահաններով զինաւորուած՝ յարձակում են իրանց  
հակառակորդ պարսիկ մանուկների վրայ և նիզակահար  
անելով գետին են գլորում նրանց զիւկները:

Այս արիւնասեղ տեսաբանին վկայ էր Մեծն Ներսէսը,  
որ նստած նպատ լեռան գագաթի վրայ, ձեռքերն երկինք  
ամբարձած՝ խնդրում էր Ամենակարողի պաշտպանութիւնը  
քրիստոնեայ զինւորներին: Ահեղ էր պատերազմը. զինւոր-  
ները կուռւմ էին անասելի քաջութեամբ, կարծես ամեն մէ-  
կը ուզում էր զարգարել իր գլուխը յաղթութեան պսակով:  
Յանկարծ, կուռի ամենատաք բուկէին, երկինքը ծածկում  
է ամպերով, մութ է պատում չորս կողմը... Բարձրանում  
է սաստիկ հողմ, որ փչում էր ուղղակի պարսից դէմ:  
Չայն, աղաղակ է լսում թշնամեաց գնդերի մէջ, պարսից  
զինւորները շիտթում են և յուսահատուած սկսում են փախ-  
չել: Բայց Մեհրուժանը յետ է մնում փախուկ պարսիկ-  
ներից. նրա ձին վիրաւորուել էր: Սմբատ քաջը շտապով  
վրայ է հասնում, կալանաւորում է նրան և լաւ է դա-  
տում՝ չտանել նրան հայոց բանակը, սրովհետեւ երկիւղ էր  
կրում, որ Մեծն Ներսէսը կարող էր իր մեծահոգութեամբ  
խղճալ դաւաճանին և ազատել նրան մահից: Այս պատճա-  
ռով նա օգտուում է դէպքից, որ նոյն տեղում կրակի  
շուրջը նստած են եղել մի խումբ մարդիկ. վերցնում է  
նրանցից հրաշէկ շամփուրը և պսակաձև բուրեղով նրան  
կալանաւոր մասանիչի գլխով՝ ասում է. « Պսակում եմ քեզ,  
Մեհրուժան, որովհետեւ դու կամենում էիր լինել հայոց

\*) Այս ցեղի իշխանները ասպետ էին կոչւում այն պատ-  
ճառով, որ նրանք էին թագ դնում հայոց թագաւորների գլխին:

Թագաւոր. իբրև ասպետ դնում եմ այս թագը քո գլխին»։  
Չզիմացաւ այս տանջանքին Մեհրուժանը. նա պատժուեց  
իր անթիւ չարագործութիւնների համար այս խայտառակ  
մահով։

Կ. Կ.

### 86. Ե. ԴԱՐՈՒ ՀԱՅ ԿԱՆԱՅՔ

Իսկ թէ բոլոր Հայաստանի մէջ ընդհանրապէս սրբան  
են երանելի առաքիւնիների կանայքը՝ թէ կապուածների և  
թէ պատերազմում սպանուածների, այդ ես համարել չեմ  
կարող։ Մօտ հինգ հարիւրին անուն անուն ճանաչում եմ։  
Թէ մեծ, թէ փոքր ամենքն էլ առհասարակ միմիայն հա-  
ւատի առաքիւնութիւնն ունէին զգեցած. և կանանց բնա-  
կան տկարութիւնը դորացնելով մարդիկներից աւելի քաջ  
և յաղթող երեւցան։

Այն քնքոյշ կանայքն առհասարակ թէ նախարարների  
ազջիկներն և թէ մեծամեծների կանայքը՝ շարմղուն հացի  
տեղ կորեկ էին ուտում, անարատ զինու տեղ՝ ջուրը չափով  
էին խմում. կերպասի և ոսկեկար հագուստի տեղ՝ հասա-  
րակ բրդէ հալաւ էին հագնում. և զանազան տեսակ ան-  
կողիւնների փոխարէն՝ չոր խոտի վերայ էին պառկում զեա-  
նի երեսին. և նոքա՝ որ առաջ քնկոտ և քնասէր էին, հրեշ-  
տակների նման անքուն էին մնում։ Իւրով չօժեցին, սան-  
տրով չկոկեցին իրենց գլխի մազերը։ Եւ ինչ որ անկարե-  
լի է կանանց համար չկատարել, այն է՝ շատախօսութեանն  
և շուտ շուտ քօյի տակից այս այն կողմ աչք ձգելուն՝  
նոյնպէս յաղթեցին. և իրենց լեզուներին կապ գրին աւե-  
լորդ խօսք չխօսելու համար։

Թէպէտ և ամենքն էլ ձեռնասուն սպառաւորներ ու-  
նէին, բայց չէր երեսում նոցա մէջ թէ սրն է աիկինը և  
սրն ազախինը. ամենքն էլ մէկ հագուստ ունէին և եր-  
կուսն էլ միակերպ չոր զեանի վերայ էին պառկում. մէկը  
միւսի համար տեղ չէր ձգում. չունէին նոքա ջոկ կերա-  
կուր եփոզներ և ոչ էլ փոքրերը մեծերին երեսարբիչ էին

տալիս։ Այն քնքոյշ կանանց ձեռներին սապոն չդիպաւ և  
հանդէսի ժամանակ զուարթութեան համար իւր չօտեցաւ  
նոցա. առաջներն իստակ ամաններ չզրին և ուրախութեան  
համար բաժակախներն առաջ չեկան. նոցա դռները մի խընդ-  
րակ էլ է չբացեց և պատուական մարդիկներից ոչ ոք չը-  
հրաւիրուեցաւ նոցա դահլիճները. նոցա մտքից չանցաւ թէ  
մի ընտանի գայեակ կամ գոնէ մի հարազատ սիրելի ու-  
նին աշխարհիս վերայ։ Փոշի ու ծուխ նստաւ նորեկ հարս-  
ների սրահակների և լուացարանների վերայ. և սարգի ու-  
տայններ ձգուեցան նոցա հարսնութեան սենեակներում.  
նոցա սեղանի պարագաններն անշքացան, նոցա ապարան-  
ները քանդուեցան, կործանուեցան և տակն ու վրայ եղան  
նոցա ապահովութեան ամրոցները։ Չորացան, սևացան  
ծաղկալից բուրաստաններն և զեանի հետ հաւասար եղան  
զինեքեր այգիների տունկերը։ Նոքա իրենց աչքերովը տե-  
սան իրենց աշխատանքի յափշտակումը և իրենց ականջ-  
ներովը լսեցին իրենց սիրելիների չարչարանքը։ Նոցա գան-  
ձերն արքունիս դրուեցին. և շնաց ամենեկին մի զարդ  
անգամ նոցա երեսի վերայ։

Հայաստանի այն փափուկ մեծացած տիկիւնները, որ սա-  
հուել մեծացել էին զանազան կակուղ ծածկոյների տակ  
և պատգարակների մէջ, միշտ բոբիկ և հետխոտս էին դը-  
նում ժամ՝ ազօթելու։ Նոքա, որ երեխայութիւնից հորթի  
ուզեզով և որսի փափուկ մտով էին սնուել, վայրենիների նը-  
ման խոտակեր կեանք էին վարում մեծ ուրախութեամբ։  
Նոցա մարմինների կաշին սեացաւ, ներկուեցաւ, որովհետեւ  
ցերեկն արևից էին այրում և բոլոր զիշերն էլ զեանի  
վերայ էին ընկած։ Նոցա բերունից միշտ և հանապազ սաղ-  
մոս էր լաւում. և նոցա գլխուր մխիթարանքը մարգարէ-  
ների զրքեր կարդալն էր. կռիւ էին բացել և հակառակում  
էին կարեւոր մեղքերին. սիրով լուացին նախանձի կապու-  
տագոյն ներկուածը. ազահութեան արմատը կտրեցին և  
խոնարհութեամբ ոտնակոխ արին ամբարտաւանութիւնն ու  
հասան երկնաւոր բարձրութեան։

Այն այրի կանայքը, որ նոցա մէջն էին, նորից առա-

քինութեան հարսներ եղան. իսկ կապուած նախարարների կանայքը կամաւ կապեցին իրենց մարմնաւոր ցանկութիւններն և հաղորդակից եղան սուրբ կապեալների չարչարանքին: Իրենց կեանքում՝ նմանեցան մահուամբ նահատակուած քաջերին, և հեռուից վարդապետ և մխիթարող եղան բանասարկուածներին: Իրենց մասներով աշխատեցան ու կերակրուեցան և թագաւորական ոտճիկը տարէցտարի թոշակ էին անում և ուղարկում էին ամուսիններին մխիթարելու: Շատ ձմեռներ ձիւներ հալան, գարուն եկաւ, նորեկ ծիծառներ հասան. կենցաղասէր մարդիկ տեսան այդ և ուրախացան, բայց նոքա երբէք չկարողացան տեսնել իրենց ցանկալիներին: Գարնան ծաղիկները նոցա միան էին ձգում իրենց հաւատարիմ ամուսիններին, բայց նոցա աչքերը կարօտ մնացին նոցա երեսի ցանկալի գեղեցկութիւնը տեսնելու:

Որսի բարակներն անհետացան, որսորդների ճանապարհները փակուեցան ջնջուեցան: Նոցա մարդիկների անուանները բնագիրների մէջ յիշուեցան, և ոչ մի տարեկան տօն չկարողացաւ բերել նոցա հեռու երկրից: Նոցա ճաշատեղերի վերայ նայեցին կանայք և լաց եղան. և ամենայն ատեանի մէջ յիշեցին նոցա անուանները. շատ արձաններ գրած էին նոցա անուանը և նոցա վերայ նշանակուած կար իւրաքանչիւրի անունը:

Եւ երբ այսպէս ամեն կողմից նոցա մտքերն ալեկոծ էին լինում, նոքա դարձեալ չթուլացան ամենեկին երկնաւոր առաքինութիւնից: Է՛լ սովորութիւն չարին հարցնելու հեռուից եկած մէկին, թէ ե՞րբ կը լինի, որ տեսնենք մեր սիրելիներին. այլ այն էր նոցա փափագն և խնդրուածքն առ Աստուած՝ թէ ինչպէս որ սկսել են, այնպէս քաջ սրբաբով և լիքն երկնային սիրով գլուխ հանեն իրենց սկսածը:

Ե Ո Ւ Շ Է

87. ՎԱՍՍԿԻ ՎԵՐՋԻՆ ՕՐԵՐԸ

Մի հանդիսաւոր օր պարսից թագաւոր Յաղկերտ հրամայեց ընթրիքի հրաւիրել բոլոր մեծամեծներին և երեւելի իշխաններին: Հրաւիրուած էր և Վասակը: Եւ հազաւ այն պատուական զգեստը, որ ստացել էր թագաւորից. զըլխին զրեց ոսկէ խոյրը (զլխարկը), մէջքին կապեց մարգարիաներով և ակնեղէններով զարդարուած ոսկէ դօտին, ականջները կախեց օղերը, վզից՝ մանեակը, ուսերին զգեց սամոյրը, և բոլոր ունեցած պատուանշանները հագին՝ գնաց պալատ: Առջունիքի բակում շղթայակապ նստած էին մի քանի հայ իշխաններ և քահանաներ: Երբ նրանք տեսան զուզուած և զարդարուած Վասակին՝ սկսեցին ծաղրել նրան և ասել. «Ո՛վ անխելք վաճառական, պատիւդ վաճառեցիր մի քանի կանացի զարդարանքների. բայց իմացիր, որ շատ շուտ կըզրկուես նրանցից»: Անցնելով դրանց առաջով՝ Վասակը մտաւ ներսի գահլիճը, որ մեծ իշխանների հրապարակն էր, և նստեց: Այս միջոցին գուրս է գալիս արքունիքից թագաւորի սենեակապետը, մօտենում է նրան և ասում. «Թագաւորն ուղարկեց ինձ քեզանից հարցնելու, թէ ո՞ր արդար վաստակներից համար ես ստացել այդ պատուանշանները». յիշեցրեց այն բոլոր չարագործութիւնները, որոնց համար դատապարտել էին նրան. ստաց, որ նա ապօրինի կերպով տիրեց Սիւնեաց աշխարհին, նենգութեամբ և քսութեամբ սպանել տուեց իր հօրեղբայր Վաղինակին և ինքը ստացաւ նրա իշխանութիւնը: Դատապարտեց նրան և այլ շատ բաների համար, որոնց վկայ էին բոլոր մեծամեծները: Վասակը պապանձուեց և իրան արդարացնող ոչ մի բան չկարողացաւ ասել: Այնուհետև մահուան վճիռ կարգացին նրա գլխին: Դահձապետն եկաւ, հանեց նրանից այն բոլորը պատուանշանները, որ ստացել էր թագաւորից, և հազցրեց մահապարտի զգեստ: Կապեցին նրա ձեռներն ու ոտները, կանացաբար նստեցրին էգ ձի և տարան ձգեցին այն բանտը, ուր դանւում էին բոլոր մահապար ները: Ամեն օր գուրս էին բերում նրան հրա-

պարակ, բոլոր զօրքի առաջ խայտառակում էին և ծաղրում: Կողոպտեցին, հանեցին նրանից ամեն բան, որ ունէր իր հետ, և այնպիսի ծայրայեղ աղքատութեան մէջ էին պահում, որ իր ծառաները հաց էին մուրում և կերակրում նրան: Նա տուեց իր բոլոր կալուածները, նոյն իսկ կանանց զարդերը արքունիքին նա տուժեց, բայց էլի չըկարողացաւ հատուցանել այն բոլոր պարտքերը, որ դրել էին նրա վրայ:

Այսպէս անարգուեց Վասակը ամեն կողմից. բանառումը նա ընկաւ ծանր ցաւերի մէջ: Մահուան հոտ փչեց նրա մարմնից, նոյն իսկ ծառաները փախան նրանից: Միայն լեզուըն էր կենդանի նրա բերանում, բայց խոստովանութիւն չէր դուրս գալիս նրա շրթունքներից: Նա ճաշակեց ամենադառն մահ. իր բարեկամներն անգամ ոտի տակ տուին նրան, իսկ թշնամիները սաստիկ հարուածներով էլ չկշտացան: Եւ չգտնուեց գերեզմանի տեղ այն մարդու համար, որ կամենում էր մատնութեամբ Հայոց աշխարհի թագաւոր լինել: Նա չէր թողել իր կեանքում ոչ մի չարութիւն, որ արած չլինէր, բայց և չմնաց ոչ մի չարչարանք, որ չանցնէր նրա գլխով մահուան ժամանակ: Եւն պէս սատակեցաւ և էլի նման քաջքուեցաւ:

Ե Ղ Ր Չ Է

- Ծառի ճրճին ծառէն է,
- Չար թշնամին տանէն է.
- Վայ այն սոհմին, այն աղգին,
- Որոյ մատնիչն ազգէն է:

88. ՎԱՀԱՆ ՄԱՄԻԿՈՆԵԱՆ

Յազկերտի թագաւորութեան եօթն և տասներորդ տարին Վրաց Աշուշայ իշխանն արքունի դրան մեծամեծներից իւրաքանչիւրին անհամար ընծաներ տալով՝ մանաւանդ Միհրներսէհին՝ խնդրեց և ասել տուեց թագաւորին, որ նորան բախշէն Մամիկոնեան Հմայեակի որդւոցը, որոնց

առել էր Վասակ դայեակների ձեռքից. և նորա դեռ շատ երեխայ էին: Մեծամեծներն էլ յօժարեցրին թագաւորին և նա կատարեց Աշուշայի խնդիրքը:

Մամիկոնեան Հմայեակի կինն անուանի էր. և Հայաստանի կանանց մէջ ամենից բարձր էր ընտիր և խոհեմ կողմերով. նա մեծացրեց Վրաստանում և ուսում տուեց իւր այն որդւոցը, որոնց Աշուշան իբրև պարգև խնդրեց Յազկերտից և բերեց իրենց մօր Զուիկի մօտ. այնտեղ Վրաստանում մեծացան մանուկներն և ուսում առան ու ամեն բանի մէջ յառաջադէմ ու հռչակաւոր էին. ամեն հասկացող մարդու երևում էին նորա յաջողակ և դարմանալի. առաջին որդու անունն էր Վահան, երկրորդինը՝ Վասակ և երրորդին՝ Արտաշէս. նորա մի ուրիշ եղբայր էլ ունէին Վարդ անունով, որ մնացել էր Տայքում, դայեակների մօտ:

Այն ժամանակուայ անպիտան իշխաններն օրէցօր տեսնում էին յառաջադիմութեան աճումը Մամիկոնեանների որդւոց մէջ. ըստօրում նորա խորհուրդի մէջ ահանաւոր էին, խելացի և հնարագէտ. նետաձգութեան մէջ սիրուն և իսկ տեղին խփող. որսի մէջ թեթև շարժող և ամենից յառաջ սպանող. երկու ձեռքից էլ յաջողակ էին. նոցանով փայլում էին բոլոր հայոց տանուտէրների ընթրիքները. նոցանով զարգարւում էին ամեն տան մէջ օտարներն ու ընտանիները: Նորա և հոգս էին բաշում Արշարունեսաց տէր երանելի Արշաւիր Կամսարականի որդւոցը (որոնք Վարդանի դստեր ծնունդն են) խրատելու և ուղղութիւն տալու իրենց իմաստութեանն ու արուեստին համաձայն: Եւ այսպիսի բարեմասնութիւններ անելուն աւելի արի էր Հմայեակի մեծ որդին՝ Վահանը, որովհետև խելացի, առողջախորհուրդ և բարեսէր մարդ էր: Մինչև անգամ պարսիկ գործակալները, թէպէտ ակամայ, բայց սիրում և պատում էին նորան և թագաւորի առաջը գովում էին այն մարդու լաւութիւնը. այնպէս որ թագաւորն ինքը կատարեալ ծանօթացաւ և լաւերի շարքն էր դնում նորան ու բոլորի առաջը գովում և պատուի ար-

ժանի էր համարում, բայց նորա նախահարց գործերը մը-  
տաբերելով քաշոււմ էր արժանաւոր պատիւը տալու նո-  
րան, մանաւանդ երբ վրայ-վրայ լոււմ էր այն նախան-  
ձորդների բանասարկութիւնը, սրոնց սաստիկ վախեցնում  
էր Մամիկոնեան Վահանի յաջողութիւն ունենալը:

Մաղխազ Գաղիշոն և ուրացողները խմբերը՝ երբ  
տեսնում էին Մամիկոնեան Վահանին լաւ կողմերով այն-  
պէս երևելի զորագացած, հնար էին փնտրում, թէ ինչպէս  
նորան ու նորա եղբայրներին կորցնել կարողանան. պար-  
սիկները միտն էին ձգում նորա նախահարց մասին՝ թէ  
նոցանից որ մէկը չէ խուփեցրել Պարսկաստանը. «Ուրեմն,  
ասում էին, երբ և իցէ, սա էլ նայն խաւովութիւնները  
պիտի հանէ ձեր գլխին»:

Վահանը որ իւր նախանձաւորների այսչափ պրզու-  
ուելը տեսաւ, գնաց դուռը և հաւասար փոխեց, բայց չկա-  
րողացաւ գորանով կապել չարախօսների բերանը. որով-  
հետև այն՝ որ մի ուղիղ խօսք խօսել անգամ չգիտէր  
հրապարակի մէջ մի իշխանի սուաջ, Վահանին ասում էր.  
«Տեսաւ է, ասում էին, և ամենքին քիթուարուունկ է շի-  
նում, ամեն բանի մէջ մանում է և ոչ սբի չի թողնում  
գործ կատարելու»: Վահանը մի գործակից ունէր Վրի-  
անունով՝ ասորի մարդ ու որդի, որ չկարողանալով ար-  
քունի գործը կատարել, դանդաւաւոր էր լինում Վահա-  
նի վերայ Պերոզի սուաջ թէ «ոսկէհատի գործին ինձ մօ-  
տիկ չի թողնում. և ինքն է երկրի բոլոր ոսկին ժողովել  
ու մտածում է կայսեր մօտը կամ Հոնաց երկիրը գնալ և  
ոսկին նոցա տալով ուզում է դօրք խնդրել և գլուխ քաշել  
քեզանից»: Վահանն էլ շուտով վեր առաւ բոլոր ոսկին ու  
գնաց Իւուռն և ներկայացաւ թագաւորին: Թագաւորն  
խմացաւ նորանից թէ ինչքան է ոսկին, որ նա բերել է  
իւր հետ, և շատ ուրախացաւ. յետոյ Վահանի սուաջը  
նորէն ասել առեց Վրիւին այն խօսքերը, որ սուաջ խօ-  
սել էր նորա վերայ: Վահանը պատասխանեց թագաւորին  
և ասում է. «Ես այնքան կոյր չեմ, որ Արեաց ոյժը տես-  
նել չկարողանամ, ես որ՝ գորա ասելովն՝ ապստամբուեի

եմ ուզում, դա ինքն էլ լաւ գիտէ, որ մի ծառայ անգամ  
չունիմ, որ ինձ համար խոհարարութիւն անէ և երկու  
երեք պատանի անգամ ձեռքիս տակ չանիմ, որ ինձ  
ծառայեն: Իմ զօրքիս ոյժն այդքան է. թէ որ մի օտար  
երկիր փախչել ուզենայի, ինչմը սյսքան ոսկին այստեղ  
կը բերէի»: Եւ Վահանն արդարացած դուրս եկաւ այն  
ասեանից և պատուով ճանապարհ ընկաւ եկաւ Հայաստան:

Ղազար Փարպեցի

89. ՎԱՀԱՆԻ ՄԱՐԶՊԱՆՈՒԹԻՒՆԸ

Այն ժամանակներն Հայաստան եկաւ Անդեկան մարդ-  
պանը. սա մի խելացի, մտազիր և հասկացող մարդ էր և  
կարող էր ճանաչել և շնկել իմաստունն յիմարից, լաւը  
վատից. նա հեազհետէ նկատելով Վահանի խելօքութիւնն  
ու հեռատեսութիւնը, արդարախոհութիւնը, երկրի վերայ  
հոգս քաշելն և սրտի քաջութիւնը՝ յայտնեց Վաղարշ թա-  
գաւորին լիով ամեն բան:

Անդեկանը Հայաստանից եկաւ անձամբ թագաւորի  
մօտ և ասում է. Համարձակութիւն եմ առնում յայտնի ա-  
սել ձեր առաջը թէ անյարմար է ուրիշ մարդպան նշանա-  
կել. որովհետև ուրիշ մարդպան, որ Հայաստան է գնում,  
երկու երեք տարի հազիւ կարող է ճանաչել նախ՝ այն  
երկրի հեշտն ու դժուարը և ապա նորա մարդիկների լաւն  
ու վատը:

Եւ Վահանի պէս մարդու լաւութեան ու յաջողակու-  
թեան վերայ նայելով երկար ժամանակ մտածում էի, և  
երկրի ու թագաւորական գործերի համար լաւ համարելով  
նորան, վստահութիւն գասայ ասել, սրպէսդի ինչ որ ար-  
ժանն է մտածէք և կատարէք:

Անդեկանից որ լսեց այս ամենը, Վաղարշ շուտով  
հրաման արաւ հրովարտակ զրել Հայաստան և Մամիկոնէից  
տիրոջն ու Հայոց զօրավարին Հայաստանի վերայ մարդպան  
նշանակել:

Իսկ Վահանը թէպէտ Հայ մարդիկներին նախանձոտութիւնը ճանաչելով, դժուարանում էր ընդունելու, բայց թագաւորի հրամանին հակառակելու էլ իրաւունք չունէր. և երբ հրովարտակն առաւ, շուտով մի անդրուվար ուզեց, որ Աստծու տուն զնայ. այս որ լսեցին քաղաքի մարդիկն առհասարակ թէ նախարարներն և ազատները, թէ քաղաքացիք և ռամիկները, մարդ ու կին, ծեր ու տղայ, մինչև անգամ հարսներն էլ ուրախութիւններից առժամանակ մոռացան իրենց հարսնութեան ամօթ ու դուրս եկան առաջատներից և ամենքը վազեցին զէպի եկեղեցի. և Աստծու տունը բաւական չեղաւ բոլորին իւր մէջն ընդունելու, և դուրսը լցուեցան եկեղեցու սրահներն և փողոցներն և շքրջակայ հրապարակի բոլոր տեղերը:

Եւ այն օրը բարեպէտներին համար անյագ ուրախութեան օր էր, իսկ խարդախներին համար անմխիթար տըրտմութեան օր:

Եւ սուրբ Յովհան Կաթողիկոսն ուրախ սրտով եկաւ լսողութեան տեղն և խաղաղութեան ողջոյնը տալով ասաց.

«Եկեղեցին սիրողներ, Առաքեալների որդիք, Քրիստոսի արիւնով փրկուածներ, մի ծառայեցէք ձեր հոգիները մարդկանց երկիւղին. տուէք Կայսրինը Կայսրին և Աստծունն Աստծուն»:

«Ահա դուք եկեղեցին սիրեցիք և եկեղեցին էլ ձեզ սիրեց. թագաւորներին դուք տուեց եկեղեցին. գայլերին գառ դարձրեց. ձեզ փառաւորեց և ճշմարտութեան թըշնամիներն ամաչեցին»:

«Իսկ ես այսօր սրտիս ուրախութիւնից և մտքիս ցնծութիւնից ձեռքերս երկինք եմ բարձրացնում և աղաղակում. «Օրհնուի այն Տէր Աստուածը, որ ինձ արժանի արաւ եկեղեցու որդւոցը, որ ինձ էր յանձնել, պատուով ու շքեղութեամբ պայծառացած տեսնելու: Ո՛ւր են աւանց Աստծու գոռոզացածները. ո՛ւր են արիւն թափողները. ո՛ւր են պոռնկութիւն սիրողները, ո՛ւր են եկեղեցին արհամարհողները, օրէնքը ոտնատակ անողները, սրբութիւն պղծողները, մոխրատուն շինողները, ճշմարտութիւն մոռա-

ցողները, արդարութիւն հայհոյողները. փախան, կորան, ամօթնով մնացին»:

«Ո՞վ կը տայ իմ գլխիս շուր և աչքերիս արտասուքի աղբիւր, որ նսաէի ողբայի այն աղորմելիների կորուստը: Ահա տեսէք, սեղանի առաջ սասկում է արիւն թափողը, բայց շտապեցէք օգնելու: Սէմէին գլխատուում է, բայց ձեռք տուէք նորան զթութեամբ: Սյատեղ, ասացէք, Սողոմոն չկայ և ոչ էլ քարեղէն սալերի վերայ դրուած անթողութեան օրէնքներ: Քրիստոսն է այստեղ. ամենքդ էլ ծափ տուէք, ո՞վ հեթանոսներ. նա, որ ասաց թէ «եկէք ինձ մօտ ամենայն նեղեալներ և ով որ ծանր բեռ ունի, ու ես կը հանդստացնեմ ձեզ»:

«Նաև ձեզ՝ աւելի զօրեղ և կարող մարդիկներից պատուէր տուեց, թէ դուք՝ որ կարողութեան տէր էք, տկարների տկարութիւնը վերցրէք: Դուք՝ որ Քրիստոսից հրաւիրուած էք երկնաւոր հացն ուտելու, կանչեցէք ձեզ հետ կաղերին, կոյրերին և հիւանդներին: Տգէտներին համոզեցէք կաթ ծծել՝ սնունդ գտնելու համար և ուրախաբար բաժակից խմել սովորեցրէք՝ հոգուով հիւանդներին և մեղքի տակ ճնշուածներին. բերէք նոցա այստեղ և ամենքը բժշկութիւն կը գտնին՝ բերելով իրենց հետ խոստովանութիւն և արտասուք: Ամեն ցաւի համար էլ բժիշկներն յայտնի են ու պատրաստ. մաքսաւորին Մտթէոս աւետարանչի ու Զաքէոսի մօտ տարէք, պոռնիկներին՝ պոռնիկ կնոջ մօտ, որ այսօր Քրիստոսի դուստրն է. աւազակներին՝ դրախտաբաց աւազակի մօտ. ուրացողներին՝ արքայութեան դռնապան ու փակակալ Պետրոսի մօտ: Եւ աղօթքից ու արտասուքից աւելի՝ ուրիշ զին ուզող չկայ»:

«Ուստի աղաչում եմ ձեզ հաստատուն մնացածներից և տակաւին անգայթներից. մի նմանեցնէք ձեր աղօթքը փարիսեցու աղօթքին, թէև բիւրաւոր բարիքների պատճառ եղած գանիք ձեր անձերը. այլ ասացէք թէ անպիտան ծառաներ ենք»:

«Ուրեմն տայ Աստուած այգպիսի զարդի հետ և երկնային փափազելի զարդն էլ ունենաք և լսէք փառաւորեալ ու երանելի բարբառը՝ թէ «եկէք, իմ Հօրս օրհնածներ, ժառանգեցէք ձեզ համար աշխարհիս սկզբից պատրաստ արքայութիւնը»: Աստուած տայ արժանանանք մենք ամենքս այդ ողորմութեանը Տիրոջ շնորհին ու մարգասիրութեամբը»:

Ղազար Փարպեցի

## 90. ԶՐՕՐՀՆԷՔԸ ՌՌԻՔԷՆ ԹԱԳԱՒՈՐԻ ՕՐՈՎ

Մի եւրոպացի ճանապարհորդ Արևելքում Հաննովերի Հելահեսայմ քաղաքացի, կրօնաւոր Վիլլեբրանդ անունով՝ 694 տարի առաջ իր ուղևորութեան ժամանակ՝ գտնուում էր Կիլիկիայում, ուր երկու ամսի չափ հիւրասիրեց նրան մեր Լևոն Ս. Թագաւորը:

Վիլլեբրանդ վարդապետը Սիւ քաղաքում 1211 թուին ներկայ լինելով Հոյոց Զրօրհնէքի հանգիսին, ահա ինչպէս է այն նկարագրում.

«Սիւ քաղաքը՝ տէր թագաւորի մայրաքաղաքն է. բնակիչները անթիւ են և հարուստ. պարիսպ չունի, ուստի նրան սուելի քաղաքաւան կը կոչէի, եթէ մէջը չլինէր Հայոց կաթողիկոսարանը: Սակայն ունի մի ամուր բերդ լեռան գագաթի վրայ, որի ոտքից սկսւում է քաղաքը աստիճանաբար դարձաւայր տարածուել: Զրօրհնէքի հանդէսը հայերը այս կերպով են կատարում. ծննդեան տօնից տասներկու օր առաջ՝ որ մենք լատիններս խնդումով, կերուխումով ենք անցկացնում, նրանք ապաշխարութիւնով և պատով են անցկացնում, հրաժարուելով մսից, գինուց, իւղից: Իսկ բուն խթման օրը՝ ծամ են պահում, որպէս զի վերջալոյսից յետոյ պատարագ մատուցանեն: Իսկ երրորդ օրը Քրիստոսի ծննդեան տօնն են կատարում, ասելով՝ Յիսուս նոյն օրը ծնաւ և 30 տարուց յետոյ նոյն օրը մրկրաւուեց: Առաւօտուն ամենքն շտապում էին քաղաքի մօտի գետեզերքը գնալ, ուր որ թագաւոր տէրն էլ գնում էր՝ այս կարգով. ինքը թագաւորը զարմանահրաշ ճոխ պճնուած բարձրահասակ ձիու վրայ հեծած էր, նրա կողքից գնում էին Ալեման ապետների կարգապետը, Սելիկիոյ հիւրընկալ ասպետների բերդապետը, իրանց կրօնակից հազար ընկերներով. յետոյ գալիս է տէր Ռուբէն թագաւորագնը և զօրականների բազմութիւնը գեղեցկազարդ հագնուած, որոնց մարդիկ ամեն մէկ զօրախմբի զօրջները և վառերը տանում էին ձեռներին բարձրացրած և նրանց տարած ձիերի սանձից բռնած՝ մեծ թագաւորի առաջից

գնում էին: Նրա և այդ խմբի միջով գնում էին շատ զինակիրներ իբրև անձնապահներ թագաւորի, իսկ ժողովրդի բազմութիւնը չորս կողմից ողջունում էր նրան սաստիւճայն աղաղակելով. «Սուրբ քաղաւոր»:

Այսպիսի մեծ հանդէսով թագաւորը եկաւ իջաւ գետեզերքում սարքած վրանի տակ. ապա եկան յոյներն իրանց սրբազանով, շատ սրբազան սպասներով, և ապա այնչափ փողերի և երաժշտական նուագների ձայներ էին լսում, որ աւելի մի հանդէս քան թէ մի թափօր էր ձևանում: Սրանք էլ եկան որոշած տեղը կանգնեցին, և ամենքը սպասում էին հայոց եկեղեցական ուխտին, որ գալիս էր լաշերով, խաչվաւներով, ոսկեհուռ զգեստաւորուած, ակնախաղ ծանրադին սպասներով, իրանց կաթողիկոսով, խոնարհական կերպով վայելչակարգ թափօր կազմած: Երբոր բոլոր թափօրը մէկ տեղ եկաւ, սկսեցին քաղցրածայն երգել, դրօբել, աւետարաններ և աղօթքներ կարդալ, օրհնեցին շուրը, մկրտեցին ս. խաչը, հեղմամբ սըրբալոյս միւռօնի: Այն ժամանակ մէկը գետի մէջ մտաւ և շաքարաբերան կանչեց. «Կեցցէ թագաւոր մեր յաւիտեան». բոլոր բազմութիւնը պատասխանեց. «Ամէն»: Յետոյ թագաւորը և ուրիշները օրհնած ջրով իրանց ցօղեցին, իսկ ասորիները մերկացած ընկան շուրը:

«Այս սրբապոլութիւնն աւարտելուց յետոյ, եկեղեցականները յետ դարձան իրանց տեղը, իսկ թագաւորը և զինուորականները փութացին գէպի դաշտերը, և պալատականները երիվարները վազեցնելով, նիզակներ նետելով՝ զինուորական խաղեր արին, ամբողջ օրը մեծ ուրախութիւններով անցուցին:

«Այս էլ գիտցէք, որ տէր թագաւորը այդ Սիւ քաղաքի մօտ իրան զբօսանքի մի պարտէզ է պատրաստել, որի սքանչելի փափկութիւնները նկարագրելը, խոստովանում եմ, որ իմ կարողութիւնիցս վեր է»:

## 91. Ճ Ա Մ Բ Ո Ր Դ Ա Կ Ա Ն

Այց Լեմբերգի հայերից

1899 թվի յունիսի վերջերին՝ ես մնաս բարով ասացի Եւրոպային: Յարմարագոյն ճանապարհը՝ հայրենիք վերագառնալու, ընկնում էր Միւնխէնի, Վիէննայի և Լեմբերգի վրայով:

Լեմբերգ հասայ ես գիշերը ժամը 10-ին: Առաւօտ կանուխ շտապեցի հայ կանոնիկոս Աւգուստ Թէոդորովիչի տունը, որի հասցէն ձեռիս էր. սակայն մեծ եղաւ հիասթափումս, երբ ժամը 9-ին նրան տանը չգտայ, այն ինչ ես սրոշել էի նոյն օրն՝ կեթ շարունակել ճանապարհս: Լեհ աղախինը, որ բացի իր մայրենի լեզուից ոչ մի այլ լեզու չէր հասկանում, առաջնորդեց ինձ մի այլ առն, ուր սրոնածս անձի մասին տեղեկութիւն պիտի ստանայի:

Չորրորդ յարկում կանգ առնելով, աղախինը նշան արաւ, որ դանդահարեմ: Հաղիւ գուռը բացուել էր և այցեատմաս ներս էի ուղարկել, որ դռան շէմքում երևեցաւ բարակ, բարձրահասակ, լուրջ և խիստ դիմագծերով մի կաթոլիկ հոգևորական և քաղաքավարութեամբ ներս հրաւիրեց ինձ:—Յայտնեցի, որ ես հայ ճամբորդ եմ և ցանկանում եմ անպատճառ տեսնել տեղիս հայ ուսանողներին. նա մի տոմսակ տուաւ, որով պիտի գտնէի Թէոդորովիչին համալսարանում:— Ենտրհակալութեամբ հեռանալով այդ աստուածաբանի մօտից, դռանը այցեատմոյի վրայ կարգացի, որ նրա անունն էլ Թէոդորովիչ է. ուրեմն հայ է, և նրա սեւ աչքերն ու թուխ մելամաղձոտ գծերը զրա մասին շատ կասկած չէին թողնում, ինքը, սակայն, ինչպէս երևաց և որպէս յետոյ տեղեկացայ, նոյնիսկ թշնամի է ազգային շարժման Լեհաստանում:

Դարբասն անցնելիս՝ աչքս կանգ առաւ շէմքի քարի վրայ, ուր մի տեսակ ծանօթ և տարօրինակ գծեր գրաւեցին ուշադրութիւնս... և սվ զարմանք. մօտիկից նայելով՝ առաջս բացուում է մաքուր Մեսրոպեան գրերով մի կիսամաշ արձանագրութիւն, որ ընկած լինելով շարունակ ոտի տակ, մօտ ապագայում իսպառ կորչելու է: Ես մի ներքին յանդիմանութիւն ուղարկեցի վերեն ապրող հայ հոգևորականի հասցէին, որ այնքան անհոգութեամբ անց ու գարձ է անում այդ յիշատակարանի վրայով...

Համալսարանում, սակայն, չգտայ սրոնածս անձին. մի ուսանող հոգևորականի ջանքերի շնորհիւ տեղեկացայ, որ Թէոդորովիչը այդ օրը դասախօսութիւն չունի, ուրեմն սրոնեմն իղուր է. ժամը արդէն 11-ի մօտերն էր, ես կամաց-կամաց վերադառնում էի նրա տունը, ուր այցեատմասիս վրայ գրել էի՝ ինձ սպասել 12-ից մինչև 1-ը, և ահա նրա սան մօտերը մի փողոցի անկիւնում կարդում եմ լեհերէն՝ «Հայոց փողոց». մի քիչ վերև ներս եմ մտնում մի փոքրիկ եկեղեցու բակ, ուր դարբասի մի անկիւնում, մարմարեայ մի քարի վրայի հայերէն արձանագրութիւնը տարակոյս չի թողնում, որ հայոց եկեղեցու բակում եմ: Մի շարք գերեզմանաքարեր, հին Մեսրոպեան (երկաթագիր) գրերով, փարատում են ամեն մի կասկած. ես դիտում եմ եկեղեցին, անցողաբար կարդում եմ արձանագրութիւնները և կանգ եմ առնում մի նոր—գեղեցիկ յուշարձանի դիմաց... Հնութիւններ շատ ունիմ տեսած... Բայց այն զգացումը, որ ես ստացել եմ անսպասելի կերպով Եւրոպայի մի անկիւնում մայրենի լեզուի հետքեր գտնելով, այն միտքը, թէ մի անգամ այստեղ ապրել ու խօսել են հայեր, սրոնց կենդանի ապացոյցը տեսնում եմ այս արձանների վրայ, ինձ մի տեսակ թովիչ, կախարդական և երկիւղալի տպաւորութեան մէջ էին դրել: Մարդ չէ ուզում հաւատալ իր աչքերին և միանգամայն շփոթւում է. զբանք մեր կորստեան լաւագոյն ապացոյցներն են... Մարդ մտածում է անցեալի, ներկայի և ապագայի մասին, և

մի զառանցալի ու տխուր անորոշութիւն ճմրում, կեղեքում է մարդու սիրտը...

«Համեցէք, վերև համեցէք», լսում եմ յետևից և հաւատալս իսկի չի գալիս. ո՞վ պիտի այստեղ հայերէն խօսի, ո՞վ զիտէ իմ հայ լինելու: Ինձ այնպէս թւաց, թէ ականջներս խաբում են, թէ այս անձանադրութիւններն են, որ լեզու առած ինձ հետ հայերէն են խօսում, ճանապարհի բազմաթիւ տղաւորութիւններից և անքնութիւնից յոգնած երևակայութեան համար մի տարօրինակ բան չէ բաց աչքով զառանցելը... և սակայն ձայնը կրկնում է: Յետ եմ նայում պատուհանին, որտեղից ձայնն է գալիս և զարմանքով նկատում, որ տեսածս իրականութիւն է. «համեցէք, համեցէք, կրկնում է մի պարոն ժպիտն երեսին. վերև համեցէք»:

Մի քանի քայլով արգէն երկրորդ յարկումն էի, որտեղից ինձ կանչում էին, ուր հաւաքուած գոյաց եօթ-ութ հոգի, բոլորեքեան հայ-կաթոլիկ հոգևորականներ. բոլորն էլ զիտեն մի քանի խօսք հայերէն, ո՞չ աւելի. — մինը միայն, Գաւրգոմիշ, անսայթաք հայերէն է խօսում. մնացեալները հետ սկսեցի գերմաներէն բացատրուել: — Նրանցից տեղեկացայ, որ Թէոդորովիչը իմացել է իմ գալը և ինձ է որոնում: Հայ հոգևորականները տեսնելով ինձ եկեղեցին զիտելիս, ճանաչել են, որ ես պիտի լինիմ նորեկը և ներս են կանչել: — Մի քանի բոսէ խօսակցելուց յետոյ նրանք մի ծառայ տուին, որ ինձ ցոյց տայ Թէոդորովիչի սուներհողիւ դռնից դուրս էի եկել, որ մի գոյգ սուսյգ ու երիտասարդ ձեռներ սեղմեցին իմ բազուկը — դա Աւգուստ Թէոդորովիչն էր, իմ որոնած հայ ուսանողը, հայ-կաթոլիկ հոգևորականի տարագով, սև ու թարմ զիմագծերով մի տաք ու վառվուռն երիտասարդ... Նա առաջնորդեց ինձ իր բնակարանը, ուր Եւրոպայի հայ ուսանողների բարձնելը հազարգելուց յետոյ, յայտնեցի, որ կ'ուզէի մնացեալ ուսանողներին էլ տեսնել, որ շուտով ճանապարհս շարունակեմ:

Թէոդորովիչը հայի պէս ինձ հիւրասիրելուց յետոյ ա-

առաջնորդեց պ. Մանուկեիչի մօտ, ուր երկու սենեակում չորս հայ ուսանող միասին են ապրում: Մի ժամից յետոյ առանից աւելի ուսանողներ արգէն շրջապատել էին ինձ. — Հայեր, այնպիսի վառուած ու առգորուած հայեր, որոնց նմանը ես երբէք չեմ տեսել: Մի կողմից նրանք ուշ ու միտք դարձած ուզում են անթիւ հարցերով գաղափար ստանալ մեր կացութեան մասին. նրանք հրճում են, լսելով, որ հայերը մեծամասութիւնը դեռ հայերէն է խօսում, ժողովրդի մեծ մասը դեռ հողագործ է, ունինք մամուլ, դպրոցներ ու կրթուած մարդիկ, որ կաթոլիկութիւնը մեզ համար փտանդաւոր չէ... միւս կողմից ամեն ջանք ու ճիգ թափում են ցոյց տալու, որ իրանք էլ դեռ հայեր են, լուհայեր, թէև կաթոլիկ ու լեզուն մոռացած: Մարդ ուղարկեցին և բերել տուին «Հայոց դպրոցից» միակ հայ աղան, որ դեռ չէ մոռացել մի քանի հայերէն բառեր, իսկ երբ նա սկսեց հայերէն «մէկ, երկու» համարել, նրանց հիացմունքը հասաւ հրճուանքի: Խեղճեր, չգիտեն թէ քանի քանի հայ ընտանիքներ զիտմամբ ջանք են թափում մոռանալու հայերէնը... Նրանք ուզեցին ինձ հայավարի հիւրասիրել և բերին բուժէն «այծու միս», որ միմիայն տեղացի հայերի կերակուրն է. դա պատրաստում է այժի մսից և մի տեսակ երշիկ է... Ճաշից յետոյ, երեկոյեան, հայերի թիւը հասաւ մօտ 15-ի. կանչեցին միակ հայ զինւորին, որին է յանձնուած տեղական զօրքի պաշարը պնելու և մատակարարելու գործը՝ շնորհիւ իր աչալըջութեան:

Ինձ ստիպեցին, որ ազգային տաղեր երգեմ, և նոյն երեկոյեան պրի առան ու սովորեցան «Բամբ որոտանը», որ նրանց աստտիկ դուր եկաւ: Նրանց սղևորութիւնն այն աստիճանի է հասել, որ սրտել են, միջոցները ներածին պէս, Հայաստան գալ, հայ աղջկայ հետ ամուսնանալ և հայերէն սովորել: Ոմանք ձեռ են քաշել իրանց ընտրած աղջիկներից՝ հայ աղջիկ ուզելու մտադրութեամբ: Կարծելով թէ ինձ համար անգուրեկան է նրանց կրօնը — կաթոլիկութիւնը, օգտուելով կանոնիկոս Թէոդորովիչի բացակայութիւնից, բացատրում էին, որ առաջին յարմար բոսէին

նրանք պատրաստ են մայրենի եկեղեցու զիրկը դառնալ:— Ես նրանց հասկացրի, որ անցել են կրօնական մոլեռանդութեան շրջանները, թէև ցաւալի է այն, որ հայերից շատերը կաթողիկ են դարձել, բայց և այնպէս նրանք մեզ համար նոյնպիսի հարազատ ու սիրելի եղբայրներ են, ինչպէս և լուսաւորչականները, միայն թէ իրանց հայ զգան և հայ ճանաչեն...

Այդ երեկոյ, թատրոն չլինելու պատճառով, ինձ տարան ցիրկ, այնտեղից էլ ընթրիքի և ապա իրանց մօտ նընջելու: Առաւօտ կանուխ ես ինձ հրաւիրողներին թողնելով քնած՝ շտապեցի կանոնիկոս Թէոդորովիչի մօտ, որին վերտայ պարապելիս: Երիտասարդ հոգևորականը մի լաւ գրագարան ունի, յատկապէս հայերին վերաբերեալ գրքերի՝ եւրոպական բոլոր լեզուներով. հին լեզուներից զատ նա խօսում և գրում է ֆրանսերէն և գերմաներէն, իսկ լեհերէնը նրա մայրենի լեզուն է: Չնայելով որ մայրը լեհ է, նա է տեղական հայութեան հոգին ու եռանդը. գրում է լեհական և գերմանական թերթերում և առանձին բրօշուրներ ունի նուիրած հայոց խնդիրին... ազատ կարգում է հայերէն, միայն շատ քիչ բան է հասկանում: Նրա ցանկութիւնն է կարելոյն չափ շուտով Հայաստան գալ հայերէն սովորելու, որի համար նա ուզում է մինչև անգամ ուսումը կիսատ թողնել: Իմ բարի խորհուրդն էր համոզել, որ նա առաջ վերջացնի ուսումը, ապա վերջապէս նուիրւի հայերէնի ուսումնասիրութեան:

Գործն աւելի հիմնաւոր անելու համար, ես նրանց պահանջի համեմատ խոստացայ մի հայ ուսանող ուղարկել, որ ուսուցանէ նրանց, և ինքն էլ ուսանի համալսարանում...

Աւզուսա Թէոդորովիչն ինձ ուղեկցեց քաղաքից մի քիչ դուրս գրօսնելու... Ճանապարհին նա ցոյց էր տալիս այս կամ այն տունը, այս և այն եկեղեցին ու վանքը, որ ժամանակով հայերին են պատկանել, իսկ հիմա անցել են լեհերի ձեռք: Նա ինձ ցոյց տուաւ քաղաքի կենդրոնում մի հիանալի արձան, նուիրած մի յայտնի լեհացի թագաւորի յիշատակին, որ հայի գործ է, արուեստագէտն էլ զեռ կեն-

դանի: Պատմեց յայտնի նկարիչները, մամուլի ներկայացուցիչները, բանաստեղծները, ջութակահարները և այլ նշանաւոր արուեստագէտների ու գիւլյումատների մասին հայ-ծագումով, որոնցով պարծենում է լեհական ազգը:— Հայերն այնքան լաւ անուն են ունեցել այդտեղ և այնքան մեծ հայրենասիրութիւն, որ Սենկեիչը իր մի պատմական վէպի մէջ մեծ համակրանքով է խօսում նրանց մասին...

Այդ օրը ճաշից առաջ հարկ էր այցելել տեղական մի քանի հայերի, մինին (արձանագործին) տանը չգտանք, երկրորդը—վաճառականը շատ սիրալիր ու զարմացած ընդունեց «հայի» այցելութիւնը, երրորդին, որ պրօֆեսսոր է, նոյնպէս տանը չգտանք, սակայն աւելորդ չհամարեցինք կրկին անգամ ճաշից յետոյ այցելելու: Թէոդորովիչը ներկայացրեց ինձ այդ պարոնին, և որքան ես մակարերել կարող էի լեհերէնից, ասաց որ մի հայաստանցի պարոն է, որ հետաքրքրում է տեղական հայերով... Պրօֆեսսորը—Յովհաննէս Անտոնիւիչը—Բոլոցի ասպետ, պատկանում է տեղական արխատկրատիային, դասախօսում է գեղարուեստի պատմութիւն և յայտնի գիտնական է. նա բարձրահասակ, մորթու թուխ գոյնով և բուն հայկական տիպարով մի պարոն է, որ հայի լըջութեանը միացնում է կլերթ կրօնացու մեզմ ու գուրեկան շարժումները:

Նա մեզ ընդունեց վերին աստիճանի սիրալիր, իր դրասենեակում, ուր հասա գրքերով ծանրաբեռնած սեղանի մօտ սուրճ հրամցուց: Մի քանի վայրկեանից յետոյ սիրալիր խօսակցութիւնը դարձաւ ընկերական, կարող եմ ասել եղբայրական: Հասկանալի է, խօսակցութեան հիւթն ինչ կը լինէր... ինձ հետաքրքրողը Լեհաստանի հայերն էին, իսկ պրօֆեսսորի ցանկութիւնն էր կարելոյն չափ շատ տեղեկութիւններ ստանալ մեր մասին: Այդ ամենի հետ ինձ զարմացնողն ու հիացնողն այն էր, որ մի լեհական ազնուական, մի աւստրիական հպատակ և վերջապէս մի ղիանական, առանձնացած ու դարերով կորուսած հայրենիքից, ոչ միայն արտաքինով, այլ և հոգով մնացել է կա-

տարեալ հայ: Ես առանց քաշուելու առացի նրան իմ կարծիքը, աւելացնելով, որ նա պարտական է Հայաստան գալու և իր աչքերով տեսնելու այն ամենը, ինչ որ նրան հետաքրքրում է... «Մենք մի Հայրիկ ունինք, որին ուխտ են դալիս ամեն տեղի հայերը, ես պիտի պատմեմ ձեր մասին նրան և նրա սիրտը պիտի ցաւի, եթէ դուք ձեր որդիական յարգանքները չմատուցանէք նրան էջմիածնում: Ես ձեզ ճիշտ եմ ասում, մինչև օրս մենք չգիտէինք, որ Եւրոպայում մենք ձեզ նման բանխմաց հայ եղբայրներ ունինք, այդ մասին ես պիտի յայտնեմ մեր մամուլի մէջ, և դուք հայերի յանդիմանութեանը պիտի արժանանաք, եթէ մեզ այցելութեան չգաք: Իբրև արևելցի ես պարզ եմ ասում այն, ինչ որ մտածում եմ, մենք էլ արուեստ ունինք. ձեր վրայ պարտք կայ ճանաչել տալու մեր արուեստը Եւրոպային»...

Իմ խօսակցութիւնը, ինչպէս երևում է, լաւ տպաւորութիւն էր թողել պրօֆեսսորի վրայ, որովհետև երբ ոտքի ելանք մեկնելու, նա համարեա զօրով ստիպեց, որ նոյն երեկոյեան անպատճառ իրան կրկին այցելութեան գնանք. տեսնելով որ այդ անկարելի է, քանի որ նոյն օրը ես մեկնելու էի, նա խնդրեց ներկայ գտնուել իր գասախօսութեանը՝ վերջում մի քիչ զրուցելու:

Ժամանակի սահաւորութեան և ճանապարհի պատրաստութեան պատճառով ես ու իմ բարեկամ Թէոդորովիչը հազիւ գասախօսութեան վերջին մտնել կարողացանք լաւան, ուր խօսում էր պ. Անտոնիչը: Նա մի այնպիսի ընդունելութիւն ցոյց տուաւ, որ ես պէտք է մինչև ականջներս կարմրէի: Մեր մտնելը նկատելուն պէս, նա վերկացաւ տեղից և խորը կերպով գլուխ տուաւ, որի պատճառով ամբողջ լաւանը՝ օրիորդներ ու երիտասարդներ, հայետքները ուղղեցին դէպի մեզ: Գասախօսութեան նիւթը Միքէլ-Անջէլօ-ի մի պատկերն էր:

Նա մեզ առաջնորդեց իր աշխատանոցը... և բաց աբաւ մի խումբ ստուար կարտոններ, որոնց վրայ գիտնականի հոգածութեամբ ու խնամքով արտահանած էին բոլոր

այն արձանագրութիւնները, ծաղկանկարներն ու քանդակները, որ երբ և իցէ ստեղծել են Լեհաստանի հայերը: Այն գրերը, որ ես ցաւելով հանդիպել էի հայ հագևորականի շէմքում կորստի մասնուած, հիացմունքով տեսայ որ հայ-գիտնականը խնամքով ժողովել և պահում է... Պ. Անտոնիչը տեղական հայ-եկեղեցու երեցիօխն է, ուզում է նոյն եկեղեցին նորոգել հայ-ճաշակով, ուստի ինձանից տեղեկութիւններ և նիւթեր խնդրեց 17 գարու հայ արուեստի մասին: Վերջացնելով այդ հաւաքածուն գիտելը, մենք նստանք հարևան սենեակում խօսելու: Նկատելով համալսարանի ուսանողների և պրօֆեսսորների ցանկը, նա սկսեց հաշուել և ցոյց տուաւ, որ պրօֆեսսորներից վեցը հայ ծագում ունին, բայց երկուսն են միայն, որ գեռ չեն մոռացել իրանց ազգութիւնը: Ուսանողների մէջ հազիւ ութ հոգի հայ են գրել իրանց, որի վրայ վրդովուելով, նա պատւիրեց Թէոդորովիչին «իբ մնուանով յանդիմանելու այն ուսանողներին, որոնք իրանց հայ անունը մոռացել են նշանակելու ցանկի մէջ. եթէ ուումինը, լեհը, գերմանացին այստեղ չեն մոռանում իրանց ազգը, մենք ինչու պիտի մոռանանք»: Մինչ այդ, պրօֆեսսոր Անտոնիչը մանկական պարզութեամբ խնդրեց լսել իր երգածը և հաւաստիացնել՝ արդեօք ճիշտ է եղանակը... և յիսնամեայ գիտնականը սկսեց երգել «Մեր հայրենիք թշուառ անտէր»... մի այնպիսի տենչանքով, որ կարելի էր լաց լինել, եթէ մարդ չամաչէր: Այդ երգը նա սովորած է եղել Վենետիկի հայրերից, ստանց հայերէն գիտեհայու:

Հսելով որ տեղական հայ ուսանողները ուզում են հայերէնի ուսուցիչ հրաւիրել, նա սաստիկ ուրախացաւ, աւելացնելով, որ աշակերտներից մինն էլ ինքն ու իր որդին պիտի լինին: Երբ ես կրկին խնդրեցի խօստանալ Հայաստան գալու, նա ստաց, որ առաջիկայ երեք տարուայ ընթացքում նա այդ չի կարող անել, որովհետև գիտական նըպատակով նա պաշտօնապէս պարտական է ուղևորուել Իտալիա և Պորտուգալիա, իսկ այնուհետև «երբ ես հայերէն սովորած կը լինիմ, այն ժամանակ կուզամ Հայաստան իմ

աչքով տեսնելու և հասկանալու, որովհետև ես ուսուցանա- սիրած չեմ համարում այն բանը որ թարգմանների մի- շոցով է կատարում»: Նա հայերէն սովորելու դասագիրքը խնդրեց ինձանից, որ անկարող էի տալ, բանի որ այդպի- սին աշխարհաբարի համար գոյութիւն չունի: Խոստանա- լով նիւթեր ուզարկել հայ արուեստի և հայ երաժշտութեան մասին, յայտնել մանաւանդ՝ արդեօք թուրքերի ու պար- սիկի գործածից, հայի գործած կապերտը, գորգը և կամ որևէ արուեստի գործը որոշում է, ես մնաս բարև ասացի պրօֆեսսորին, որ մի անմոռանալի և դուրեկան տպաւո- րութիւն թողեց վրաս: Իբրև յիշատակ նա ինձ տուաւ մի փոքրիկ բրօշիւր, Լեհաստանի հայերի մասին, որ իր գրածն է, և քաղուած է «Աւստրօ-Ունգարիան պատկերով ու խօս- քով»—յայտնի գործից, որ պետական հրատարակութիւն է:

Նոյն երեկոյեան ժամը 10-ին, 12-ի շաբ երիտասարդ հայեր երկաթուղու կայարանն եկան ուրախ երգերով և յոյսերով ճանապարհ ձգելու «Հայաստանցի բարեկամին»՝ ուղարկելով իրանց լաւագոյն իղձերն ու ցանկութիւնները իրանց հեռաւոր եղբայրներին...

Երկաթուղին սլանում է, ես առանձնացած օթեակում շարունակ մտածում եմ. երանգ էր այս ամենը թէ իրակա- նութիւն... և ես յաւիտեան չեմ մոռանայ այդ բարի, ազ- նիւ ու հիւրասէր երիտասարդներին, որոնք երկու օրուայ ընթացքում այնքան գաւրեկան և անջնջելի տպաւորութիւն թողին վրաս...

Գր. Վանցեան

92. Դ Է Պ Ի Ա Ն Ի

Այէքսանդրապօլից մինչև Անի մօտ 50 վերտ է: Անց- նելով Ախուրեան գետը՝ գուր մտնում էք մի ընդարձակ գաշա—Շիրակայ գաշտի շարունակութիւնը: Այդ գաշտի միջից հեզիկ սահում է Ախուրեանը՝ բաժանելով ոռոսաց և տաճկաց նախկին սահմանները: Գետի երկու կողմում ձգւում են բազմաթիւ գիւղեր: Այդ գիւղերի մէջ, որոն-

ցից ոմանք տաճկաբնակ, ոմանք հայաբնակ և ոմանք խառն են, կան կանգուն և անկանդուն, հին և նոր, աւեր և կի- սաւեր եկեղեցիներ և վանքեր...որոնք մի առանձին տը- պաւորութիւն են գործում առաջին անգամ այդ երկրում ոտք կոխող հայ ճամբորդի վրայ:

Կարծես մի ելեքարական գորութեամբ հեռադիտակս դէպի Ալաճայի ստորտար խոնարհեց և Անուոյ աւերակնե- րը յանկարծ իմ աչքին դիպան...Աստուած իմ... չեմ կա- րող խօսքով բացատրել այն՝ ինչ որ նոյն բոպէում ես զգացի... Սիրտս փղձկաց և արտասուքներն ինձ հեղձա- մղձուկ արին: Սրտատրոփ և տալնապալից կառքիցս վայր իջայ և ջերմ արտասուքով իմ կաթոզին և մոռացուած հայրենիքի սուրբ հողն առաջին անգամ համբուրեցի:

Ոչ թէ հայ այլ ամեն մարդ, ինչ ազգից կ'ուզէ, թող լինի, տեսնելով առաջին անգամ այդ քաղաքը՝ չէ կարող անտարբեր նայել նրա աւերակներին, որոնք մի ծանր, մի սրտաճմլիկ տպաւորութիւն են գործում մարդու վրայ:

Աւերակների շատութիւնը և միտսին լինելը, նրանց վիթխարի տեսքը, վսեմութիւնը, փառաւորութիւնը՝ այդ ամենը կենդանութիւն են ներշնչում: Միւս կողմից՝ փը- լատակների կոյտերը, հողաբլուրների և քարաբլուրների ան- ուելի տեսարանները իրանց մեռելութեան հոտ փչող լոռ- թեամբ մի զարհուրելի գերեզմանոցի պատկեր են ներկա- յացնում: Ձեր աչքն արագաբար այս և այն կողմն է ձգւում, իսկ ձեր ուշքն ու միտքը անդադար այս և այն կողմն է ուստոստում. ելեքարական մի ցնցիւն, մի սարսուռ էք զգում ձեր ջղերում և կարծես ուզում էք թողնել-փախչել այդ ահաւոր և փառա- ւոր, այդ սխրալի ու տխրալի տարօրինակ քաղաքից, որի ամեն մի անկիւնից, ամեն մի կողմից տաղաչափի ա- սածի նման՝

Հեազհետէ քեզ անս նոր-նոր ձայն  
Սքալիզ մէջ, ախիկին, արձագանք կուտան.  
Ամեն մի քարէ մի նոր ձայն կ'եղէ,  
Ամեն մի բեկոր նոր բան կը պատմէ.

Ո՛ր կողմը նայես՝ տխուր տեսարան.

Ո՛ր կողմը դիտես՝ աւերակ միայն.

Կամ հրաշալի սուրբ եկեղեցեաց.

Կը տեսնես դու լուկ դմբէթը մնացած,

Կամ մեծակառոյց ի հիմանց ի վեր,

Կիսաւեր կանգնած են ապարանքներ.

Ահա կը շարժին, ահա կ'երեւին.

Նոքա էլ հիմա գետին կը փռին:

Իսկ դու զգացած, տխուր ցողազին

Աչքով կը տեսնես աւերակ Ասին:

(Մկրտիչ Պաշխան)

Անին տեսնող ամեն ճանապարհորդ իր անունն ու ազգանունը և մի քանի սրտաուռչ տողեր մատիտով, ածուխով կամ կաւիճով գրել է այս և այն տեղում:

Այդ արձանագրութիւնները բոլորն էլ սրտացաւ բովանդակութիւն ունին. նրանց մէջ կան այնպիսիները, որ աւելորդ չհամարեցի դուրս բերել յիշատակարանիս մէջ:

Ահա այդ տողերը.

1. Գեղածիճազ գուտ գարունը տիրելու է այս երկրում.

Քաջ և անվախ հայ անունը մնալու է միշտ աշխարհում:

2. Եկի տեսի և ողբացի:

3. Աստուած իմ, ինչո՞ւ թողի, որ անօրէնները պղծեն քո սուրբ տաճարը. ինչո՞ւ թողի քեզ սիրոյ և պաշտոյ ազգի:

(Այս տողերը սուսերէն է և նրա զրոյր մի ուսուգնապետ:)

4. Այսքան զօրութիւն ունեցող մի ազգ՝ եթէ մինչև հիմա չէ անհետացել, այսուհետև երբէք չի անհետանայ:

(Սորա զրոյր մի Ֆրանսիացի է:)

5. Ամեն տղայ ունի իրան հէր ու մէր,

Մէջ աշխարհիս դու ես անտէր մնացեր.

Սրարածոյ լոյս է բացուել անջնջեր,

Քեզի համար մթոս, ամպոս սև օրեր:

6. Հեռուից կ'երևին ժամ ու զանդատուն.

Բերգն ու պարիսպ նկուն, կիսով քայքայուն,

Քաղաքդ, շէնքերդ անբնակ,

Դէհ, ինչպէս հայու աչք չողբայ անքուն:

Ձերևիր թագաւոր, չերևիր զինւոր.

Հայաստան սգաւոր, վախ, էս ինչ սև օր.

Արարատ, քո տխուր ազգդ ցիր ու ցան,

Երկիրդ ոտաց կոխան, ախոս քեզ հազար:

(Այս զոգարիկ սողերը մի պատուական հայ-կաթոլիկ վարդապետի են):

«ՓՈՐՁ». Գևորգիան

93. ԿԱՐԻՆ ԿԱՄ ԷՐԶՐԱՍ

Կարին քաղաքը գտնուում է Եփրատ գետի սկունքների մօտ, թիւրքաց Հայաստանի այն մասում, որ հին ժամանակ կոչւում էր Բարձր Հայք:

Հայաստանի ամեն մի թիւ հող հին ժամանակներից սկսած օտարները աշխատել են խլել. յոյն, պարսիկ, արաբ, թաթար, թուրք և այլ ցեղեր Հայաստանին տիրելու համար նրան աւերել են, նրա բնակիչներին կոտորել: Այսպիսի բարբարոսութիւնների շատ է վկայ եղել և Կարինը:

Պատմութիւնից յայտնի է որ զեռ Ե դարում Ք. յ. Անատոլ անունով մի յոյն զօրավար Հայոց Կարին գիւղը ամրացնելով քաղաք դարձրեց և ի պատիւ յունաց Թէոդոս կայսեր այդ քաղաքը Թէոդոսպոլիս անուանեց: Այնուհետև քրիստոնեայ յոյները և կոստաշտ պարսիկները երկար կուում էին իրար դէմ Հայաստանը իրար ձեռքից խլելու համար: Իսկ է դարում Հայաստանի վրայ յարձակուեցին մահմեդական արաբները և տիրելով մեր երկրին գրաւեցին և Թէոդոսպոլիս քաղաքը, որին տուին Էրզրում անունը, որ նշանակում է յոյների (ուսում) երկիրը: Արաբներին յետոյ Հայաստանը աւերեցին թաթարները, որոնց ցեղերից մէկը, այսինքն թիւրքերը, վեցերորդ դարի սկզբում տիրեցին նրան: Այդ ժամանակից մինչև օրս Կարինը մնաց թիւրքաց ձեռքում: Զարմանալի չէ, որ այդքան փոփոխութիւններից յետոյ Կարինում այժմ գծուար է հին Հայաստանի յիշատակներ գտնել:

Կարինը այժմ թիւրքաց Հայաստանի ամենամեծ վարչական կենդրոնն է: Նա էրզումի նահանգի կամ վիլայեթի գլխաւոր քաղաքն է և առաջնահարգ ամբուլթիւնն է: Կարինը գտնուում է այն մեծ ճանապարհի վրայ, որը Տրապիզոնից տանում է Պարսկաստան: Կարինը թիւրքաց Հայաստանի այն գլխաւոր առևտրական կենդրոնն է, ուր Հայաստանի զանազան կողմերից հաւաքւում են ամեն տեսակ բերքեր և ապրանքներ. այսպէս օրինակ, Բաղէշից բերում են կարմիր կաւ, Վանից շալեր, Արաբկիրից բամբակեայ մի գործուածք, որ կոչւում է մանխայ, Խարբերդից գինի և մետաքսի մի գործուածք, որ կոչւում է գեազի, իսկ Բարձր Հայքի զանազան կողմերից սաացւում են մեծ քանակութեամբ գայլի, աղուէսի, կուզի և այլ թանձրածորթ զազանների յորթիներ:

Կարինը կապւում է Անգրկովկասի հետ Կարս քաղաքի միջոցով: Չնայած իր վարչական և առևտրական նշանակութեան՝ Կարինը շատ ողորմելի արտաքին տեսք ունի. նրա փողոցները նեղ են, ծուռ ու մուռ ու կեղտոտ, սները փոքր են և անշուք. չեն երևում եկեղեցիների դմբէթներ, այլ քաղաքի զանազան կողմերում բարձրանում են մզկիթների մինարէներ:

Կարին քաղաքում ապրում են մօտաւորապէս 8 հազար առև բնակիչներ, որոնցից հազիւ 3 հազար առևն հայ լինի, իսկ մնացածը՝ թիւրք: Բացի հայերից և թիւրքերից կան նաև սակաւթիւ պարսիկներ, եւրոպացիք և յոյներ: Հայերի թիւը պակասեց՝ երբ 1820 թուականի ռուս-տաճկական պատերազմից յետոյ հայերի մի մասը թէ քաղաքից և թէ շրջակայ գիւղերից գաղթեց Ռուսաստան: Այդ գաղթականները հաստատուեցին Ալէքսանդրապոլի, Ախալցխայի և Ախալքաղաքի կողմերում:

#### 1. Սարգսեան

#### 94. ՀՆԴԿԱՍՏԱՆԻ ՀԱՅԵՐԸ

(Մի գրուիս «Կայսեր նամբորդութիւնից դեպի արեւելք»)

Հնդկաստանում, վաղուց արդէն աչքի է ընկնում հայ տարբը մի որոշ ազգեցութեամբ: Նրանք իրանց կապերը չեն կտրել էջմիածնից, և ամեն մի կաթողիկոսական ընտրութեանը, մասնակցում են հայ ձայներ և Գանգէսի ափերից: Կովկասը և ռուս-պետութիւնը դորա համար էլ սիրելի են հայ ազգին, որի անդամներից շատերը ստեարով հեռացել են Ասիայի խորքերը և շատ տեղերում դրաւել են աչքի զարնոյ անտեսական գրութիւն:

Երբ մեծ մօնղօլներից մինն ամուսնացնել էր ուզում իր մօտ ծառայող անգլիացի բժշկին, նա հրաժարւում էր ոչ քրիստոնէայ ազջկայ հետ ամուսնանալ. այն ժամանակ նրան առաջարկեցին մի հայ զինւորականի ազջիկ: Երբ անգլիական առաջին դեսպանն Հնդկաստանում, պ. Ռօ, ճամբորդում էր երկրի խորքը, նրա խոհարարը խիստ հարբեց հայ դուքանչու մօտ:

Առևտրական գործերով Հայկի սերունդը ցրուած է ամբողջ Հնդկական թերակղզում և ուր հնարաւոր է եղել, հիմնել է մի մի ծաղկած գաղթափայր: Այսպէս օրինակ Կալկաթայում հայ կոլօնիան այնքան հարուստ և վարթամ էր, որ 1724 թ. Ակոր-Նաղարը հիմնեց մի հայ-լուսաւորչական եկեղեցի: Սորան կից հայերն ունին հիմա մի ճեմարան և աղքատանոց, իսկ մի ժամանակ, այստեղ կար տղարան և հրատարակւում էին հայ գրքեր ու լրագիր:

Կաթողիկոսի ստորադրեալները Կալկաթայում, գիտենալով Ռուսաստանի նշանակութիւնը հայերի վերաբերմամբ, ցանկացան մի ընծայ տալ Ն. Կ. Բ. թագաժառանգ Յեսարևիչին. դորա համար էլ հայ արժաթագործները պատրաստեցին մի արժաթեայ մօդել հռչակաւոր հնդկական տաճարի — «Բուզղա-Հայա», որ և մատուցուեց ըստ հարկին:

Իշխ. Ուխտոմսկի

95. ՄԻ ՊՏՈՅՏ ՆԱԳԱՍՍԿԻ ՓՈՂՈՑՆԵՐՈՒՄ

Առաւօտը շատ վաղ շինիկիշաները արդէն խմբուել էին լուսամուտների աակ, ուշագիր մեր դուրս գալուն, և հէնց որ երևացինք դռների մէջ, նրանք ուրախ վաղ աուէն դէպի մեզ, իրար առաջը կարելով:

Առանց վարանումի չէր, որ մենք տեղի աուինք նրանց խնդրանքին ու հեծանք թեթև կառքերը:

Զինրիկիշաները խոլոյն հանդստացան, սրբուեց նրանց դէմքից պաղապանքի արտայայտութիւնը, և մեզ մի թեթև ու խնամածու ժպիտ ձօնելով՝ աշխոյժ լծուեցին ու առաջ վազեցին:

Այլ ու ձախ երևում ու աչքից կորչում էին շինացի դերձակներէ ու կօշկակարներէ աշխատանքներն իրանց ցուցանակներով և այլ այդ կարգի ուրիշ խանութներ, որոնք ծառայում են եւրոպացիների պէտքերին: Զինացիք շատ վատ վարժ եւրոպական շորեր են կարում, ճարպիկ կերպով յարմարուելով մեր ճաշակին ու տարազին, որ նրանց համար այնքան խորթ է:

Այդ անսակէտից առանձին աջողութիւն ունին կնոջ հաղուտ կարողները, այնպէս որ եւրոպուհիք յօժարութեամբ դրանց են յանձնում իրանց արդ ու դարդը:

Ուրախ է կեանքը եւրոպական թաղում:

Անթիւ գարեջրամաների բաց դռներից դուրս են խուժում հարբած երաժիշաների հնչիւնները, որի չափի տակ դուարթ պարում են զլուինները տաքացած օտարազգի նաւաստիները:

Մենք արագ անցանք կամրջով այն բազմաթիւ ջրանցքներից մէկը, որոնք ցանցի պէս կտրտում են քաղաքը, և մտանք արդէն գուտ ճապոնական մասը:

Մի վայրկեան ամեն բան շուրջը խաղալիկի ապաւորութիւն է անում, ամեն ինչ այնքան մանր է ու փոքրազիր: Փողոցը այնպէս նեղ է, որ եթէ պատահմամբ եւրոպական մի կառք ներս մտնէր, կը խցէր ամբողջ փողոցի շարժումը. էլ ինչ ասել կուզէ, որ շուտ ապ բացարձակա-

պէս կարող չէր լինի: Ինչքան էլ շատ փոքր լինէին մեր կառքերը, նորից ստիպուած էինք իրար ետեից գնալու, ոտքով գնացողների ճամփան չփակելու համար: Սակայն փողոցը ոչ մութ էր թւում, ոչ էլ մռայլ շնորհիւ շէնքերի ցածութեանը: Տները բոլորն էլ անխտիր երկյարկանի են, կղմինդրէ մի օրինակ թեք կտուրներով և բամբուկի բարակ պատերով: Յաճի յարկում դետեղուած է լինում քանուկը կամ արհեստանոցը, վերևում ապրում է տէրը: Ընդհանուր տպաւորութիւնը մօտաւորապէս նոյնն է, ինչ որ ասիական քաղաքը կովկասում: Այստեղ էլ չկան արտաքին պատեր. այստեղ էլ ապրանքը դարսուած է դուրսը: Ամեն ինչ բաց է, ամեն ինչ մատչելի ցանկացողի աչքին: Հիմնական մեծ տարբերութիւնն այն է, որ այստեղ հետք անգամ չկայ ասիական համբաւաւոր անկարգութեան ու կեղտի:

Շուրջը ամեն բան փայլում է մաքրութիւնից: Շէնքերը այնպէս սեղմ ու անընդհատ կցուած են իրար, որ մարդ սկամայ սարսափում է, մտածելով, թէ ինչ է լինելու քաղաքը, եթէ յանկարծ հրդեհ ընկնի: Ինչ ճարակ կայ այստեղ բոցերից: Կարտոնի նման բարակ տները չոր յարդի պէս մի վայրկեանում կայրուեն: Բայց իսկապէս հրդեհը այնքան էլ մեծ ու յաճախ չի լինում այստեղ համեմատաբար: Ճապոնացին կրակի հետ չափազանց զգոյշ է:

Նա երբեք գիշերը չի թողնի նաւթի լամպը վառ, այլ միայն լուլի կանթեղը, որ հեշտ է հանդչում:

Բացի այդ իր թանկագին իրերը նա միշտ պահում է տան կից մի փոքրիկ քարաշէն մասում:

Իսկ հրդեհի ժամանակ նրանք խմբովին օգնութեան են վաղում այրուող տան ներսը. վերջն էլ օգնում են հրկիգեային, ընդհանուր օժանդակութեամբ նրա համար մի նոր տուն գնելով:

Տները խիստ էժան են և ծախուում են պատրաստ. նրանց թեթևութեան ու կազմի պարզութեան պատճառով հեշտ է և տեղափոխելը:

Փողոցը լի է կեանքով:

Փափուկ դեանի վրայով արագ պրանում են ճարպիկ

Ղիները, քաշելով իրանց փոքրիկ կառքերի մէջ մի կովեա ճապրնուհու կամ տուրիսաների մի ամբողջ շարք:

Անց է կենում մանրավաճառը, կրելով իր ուսին՝ փայտից կախած գամբիւզները, որոնք լի են ամեն տեսակ բանջարեղէնով, պտուղով կամ ձկնով:

Փողոցում անասուն գրեթէ չես տեսնում: Սակաւ, շատ սակաւ է հանդիպում մի ձի կամ եղ, ամբալիները յարգով կապած պայտի փոխարէն: Տիրոջ ցոյց տուած մեծ հողածուծիւնից սլարգ երևում է, որ նրանք մի առօրեայ երեսոյթ չեն ճապրնացու կեանքում:

Ահա մի փոքրիկ աղջիկ անփոյթ կերպով իր լայն գօտու մէջ տանում է փոքրիկ եղբօրը, որը հանդիսա նիրհում է նրա մէջքին. մինչդեռ աղջիկը հետաքրքրութեամբ կանգ է առնում դոյնդոյն ապակէ գնդակների դէմ, որ ծախու է դրել փողոցում թափառական մանրավաճառը:

Երիտասարդ ճապրնուհիները մանր քայլերով զգոյշ անց են կենում, իրանց բարձր փայտէ կօշիկները շարունակ թխթխկացնելով: Նրանց մտղ սև մազերի գեղեցիկ շինեօնը հիւսուած է կօրալներով. գլխարկ երբէք չկայ. պաշապանւում են արևից ու անձրևից իրանց տարօրինակ ու գեղեցիկ հովանոցներով: Հագի կիրիմօնը (խալաթ) զբրկում է ճապրնուհու մէջքը, սահում է ցած ու պինդ փաթաթում է նրա ոտներին: Չունեն ոչ օդ, ոչ մատանի, ոչ էլ ընդհանրապէս մեր կանանցից այդչափ սիրուած միւս սակեղէն զարդերը:

Նրանց գլխաւոր հպարտութիւնն է կազմում գեղեցիկ օբին (գօտի), որ լայն շերտով մի քանի անգամ գալարուած է նրա մէջքին և մի տեսակ կօրսէտի դեր է կատարում: Այդ գօտին նրա հողածուծեան մասնաւոր առարկան է միշտ և նրա ճաշակի ու շնորհքի սովորական չափը:

Որքան օբիի կտորը գեղեցիկ է, որքան հարուստ է նրա բանուածքը և որքան շնորհալի կապուածքը, այնքան ընտիր է համարւում ճապրնուհու տուալէտը և այնքան աւելի է իր ընկերուհիների նախանձը շարժում:

Տգամարդու կիւմօնօնը (խալաթ) կնոջինից շատ քիչ է

տարբերւում, մանաւանդ անվարժ ուշքի համար. նա էլ է կապում գօտի, միայն շատ աւելի նեղ:

Իսկ նրանց մինչև ակունջները քաշած եւրոպական գլխարկը, հագի փայտէ ծանր կօշիկների հետ միասին մի հետաքրքիր խառնուրդ է կազմում եւրոպայի և Ասիայի: Անբաժան հովհարը կամ մի հովանոց բռնած ձեռին՝ նրանք հանգիստ զնում են ու գալիս իրանց բարի ու մտածկոտ դէմքերով:

Մի շատ բնորոշ դէմք էր ներկայացնում և ուստիկանը, որ ամբողջապէս եւրոպական սալիքակ զգեստների մէջ, երկար սուրը մէջքին, կանգնել էր այնտեղ իր վսեմ պաշտօնի խորին գիտակցութիւնը երեսին:

Մօտիցս լսում է յանկարծ զանգակի տուր հնչիւնը: Մի բարձրահասակ մարդ կանգ է առել փողոցի ճիշտ մէջտեղը և թատրոնական վեհափառութեամբ, յենած ձեռի դրօշակին, որի վրայ մի քանի ճապրնական տառեր են զբրած, մի անբնական ձայնով ինչ-որ ասում է արագ, շարունակ գիմելով աջ ու ձախ շրջապատողներին, որոնք սակայն մի մեծ հետաքրքրութիւն չէին ցոյց տալիս:

Կրկին զանգակ, և ձայնողը շարժւում է առաջ, տանելով հետը իր արտասանած բացականչութիւնների հանելուկը:

Մի այլ տեղ բարձր պոսում է մի ուրիշը, երևի յանձնարարելով իր ձեռքի բռնած զէրքը. միւս կողմը մի մարդ անդադար զանգահարում է, անցորդների ուշքը իր ապրանքի վրայ դարձնելու համար:

Քիչ հեռուն լսում է յանկարծ մեղամաղձոտ մի սուրոց. և երևում է մի կոյրի կերպարանք, յենած իր գաւազանին, որ զգոյշ առաջ է գալիս շուրջի իրարանցումի միջով: Դա մի մասսաթիստ է, որ սուրոցով իր անցնեն է յայանում:

Այդ արուեստը ճապրնուհ անյիշելի ժամանակներից կոյրերի մենաշնորհն է կազմում:

Տները մասնաւորապէս հետաքրքիր են նրանով, որ զբոսի պատ չունենալով անցորդին միջոց են տալիս ճապոնացու նիստն ու կացը կատարելապէս ուսումնասիրելու և բաց են անում բնորոշ տեսարանների մի ամբողջ շարք:

Ամեն մի տուն կարծես մի շրջանակ լինի, ուր մեզ պարզ ցուցադրուած են նրանց բնակիչների կեանքն ու աշխատանքը:

Ահա այստեղ բոլորովին ճաղատ մի ճապոնացի շրջապատուած թղթէ լապտերների ու հովանոցների մի ամբողջ կոյտով մեծ հողածուծեամբ նկարուած է: Մի անսովոր լըջուծիւն կայ նրա դէմքին: Այն բարեսիրտ ու միամիտ կենդրոնացումը, որով կատարուած է նա իր աշխատանքը, քեզ ակամայ երեխայ է յիշեցնում:

Կից խանութում մեասքս են ծախում. պատերին կախուած են կտորներ քմահաճ նկարներով: Գործավար ճապոնուհիները մէկը միւսի ետեւից բաց են անում յաճախորդի առաջ մետաքսի նեղ փաթեթները, մինչ տէրը, չաքած իր մանրիկ սեզանի սուշի, բոլորովին խորասուզուել է հաշիւների մէջ:

Մի քիչ դէնը մում են պատրաստում, խանութի մեծ մասը բռնում է կանաչ հեղուկով լիքը սաշար, որի մէջ թաթախում են անպաղար փոքր կլոր փայտեր. չորանում են, թաթախում նորից. և այսպէս մի քանի անգամ, մինչև մումը պատրաստ լինի:

Կսգքին մի աշխատանոցում պատանիներն իրանց ձեռագործի վրայ ծռած ասեղնագործում են ոսկեթել քմահաճ նկարներ:

Ոսկերիչի խանութում շինում են զեղեցիկ զօտներ, փոքրիկ բուշներ, որոնք սուբ են ներկայացնում, և այլ մանր զարդեր. սրանց գլխաւոր զնոյնները սուրբատներն <sup>1)</sup> են: Բայց այնտեղ բնաւ չէք տեսնի թանկագին քարեր, որին ճապոնացին արժէք չի տալիս: Նրան զբաւոյրը շինուածքի զեղարուեստական կողմն է:

<sup>1)</sup> Ճամբորդ:

Յաճախ աչքիդ հանդիպում են սափրիչի խանութներ, ուր յաճախորդները բոլոր ուժով գլուխները յետ ձկած՝ նստած են մի յուսահատ դիրքով, քթները յանձնած սափրիչի բարեհաճ արամադրութեանը, կամ մի ճապոնուհի, որ զբաղուած է իր սոււալետն աւարտելով:

Ապա նորից գալիս են խանութները:

Հովհարներ, ափսէներ, գամբիւղներ, բոլորն էլ կախուած առաստաղից, ծածանւում են անցորդի քթի տակ: Նրանց ետեւից նկատուած է մի ամբողջ շարք յարգէ ունամանների իրանց թաւշէ գեղեցիկ օղակներով. կամ մի չաստուած, որ իր անագին փորովը բազմած է սեղանի գլխին:

Շատ են ժամագործները: Ժամացոյցը արեւելքում խիստ է յարգուած: Չինացիք նկարուելու ժամանակ ժամացոյցը դնում են իրանց մօտը սեզանի վրայ, երբեմն նոյն իսկ երկուսը, իրանց աւելի փառահեղութիւն տալու համար:

Լուսանկարիչները ցուցանակներն էլ բաւական յաճախ են աչքի ընկնում. մանաւանդ եւրոպական թաղի մօտերը: Լուսանկարը շատ էժան է. 12 հատ զեղեցիկ գունաւոր տեսարանը արժէ իէն (մօտ 3 ուրբի): 12 փոքր նկար վիզիա դիրքով, այն էլ ամենալաւ լուսանկարչի մօտ, արժէ նոյնպէս 2 ո., իսկ աշխատանքը չափազանց մաքուր է ու սիրուն:

Ուտեստի շուկան նոյնպէս մօտիկ է եւրոպական մասին: Խանութները շարուած են իրանց տեսակի համեմատ. մի շարք միայն միս են ծախում, ապա բանջարեղէն, սլետուղ, ձուկ և այլն:

Միւրը զբաւ է ապակէ գանգակների տակ, որ սաստիկ մաքուր են պահում:

Չկան խանութը ներկայացնում է վրան ծածկած մի բակ, ուր խառն թափած են ձկան կոյտերը քարէ յատակին: Եւ ինչ երկակենցաղ ստես, որ այստեղ չլինի, անհագին քանակութեամբ ժժմակներ, ճիճուներ, խեչափառներ և այլն, որին եւրոպացին նայել անգամ չէ կարող:

Առհասարակ ձուկը ճապոնացու գլխաւոր ու նախըն-

աիր կերակուրն է, և բրնձից յետոյ առաջին տեղն է բընուում:

Չուկն ուտում են մեծ մասամբ հում: Մերով տալիս են գլխին, նրա տանջանքին վերջ տալու համար, հանում են փորտին, կտրատում են, դնում են սնակի մէջ և հրամցընում:

Այսպէս պատրաստած ձուկը նրանց սիրելի կերակուրն է իբրև դէստերտ:

Միս ուտում են չափազանց քիչ, գերազատում են պտուղն ու բանջարը: Պտուղներից սովորական են բանան, անանաս, կոկոս և երեսի գլխի մեծութեամբ անագին նարինջներ (պապերմուս), այլ և եամամօ, որը մի մեծ ելակի է նման ու մի տեսակ ձիւթի հոտ ունի:

Շատ կան նոյնպէս քաղցրավաճառներ. ճաշանացին սիրում է անուշեղէն. խմորեղէնը լինում է թէ հում, թէ եփած: Նրանց կարկանդակների ու շաքարեղէնների տեսքը այնքան էլ զլուախ չէ մեզ համար: Միայն խիտ համեղ է «կաստերա» ասուած սորգը. այն էլ սպանական ծագում ունի:

\*  
\* \*

Բոլոր արտիստները, մանաւանդ ուուները, իրանց պարտքն են համարում այցելել Նագասակիի հուշակը կազմող վարպետ Իեզակիի արհեստանոցը, ուր կրիայի պատեանից զեղեցիկ իրեր են պատրաստում:

Իեզակին, որին ամենքը «ժեներայ կրիայ» են անուանում, սովորական, հաստլիկ, կարճլիկ մի մարդ է բարի զէմքով: Մեզ ընդունեց մեծ սիրով, սեղմեց ձեռքս եւրօպայի, բարեկեց մեզ մի թոթով ուուներէնով և իսկոյն հրամայեց թէյ բերեն:

Ճապոնական թէյը հրամցնում են փոքրիկ գաւաթներով և առանց շաքարի. բայց համեղ կտտերան լիովի փոխարինում է շաքարի պակասը:

Թէյից յետոյ Իեզակին մեզ առաջնորդեց վերի յարկը, ուր իրերն էին ցուցադրուած: Փոփոխի քանդակումը հիանալի է ուղղակի իր նրբութեամբ ու զեղեցիկութեամբ:

Ամենից աւելի աչքի ընկնող տեղում գետեղուած էին կրիայի պատեանից շինած ճաշանական ու եւրօպական մի քանի ուղղմանաւեր:

Կայմերը իրանց կայաններով, պարանները, երարանները, մինչև անգամ սանդուղքի իւրաքանչիւր աստիճանը դուրս էր բերուած զարմանալի ճշտութեամբ ու մաքուր:

Իեզակիի այդ մանրանկար զեղարուեստական փոքրիկ աշխարհից մենք ընկանք ուղղակի ժողովրդական ու ետուն առևարի ստաճարը, Ճապոն-Բագարը, որ մեր կարաւանսարային համապատասխանող մի բան է:

Գա մի մեծ կլոր շէնք է, ուր խանութների շարքը ձգւում է ճառագայթի ձևով դէպի կենդրոնը, ապա կենդրոնից դէպի շրջագիծը, կազմելով մի նեղ անընդհատ զիծ, որից չես կարող դուրս գալ, մինչև որ այդ ամբողջ լաբիրինտը անց չկենաս իր բոլոր սնկիւններով ու թեքումներով, եթէ միայն յուսահատած, կէս ճամբիցդ յետ չդառնաս:

Ապրանքի տեսակները շատ չեն և շարունակ կրկնուում են: Մասնաւորապէս շատ կան զանազան գոյնի թաւշեայ քսակներ, զարդ հերկաներ, և անթիւ անհամար թղթէ հովհարներ ամեն տեսակ ֆանտաստիկ նկարներով ծածկուած:

Պատերից կախուած են ճապոնական տիկնիկներ, աչքերը չոած և մոնդրական տիպիկ զէմքերով: Մեծ տեղ է բռնում գրքերի խանութը:

Նրանց գրքերն էլ են իրանց տեսակի: Թուղթը աւելի հասա է և խորտուբորդ, սպել կարելի է միայն մի երեսի վրայ, այնպէս որ մեր մի թերթին համապատասխանում է նրանց կրկնաաակ ծալած երկու երեսը: Կազմն էլ տարբրնակ է. թղթերը կարում են մեռաքսէ թելով, որ գրսից մի զեղեցիկ հանդայց է կազմում:

Փախտոյները կին են մեծ մասով: Օտար անցորդներին նրանք կանչում են անգլիերէն կամ ուուսերէն, բաւական յաջող գուշակելով նրանց ինչ ազգից լինելը:

Նագասակիում օտար լեղուններից ամենից աւելի տարածուածը ուուսերէնն է. զբան նպատում է Կամաւոր Ֆլօտի յաճախակի երթևեկը և սուս ուղղմանաւերի այցը:

\*  
\* \*

Նագասակիի փողոցներով իմ անցնելը ոչ ոքի ուշադրութիւնը չէր գրաւում: Եւրօպացիներին ընտելացած են արգէն:

Միայն երբ երկար կանգ էի առնում մի որևէ խանութի առաջ, զիտում էին ինձ ոտից զլուխ՝ զարմանալով երևի, թէ ինչն էր ինձ այդպէս հետաքրքրողը:

Մի ճապոնացի նկատելով, որ հայեացքս մի մասնա-  
ւոր հետաքրքրութեամբ եմ ուղղում խանութի խորքը,  
խնդրեց, որ ներս մտնեմ նրա բնակարանը, եթէ կընաճեմ:

Եւ ինչ ասել կուզի, որ մեծ ուրախութեամբ ընդու-  
նեցի նրա առաջարկը, և նրա հետ մի նեղ ու փոքր անց-  
քով մտանք ետևի մասը: Դա արդէն բնակարանն էր, մի  
մեծ սենեակ, որ հեշտութեամբ կարելի է մի քանիսի վե-  
րածել շարժական թեթև պատերի միջոցով: Յատակը այդ-  
տեղ քիչ բարձր է նախասենեակից: Հետևելով տեղական  
քաղաքավարութեանը, հանեցի կոշիկներս սանդուղքի գլխին  
և գուլպաներով կոխեցի սենեակի մաքուր հատիքը:

Շուրջն ամեն-ինչ մաքրութիւնից փայլում էր: Թղթէ  
պատերին նկարուած էին արագիլներ: Անկիւնում դետե-  
ղուած էր սիրուն երկթև ճենապտոր և մի փոքրիկ թագար՝  
մէջը մանրադիտական մի ծառով: Սենեակի խորքում պա-  
տի մէջ ծալքն էր, ուր ցերեկներն անկողիններն են դար-  
սում: Ճապոնացին, ինչպէս յայտնի է, կան-կարասի չի սի-  
րում, ասելով թէ դրանք փոշի հաւաքելուց զատ ուրիշ  
բանի պէտք չեն:

Անկողինը փռում են գետնի հատիքի վրայ, ճաշում են  
չոքած և ամեն մէկի առաջ կայ մի-մի ցածրիկ փոքրիկ  
սեղան, կամ յաճախ ուղղակի գետնին:

Սենեակից դուրս գալով, մտանք ցանկով շրջապատած  
բակիկը, իր մանրիկ պարտէզիկով, ուր բանտարկուած էր  
պտուղներով ծանրաբեռնուած մանդարենի մի ծառ, կար-  
ծես վանդակի մէջ:

Այդ պարտէզիկի կենդրոնում ցուցում էր մի աւելի  
փոքրիկ լճակ, մէջն էլ մանրադիտական մի ժայռիկ, որի վրայ  
հպարտ վեր էր բարձրանում մի մի գաճաճ ծառիկ:

Ճապոնացին շատ է սիրում բնութիւնը. գիւղերում  
նա աշխատում է շինել իր բնակարանը կարկաշուն ա-  
ռուակի ափին, կամ սարի սիրուն լանջին, որտեղից լայն  
գեղեցիկ տեսարան է բացուում: Իսկ քաղաքում հեռու այդ  
բոլորից նա ուզում է բնութեան գոնէ մի նմուշը, մի փոք-  
րիկ կտոր իր մօտն ունենայ:

Ճապոնացու տանը, թէ ներսը, թէ բակում, ամեն  
բանի վրայ մի մասնաւոր դրոշմ կայ գոհունակութեան, չա-  
փաւորութեան և գեղարուեստական պարզութեան:

Օր. Հ. Մելիք-Հայկազնան

96. Ա. Զ. Գ. Ա. Գ. Ր. Ո. Ի. Թ. Ի. Ի. Ն

Գնչուներ և հայ բօւաներ

«Ուզան բերանը կթան կոխն լաւ է»:  
Բօշ. առած:

Մի ժողովուրդ, որ ազգութիւն, հայրենիք և կրօն  
չունի, որ չլի ցանուած, չի հնձում, թռչունի պէս ապրում  
է», որի հայրենիքը աշխարհն է ամբողջապէս, հովանին  
երկինքը, հարստութիւնը մի աւանակ և մի քանի չուլ ու  
փալաս, — դա բօշան է: Նա դիմանում է հիւսիսի սառնա-  
մանիքին, տանում է հարաւի խորշակն անվաաս: Ամեն  
տեղ նա ապրում է և ընտելանում՝ որպէս իր սեփական  
տանը. ubi bene, ibi patria \*), ահա նրա գաղափարը հայ-  
րենիքի մասին: Դաւանում է այն բոլոր կրօնները, որոնց  
ծանօթ է, ընդունում և խօսում է այն բոլոր ազգերի լե-  
զուները, որոնց հետ մօտիկ յարաբերութիւն ունի: Ամեն  
երկիր նա անխտիր համարում է իր հայրենիքը, ամեն լե-  
զու, որի գիտենալուց շահ է սպասում, իր մայրենի լե-  
զուն և ամեն ինչ իր սեփականութիւնը: Մի անօրինակ,  
եզակի աշխարհ-քաղաքացի՝ կօսմօւօլիտի մի կատարելա-  
տիպ — դա զնչուն է առնասարակ և բօշան ի մասնաւորի:

Հսկարտ իր աղքատութեան մէջ, անկախ և ազատա-  
սէր առանց որևէ քաջութեան, աշխարհակալ և հարկառու  
առանց զէնքի և աշխարհասասան պատերազմների. անհոգ,  
որպէս երկինքի թռչունը, նա հնձում է այնտեղ, ուր չի  
ցանել. պահանջում և ստանում է այն, որ չի տուել. վա-  
յելում է այն, որ իր քրտինքով չի վաստակել. «մի այսու-  
հետև հոգայցէք վասն վաղուի, զի վաղիւն վասն իր հո-  
գատցի», դա բօշայի կեանքի բնարանն է:

Նա վատահ է, սր ամեն տեղ կիշխէ, կը տիրապետէ,  
այն մաքով, ինչ մաքով որ բօշան հասկանում իշխել և  
տիրապետել բաւերը: Նա համոզուած է, որ ամենքը պար-  
տական են իրան հարկ տալու, և հաւատացած է, որ ա-  
մենից կը ստանայ իր պահանջը, ուստի և նա ամենուրեք,  
ամեն տեղ է, ուր բանաւոր արարածներ կան: Սարերն

\*) Ուր լաւ, անդ հայրենիք:

ու ձորերը չեն խափանում նրա ընթացքը, ծովն ու անապատը արգելք չեն դառնում նրա անընդհատ թափառելուն: Եղանակների յանկարծական փոփոխություն, անձրև, արև, ձիւն կամ փոթորիկ երկիւղ չեն ազդում նորան:

Տոկունութեամբ յաղթելով բոլոր բնական արգելքներին և պատահարներին, նա իր թռուցիկ բնակարանով մերթ երևում է հարաւի օթակէզ անապատներում, մերթ հիւսիսի սառնամանիքում և չքանում է որպէս պատկեր: Նա չի ճանաչում ոչ սահման, ոչ տարածութիւն և ոչ արգելք. ուստի և թափառում է աշխարհի բոլոր մասերում և բոլոր ազգութիւնների մէջ անխտիր:

Չուր չէ այն աւանդութիւնը, որ մեր բօշաներն իրանց Կայէնի սերունդ են համարում, հաւատարով, թէ երկնային անէծքն է, որ նրանց «երերեալ ու տատանեալ» թափառել է տալիս իրանց նախահօր մեղքը քաւելու համար: Չունենալով հող և մասնաւոր սեփականութիւն, նա ամբողջ աշխարհի բերքն իր սեփականութիւնն է համարում, ուստի և սեփականատիրոջ վստահութեամբ մանում է ամեն մի օտարականի տուն, ըստ երևոյթին արդարացի պահանջով. թէև այդ պահանջը քողարկած է լինում աղերասխան բառերով և արտայայտում է խնդիր ձևով.—նա իր հարկը, իր ապրուստն է պահանջում. և վայ նրոն, ով չի յարգի այն կօսմօպօլիտի խնդիր-պահանջը: Կարկտի նման կը թափուի բօշայի բերանից նրա անսպառ անէծքը մերժող տան գլխին: Այդ իր իրաւունքն է համարում նա. նրա գէնքը իր կծու անէծքն է և սղէտ ու մնտտիապաշտ ժողովրդի վրայ ազդում է նա այդ միջոցով: Բօշան ապրում է իր ճարտար լեզուի և ուամիկներին սարսափեցնող անէծքի շնորհիւ:

Բօշայի ազնիւ յատկութիւններն աւելի աչքի են ընկնում, եթէ նրան համեմատելու լինինք ոչ թէ մի նրատակեաց և քիչ թէ շատ քաղաքակիրթ ազգի հետ, այլ իր ցեղակից և համարեա նոյն միջոցներով ապրուստ հայթայթող թուրք գնչուի հետ, որ կրօնով մահմեդական է: Թէև սոցա կեանքի հանգամանքները, աւանդական պարապմունքը

միևնայն էն, թէև ծագումով նորա պատկանում են միևնոյն ցեղին, բայց վարք ու բարքի մաքրութեամբ և հոգեկան ազնիւ յատկութիւնների առաւելութեամբ հայ բօշան շատ ու շատ բարձր է թուրք գնչուից:

Մինչ վերջինը պատրաստ է յարմար ըուպէին՝ առանց առիթը բաց թողնելու թալանել մտած աունը, գողանալ ամեն մի ձեռն ընկած առարկայ, եթէ նրա գործողութիւնը զիտող չկայ. կամ զբաղեցնել տանաիրօջը հմայութիւններով, որ ընկերակիցը միջոց գտնի մի բան թրուցնելու, հայ բօշան երբէք, ոչ մի զիտուածում այգալիտի ստորութիւն յանձն չի առնի:

«Չգողանալ»-ը նրա ցեղի աւանդական և սրբազան պատուէրներից մինն է: Երբէք ոչ մի անգամ բօշան չի բռնուած գողութեան մէջ. գոնէ ինչքան հետաքրքրուել ենք, չենք պատահել մէկին, որ մեր առածի հակառակը պնդէր:

Այդ է պատճառը, որ ոչ մի տեղ արգելուած չէ բօշայի մուտքը. ամեն տանաէր վստահ է նրա հաւատարմութեանը. մինչդեռ ոչ մի թուրք գնչու այգալիտի հաւատ չի վայելում և ազատ մուտք համարեա չունի տներում: Ենայն է և Եւրոպայի գնչուն, որին առհասարակ հաւատ չեն ընծայում:—Նրանք իրանց արդարացնում են մի բնորոշ աւանդութեամբ. Եւրոպայի գնչուների ասելով՝ չորբորդ մեխը Քրիստոսի խաչից՝ զողացել է մի գնչու. ուստի այդ օրից նրանց ներելի է համարում գողութիւնը, և գնչուներից ով շատ գողութիւն անէ, այնքան էլ շուտ գրախտ կը գեայ:

Թուրք գնչուն աւելի գործնական և խորամանկ է, երբ բանը գալիս է մարդկանցից փող կորզելուն: Նա շատ լաւ գիտէ օգտուել ուամիկ ժողովրդի մահաւատութիւնից զանազան խաբեբայութիւններով: Գնչու թրքուհիները իրանց «Ֆալ»-երով (հմայութիւն), եղունգներից նայելով, վհկութեամբ կամ անբարոյական կաքաւով, տգրուկի նման ծծում են միամիտ ամբոխի արիւն-քրախնքով վատտակածը: Հայ-բօշան բոլորովին չգիտէ գործադրել այդ թէև ստոր բայց դիւրին փող կորզելու միջոցներից և ոչ մինը:

Չգուելի է թուրք գնչուի թախանձանքը. նրա խմբի

ձօտից չի կարելի անցնել առանց նոցա ազահուլթեանը բաւարարութիւն տալու: Եթէ կառքով ես և կամ ձիով, նոքա արձակում են իրանց մերկանդամ մանչ և աղջիկ երեխաներին, որոնք ամենաշուտ գնացող կառքի յետևից էլ վազում են անընդհատ մի քանի վերստ՝ և մինչև բան չեն ստանում, յետ չեն դառնում: Քարասիրտ անցորդը միայն անբաժին կարող է թողնել այդ ստահակներին, որոնցից ազատուելու ոչ մի հնար չկայ: Հայ բօշաների մէջ այդ սովորութիւնը բոլորովին չկայ. նոցա մանուկները խնդրելու սովորութիւն չունին: Այդ պարագմունքը պատկանում է միմիայն կանանց. այն էլ երբէք նոքա դրամ խնդրելու սովորութիւն չունին. մանաւանդ ճանապարհին: Նոցա խնդիրքը միմիայն աներիցն է լինում: Յաճախ թուրք զնչունները իրանց հետ ման են ածում կապիկներ ժողովրդին ցոյց տալու համար և նոցա պարել տալով, փող են հաւաքում: Այս պարագմունքները անծանօթ են մեր բօշաներին: Նոյն իսկ արտաքին հազուստից կարելի է ճանաչել այս ցեղակից թափառականների բարոյական տարբեր աստիճանները: Թուրք զնչուն կարծես բոլորովին զուրկ է ամօթխածութիւնից և վայելչութեան զգացմունքից. նա շրջում է համարեա մերկ առանց քաշուելու. նա լկտի է և անպարկեշտ: Մինչդէռ բօշան միշտ խուսափում է մերկութիւնից: Նրա հազուստը թէև հնոտի, ծածկուած անթիւ, բազմագունի կարկատաններով, բայց երբէք անվայելուչ և պատառոտած չէք տեսնի. նա սաստիկ բարոյական է:

Սակայն պէտք է աչքի առաջ ունենալ, որ նոցանից մինը կրօնով մահմեդական է և այդ կրօնի շնորհիւ նրա մէջ պիտի երևան դային որոշ յատկանիշներ, որոնք կարող են ծնել միայն այդ կրօնից. մինչ հայ բօշան, իբրև քրիստոնեայ-լուսաւորչական ժողովուրդ, որ մշտապէս ապրում և շիւղում է մեզ հետ, շատ բարձր պիտի լինէր նրանից: Բացի այս, թէև նոքա միևնոյն ծագումն ունին, բայց պատկանում են տարբեր ընտանիքների. այնպէս որ իրանց ցեղական լեզուները միմեանց անհասկանալի է և խորշում են միմեանցից:

Գր. Վանցեան

### 97. ԵՒՐՈՊԱՅՈՑ ԿԱՐԾԻՔԸ ՀԱՅՈՑ ՄԱՍԻՆ

Օսմանեան կայսրութեան մէջ հայերն են ամենամեծ առևտուր ունեցողները և միևնոյն ժամանակ այդ գործը ամենից աւելի հմտութեամբ առաջ տանողները: Նրանք համբերող են, խնայող ու անխոնջ, նրանք ճանապարհորդում են Ասիայում և Հնդկաստանում, նրանք խանութներ ունին ամեն տեղ: Հայոց մեծ մասը մեքենական արհեստներով են պարագում: Նրանք սեղանաւորներ են, կապալաու և փաշաների ու ուրիշ մեծամեծ անձերի զործակալներ: Նրանց մեղադրում են իբրև թէ ոչ մի միջոց չեն խնայում հարստանալու համար և թէ, երբ կարող են, խաբում են ապրանքների մէջ: Սակայն պէտք է խոստովանել, որ ձգտելով ձեռքից եկածի շտափ շատ փող աշխատելու՝ հայերը, շատ սակաւ է պատահում, որ ճիշտ չկատարեն իրանց պարտաւորութիւնները և ճիշտ են կատարում իրանց խոստմունքները:

Հայերը խիստ են իրանց վարք ու բարքի մէջ, ճշտութեամբ պահպանում են իրանց հաւատի պատուէրները, տղէտ են և նախապաշարուած. նրանց պակասում է միայն կրթութիւն և մի տէրութիւն, որ այնքան ճնշող չլինէր, որքան Տաճկականը և աւելի արգար լինէր, հայերը վերին աստիճանի յարգելի ժողովուրդ կը դառնային:

Եթէ այս պատկերի վրայ աւելացնենք պարզ ճաշակ, խիստ խնայողութիւն, զարմանալի կանոնասիրութեան ոգի, մեծ ընդունակութիւն առևտրական գործերում, մենք նկատրազրած կը լինենք հայերի լաւ կողմերը: Գուցէ ոչինչ հակադիր պատկեր ներկայացնելու չունենայինք, եթէ հայերը, անկախ ազգ կազմելով՝ միշտ խաղաղ գրութեան մէջ ապրած լինէին և կառավարուէին սեպհական օրէնքներով. բայց հրէաների պէս, կապուելով իրանց պատմական յիշատակներով աշխարհի սկզբի հետ, նրանց պէս ցրուած լինելով բոլոր Ասիայուս՝ նրանք միշտ ենթարկուած են եղել բռնակալ տէրութիւնների, հպատակուած լինելով Տաճկաս-

տանում տարբեր հաւատի տէրերի, որոնք ուրիշ առաջ-  
նորդ չեն ունեցել, բայց եթէ իրանց կրքերը, և ոչ ուրիշ  
օրէնք, բայց եթէ կամքը:

Նրանց շքեղ ասրուսար, հարստութիւնները կարող  
էին դայթակղել իրանց բռնակալներին, և նրանք դի-  
զում էին դանձեր և ժլատ էին: Մի անգոյշ խօսք, մի  
անկեղծ կարծիք կարող էր յաճախ կորցնել նրանց — նը-  
րանք լռող և երեսպաշտ դարձան: Երախտագիտութիւնը  
դէպի իրանց պատուազուրկ եղած բարեբարները կարող  
էին փնտել իրանց, նրանք երբեմն ասերախտ են զըտ-  
նուած: Մահմեդական երկրներում չկարողանալով մեծամեծ  
սլաշտօնների ու պատիւների հասնել՝ վաստակելու սէրը  
նրանց գործունէութեան միակ շարժառիթը դարձաւ:  
(Օլիվիէ):

Աշխարհիս երեսին եղած հայերի թիւը կարելի է երեք  
միլիօն համարել: Կիսից աւելին բնակում են Տաճկաստա-  
նում: Շատերը ասրում են Ռուսաստանում, մանաւանդ  
Կովկասեան նահանգներում. շատ հայեր կան նոյնպէս և  
Պարսկաստանում... Ամենայն տեղ, ուր գտնուում են նրանք,  
համարուած են ճարպիկ և բանիմաց մարդիկ և բոլորե-  
քեան համաձայն են և խոստովանում են որ նրանք հասա-  
րակ խելքի տէր մարդիկ չեն:

Տաճկաստանում նրանք աւելի բարձր են հանդիսա-  
ցել, քան շրջակայ ազգութիւնները իրանց առևտրական  
գործունէութեամբ և այն ընդունակութիւններով, որ ու-  
նին դէպի մեքենական արհեստները: Գլխաւոր վաճառա-  
կանները հայերն են, ինչպէս և բոլոր սեղանաւորները, և  
զուք կարող էք համոզուած լինել որ կը գտնէք նրանց ամեն  
մի ձեռնարկութեան և գործի պարագլուխ, որ մասնագի-  
տական պատրաստութիւն է պահանջում:

Նրանք տաճկի հաստատամտութիւնն ունին՝ առանց  
նրա անշարժութեան, նրանք յոյնի նուրբ ու թափանցիկ  
միաբն ունին, առանց նրա թեթևամտութեան. միով բա-  
նիւ նրանք արևելքի անզլօ-սաքսօնացիքն են: (Դիւայտ):

Ասում են, որ հայերը արևելքում նոյնն են, ինչ որ

զուլցերացիք Արևմուտքում. աւելի արդար կը լինէր հոլ-  
լանդացիների հետ համեմատել նրանց. նրանց մէջ նկատ-  
ւում է նոյն յարատև, բայց հանդիստ գործունէութիւնը,  
նոյն ձգտումը՝ հարստութիւն ձեռք բերելու, թէև դա մի  
փոքր բան լինէր, նոյն արհամարհանքը դէպի արտաքին  
փայլը: Նրանց բոլոր առաջագիմութիւնները, որ կատար-  
ւում են անգործութեան մէջ, անյայտ են Եւրոպային, ուր  
չեն հասնում նրանց գրքերը և պարբերական հրատարա-  
կութիւնները: (Դիւլորիէ):

Բոլոր նշաններից երևում է, որ հէնց այս ասղը ասա-  
ուածային տեսչութեամբ ընտրուած է իբրև առաջնորդ՝  
քրիստոնէութիւնը և քաղաքակրթութիւնը տարածելու ա-  
րևելքում: Տարակոյս չկայ, որ մեծ պատմական համաշխար-  
հային նշանակութիւն ունի այն հանգամանքը, որ այս  
քրիստոնէայ ժողովուրդը ցրուած է մի մեծ տարածութեան  
վրայ, Մարտիկոյից սկսած մինչև Չինաստան և միևնոյն  
ժամանակ նրա բոլոր անդամները կապուած են միմեանց  
հետ կրօնական կապերով: (Հաքստհաուզէն):

«Փորձ»

98. Ա. Վ. ԵԼԻՍԷՎԻ ԿԱՐԾԻՔԸ ՀԱՅՈՅ ՄԱՍԻՆ

(Կարգացուած Ս. Պետրբուրգի Կայսերական Ասիատիկական  
Բնիկութեան Երեսում 1887 թ. մարտի 4-ին)

Տաճիկներից յետոյ մենք գտնում ենք հայերին, թէ-  
պէտ սրանք աւելի տարածուած լինելով Փոքր-Ասիայում՝  
գուցէ աւելի բազմաթիւ լինին, քան թէ միւս բոլոր ազ-  
գերը այս ազգազրական տարրերով հարուստ աշխարհում:  
Հայը, որպէս և հելլենացին կենդանի հանդոյց է կազմել  
արևմտքի և արևելքի մէջ մարդկութեան կեանքի երկու  
նշանաւոր վայրկեաններում, երբ արևմուտքի քաղաքա-  
կրթութիւնը թափանցում է մինչև արևելքի սիրտը նրան  
գարևոր նիրհից զարթեցնելու համար: Հայոց դերը այժմ  
աւելի պատուաւոր է, որովհետև նրանք տարածում են քա-

դաքաղթութիւնը մինչև այն լեռները, որոնք հիւսիսից ներքիակում են Միջագետքը: Բացի այդ նշանաւոր պաշտօնից, հայերը արժանի են մեր առանձին ուշադրութեանը ոչ թէ միայն մարդաբանական, այլ և կենսաբանական և պատմական տեսակէտներից: Մի ազգութիւն, որ կարողացել է պաշտպանել իր անհատականութիւնը Ներքովթի և Շամիրամի ժամանակներից մինչև մեր օրերը, պահպանելով մասամբ և իր տիպը, սոյորութիւնները, լեզուն և կրօնը՝ չնայելով որ ոչ մի ազգ, նոյն իսկ հրէաները, չի կրթարկուել այսքան տառապանքների, — պատմութեան մէջ երբէք չպէտք է մոռացուի:

Զարմանք է յարուցանում և գոյութեան կուրի տեսակէտից ոյժերի յարատեւութիւնը և տոկոնութիւնը այս փոքր ազգի, որ այսքան դարեր հղօք ազգերի մէջ սեպածե միտուած է: Կործանուեցան Մեծ-Ասորեստանը և Բաբելոնը, պարսից անագին պետութիւնը, պարթևաց, մակեդոնացոց, հռովմայեցոց, արաբացոց աէրութիւնները. մեծամեծ ազգեր ընալին շանհետացան աշխարհիս երեսից, իսկ հայոց ազգը ոչ միայն կենդանի մնաց, այլ և լի կեանքով և յուսով սողորուում է գիտութեան ծարաւով և սիրով դէպի աշխատանքը: Մինչև այժմ խորհում է նա թօթալիել հազարամեայ լուծը, զարգացնում է իր լեզուն, ուսանում է զիտութիւններ, առաջ մղում ինքն իրան և արդէն շատ բանի հասել է:

Այս ազգը մի աւելի խորին հանելուկ է պատմութեան համար, քան թէ հրէաներն ու զնշուները: Այս երկու աշխարհաքաղաքացիները համարեան մշակական թափառականներ են, զուրկ հայրենիքից, որոնց համար *udi demo idi patria*. իսկ երկրապործ հայը չէ թողել իր Հայաստանը, Վանայ ծովակի ափից չէ գաղթել և Մասիսի ստորոտից չէ հեռացել: Հայ երկրապործի սերտ կապը իր մայրենի հողի հետ՝ կենդանի հերքումն է այն անձանց սխալի, որոնք դասում են նրան հրէաների հետ մի կարգում՝ համարելով հայերին միայն վաճառական ժողովուրդ: Ծշմարիտ է, որ ճակատագիրը նշանակելով հային, ինչպէս և յոյնին, միջ-

նորդական կապ արեւմուտքի և արևելքի միջև, շնորհել է նրանց հաւասար յատկութիւններ՝ ճարպիկութիւն, հնարագիտութիւն, յայտնի մտքերի նրբութիւն, բնաւորութեան տոկոնութիւն, որոնք թէ հայոց և թէ յունաց ընդհանուր յատկութիւններն են: Բայց այս ամենը բաւական չէ՝ բացատրելու համար հանելուկը հայերի գոյութեան, այն հայերի, որոնց հետ Եւրոպան սկսում է փոքր առ փոքր ծանօթանալ, և տակաւին Բերլինի շինաժողովում նա հրաժարուում էր իրրև ազգութիւն ճանաչել հայերին:

Չնայելով որոնց բազմադարեան պատմութեանը, հազարաւոր արկածներին, որոնց ենթարկուել է այս ազգը, հայոց տիպը ներկայացնում է այնուամենայնիւ աւելի հաստատ տոկոնութիւն, քան թէ Փոքր-Ասիայի ազգերի ոյժ և է ուրիշ տիպ, այնպէս որ ամենամաքուր արիւն պարունակող ազգերի թւում կարելի է դասել և՛ հայերին, որոնք միևնոյն ժամանակ հանդիսանում են և՛ տիպի մաքրութիւնը պահպանող՝ այն չափով, ինչ չափով, որ նրանք իրանց հայրերից ու պապերից ժառանգել են:

ՄՇԱԿ. Ա. Յ.



## 99. ԳՈՂԹԱՆ ԵՐԳԵՐ

## Վանագնի ծնունդը

«Երկնէր երկին և երկիր.

Երկնէր և ծիրանի ծով.

Երկն ի ծավուն ունէր

Զկարմրիկ եղեգնիկն:

Ընդ եղազան փող՝ ծուխ ելանէր,

Ընդ եղեգան փող՝ բոց ելանէր,

Եւ ի բոցոյն պատանեկիկ վազէր.

Նա հուր հեր ունէր,

Ապա թէ՛ բոց ունէր մօրսւս,

Եւ աշկունքն էին արեգակունք»:

## Արսաւեսի փախցնում է Աարինիկին

«Հեծաւ արի արքայն Արտաշէս ի սեաւըն գեղեցիկ.

Եւ հանեալ զոսկէօղ շիկափոկ պարանն,

Եւ անցեալ՝ որպէս զարծուի սրաթև՝ ընդ վեան,

Եւ ձրգեալ զոսկէօղ շիկափոկ պարանն՝

Ընկէց ի մէջ օրիորդին Ալանաց,

Եւ շատ ցաւեցոյց ըզմէջք փափուկ օրիորդին,

Արագ հասուցեալ ի բանակն իւր»:

## Արսաւեսի հարսանիքը

«Տեղ ոսկի տեղայր ի փեսայութեանն Արտաշիսի,

Տեղայր մարգարիտ ի հարսնութեանն Սաթինկան»:

## Արսաւեսի մահը

«Ո՞ տայր ինձ զծուխ ծրխանի

Եւ զառաւօտն նաւասարդի.

Զվազելն եղանց և զվազելն եղջերուաց.

Մէք փող հարուաք և թմբկի հարկանէաք»:

## Արսաւագրի բողոքը

«Մինչ դու գնացեր, և զերկիրս ամենայն ընդքեզ տարար.

Ես աւերակացս սրպէս թագաւորեմ»:

## Արսաւեսի անլծիքը

«Եթէ դու յորս հեծցիս յազատն ի վեր ի Մասիս,

Զքեզ կայցին քաջք, տարցին յազատն ի վեր ի Մասիս,

Անդ կացցես և զլոյս մի տեսցես»:

## Վարդգէս մանուկ

«Հատուած գնացեալ Վարդգէս մանուկն ի Տուհաց

գաւառէն զՔասաղ գետով,

Եկեալ նստեալ զՇրէշ բլրով, զԱրտիմէդ քաղաքաւ,

զՔասաղ գետով,

Կուել կոփել զգուռն Երուանդայ արքայի»:

Գողթան երգերն հայ ամենահին բանաւոր ստեղծագործութեան բեկորներն են, որ մեր ձեռն են հասել շնորհիւ Մովսէս Խորենացու. զբանք երգուում էին Գողթան պինկէտ գաւառում, զբա համար էլ: Գողթան երգեր են կոչուում:

100. Ի ԼԵՒՈՆ <sup>1)</sup> ՈՐԴԻ ՀԵԹՄՈՅ <sup>2)</sup> Ա.

Աւաղ ըզլէոնն ասեմ  
Որ տաճկաց գուռն ընկել գերի,  
Իմ լուս, իմ լուս, ու սուրբ կոյս,  
Սուրբ խաչն օգնական Լէոնին  
ու ամենուս:

Սուրբանն ի մօյտան ելել  
Իր ոսկի գունդն կու խաղայ:

Խաղաց ի Լէոնն երես  
«Առ խաղա ու սուր տատայիդ:

«Լէոն դու տաճիկ լինիս,  
Ես ու իմ տատաս քէ գերի»:

Լէոնն ի բերդին նստել  
Դաստռակն աչիցն ու կուլար.  
«Քէվանտ որ ի Սիս կերթաս,  
Դուն խապար տանիս պապա-  
յիս»:

Ոնց որ պապն ալ դան լըսեց  
Շատ հեծել քաշեց երամով.  
Եկաւ ի սուրբանն ելաւ  
Շատ գետեր եհան արընեց:

Իսո զլէոն որդին  
Ու հասաւ սըրտին մուրատին:  
Իմ լուս, իմ լուս, ու սուրբ կոյս,  
Սուրբ խաչն օգնական Լէոնին  
ու ամենուս:

101. ՍԱՍՈՒՆՅԻ ԴԱԽԻԹ

Սասունցի Դաւիթը ժողովողական վէպ է: Բովանդա-  
կութեանը նայելով, դա պիտի կազմուած լինի Ժ—ԺԲ  
դարերում, խաչակրաց արշաւանքների ժամանակ, երբ  
քրիստոնեայ զինւորները աջ կռան վրայ խաչ էին կրում  
ինչպէս Դաւիթը (խաչ-պատարագին):

Վէպի մէջ ղէնքերից յիշում են նեա, աղեղ, զրահ,  
գուրգ և ոչ մի յիշատակութիւն չկայ հրացանի մասին:  
Մարայ Մելիքը պահանջում է «քառսուն կնիկ, որ երկամբ  
աղան», նշանակում է կամ ջաղացը նրա ժամանակ գոյու-  
թիւն չունէր և կամ շատ սակաւածանութ էր: Այս հանգա-

1), 2)—Հեթումը Հայոց թագաւոր էր Կիլիկիայում. պատե-  
րագմի ժամանակ նրա որդի Լեոնը գերի ընկաւ Եգիպտացոց ձեռ-  
քը, հայ իշխանների մատնութեամբ. Հեթումի օգնութեամբ միայն  
նա ազատուեցաւ գերութիւնից.—Այս է ահա երգի նիւթը, որ 13-րդ  
դարու գործ է. (Տես պատմական բաժինը. Կիլիկիոյ վիճակ և  
Ջրօրհնէքը Ռուբէն թագաւորի ժամանակ):

մանքներն էլ ցոյց են տալիս «վէպի» համեմատական հնու-  
թիւնը:

Առաջին անգամ այս վէպը գտնողն ու հրատարակողը  
եղաւ Գարեգ. եպ. Սրուանձտեանը, այնուհետեւ սրա դա-  
նադան վարիանները գրի առնուեցան և հրատարակուե-  
ցան: Դրանցից առնելով Յովհ. Թումանեանը այս վէպը  
շնորհալի կերպով փոխադրեց զրական լեզուի, մնալով հա-  
ւատարիմ ժողովրդական բնագրին և շատ անգամ նոյն խակ  
բառացի ժողովրդական արտայայտութիւններին:

102. ՍԱՍՈՒՆՅԻ ԴԱԽԻԹ ԲԱՋԱԳՈՐԾՈՒԹԻՒՆԸ

Մարայ Մելիքը անհամար զօրքով,  
Եկաւ ու նստեց Բաթման գետի քով.  
Ով եկաւ—խըմեց,  
Գետը ցամաքեց.

Սասմայ քաղաքում մընացին ծարաւ:  
Ձէնով Օհանին դարմանքը տարաւ.  
Քուրքը վեր առաւ, սարը բարձրացաւ,  
Սարը բարձրացաւ, տեսաւ, ինչ տեսաւ.  
Ճերմակ վըրանից դաշտը ձերմակել,  
Սսես էն դիշեր ձըմեւը եկել,  
Ըսպիտակ ձիւնով ծածկել էր Սասուն:  
Լեզին ջուր կտրեց, կապ ընկաւ լեզուն.  
Հարնց կանչելով փախաւ, տուն ընկաւ.  
—Վնյ, փախէք, եկաւ... հնյ, հարնյ, եկաւ:  
Մըսրայ թագաւոր ելել է, եկել,  
Եկել մեր դաշտին բանակ է դարկել,  
Թիւ կայ ասողերին, թիւ չըկայ զօրքին...  
Վնյ մեր արևին, վնյ մեր աշխարքին...  
Եկ, ոսկի տանենք, աղջիկներ տանենք,  
Չօքենք առաջին, պաղատանք անենք,  
Գուցէ մեզ զթայ,  
Մեզ սըրի չըտայ...

— Դու կոյց, հօրեղբայր, դու դարդ մի անիր,  
 Գրնս, քու օգուժ դու հանդիստ քընիր:  
 Ասաց Դաւիթը. ես կեղնեմ կերթամ,  
 Մըսրայ Մելիթին պատապսան կըստամ:  
 Դաւիթը թողեց Ձէնով Օհանին,  
 Գրնաց ախոռից դուրս քաշեց հօր ձին,  
 Ձըրահը հագաւ, զէնքերը կապեց,  
 Ձին հեծաւ, կանգնեց ու ձէնով երգեց:

Երգեց Դաւիթ ու ձին քշեց,

Ելաւ Սասնայ սարի գլուխ,

Նայեց ներքև, — դաշտը խիտ-խիտ

Կոխած փոշին, կըրակ ու ծուխ:

Տեսաւ, կանգնեց ամպի տակին,

Ու էն անծայր ծովի վըրայ

Գոռաց ձէնովն իր անագին՝

Տարածելով սարսափ ու սհ.

— Ով քընած էք— արթուն կացէք,

Ով արթուն էք— ելէք, կեցէք,

Ով կեցեր էք— զէնք կապեցէք,

Ձէնք էք կապել— ձի թամբեցէք,

Ձի էք թամբել— ելէք, հեծէք,

Յետոյ չասէք, թէ մենք քընած,

Դաւիթը գող-գող եկաւ, գրնաց...

Էսպէս գոռաց, ասպանդակեց

Ու, ինչ ամպից կայծակ գարկի,

Մըսրայ գօրքի մէջ տեղ գարկեց,

Շողացնելով թուր— կայծակի:

Ձարկեց, փըշրեց մինչև կէսօր:

Կէս օր արիւնն ելաւ հեղեղ,

Քըշեց, տարաւ հաղարաւոր

Մարդ ու զիակ ողջ միասեղ:

Կար գօրքի մէջ մի ալևոր,

Աշխարք տեսած ու բանագէտ.

— Տղէք, ասաւ, ճանապատուէք,

Գրնամ, խօսեմ ես Դաւիթի հետ:

Գրնաց, կանգնեց Դաւիթի առաջ,

Էսպէս խօսեց էն ծերունին.

— Դաւոր կենայ կուռքդ, սով քաջ

Թուրըդ կարուկ միշտ քո ձեռին:

Մի ծերունու խօսքին մըտիկ,

Տես՝ քու խեղքը ինչ է կարուժ,

Ի՞նչ են արել քեզ էս մարդիկ,

Հէ՞ր ես սրանց դու կոտորում:

Ամէն մինը մի մօր սրդի,

Ամէն մինը մի տան ճըրագ,

Որը կինն է թողել էնտեղ՝

Աչքը ճամպին, խեղճ ու կրակ:

Թագաւորը գօրով-թըրով

Հաւարել է, էստեղ բերել,

Խեղճ մարդիկ ենք պակաս օրով,

Մենք քեզ վնաս ի՞նչ ենք արել:

Թագաւորն է քու թըշնասին,

Կըռիւ ունիս, իր հետ արա.

Հէ՞ր ես քաշում թուր-կայծակին

էս անձաքակ խալիսի վըրայ:

— Լաւ ես ասում դու, ծերունի,

Ասաւ Դաւիթն ալևորին,

Բայց թագաւորն ո՞ւր է հիմի,

Որ սև կապեմ նրա օրին:

—Մեծ վրբանում քրնած է նա,  
է՛ն, որ միջից ծուխը կ'երնի,  
էն ծուխն էլ հօ ծուխ չի որ կայ,—  
Գոլորշին է իր բերանի,

Ասին. գէպի մեծ վրանը  
Ասպանդակեց Դաւիթն իր ձին.  
Քրչեց, գրնաց ու դրոանը  
Գոռաց կանգնած արաբներին.

—Ո՛ւր է, ասաւ, ի՞նչ է կորել,  
Դնւրս կանչեցէք, զայ ասպարէզ.  
Թէ մահ չունի—մահ եմ բերել,  
Դըրող չունի—գըրոյն եմ ես:

Մելիքն, ասին, քուն է մըտել,  
Օխտը օրով պէտք է քրնի,  
Երեք օր է դեռ անց կացել,  
Զորս օր էլ կայ—քունը սունի:

—Ի՞նչ, բերել է ազրատ ու խեղճ  
Խալխին լցրել ծովն արիւնի,  
Ինքը մտել վրբանի մէջ,  
Օխտը օրով հանգիստ քրնի...

Քրնել-մընել չեմ հասկանում.  
Վեր կացրէք շուտ, գուրս գայ մէյդան.  
էնպէս գըրան ես քնացնեմ,  
Որ չըզարթնի էլ յաւիտեան...

Ելան մարդիկ, ճարահատուած՝  
Շամփուր դըրին թէժ կըրակին  
Ու գորկեցին խոր մրափած  
Մըսրա-Մելքի բաց կըրընկին:

«Օ՛ֆ, էլ հանգիստ քուն չունի մարդ  
էս անիծւած լուի ձեռից».  
Խոր մըռնչաց հրական հանդարտ  
Ու շուռ եկաւ, քրնեց նորից:

Ելան, բերին մեծ գութանի  
Խոփը, դըրին թէժ կըրակին  
Ու կաս-կարսիք, կէծկըծալի,  
Շիկցած դըրին մերկ թիկունքին:

«Օ՛ֆ, էլ հանգիստ քուն չունի մարդ  
էս անիրաւ մոծակներից».  
Աչքը բացաւ հրական հանդարտ,  
Ու գու՛մ էր ետ քրնել նորից.

Տեսաւ Դաւիթն, գլուխն անեղ  
Վեր բարձրացրեց մըռնչալով,  
Փրչեց վըրէն, որ թըոցընի  
էն սոգընին մի փրչելով.

Տեսաւ, տեղից ժաժ չի գալի,  
Զարմանք ու ան պատեց հոգին.  
Արնոտ աչքերն ըսպառնալի  
Յառեց խոժոռ Դաւիթի աչքին:

Նայեց թէ չէ—ըզոաց՝ իր մէջ  
Տասը գոմշի ուժ պակասեց.  
Պառկած տեղից վրայ նստեց  
Ու ժպտալով՝ հետը խօսեց.

—Բարձ՛վ, Դաւիթ, յոգնած ես դեռ,  
Ե՛կ, մի նստի՛ր, խօսենք կարգին,  
Յետոյ դարձեալ կոխ կանենք,  
Եթէ կըռիւ կուզես կըրկին...

Իր վրբանում բրնակալը  
Քառասուն զազ խոր հոր էր փորել,  
Ցանցով փակել մութ բերանը,  
Վրբէն փափուկ խալի վրուել:

Ում որ յաղթել չէր կարենում,  
Շողոմելով կանչում էր նա,  
Նրստեցնում էր իր վրբանում  
էն կորստեան հորի վրայ:

Իջաւ Դաւիթ ձիուցը ցած,  
Գրնաց, նստեց... ընկաւ հորը:  
— Հն, հն, հն, հն, վերից խնդաց  
Մարայ դաժան թագաւորը:

— Դէ, թնգ հիմի գրնայ, խաւար  
Հորում փրթի, էնքան մընայ,  
Ու ահագին մի ջաղցաբար  
Բերաւ, գրբաւ հորի վրբայ:

Քրնեց էն գիշեր Չէնով Օհանը:  
Գիշերն երազում երևաց ծերին՝  
Մըսրայ երկընքում արև ճառագած,  
Սև ամպ էր պատել Սասմայ սարերին:  
Սաստիկ վախեցած՝ վեր թռաւ տեղից:  
— Վնյ, կնիկ, ասաւ, մի ճըրնոգ արա.  
Գրնաց մեր մանուկ Դաւիթը ձեռից,  
Սև ամպ էր իջել Սասունի վրայ:  
— Տունըդ չըքանդուի, ասաւ կընիկը,  
Ով գիտէ Դաւիթն ուր է քէֆ անում...  
Դու էլ քեզ համար քու տանդ քնած՝  
Ուրիշի համար երազ ես տեսնում:

Քրնեց Օհանը: Վեր կացաւ դարձեալ.  
— Կնիկ, Դաւիթը նեղ տեղն է ընկած.—  
Մըսրայ վառ աստղը շողում էր պայծառ,  
Մեր աստղը հաղիւ ցոլքում դալկացած:  
— Ի՞նչ եղաւ քեզ, մնրդ, գիշերուան կիսին,  
Բարկացաւ վրբէն կընիկն աղմուկով.  
Խաչ քաշեց էլ ետ Օհանն երեսին,  
Շուռ եկաւ, քրնեց խըռոված հոգով:  
Մի ուրիշ պատկեր աւելի ահեղ.—  
Տեսաւ երկնքի բարձր, կամարում  
Վառուում էր Մըսրայ աստղը փառահեղ,  
Սասմայ աստղիկը սուզուեց խաւարում:  
Չարթնեց վախեցած: — Տունըդ քանդուի կին,  
Ես վնց լսեցի քու էդ կարճ խելքին.  
Կորաւ մենմենակ մեր ջահէն անտէր.  
Վեր կաց. շուտ արա, դէնքերըս մի բեր...

Ելաւ Օհան, գոմը մտաւ,  
Չարկեց ձերմակ ձիու մէջքին.  
— Է՛յ ձերմակ ձի, մինչ երբ, ասաւ,  
Կը հասցընես Դաւիթի կըուին:

— Մինչև լուսը կըհասցնեմ,  
Ու ձին տուաւ փորը գեանին:  
— Մէջքըդ կտորի, լուսն ինչ անեմ,  
Լաշին հասնեմ ես, թէ՛ նաշին:

Կարմիր ձիու մէջքին դարկեց.  
Սա էլ էրետ փորը գեանին:  
— Ձան Կարմիր ձի, մինչ երբ, ասաւ,  
Կը հասցընես Դաւիթի կըուին:

— Մի ժամի մէջ, Կարմիրն ասաւ,  
Կը հասցընեմ Դաւիթի կըուին:

— Լեզի՛ր դառնայ, սև ու մահ ցաւ,  
Ինչ տուել եմ քեզ էն գարին:

Հերթը եկաւ, Սևին հասաւ:  
Փեանին չէրեա՛յն ձին:

— Է՛յ, ջան Սևուկ, մինչև երբ, ասաւ,  
Կը հասցընես Դաւթի կըռւին:

— Եթէ ամուր մէջքիս մընաս,  
Ուրդ գընես ասպանդակին,  
Մինչև մէկ էլ ուրդ շուռ տաս—  
Կը հասցնեմ, ասաւ Սև ձին:

Սև ձին քաշեց Ձէնով Օհան,  
Չախը գըրաւ ասպանդակին,  
Աջն էլ սինչև շուռ տար վըրան՝  
Կանգնեց Սասմայ սարի գըլխին:

Տեսաւ Դաւթի նըժոյգն անտէր  
Սարերն ընկած խըրխընջալով,  
Ներքև Մըսրայ գօրքը ծըփում,  
Ինչպէս անծայր, ծըփուն մի ծով:

Օխար գոմշի կաշի հագաւ,  
Որ չըպատուի իրեն գօռից,  
Կանգնեց Օհան ու ամպի պէս  
Գոռաց Սասմայ սարի ծէրից:

— Դաւթի՛, գոռաց, սրտեղ ես դու.  
Յիշի՛ր խաչը պատարագի,  
Սուրբ Տիրամօր անունը տուր,—  
Լոյսը գուրս եկ արեգակի...

Ձէնը գընաց գըմըգըմբալով  
Դաւթի ախանջն ընկաւ հորում:

Հայ-հայ, ասաւ, հօրեղբայրս է,  
Սասմայ սարից ինձ է գոռում:

— Ո՛վ Մարութա Աստուածածին,  
Ո՛վ անմահ խաչ պատարագի,—  
Ձե՛ղ եմ կանչել,— հասէք Դաւթին...  
Կանչեց, տեղից կանգնեց սուրի:

Էնպէս զարկեց Չաղցաքարին,  
Քարը եղաւ հագար կըտոր,  
Կտորները երկինք թըռան,  
Ու գընում են մինչև էսօր:

Ելաւ հորից, կանգնեց անեղ.  
Սարսափ կաշաւ դև Մելիքին:  
— Դաւթի՛, ասաւ, եկ դեռ էստեղ,  
Սեղան նստենք... խօսենք կարգին...

— Էլ չեմ նստիլ ես քու հային,  
Դու տըմարդի, վախկոտ ու նենգ.  
Շուտ գէնքըդ ան, հեծի՛ր քու ձին.  
Դուրս եկ մէյգան, կըռիւ անենք:

— Կըռիւ անենք, ասաւ Մելիք,  
Իմն է միայն զարկն ասաջին:  
— Քոնն է, գարկեր, կանչեց Դաւթի,  
Գընաց, կեցաւ դաշտի միջին:

Ելաւ, կանգնեց Մըսրա-Մելիք:  
Իր գուրգն առաւ, հեծաւ իր ձին,  
Քըշեց, գնաց մինչ Դիարքէք  
Ու էնտեղից եկաւ կըռկին:

Երեք հագար լիզը էր քաշում  
Հսկայական իր մըկունդը:

Եկաւ, զարկեց, կորաւ փոշում  
Ու երերաց երկրի գունդը:

— Երկիր բանգուեց, կամ ժածք եղաւ,  
Ասին մարդիկ շատ աշխարհում:

— Չէ, ասացին արնի ծարաւ  
Հրականերն են իրար զարկում:

— Մեռաւ Դաւիթ էս մի զարկից:

Ասաւ Մելիք իրեն գորբին:

— Կենդանի եմ, ամպի տակից:

Գոռաց Դաւիթ Մըսրա-Մելքին:

— Հայ-հայ, մօտիկ տեղից եկայ:

Տես, սրտեղից հիմի կը դամբարան

Ու վեր կացաւ, կանգնեց հրական,

Իր ձին հեծաւ երկրորդ անգամ:

Երկրորդ անգամ քշեց Հալաբ:

Ու քաց թողեց ձին Հալաբից:

Բուք վերկացաւ, տեղ ու տարափ,

Արար աշխարհ գոգաց թափից:

Եկաւ զարկեց, զարկի ձէնից:

Մօտիկ մարդիկ ողջ խըլացան:

— Գրնաց Դաւիթ Սասմայ տանից,

Գուժեց գոռոց Մըսրայ արքան:

— Կենդանի եմ, գոռաց Դաւիթ:

Մին էլ արի — հերթն ինձ հասաւ:

— Հայ-հայ, մօտիկ տեղից եկայ,

Կանչեց Մելիք ու վեր կացաւ:

Երրորդ անգամ հեծաւ իր ձին,

Գրնաց մինչև հողը Մըսրայ:

Ու էնտեղից՝ գուրգը ձեռին՝  
Քըշեց, եկաւ Դաւիթ վըրայ:

Եկաւ, զարկեց բոլոր ուժով:

Ծանր զարկով հրակայական,

Փոշին ելաւ Սասմայ դաշտից,

Բըռնեց երեսն արեգական:

Երեք զիշեր ու երեք օր

Կանգնեց փոշին ամպի նման,

Երեք զիշեր ու երեք օր

Բօթը տուին Դաւիթ մահուան:

Երբոր անցաւ երեք օրը,

էն ամպի պէս կանգնած փոշում

Կանգնեց Դաւիթ, ինչպէս սարը,

Գըրգուռ սարը մէկ-մըշուշում:

Մելիք, ասաւ, ունի է հերթը...

Սարսափ կալաւ գոռ Մելիքին,

Մահուան գողը ընկաւ սիրարը,

Ու տաս պարաւ գոռոց հողին:

Գրնաց, խորունկ մի հոր փորեց,

Իջաւ, մըտաւ վրէն էն խաւար,

Վըրէն քաշեց քառասուն կաշի

Ու քառասուն ջագացի քար:

Մըռնչալով ելաւ տեղից

էն առիւծի առիւծ որդին,

Իր ձին հեծաւ, ու փոթորկեց,

Խաղաց, շողաց թուր-կայծակին:

Առաջ վագեց՝ մագերն արձակ՝

Մելքի պառաւ մայրը ջագու:

— Գաւիթ, մազըս առ ոտիդ տակ,  
էդ մի գարկը ինձ բաշխիր դու...

Երկրորդ անգամ թուրը քաշեց,  
էս անգամ էլ վազեց քուրը.

— Գաւիթ, եթէ կուզես, կանչեց.  
Իմ սրտին գարկ երկրորդ թուրը...

Վերջին գարկի ժամը հասաւ,  
Ելաւ Գաւիթ երրորդ անգամ.  
— Էս մի գարկն ու Աստուած, ասաւ...  
էլ մարդ չըգայ, պէտք է որ տամ:

Ասաւ, ելաւ ու փոթորկեց,  
Թըռաւ, ցոլաց Գաւիթի հուր ձին,  
Ձին փոթորկեց, փայլատակեց,  
Ու ցած իջաւ թուր-կայծակին:

Անցաւ քառսուն դոմշի կաշին,  
Անցաւ քառսուն քարերը ցած,  
Միջից կըսարեց ժանտ հըրէշին,  
Օխտը դազ էլ դէնը գընաց:

— Կենդանի եմ, մին էլ արի,  
Գոռաց Մելիք հորի տակից.  
Լսեց Գաւիթն ու զարմացաւ  
Իրեն գարկից, թուր-կայծակից...

— Մելիք, ասաւ, թափ տուր մի քեզ...  
Ու թափ տուաւ Մելիքն իրեն,  
Միջից եղաւ ձիշտ երկու կէս,  
Մէկն ընկաւ դէս ու միւսը դէն...

Յովհ. Թումանեան.

## Ա Շ Ո Ի Ղ Ն Ե Ր

## 103. Քուչակ Նահապէտ

Տաղիկներու փոքրիկ հաւաքածուն, որ մեզի մնացած է Նահապետ Քուչակէն, ամենէն մաքուր ադամանդն է, զոր մեր հին զբաղանուծիւնն արտադրած ըլլայ, և ապշեցուցիչ բան մըն է, որ այդ գործը, ինչպէս և անոր հեղինակին անունը, մինչև ցարդ անծանօթ մնացած ըլլայ ոչ միայն մեր հասարակութեան, այլև նոյնիսկ մեր գրագէտներուն:

Ոչ մէկ կենսագրական ծանօթութիւն չունինք, դրժբաղդաբար, Քուչակի վրայ: Կը կարծուի, որ ծնած և ապրած է ԺՁ դարու առաջին կիսում, Վանայ մօտ, Խարակոնիս գիւղում, ուր և թաղուած է:

Իբրև հեղինակ այս տաղաշարքին, Քուչակ կը դառնայ մեզի համար ամենէն ինքնատիպ և ամենէն անուշ երգիչը հին հայութեան, շատ բարձր միջնադարեան բոլոր միւս ծանօթ քերթողներէն, Կրիգոր Այթամարցիէն, Մկրտիչ Նաղաշէն, Յովհ. Թլկուրանցիէն, Ֆրիկէն, Սեբաստացի Ղազարէն, նոյն իսկ բարձր Շնորհալիէն և բոլոր մեր միւս դասական բանաստեղծներէն, իրեն հետ բազդատուելու արժանի ունենալով միայն Գրիգոր Նարեկացին, որի միատիքական մղձաւանջին, քրիստոնէական խաւարտչին եղերգութեան ձայնն է, ինչպէս Քուչակը՝ անկաշկանդ ու սիրով արբշիռ սրտին հրճուանքներուն, ցաւերուն, երազանքներուն ու խոհանքներուն անմահ գայլայլը:

Ա. Չորանեան

## 104. ՍԻՐՈՅ ԵՐԳԵՐ

Ծիծեռնակի ձագ լինէի, ցերեկը տունըդ մտնէի.  
Քո բարձր լայն սրբանում ես իմ բունը շինէի.  
Հէնց որ մութը-մթանար, վայր դայի տունդ մտնէի,  
Հէնց որ լոյսը լուսանար, ելնէի բունս մտնէի:

Մեռաքսի դօտի դառած, ցերեկը մէջքդ գրկէի,  
կամ անուշ նուան գինի, ամանիդ մէջն ածէի,  
Հէնց աննէիր խմելու, ցածնայի դունչդ պահնէի:

Ձուր, գըլգըլալէն կուգաս, դետի թոր <sup>1)</sup> ակնէն կուգաս.  
Երթաս այդ ձորերդ ի վայր, ձայնդդ գայ ու դուն չերևաս.  
Գիտեմ սիրու տէր ես դուն, օտար աշխարհ կու գնաս,  
Երթաս ու սիրուդ համնիս, գիշերն ի քուն չի լինաս <sup>2)</sup>:

Երեսդ ինչո՞ւ է գեղնել, այտերիդ գոյնը գնացել,  
Հօ քօ որդին չէ մեռել, կամ օտար երկիր գնացել.  
Թէ ես լամ, հախ ունիմ, որ գիտեմ, ինչ եմ կորուցել.  
Կորել է իմ հոգուս հոգին, անհոգի եմ մնացել:

Երեսդ է լուսնի նման, խոպոպներդ է սև գիշեր,  
Այտերդ գրախտի ինձոր, ծովի պէս խոր են քօ աչեր.  
Ունքեր կեռ ու մեռ ունիս, թուխ աչեր, թարթիչդ է նետեր,  
Բերանդ է կարմիր շաքար, մէջը լիքը մարգարիտներ:

105. Խ Ր Ա Տ Ա Կ Ա Ն

Այն օրը որ մօրէդ ծընար, դու լայիր՝ ամեն խնդային.  
Հէնց մաքուր ել այս աշխարհէն, որ երկիր լայ՝ դու ծիծաղիս:

Արի, որ մի խրատ տամ, թէ խելք ու միտք ունիս, լլսէ՛,  
Անդէտի հետ մի դատի, թէ կուդ հազար էլ քեզ սիրէ:  
Անգէտն նրման է հուրի, ուր ընկնի՝ այնտեղը կայրէ,  
Գիտունը նրման է շուրի, ուր երթայ կանաչ կը բուսնի:

106. Պ Ա Ն Դ Ո Ի Խ Տ Ի Ն

«Գնամ ու գնամ», կասէր որդիս, չհաւատացի.  
Երբ «մնաս բարով» առաց, կասկածեցի.

<sup>1)</sup> Մաքուր. <sup>2)</sup> Ձեռ լինում: Այս հատուածի լեզուն բնագրին համապատասխան է:

Երբ ոտն սասանդակեց, ես զարմացած մընացի.  
Այլ բան չը կարցայ ասել, «ուր որ երթաս, ճամբադ բարին»:  
Այն ճամբան որ դու երթաս, վարդ ու մուրա առջևդ  
բուսնին.

Այն քաղաքը որ դու մանիս, գրողի ձայնը չհամնի.  
Այն խնջոյքը որ դու նստիս, գուլթներդ գինով լըցւի.  
Ծովերը գինի դառնան, իսկ նաւերը ճաշերով լի:  
Զուշակ

107. Մ Ա Յ Ե Ա Թ Ն Ո Վ Ա

Սայեաթ-Նովան ծնաւ Թիֆլիզ, մօտ 1712 թ.: Նրա հայրը Հալէսցի էր և Թիֆլիզում ժամկոչ, մայրը Հաւլաբարցի էր: Ս. Նովայի անունը Արութիւն էր. պատիկուց նրան տալիս են շուրհակի մօտ: Խիստ աչքաբաց լինելով, ինքն իրա համար մի մեքենայ է հնարում, կտաւը հեշտութեամբ դործելու համար: Փոքրուց, պաս պահելով, ականջ է դնում ամեն խաղ ասողի և «Ս. Կարապետի կարողութիւնով» սովորում է քամանչա և ջօնգուր անել: Վերջը բոլորովին թողնում է շուրհակութիւնը և իրան նւիրում է աշուղութեան, երգելով թուրքերէն, վրացերէն և հայերէն: Նա այնքան հռչակ է ստանում, որ դառնում է Հերակլ թագաւորի պալատական երգիչ, իսկ նրա ժողովրդականութիւնն այնքան մեծ է, որ մինչև այսօր, մահից հարիւր և աւելի տարիներ յետոյ նրա երգերն և անունը քաջածանօթ են ամեն մի Թիֆլիզեցու: Թիֆլիզեցոց քէփի և ուրախութեան անհրաժեշտ զարդն էր նա, և ով ուզում էր ուրախութիւն տեսնել, Սայեաթ-Նովին էր լսում: Նա արժանի էր ժողովրդի սիրուն ու համակրանքին. ուրախ ու վառվռուն երգերի հետ, նա շատ բարձր էր հասկանում իր նշանակութիւնը և խրատն ու բարի խորհուրդն անպակաս էր անում ժողովրդից. նա իրան ժողովրդի «նօքար» էր անուանում. «արի, համով դուրուդ արն, խալխի նօքար Սայեաթ-Նովա, ով քեզի լեզի պարզելի, դուն սուր շաքար, Ս. Նովա»:

Նա խրատ էր տալիս. «ամօթ սիրէ, ազաբ սիրէ, ան սիրէ և կամ գիր սիրէ, գրիչ սիրէ, դաւթար սիրէ»:

Մէկ էլ, ձանձրացած աշխարհի կեանքից ու վայելքներից, նա ասում է. «կու հագնիմ մազեղէն, կու հագնիմ շալն, կերթամ ու ման կսուգամ վանքերն մէկ-մէկ», և նա թողնում է տուն, ընտանիք, չորս դուակներն ու զնում Հաղպատ, ձեռնադրուում վարդապետ:

Նոր իմացան Թիֆլիզցիք, թէ ի՞նչ կորուսա ունեցան Սայեաթ-Նովի գնալով, որովհետև նրանց կարծիքով նրա նման աշուղ էլ չէ եղել: Պատմում են, որ մի աշուղ գալով Թիֆլիզ, յաղթում է բոլոր աշուղներին և սազները խլում: Սայեաթ-Նովան որ լսում է, գալիս է Թիֆլիզ, հագնում աշխարհիկ շորեր և հէնց մէյդանի կամուրջի տակին, սառած Քոն վրայ նստած՝ վէճի է բռնում նորեկ աշուղի հետ, յաղթում է նրան, հայրենի քաղաքի պատիւը կրկին հաստատելով:

Ադա Մամադ Սանը 1775 թ. երբ տիրում է Թիֆլիզին, Սայեաթ-Նովան դռնուում էր Ս. Գէորգ եկեղեցուում. պարսիկներն յարձակում են նրա վրայ և ստիպում, որ հաւատն ուրանայ. «չխմանամ քիլիսագան, դոնմանամ Խսադան», (եկեղեցուց դուրս չեմ գայ, հաւատս չեմ ուրանայ) պատասխանում է և նահատակում պարսիկներին ձեռքով գրեթէ 80-ամեայ ծերունի:

Սայեաթ-Նովան մեր աշուղների մէջ ամենից յայտնին և ամենից նշանաւորն է, նա աշուղական տախտիկ և արհեստական դարձած ձևերի մէջ գնում է խորին զգացմունք և աշխոյժ. նա միևնոյն ժամանակ խորին համոզմունքի և գաղափարի աէր մարդ էր, որ քիչ է պատահում բանաստեղծների մէջ: Թողնել սազն ու քամանչան, թագաւորի պալատն ու ժողովրդի ուրախութեան սեղանները և գնալ մանեկ վանք աղօթելու համար, մարտիրոսական մահ ընդունել հաւատի համար, այնքան հմայիչ ու զրաւիչ սէր երգելուց յետոյ, դա սովորական մարդու գործ չէ, այլ մի անհատի, որ զիտէ և կարողացել է իր քարոզածը իր կեանքի գնով ապացուցանելու:

## 108. Խ Ր Ա Տ

Սրի ինձ անգաճ կալ, այ դիվանա սիրտ,  
Հայա սիրէ, ազաբ սիրէ, ան սիրէ:

Աշխարքս քունն ըլի, ի՞նչ պիտիս տանի՝  
Մատուած սիրէ, հոգի սիրէ, եսը սիրէ:

Էն բանն արա՛ վուր Աստու շարքումն է,  
Սրատնիրըն՝ գրած Հարանց վարքումն է.  
Երիք բան կայ՝ հոգու, մարմնու կարգումն է՝  
Գիր սիրէ, զալամ սիրէ, գաւթար սիրէ:

Ե՛կ, արի, սիրո, մի կենա դուն մէ դամաղի,  
Հալալ մտիկ արա՛ հացի ու աղի.

Հէնց բան արա, մարդ վըրէդ չծիծաղի՝  
Սրբան սիրէ, սաբըր սիրէ, շար սիրէ:

Հըպարաութիւն չանիս՝ դուր կու դաս տէրիդ,  
Սոնարութիւն արա՛ քանց քիդ գէվէրիդ.

Աստուած դիվունանցը մին հոգի էրիտ՝  
Աղքատ սիրէ, դոնադ սիրէ, Օտար սիրէ:

Սայեաթ-Նովա, էրնէկ քիդ թէ էս անիս,  
Հոգուդ խաթրի, մարմնուդ ումըրը կէս անիս.

Թէ գ՛ուզիս վուր դատաստան չտեսանիս՝  
Վանք սիրէ, անապատ սիրէ, քար սիրէ:

1735 թ. 1 մայիսի:

\*\*\*

Դուն էն գլխէն իմաստուն իս, խելքդ յիմարին բար մի անի,  
Էրագումն տեսածի հիդ միդ մէ հէսար մի անի.  
Ես իսմ էն գլխէն էրած իմ, նուրմէկանց քարար մի անի.  
Թէ վուր, գիդիմ, բէգարիլ իս, ուրիշին սարար մի անի:

Չկայ քիդ պէս հուքմի հէքիմ, դուն Ռոստոմի Զալ թագաւոր,  
Ազգըդ ազգերումն դոված, համ դուն իս դոզալ թագաւոր.  
Թէ հսէնց էլ սուչ ունենամ՝ գրուխս արա՛ տալ, թագաւոր,  
Մըտիկ արա՛ քու Ստեղծողին, նահախ տիդ դազար մի անի:

Քանի կուզէ քամին տանէ՝ ծովէմէն սուազ չի պակսի.  
Թէկուզ ըլիմ, թէկուզ չըլիմ, մէջլիսնսերուն սազ չի պակսի.  
Թէ կու պակսիմ, քիզ կու պակսիմ, աշխարիս մէ մազ չի պակսի.  
Սայեաթ-Նովու գերեզմանն Հինդ, Հաբաշ, Արաբ մի անի:

110. ԵՐԳՉԻ ՊԱՐՏԱՃԱՆԱԶՈՒԹԻԻՆԸ

Արի, համով դուրուզ արն, խալխի նօքար Սայեաթ-Նովա,  
Ամեն ժարգ չի կանա ճանգի շահով շքար, Սայեաթ-Նովա.  
Ո՛վ քիզի լեզի պարզէի, դուն տու շաքար, Սայեաթ-Նովա,  
Ղաստ արն, շուշեդ չկոտրին, չխրփին քար, Սայեաթ-Նովա:  
Թէկուզ դպրատանըն պահ տաս, ծեծով չի խրատի խիւըն,  
Ինչրու անձնէն չդուրս էհայ անախտելի էն չար դիւըն.  
Բէդասըն ասըլ չի դառնայ, թօլով չի սիպտակի սիւըն,  
Ծուռ փէտն չի դրօտի ունտան, դուրդեար Սայեաթ-Նովա:  
Թէկուզ իմանաս, գիտենաս աստղերու համբարքն սիրուն,  
Անբարի գործն կորած է, կարգն Հարանց վարքն սիրուն.  
Աւետարանի խօսքերն, ժարգարիտ է կարգն սիրուն,  
Մի ածի խողի առջիւն լալ ու գովար, Սայեաթ-Նովա:  
Վուրտիդ հարսնիք, վուրտիդ սուդ, վուրտիդ սօյրաթ  
խազ է ըլում.  
Վուրտիդ ժած, վուրտիդ պատարազ, վուրտիդ սիրով տաղ է ըլում,  
Թէ վուր հոգուդ կամքն իս անում, ժարմինդ բէդամազ է ըլում,  
Վուր մէ դարդին կու դիմանաս դուն, շրատար Սայեաթ-Նովա:  
1758 թ.

Սայեաթ-Նովա

\* \*

Ասում ես՝ դիմացիր, մնց դիմանամ, միթէ ես եմ քար,  
Դարդիս արս մէկ ճար:  
Կեանքըս մաշել ես բոլորովին, ամենը խաբար,  
էս ցաւն է դրժար:  
էսքան նեղութիւն ինձի մի տար անողորմաբար,  
Ո՛վ դու իմ սիրահար:  
Շատ վախտ է քաշում եմ կարօտըդ, չես գալիս երես,  
Մինչ երբ դիմանամ ես:

Իմ անբախտութիւնը ինձի բաւ է՝ մի անիլ էդպէս,  
Կեանքըս արեցիր կէս:  
Ողորմութիւն արն աղքատիս, քաշի, մօտըդ տար—  
Տանջիլ մի չարաչար:  
Վախտ որտում ես, վախտ ամպում ես, վախտ մթնում ես  
շատ,  
Անձրեում ես կաթ-կաթ:  
Վախտ բարկանում ես, վախտ նեղանում, կամենում ես  
ինձ չար,  
Սարսափում է աշխարհ:  
Չարակամների խօսքերն քեզ խրատ ես արել,  
Խիստ շատ վատ ես արել,  
Ուրիշների հետ սէր անելը աղաթ ես արել,  
Ինձի եազ ես արել:  
Ես իմ բաղդից եմ գանգատաւոր, միշտ ե մուղարար,  
Ինձ չի տալիս դադար:  
Անգին պարզկիցդ պարզեւեա քոյոց գքոյս,  
Բողբոջ ես նօրարոյս:  
Ե՛կ, սէր իմ ազնիւ, աղաչում եմ, խղճն, խղճարոյս,  
Տուր բաւականին յոյս:  
Էլ ինքըդ էս անտանելի ցաւին գըտիր հընար,  
Ինձ մի թողիր անճար:  
Ցաւերըդ ինձ եղ տալիս, ուրիշներին քաղցր խօսքերըդ,—  
Ինձ է՛ս է քու խէրըդ:  
Ինձնից աւելի, սաս տեսնեմ, ո՞վ է քու տէրըդ,  
Ինձ նա տայ քու սէրըդ:  
Գու քու գարդերըդ լաւ դիտես, խեղճ Ազամ-Ազբար,  
Խալխն ի՛նչ է խաբար:

Ազբար-Ազամ

112. Է Ջ Մ Ի Ա Ծ Ի Ն

Էջմիածին խիստ սիրուն պայծառ տեսի,  
Երկու հարիւր կանթեղ՝ յիսուն ջահ տեսի,  
Դիփ ամենը ջերկա ջերկա վառ տեսի,  
Վաթսուն աւել հէնց ոսկէ բուրվառ տեսի,  
Լուսաւորչի սաճարն մարմար տեսի:

Մարմար բարից շինած էր աւագանն,  
Բերին գրին տաներկու գաւազանն,  
Որ խաչով խաչակնքեց Սրբազանն,  
Ինքն իրան եփեց մեռոնի զագանն.  
Համբուրեցի մէկ էսպէս հնար տեսի:

Ուրաւ 'ին եկել Հիւսիսոյ մինչ 'ի Հարաւ.  
Դիփ լի էին, ոչ սոված 'ին ոչ ծարաւ.  
Տաններկու եպիսկոպոս թափոք արաւ,  
Տիրացուների ձայնը խելքս տարաւ,  
Նրանց ժամ ասելն-ուրիշ բառ տեսի:

Հոփսիմէն, Շողակաթն, Գայիանէն—  
Երեքն էլ խիստ զօրաւոր նշան են.  
Մեծ ու փոքր հինգ հարիւր միաբան են,  
Աջով, խաչով սիրուն պատարագ կանեն,  
Երեք հարիւր ոսկէկապ շուրջառ տեսի:

Միակին Բուրջին ասում է՝ չիլիլ հատը,  
Սուրբ Լուսաւորիչն է սուել խրատը,  
Որ անիծեց՝ խոզ դարձաւ Տրդատը.  
Ոսկի արծաթ պատկեր է ամեն պատը,  
Աբրշումէ խալիչէքն դառ տեսի:

113. ՊԱՆԴՈՒԽՏ ԱՌ ԿՌՈՒՆԿ

Կոսնկ, ուստի կուգաս, ծառայ եմ ձայնիդ.  
Կոսնկ, մեր աշխարհէն խապրիկ մի չունիս.  
Մի վագիր՝ երամիդ շուտով կը հասնիս.  
Կոսնկ, մեր աշխարհէն խապրիկ սի չունիս:

Թողեր եմ ու եկեր մըքերս ու այգիս,  
Քանի որ ան կ'անեմ, կու քաղուի հոգիս,  
Կոսնկ, պահ մը կացիր, ձայնիկդ ի հոգիս.  
Կոսնկ, մեր աշխարհէն խապրիկ մի չունիս:

Սրտերնիս կամեցաւ, ելանք գրնացինք,  
Այս սուտ աստըւորիս դարգերն իմացինք,  
Աղունացկեր մարդկանց կարօտ մնացինք.  
Կոսնկ, մեր աշխարհէն խապրիկ մի չունիս:

Աստըւորիս բաներն կամաց կամաց է.  
Ղարիպին սիրան է խոց, ջիգեարն է վարամ,  
Կերած հացն է լեղի ու ջուրն է հարամ.  
Կոսնկ, մեր աշխարհէն խապրիկ մի չունիս:

Ոչ ըզուր օրն գիտեմ, ոչ ըզկիրակին,  
Ձարկած է գիս շամփուրն, բըռնած կըրակին.  
Այրիլս չեմ հոգար՝ ձեզնէ կարօտ եմ.  
Կոսնկ, մեր աշխարհէն խապրիկ մի չունիս:

Աշունն է մօտեցեր, գնալու ես Թէպդիր,  
Երամ ես ժողվեր հազարներ ու բիւր.  
Ինձ պատասխան չտուիր, ելար գնացիր.  
Կոսնկ, մեր աշխարհէն գրնան, հեռացիր:

Ժողովրդական քանաստեղծութիւն

114. ԵՐԳ ՇԻՆԱԿԱՆԱՏ

Կունակն անուշ, հոգն անուշ,  
Շինականի քունն անուշ.  
Ծագեց լուսնակն երկընուց,  
Հովիւի փողն էր անուշ:  
Հօտաղն եգներ կարածայ,  
Մաճկալ պառկեր, քունն անուշ:  
Ջրզրզուն քամին կը փչէ,  
Ծովային հոջն էր անուշ:  
Դաշտեր, ձորեր մընջեր են,  
Ջրեր գըլգըլան, ձէնն անուշ.  
Հաւքեր թառան իրենց բուն,  
Բըլբուլի տաղն էր անուշ.  
Անմահական հոտ բուրբեր,  
Քաֆուր վարդի հոտն անուշ:

Ժողովրդական սրգ

ՎԵՐԱԾՆՈՒՆԳ ԵՒ ԱՐԵՒՄՏԵԱՆ ԲԱԺԻՆ

215. ՎԵՆԵՏԻԿԻ ԵՒ ՎԻԵՆՆԱՅԻ ՄԽԻԹԱՐԵԱՆՆԵՐԸ

Վենետիկի նշանաւոր հնութիւնները և յիշատակաւորանները դիտելուց յետոյ՝ զբօսասէր ճանապարհորդներէից քչերը միայն կը հեռանան այդ «ծովերի թագուհի» մայրաքաղաքից՝ առանց այցելելու Ս. Ղազարի կղզին, որտեղ, անցեալ դարու առաջին քառորդում շատ դժպտտեհուցութիւններէից և թափառումներէից յետոյ՝ ապաստան դասու մի փոքրիկ հայկական դպրութիւն: Ս. Ղազարի կղզու մեծահամբաւութեան մասին վկայում են թէ այցելուների ստուար մատենանք, որտեղ մենք կարող ենք կարդալ զանազան ազգութիւններին պատկանող անձանց անունները, և թէ դէպի կղզին անդադար զիմող գոնգոնների երամբ:

Մխիթարեան մենաստանի հիմնարկութիւնը տեղի է ունեցել անցեալ դարու առաջին քառորդում, երբ 1717 թ.ին Վենետիկեան հանրապետութեան հրամանագրով ս. Ղազարի կղզին, որ երբեմն բորոտների ապաստարան էր, յանձնուում է ի մշտական սեփականութիւն Մխիթար վարդապետին և նրա աշակերտներին, որոնք ուր էին գրել Վենետիկ զրանից երկու տարի առաջ յունական Միթոնէ քաղաքից (Պելոպոնէզոսի հարաւ-արեւմտեան մասում), որտեղ նրանք շարունակ ենթարկուում էին վտանգների թուրք խաժամութ զօրքերից: Բայց ո՞վ էր հեռաւոր Հայաստանի այդ գաւակը - Մխիթարը:

Մխիթարը ծնուել է Փոքր-Ասիայի Սեբաստիա քաղաքում 1676 թ. փետրուարի 7-ին. նրա հօր անունը Պետրոս Մանուկեան էր և մօր անունը՝ Եարհիստան: Պատանի Մանուկը (այդպէս էր Մխիթարի անունը մինչև հոգևոր կոչում ընդունելը) երկու բարեպաշտ կանանց դաստիարակութեան և խնամքի տակ մեծանալով՝ որոնց բարերար ազդեց. սթիւնն իր վրայ նա միշտ զոհունակութեամբ կոստովանում էր, ցոյց էր տալիս մի առանձին սէր դէպի ուսումն և, զուգընթացաբար, հակումն դէպի կրօնաւորու-

թիւն: Սարկաւազ ձեռնադրուելուց յետոյ՝ Մխիթարը մի փոքր ժամանակ մնաց Սեբաստիայի Ս. Նշանի վանքում, որտեղ նա ուսումնասիրում էր Ս. Գիրքը, մինչև որ նրան ներկայացաւ բարեյաջող առիթ ս. էջմիածին ուղևորուելու: Ս. էջմիածնում Մխիթարը հիւանդացաւ և երկար չկարողացաւ մնալ: Այստեղից սեբաստացի մի բարեկամի հետ նա Սևանայ վանքը մեկնեց, բայց այստեղ ևս Մխիթարին վիճակուած չէր երկար մնալու, որովհետև ամայի կղզու կեանքը չէր կարող գոհացում տալ նրան: Անցնելով Երևան, հայրենիք վերադառնալու գիտաւորութեամբ՝ նա ընդհատեց իր ճանապարհը Հասան-Կալայում, որտեղ Ս. Աստուածամօր վանքի վանահայրը առաջարկեց նրան դասատուի պաշտօն վանական դպրոցում: Մէկ տարի ու կէս մնալով այս պաշտօնի մէջ՝ Մխիթարը, ինչպէս հաւատացնում են նրա կենսագրողները, հնարաւորութիւն ունեցաւ մօտէն ծանօթանալու կաթողիկ եկեղեցու դաւանաբանութեանը, որովհետև այս կողմերում մանաւանդ Կարինում, պապական պրոպագանդան մեծ ծաւալ էր ստացել: Կարինում Մխիթարը ծանօթացաւ մի անձնաւորութեան հետ, որ եղել էր Հոռոմում. սա պատմեց Մխիթարին պապի հզօրութեան, նրա պալատի շքեղութեան, յաւիտենական քաղաքի տաճարների փարթամութեան և վեհութեան մասին: Այս պատմութիւնները, անշուշտ, զիւրազգաց երիտասարդի վրայ ունեցան իրանց ազդեցութիւնը: Կարինից Մխիթարը ճանապարհ ընկաւ Երուսաղէմ, որտեղից նա մտադիր էր ուղևորւել Իտալիա, սակայն նրա բաղձանքը անկատար մնաց. ճանապարհին նա հիւանդացաւ և 1695 թ. վերադարձաւ հայրենիք: Յաջորդ տարին այս ուղևորած երիտասարդը Կարինում վարդապետ ձեռնադրուեց: Իր շրջապայութեան ժամանակ Մխիթարը մօտէն ծանօթացել էր իր հայրենակիցների հոգևոր պէտքերի հետ և այդ ժամանակներն է, որ նրա մէջ յղանում է մի միտք՝ հիմնել մի կրօնական-գիտական ընկերութիւն, որի նպատակը լինէր պատրաստել քարոզիչներ և ուսուցիչներ հայ ժողովրդի համար: Բայց մի այդպիսի ընկերութիւն կազ-

1696 թ.  
20 օգոստոս

մելը Մխիթարի ոյժերից վեր էր, մանաւանդ որ նա ինքը զբա համար բաւարար կրթութիւն չունէր, ուստի նա ուղևորուած է Կ. Պօլիս և յայտնում է իր մտադրութիւնը Պաշատուր վարդապետին, որը ուսել էր կաթողիկոսների դրսւրոցում և յայտնի էր իբրև գիտնական և եռանդոտ անձն: Փոխանակ խբախուսելու և աջակցութեան՝ Պաշատուր վարդապետը զանազան արգելիչ հանգամանքներ մէջ բերելով, մերժեց Մխիթարի ծրագիրը և վերջինս դարձեալ ձեռնունայն վերադարձաւ հայրենիք 1698 թ.: 1700 թ.ին Մխիթարը կրկին գալիս է Կ. Պօլիս իր աշակերտների հետ. այդ ժամանակ Թիւրքիայի մայրաքաղաքի հայ հոգևորականութիւնը կատաղի կռիւ էր մղում հայ ժողովրդի մէջ տարածուող կաթողիկ պրոպագանդայի դէմ: Մխիթարը՝ հէնց այդ ժամանակ իր լատիներէնից թարգմանած մի քանի հրատարակութիւնների պատճառով հայ հոգևոր իշխանութեան կողմից կասկածի տակ ընկաւ, այնպէս որ նա ստիպուած էր ուժամանակ արձակել իր աշակերտներին և պատրաստուել Կապուցիւնների վանքում: 1701 թ.ի սեպտեմբերի 8-ին նա կազմում է իր աշակերտներից մի վանական միաբանութիւն, որի նպատակը պէտք է լինէր՝ ուսումնասիրել բոլոր հարկաւոր գիտութիւնները և նպաստամատոյց լինել հայ ժողովրդի հոգևոր պէտքերին: Ամենայնարմար երկիրը, որտեղ միաբանութիւնը կարող էր հաստատուել, համարուած է Վենետիկի իշխանութեան տակ գտնուող Մորէան: Վերջապէս բազմաթիւ արկածներից և վտանգներից յետոյ Մխիթարը իր աշակերտների հետ փոխադրուած է այստեղ: Մխիթարի խնդրանք Վենետիկի կառավարութիւնը ապրիս է նրան հող՝ վանքը կառուցանելու համար, և երկու կալուածք, որոնց եկամուտներով միաբանութիւնը պէտք է պահպանէր իր գոյութիւնը: Երբ Վենետիկեան հանրապետութեան սահմաններում նոր հաստատուած միաբանութեան լուրը հասաւ Հռոմ, Մխիթարը հարկադրուած եղաւ միաբանութեան կանոնադրութիւնը ներկայացնել պապական իշխանութեանը և ձեռք բերել նրանից վաւերացում 1712 թ.: Այս հանգամանքներում յա-

կամայիցս, ինչպէս կարծում են կենսագրողները, տեղի ունեցաւ Մխիթարի յարումն կաթողիկ եկեղեցուն և պապի գերիշխանութիւնը ընդունելու անհրաժեշտութիւնը:

Սակայն Մխիթարին և նրա աշակերտներին երկար չյաջողուեց մնալ Մորէայում: Թիւրքիայի ու Վենետիկի մէջ ծագած պատերազմը ստիպեց Մխիթարին թողնել Մորէան և որոնել նոր ապաստարան: 1715 թ. նա իր աշակերտները հետ դալիս է Վենետիկ: Վենետիկի հանրապետութեան ծերակոյտը չմերժեց իր հովանաւորութիւնը փոխատականներին. թիւրքերից յափշտակած հողերի փոխարէն որոշեց տալ Մխիթարին ի մշտական սեփականութիւն ս. Ղազարի կղզին, որ հետու չէր նոյն իսկ Վենետիկից, բայց քաղաքի սահմաններից դուրս էր համարուած: 1717 թ. սեպտեմբերի 8-ին՝ միաբանութեան հաստատման տարեդարձի օրը, Մխիթարը փոխադրուեց կղզին և ձեռնամուխ եղաւ վանական շինութիւնների կառուցմանը. թէ Վանական կառավարութեան և թէ մասնաւոր նուիրատուների նպատանքի շնորհիւ Մխիթարեաններին այս անգամ յաջողուեց Իսալիայի հողի վրայ աւելի հաստատուն հիմք դնել: Երեսուն տարուց աւելի Մխիթարը անցուց ս. Ղազարի կղզու վրայ, բոլորովին նուիրուած լինելով նրան բարեկարգելու հոգսերին: Կառուցուելիք շինութիւններին վերահասու լինելով՝ նա գտնում էր ժամանակ զբաղան աշխատութիւնների համար ու հետամուտ էր լինում իր աշակերտների զբաղմունքներին. 1749 թ.ի ապրիլի 27-ին, 74 տարեկան հասակում, Մխիթարը կնքեց իր բազմաթիւն և ճակատագրի փափոխականութեանը մասնուած կեանքը: Տարէցտարի Մխիթարեան միաբանութիւնը բարեկալուած էր, սրա հետ միասին և աւելանում էր նրա անդամների թիւը: Ասիայի և Եւրոպայի զանազան տեղերից դիմում էին Վենետիկ աշակերտներ՝ ս. Ղազարու վանական վարժարանում Մխիթարի ղեկավարութեամբ կրթութիւն ստանալու համար: Միաժամանակ հարստանում էր և մատենադարանը, որը այժմ հսկայական ձեռագիրների քանակութեան նկատմամբ՝ ս. Էջմիածնի մատենադարանից յետոյ

Վառաջին տեղն է բռնում. հիմնուեցաւ ևս տպարան, որը լոյս է ընծայել շատ ընտիր հրատարակութիւններ և անխոնջ աշխատում է մինչև այժմ: Անցնենք այժմ Մխիթարեանների գործունէութեանը:

Հայոց գրականութիւնը և լեզուն XIV դարուց սկսած հետզհետէ անկման էր մօտենում և հայ ժողովրդի կըրթութիւնը զգալի կերպով ցած իջնում: Առանձին անհատների փորձերը՝ բարձրացնել լեզուն, գրականութիւնը և կըրթութիւնը կատարեալ անկումից ոչ մի արդիւնաւէտ հետևանք չէին ունենում: Մխիթարեանները, որոնց զխաւոր նպատակներից մինն էր հայ լեզուի մշակումը, ամենայն եռանդով սկսեցին ուսումնասիրել, մշակել և մաքրել գրաբարը և այդ բանի համար նրանք հրատարակեցին մի շարք քերականական ձեռնարկներ և բառգրքեր: Առաջին լիակատար քերականութիւնը գրաբարի, որ արժանի է այդ անուան, կազմուած է հայր Միք. Չամչեանի ձեռքով: Քերականական աշխատութիւններին կից պէտք է յիշել նոյնպէս բառարանների վերաբերեալ աշխատութիւնները. գեո ինքը Մխիթարը, իր միւս աշխատութիւնների թւում, թողեց երկհատոր բառգիրք հայ լեզուի, որ լոյս տեսաւ հեղինակի մահից յետոյ: Իր ժամանակի համար դա մի հսկայական գործ էր, եթէ ի նկատի առնենք, որ նա միանգամայն և անգրանիկ էր, իբրև այդ տեսակի աշխատութիւն: Միաբանութեան երեք անգամներ՝ Հ. Հ. Աւետիքեան, Սուրմէլեան և Աւգերեան կազմեցին նոր (որ և կոչուած է մեծ) Հայկազնեան բառարանը. այդ վիթխարի գործը գլխաւ բերելու համար պահանջուեց յիսնամեայ անգուլ աշխատանք: Գործի կէս նպատակն էր՝ առաջադրել, որքան հնարաւոր էր այն ժամանակ, ամբողջ և առձեռն ձոխութիւնը գրաբարի: Հայ պատմութեան ուսումնասիրութեան շրջանում Մխիթարեանների գործունէութիւնը նշանաւոր է, յատկապէս նրանով, որ նրանք՝ իբրև առաջինը, ժողովեցին պատմութեան վերաբերեալ շատ նիւթեր. այդ տեսակէտից կարևոր է նոյն հայր Միք. Չամչեանի աշխատութիւնը. վերջինը հրատարակեց գրաբար ընդարձակ պատ-

մութիւն Հայոց ամենահին ժամանակներից սկսած մինչև 1784 թ. երեք ռուսար հատոր in 4: Հայ աշխարհագրութեան և հնախօսութեան վերաբերեալ երկերից նախ պէտք է յիշել հայր Ինձիձեանի հիմնական աշխատութիւնները՝ «Աշխարհագրութիւն Հայոց» և «Հնախօսութիւն Հայոց»: Վերջին ժամանակների պատմական-աշխարհագրական աշխատութիւնների մէջ խիստ կարևոր տեղ են բռնում գիտնական բանաստեղծ հայր Գ. Այիշանի երկերը՝ Սիսուան, Այրարատ և Սիսական, որոնք ներկայացնում են կիլիկիայի, Այրարատեան և Սիւնեաց նահանգների նկարագրութիւնները: Հայ գրականութեան պատմութիւնը նոյնպէս սկիզբ է առել Մխիթարեանների մէջ. գեո 1829 թ. արբահայր Սուքիաս Սոմալը հրատարակեց եւրոպական լեզուով հայոց գրականութեան վերաբերեալ առաջին համառօտ աշխատութիւնը, իսկ աւելի մշակուած գործ ներկայացնում է հայր Չարբանայեանի երկհատոր պատմութիւնը Հայոց գրականութեան: Վերջապէս Մխիթարեանները յայտնի են իբր անխոնջ հրատարակիչներ և թարգմանիչներ. նրանք ունին ընտիր թարգմանութիւններ հին և նոր լեզուներից. իբրև հրատարակիչներ՝ Մխիթարեանները մեծ ծառայութիւն են արել. նրանք հրատարակել են և հրատարակում են հին հայ գրականութիւնից բազմաթիւ յիշատակարաններ, որոնք հայ լուսաւորութեան և հրատարակչական գործի մէջ մի գարշաշրջան են կազմում՝ թէ իբրև խնամքով սպազբուած և թէ նրբաճաշակ կազմուած:

Եւրոպական գիտութեան առաջ Մխիթարեանների ծառայութիւնները խիստ զնահաաելի են այն տեսակէտից, որ նրանք մեծապէս նպաստել են հայագիտութեանը եւրոպայում: Մխիթարեանների հրատարակած քերականութիւնները, բառարանները և հին հեղինակների բնագիրները եւրոպացի գիտնականների համար միակ և լիակատար աղբիւրներն էին: Մխիթարեանները իրանց ծառայութիւններով համակրութիւն և յարգանք վաստակեցին ոչ միայն հայերի կողմից, նրանք՝ իբրև օրինակելի աշխատաւորներ, յարգուած են և նրանց ապաստան տուող Վենետիկից և ա-

պա ամբողջ գիտական եւրոպայից: Ուսումնականներից շատերը վայելել են նրանց խնամատար ուշադրութիւնը և սրտազին հիւրասիրութիւնը իրանց զբաղմունքների ժամանակ Մխիթարեանների հարուստ մատենադարանում. նրբանց հիւրերի թւում մանաւանդ պէտք է յիշել լօրդ Բայրընին, որ Մխիթարեանների մօտ ուսանում էր հայ լեզուն. այն սենեակը, որտեղ սլարապել է նա, մինչև այժմ կոչւում է Բայրընի առանձնասենեակ:

Սօսելով Վենետիկի Մխիթարեանների մասին, չի կարելի անուշադիր թողնել և Վիեննայի Մխիթարեաններին:

Կրօնական հողի վրայ ծագած տարաձայնութիւնների վախճանը, որոնց մասին երկարաբանելը մենք աւելորդ ենք համարում, այն եղաւ, որ 1773 թ.ին Մխիթարեանների մի մասը բաժանուէց և, թողնելով Վենետիկը, ուղղուէց նախ Տրիեստ, որտեղ հիմնեց իր մենաստանը՝ աշակցութիւն և հովանաւորութիւն գտնելով աւստրիական թագուհի Մարիամ Թերեզայից, և ապա 1811 թ. տեղափոխուէց Վիեննա: Այստեղ նրանք հիմնեցին գարոց ու հիւանալի սպարան, որը այժմ Վիեննայում համարւում է ընտիրներից մէկը: Վիեննայի Մխիթարեանների մատենադարանը նոյնպէս արժանի է ուշադրութեան. թէև նա հարուստ է Վենետիկցոց մատենադարանից, բայց վերջին ժամանակներս ուշի ուշով աշխատում են ճոխացնել հայկական բաժինը՝ մանաւանդ ձեռագիրների ձեւը, և կազմել ժողովածու հայ պարբերական հրատարակութիւնների. Վիեննայի միաբանութիւնն ունի և մի փոքր թանգարան, որտեղ առանձնապէս աչքի է ընկնում զրամագիտական բաժինը. կայ և հայ գրամների լիակատար ժողովածու:

Վիեննայի Մխիթարեանների գիտական գործունէութիւնը՝ համեմատելով Վենետիկցոց գործունէութեան հետ, աւելի փոքր ծաւալ ունի մասամբ այն պատճառով, որ իբր ինքնուրոյն հիմնարկութիւն, նա աւելի նորագոյն է, թէև զբանով երբէք չէ նսեմանում այդ գործունէութեան նշանակութիւնը: Վիեննայի Մխիթարեանները աւելի համբաւ ունին իբրև լեզուագէտներ. գիտական աշխատութիւնների մէջ առանձնապէս մատնացոյց անելու է արբահայր Արսէն Այտընեանի «Քննական քերականութիւն հայ աշխարհիկ լեզուի» վրայ:

Թարգ. Յ. Բաղչեան

Братская помощь Л. М.

116. ԴԵՒՈՆԻ ՎԱՐԴԱՊԵՏ ԱՆԻՇԱՆ (1826—1891) 1901

Ալիշանն աշխարհ եկաւ Պօլիս: Նրա հայրը հնազէտ սեղանաւոր էր: Հէնց զրա համար էլ նա մանկութիւնից սիրեց յարգել և զնահատել հնութիւնները, վերջը դառնալով ամենամեծ հայ հնաբանը: 1832-ին նրան տանում են Վենետիկ, Մխիթարեանների մօտ ուսանելու, ուր նա իր ընդունակութեամբ և ջանասիրութեամբ զբաւում է ամենի ուշքը:

1840-ին նա արդէն կրօնաւոր էր և մի տարի յետոյ Ռափայէլեան վարժարանի ուսուցիչ: Այս ժամանակից էլ սկսում է նրա գրական գործունէութիւնը տեւելով մինչև նրա մահուան օրը: Մի գործունէութիւն, որ իր նմանը չունի մեր մէջ, նախ իբրև վառվառն և ազգասէր բանաստեղծ, ապա իբրև բանիբուն և անխուժ պատմագէտ, հնախոյզ և աշխարհագիր:

Նա մանկութիւնից նուիրում է իրան հայ-անցեալի ուսոյթին, ուստի գնում է Հռոմ, Մանթուա, Բերլին, Լօնդօն, և ուսումնասիրելով այն ամենն ինչ որ հայերի վերաբերեալ գտնում է, զրբեր կամ ձեռագիրներ, արտագրում է կարեւոր համարուած յիշատակարանները, որոնցից նա յետոյ պիտի կազմէր իր մեծավաստակ զրբերը:

Ալիշանի առաջին գործն էր. «Քաղաքական աշխարհագրութիւն», որ պատրաստել էր ուսանող ժամանակ, ինչպէս և հետեւեալ «Տեղեկագիր Հայոց Մեծաց»-ը. 1881-ից սկսած նա հետզհետէ հրատարակեց. «Շիրակ», «Սիսուտան», «Այրարատ», «Սիսական» և այլն, որոնց ամեն մինի մէջ մանրամասն նկարագրւում է համապատասխան գաւառը կամ նահանգը պատմական, աշխարհագրական, բուսական, կենդանական և առհասարակ ամեն կողմերից: Դրանք զարգարուած են հիանալի պատկերներով և իրանց նմանը հազուադիւր է նոյն իսկ եւրոպական լեզուներում, միմիայն զբանց զինը մի քանի հարիւր բուրլի արժէ:

Թէպէտ այդ զրբերի հիւթը լուրջ-գիտական է, բայց Ալիշանը զարմանալի ընդունակութիւն ունէր այդպիսի սառը նիւթն արտայայտել բանաստեղծական խանդով և

1841թ. 15 հոկ

ողևորութեամբ: Նա չի պատմում, այլ կարծես երգում է: Բանաստեղծելիս նա պատմում է և ուսումնասիրելու կամ քննելու ժամանակ երգում ու բանաստեղծում: Գիտնականն ու բանաստեղծը, ծանր տեղական ուսումնասիրողն ու վառ-վառն երևակայողը խորին հայրենասիրի հետ հիւսուած էին նրա մէջ մի զարմանալի ներդաշնակութեամբ. և այդպէս էլ նա մնաց մինչև խորին ծերութիւնս:

Իբրև կրօնաւոր նրա բանաստեղծական խանգը սահմանափակուած էր հայրենասիրական պերճ ու ընդարձակ քերթուածները մէջ միայն. սէրը նա չէր կարող երգել, իսկ հայրենասէր երգերի ընդարձակութեամբ ու խորութեամբ նա ուսուցիչն է մեր բոլոր նոր և նորագոյն բանաստեղծները: Նրա սիրած մոտիւններն են հին հայոց փոռքը. «Կարմիրն Վարդան և բլբուլն Եղիշէ»...

Փոքր գործերից յայտնիներն են. «Յուշիկը հայրենեաց, Շնորհալի և Պարագայ իւր, Հայ-Բուսակ, Հին հաւատք Հայոց, Հայ-Վենետ, Նուազք» (հինգ հատոր) և այլն: Միայն տպած գրքերի թիւը 40-ից աւելի է. թողել է և բազմաթիւ անտիպ գործեր:

Այլիշանք իր բանաստեղծական և գիտական երգերով մի գրական հսկայ է այդ բառի լայն իմաստով. իր բազմահատոր և լայնածաւալ գործերի ընդարձակութեամբ, երգչի բազմազան և բազմաբեզուն արտագրութիւններով նա նոյն իսկ եւրոպացիների մէջ քիչ մըցակից ունի, իսկ մեր մէջ ոչ ոք: Այդ էր անհա պատճառը, որ նա վայելում էր եւրոպական հռչակ և պատուաւոր անդամ էր շատ համարարանների և գիտական ընկերութիւնների:

Նա մի թուլակազմ, փոքրահասակ ու փոխ մարդ էր, մի այնպիսի համեստ բնաւորութեամբ, որ առակի կարգն է անցել: Չանասիրութիւնը, առկունութիւնն ու հայրենասիրութիւնը խորին համեստութեան հետ, այս էր նրա բնաւորութեան յատկանիշը:

Ուստի նա էր և կը մնայ մինն այն սակաւաթիւ մտաւոր և բարոյական հսկաներից, որի նմանն երբ և իցէ արտադրել է հայ ազգը:

Գ. Վանցեան

### 117. Ն Ա Ի Ա Ս Ա Ր Դ Ի Տ Օ Ն Ե Ր Ը

Հայք ունեցել են երկու տարեգլուխ՝ սրբազան և քաղաքական: Սրբազան տարեգլխին բնութիւնը ծագկափթիթ ծիծաղով կենդանացնում էր մարդկանց. իսկ քաղաքական տարեգլխին, որ Նաւասարդն (օգոստոս) է, կիսով չափ այրուած բնութիւնը ինքը կենդանանում էր մարդկանց հաստատած տօներով և հանդէսներով: Տարուայ ամենատաք ամիսը՝ Հայոց բարեկենդանն էր, կաղանդն էր. կրօնական, զինուորական և աշխարհախումբ հանդէսներով՝ Հայոց աշխարհը գարնանանման զեղեցկանում էր: Նաւասարդի տօները՝ պահապան աստուածների տօներ էին, նախնեաց քաջերի յիշատակներ էին, կտրիճների մըցանք էին, հասարակ ժողովրդեան խաղեր և վայելքներ էին, որ 3000 տարուայ չափ մեր երջանիկ նախնիքը կատարեցին, թնդացին, դոփեցին Բագրեանդայ տափերի և բլուրների վրայ, մինչև նոցա տակ ծածկուեցան: Այդ հանդէսները կատարում էին քրմապետները, նոցա փոխանակեցին խաչապսակ քահանայապետները, որոնք մեհեանների տեղ եկեղեցիներ շինեցին: Բայց դուրսը բնութիւնը իր կերպարանքը չփոխեց, ազգը իր հանդէսները չփոխեց, այլ տօները սրբեց, և աստուածներին նուիրելու փոխանակ՝ ճշմարիտ Աստուծու և Նորա նահատակներին նուիրեց: Գրեթէ անկարելի էր՝ որ Ս. Գրիգոր Հայերին հեթանոսութիւնից քրիստոնէութեան գարձներով, այն հին մեծահանդէս աշխարհաժողով գրօսանքի օրերը անհանդէս, անյիշատակ թողնէր:

Նաւասարդից մի քանի օր առաջ կատարում էր Վարդաձղի Վարդանման Աստղիկ գիցուհու տօնը, որի փոխանակ Հայոց առաջին հայրապետը կարդեց Վարդավառ, Քրիստոսի պայծառակերպութեան տօնը, որ և Հայերը մինչև այսօր պայծառապէս տօնում են: Իսկ Նաւասարդի առաջին օրը (օգոստոսի 11), որ Հայոց տարեգլուխն է, ազգային ամենից մեծ, պանծալի, սրբազան օրն էր, և հանդէսները շատ օրեր տևում էին՝ պանդան յիշատակներով, որոնք մի անունով Ամանորայ էին ասւում, կամ աշխարհա-

ժողով: Այս վերջին անունը ցոյց է ապրիս, թէ այդ տօնին Բագրևանդայ բարձրաւանդակները հանդիսականները միշտ մեծ բազմութեամբ էին ժողովուում. թագաւորն իր Այրարատեան չորս բիւր զնդովը, նախարարները ութ բիւր գումարտակներով, 600 գաւառատեարք և 400 զահակալ իշխաններ, բազմաթիւ քրմեր իրանց պաշտօնեաներով և ուրիշ հազարաւոր հանդիսականներ այս տօնը զարդարուում էին:

Ի՞նչ էր այս Հայոց համաշխարհական տօնի պատճառը. նախ՝ ինչպէս պիտե՞նք, հին տարեմուտն էր, որովհետեւ Նաւասարդ նշանակուում է նոր տարի: Երկրորդ՝ Նաւասարդը ջրհեղեղի յիշատակն էր, ուստի և այդ օրերը զանազան ջրախաղեր էին կատարուում՝ տապանով Արարատ սարի վրայ մարդկանց փրկութեան տօնը յիշատակելու համար: Իսկ մենք հիմա, ինչպէս յայտնի է, ջրի այս հանդէսը Վարդապառի օրն ենք կատարուում: Երրորդ՝ տօն էր Ամանսրայ ամենաբերից, ինչպէս առաջ յիշեցինք, որը երևի բերքի և առատութեան շաստուած էր համարուում: Ուրիշ շատ պատճառների հետ մէկն էլ այն էր, իբրև թէ Մասիսի վիւ մէջ Արտաւազդի շղթաների կրծելուց տարուայ վերջին օրը մազի բարակութեան և կոտրելու է հասնում, և հազիւ թէ Արտաւազդ սպաննում է տարուայ հետ բոլոր աշխարհքը վերջացնել և աշխարհախումբ տօնը համաշխարհական սուգ դարձնել՝ Նաւասարդի օրը զարբինները իրանց սալը ծեծում են, և այդ ձայնից աշխարհքը Արտաւազդի աւերմունքից ազատուում է: Այժմ ոչ միայն Նաւասարդի օրը, այլ և ուրիշ օրերին զարբինները սովորութեամբ սալը ծեծում են, զոր օր. ամենայն կիրակի օրերը կամ չարչարանքի ուրբաթ օրը: Այս ամենայն յիշատակներից վերագոյն և հնագոյն և տօնելի յիշատակ այս օրուանս էր՝ Հ. Ա. Յ. Կ. Ը, մեր ազգի նախահայրը, և նորանով մեր ազգի ձևանալը, որ մեծ յազթութեամբ ազատեց Բէլի բռնութիւնից: Այս տօնի սկզբնաւորութիւնը համարուում է 2492 տարի Քրիստոս թուականից առաջ օգոստոսի 11-ին կամ Արրահամից մօտ 500 տարի առաջ: Այս տօնը բուն Օր հայկական և Տօն ազգային է: Հայկայ մեծ

քաջութեան և անուան համար էր, որ նորա յաջորդները Նաւասարդի օրերուն իրանց ազգի ոյժը ներկայացնող կրտսիճ զօրքերի աշխարհագումար հանդէսներ էին անում, և այն մեծ անձի անունը աւելի անմոռանալի արեցին երկրնքի համաստեղութեանց մէջ վրոշմելով, որովհետև այն համաստեղութիւնը, որ ուրիշ ազգերը Որիոն են կոչում, մենք անուանում ենք Հայկ: Եւ այսպէս ահա 44 դար է, որ Հայկայ աստղի բարձրանալու օրերը՝ անխափան յիշեցնում են մեր ազգային և հայկական օրը, որ և մենք՝ ինչ վիճակի մէջ որ լինենք, պէտք է նորա անունը յիշենք, տօնենք և անմոռաց հանդիսացնենք, քանի որ Հայ ազգի անուն և լեզու պահում ենք: Այս տօնն էլ՝ քրիստոնեայ Հայերի մէջ անմահացնելու համար, մեր հայր Լուսաւորիչը այս օրը նուիրեց Ս. Կարապետ Յովհաննուէն, որ մեր աշուղներին յայտնի մուրազատու Մշու սուլթանի տօնն է:

Նաւասարդից երկու շաբաթ յետոյ Հայերը մէկ աշխարհախումբ տօն էլ ունէին՝ Հայաստանի ամենից սիրելի և ամենիցս մեծ խնամակալ պահապանի անունը յարգելու համար, որ է Անահիտ պիղուհին, որին Հայերը շատ պատուում և պաշտում էին և ոսկի արձաններ էին կանգնեցնում: Մեր Տրդատ թագաւորի թղթից իմանում ենք, որ այդ Անահիտն է մեր ազգի փառքն ու կեցուցիչը, որին ամենայն թագաւորները պատուում էին. նա է մայր ամենայն զգաստութեանց, բարերար ամենայն մարդկան բնութեան, նորանով կայ և կենդանութիւն է կրում Հայոց երկիրը, Հայերի խնամակալն է: Ս. Գրիգոր Լուսաւորիչը Անահիտին իջեցրեց Հայոց արկնութիւնից և տեղը բարձրացրեց Ս. Կոյս Աստուածածնին:

Այս բոլոր եկեղեցական տօները այժմ շարժական տօներ են, ուստի և ճշտութեամբ նոյն օրերին չեն կատարուում, բայց և այնպէս յիշեցնում են հին Նաւասարդի տօները:

Ղ. Վ. Ալիշանեան

## 118. ՍՍՀՍԿ ԿՍԹՈՒՂԻԿՈՍ (Ը. դար)

Վաթսուն տարի էր որ Հագարացիք մտեր և տիրել էին ի Հայաստան. իրաւ, երբեմն բարեբարոյ և արգարախոհ ամիրապետաց և ոստիկանաց և մեր ազգի իշխանաց խոհեմութեամբն՝ հանգիստ և խաղաղութիւն կու գտնէր աշխարհն, բայց շատ անգամ այլ՝ կամ մերայնոց անզուշութեամբ և կամ հարկահանաց բռնաբարութեամբ՝ նեղութիւն և վտանգ պակաս չէր:

Սմբատ Բագրատունի՝ նախարարաց՝ զօրագլուխն, իր ցեղակից իշխանները և ուրիշ ցեղերէ այլ գլխաւորներ դադտուկ ժողովեց ՚ի խորհուրդ, թէ ի՞նչ ընեն այսպիսի վրտանգաւոր ստեն: Ուրիշ ճար չգտան, բայց եթէ իրենք զիրենք ապրեցնել, փախչելով յարեմուտս, Յունաց կայսեր երկիրը: Զգուշութեամբ երթալով՝ ելան գէտ ՚ի Մասիս լեռը և բանակեցան յանուանի աւանն Ակոտի, և ահա լրսեցին որ այսազգիք իմացեր են իրենց միաբը, ու նախճաւանի կողմնակալն 8000 և աւելի հոգւով ետնուեն ընկած՝ «ոչ մեխեցան ՚ի հետոյ նոցա. քանզի... կամէին կենդանւոյն կլանել զնոսա»: Մերոնք փութացան փրթան լեռնէն վար, անցան Երասխ գետը, և Վարդանակերտ ըսուած աւանի մը մէջ բանակեցան, որ կարծեմ Խորվիրապի մատերն էր. այլազգիք այլ նորէն ետնուեն ընկան: Հայք մէկ կողմանէ բանակին ամրացընելով և գիշերապահներ գնելով, միւս կողմանէ պատգամ զրկեցին առ Արաբացիս և իմացուցին որ իրենց մտածութիւնն ուրիշ բան չէր, բայց միայն զլուխին ապրեցնել փախստեամբ և օտարութեամբ, իրենց տեղն ու ստացուածքը՝ թողլով անոնց ձեռքը. ուրեմն թող տան՝ որ մնաս բարձով ըսեն, հեռանան իրենց հայրենիքէն: — Եւ ոչ այս ցաւալի հրաժարական ողջոյնը տալու ներեցին բռնաւորքն, այլ յարձակեցան Հայոց վրայ, որք և ոչ 2000 հոգի էին. սակայն աղօթքով և վերջին ջանքով ու քաջութեամբ միաբանեալ՝ դէմ ելան իրենցմէ չորս և հինգ հեղ բազմաթիւ բանակին այլազգեաց: Ասոնք

կէս մը գիշերուան ցրտէն փառցած, (վասն զի ձմեռն էր և ձեան վրայ անցուցեր էին գիշերը), կէս մը ցուրտ հովէն ծեծուած, և այլ աւելի՝ յուսահատեալ քաջաց հարուածներէն, բոլորովին շփոթեցան, քշուեցան, ջարդուեցան. փախչողներն այլ թափեցան Երասխայ վրայ՝ անդին անցնելու. դեան որ սառեր էր՝ անոնց փախստական օտից դովմանէն պատուտելով՝ ներքե առաւ, կլլեց, ծածկեց: Եւ այն ահարկու սպառազէն բիւրաշափ բանակէն՝ հազիւ 300 հոգիք կրցան փախչել. գորոնք դարձեալ պիտի ջարդէին Հայք, եթէ չապրեցընէր մեր նախարարաց մէկուն տիկինն Շուշան. որ և քրիստոնէաբար գրթով անոնց վերքերն այլ պատելով, զդեստ և զրաստ տալով՝ դարձուց խաւրեց առ ամիրապետն Արաբացուց՝ Աբգլմէլիք. և ընդունեցաւ անկէջ շատ ընծայ և պատիւ ՚ի փոխարէն մարդասիրութեանն: Յաղթական գունդն Հայոց՝ թշնամեաց աւարներն առին, համարձակ իրենց ճամբան գնացին, մտան յամուր տեղից մեր Տայոց աշխարհին, որ այն ստեն Յունաց իշխանութեան տակ էր, և կայսրէն այլ պատիւ զրտան: — Այս է Վարդանակերտի կռիւն, անուանի մեր պատմութեան մէջ այս ժամանակիս, և ամօթալի յԱրաբացուց պատմութեան, որոյ անուան և տարին անգամ չէին ուզեր յիշել:

Այս կռուէն սիրտ առած ուրիշ Հայ իշխանք այլ ՚ի Վասպուրական՝ զիրենք նեղացընող այլազգեաց գունդերը ջարդեցին: Բայց եթէ ասով իրենց վտանգը քիչ մը հեռացուցին, աւելի այլ ծանրացուցին: Վասն զի ամիրապետն Աբգլմէլիք իր կուսակալաց փախստական զօրքերը տեսնելով և լսելով եղածը, պատուէր ըրաւ Մահմէդ ոստիկանին, որ երթայ խստիւ պատժէ զՀայս: Մահմէտ առաջինէն աւելի պատրաստութեամբ և սրամտութեամբ ելաւ դալու, զՀայաստան սրով և հրովը մտշելու: Հիմայ մերոնց՝ ոչ միայն անոր գէմ կենալու ճար չկար, այլ զրեթէ և ոչ փախչելու: Մէկ հատիկ և յետին հնարք գտաւ Հայաստան՝ իր սրբակեաց և ալէզարդ հայրապետը (Մահակ), փութացնել ընդ առաջ ահաւոր զօրավարին, որ եթէ հը-

նար է, իր վարուց, հասակին և աստիճանին շնորհօք՝ անոր զէնքերը և ձեռքը կապէ: Սրբակենցաղ հայրապետն՝ որ արդէն վշտահար տառապեալ կեանքը կնքելու մօտ էր, յանձն առաւ այդ դժուար պատգամաւորութիւնը, իբրև յետին և ծանր հայրական պարտք: Ելաւ իր բնիկ երկրէն և աթոռէն, վերջին ողջոյնները և օրհնութիւնները տալով, թէ հասարակաց որդւոցը, և թէ ամենուն դեռ Մահմէտ մեր սահմանաց չհասած՝ ինքն մտաւ յԱսորիս, և հասաւ մինչև ի Սառան քաղաք. այլ չկրցաւ յառաջ շարժիլ. յօգնութիւն, ծերութիւն և սրտցաւութիւն՝ վերջին հիւանդութիւնը բերին. թևերը թուլացուց, ոտքերը կապեց մահը, մահ՝ որ միայն չկրցաւ սիրտը պաղեցընել, ինչու մնանոր յետին շարժը: Մահն հոս շուտ երեցաւ, բայց ուշ հասաւ, վասն զի մեռնողն ցրուեց անոր անյողթելի կարծեցեալ հնարքը. ճարտասան լեզուին և եռանդուն սրտին թարգման թողուց ձեռացը մէջ կնքած թուղթ մը՝ առ ոստիկան Մահմէտ, պատուիրելով որ իմացընեն անոր իր փափագը:

Գնացին աղաչաւորքն առ ոստիկանն, որ և շուտով հասաւ ի Սառան. բերին առին իրեն թուղթը՝ յորում պրեր էր հայրապետն սքանչելի իմաստութեամբ և ծանրութեամբ մը, խնդրելով որ ինայէ Հայոց, ներէ անոնց ըրածին, չդպչի անոնց հաւատքին. այլ ինչպէս առաջին ամիրապետը թողեր էին՝ ինքն այլ թողու. միայն հարկը առնու և պահէ զաշխարհքը: Եւ եթէ այսպէս ընես, գրէր, Աստուած քու կամքդ կատարէ և կու յաջողիս, ապա թէ չես լսեր ինծի՝ ոչ իմ օրհնութիւնս և ոչ Աստուծոյ կուգայ վրայդ. այլ միտքդ դրածիդ հակառակն կու պատահի, և ամեն կողմէն վրայդ շարիք կու թափին:—Չարմացաւ, զարհուրեցաւ անեղ զօրավարն. և լսելով որ դեռ թաղած չեն սրբոյն մարմինը, եկաւ անձամբ, և տեսնելով այն հանդարտեալ հանգուցեալ կերպարանաց վրայ աստուածախօս պատգամ մը, խոնարհեցաւ պատկառանօք, երկու երեք անգամ սէլամ-ալէ բաւ. որուն՝ կրսեն ոմանք, թէ մեռեալ մարմինն այլ, պատասխան տուաւ խաղաղութեան

ողջունի: Մահմէտ հայրապետին աջը բռնելով և վկայ կոչելով զԱստուած, իբրև կենդանի մարգարէի հետ խօսեցաւ և ըսաւ. Բու թղթէդ ճանչցայ քու իմաստութիւնդ, ո՞վ մարդ Աստուծոյ, դու իմ սուրս կապեցիր, և քու ժողովուրդդ սպրեցուցիր. եթէ ուզածէդ բան մը չկատարեմ՝ ըսած անէծքներդ զան վրաս, ապա թէ կատարեմ՝ ինչպէս որ խօսք կու տամ, օրհնութիւնդ վրաս ըլլայ:

Գազանացեալ գետոյ պէս վազող զօրավարն՝ դադարեցուց զօրքերը, Հայոց դալկահար պատգամաւորները՝ անկարծելի կենաց յուսով նորոգեց. ոչ միայն բանիւ այլ և զրով ազատութեան հրովարտակ կնքելով և տալով, որ առաջին Այի ամիրապետին տուածէն ետև գլխաւոր ազատադիրն եղաւ Հայոց, և կոչուեցաւ երկրորդ կամ փոքր մանշուր: Այս հրովարտակը՝ սուրբ խաչավառից և դրօշուց հետ պարզած՝ տարին հայրապետին մարմնոյն հետ՝ իրեն հաւատարիմքն և Հայաստան նոր հողի առած՝ իր մահու չափ սիրող և սիրելի հայրապետը հանգոյց յանմահութիւն...

Հ. Ղեւոնդ Ալիշան

### 119. ՊԼՊՈՒԼՆ ԱԻԱՐԱՅՐԻ

Ո՞նց դաս, իմ լուսնակ, հեզիկ ու հանդարտ,  
Համասփիւռ լուսովդ ի լեռ, ձոր և արտ,  
Եւ ի Նահապետս, որ մտօք մտլար,  
Գիշերաժամիկ ժուռ դամ յԱւարայր,  
Ուր քաջ ու աննըման իմ հարք Հայկազունք  
Ընկան զէտ հըսկայ, ելան զէտ գուարթունք.  
Մի՞թէ դաս սփռել ոսկերաց սրբբոց  
Ձիւնափայլ ամպէդ ոսկեթել ծածկոց,  
Թէ՞ ձերմակ ճակտիդ՝ թէպէտ և պայծառ  
Քաջացս արենէն ուզես կարմիր վառ.  
Թէ՞ լըռիկ մընջիկ ափշիս տակաւին  
Թէ՞ ի՞նչպէս ընկաւ Վարդանն ահադին,  
Մահու սև ըստուերն ի սիրտ թըշնամեաց,  
Ձեռքին ձրգելով յերկին առ Աստուած:

Դու այլ, ո՞վ Տղմուտ, արտում ու արիւնուտ,  
 Որ դաս կամկար լաս ի մէջ շամբերուտ.  
 Եւ հովիկդ, որ դաս ի Մակուայ քարէն  
 Կամ ի ծեր Մասեայ սըրբազան սարէն,  
 Դու այլ ինձ նման դողդող և երեր  
 Թոյլ թևօք անցնիս սարեր ու ձորեր,  
 Անտառէ անտառ, տերեւէ տերեւ,  
 Կոճկոճկով դաս ի դաշտիս վերև,  
 Զայս մաշած շընչիս վերջին հառաչանք  
 Զըզել ի Հայոց սըրտից արձագանք:  
 Ռհ, դու բարեկամ այրած սըրտերու,  
 Սօճնակ զիշերոյ, հոգեակ վարդերու,  
 Երգէ, պըլպուլիկդ, երգէ ի սարէդ,  
 Զանմահ քաջքն Հայոց երգէ հոգւոյս հետ:  
 Թագէի վանուց ձէնիկդ ինձ դիպաւ,  
 Սըրտիկս՝ որ ի խաչն էր կիպ՝ թունդ առաւ,  
 Գտայ դքեդ ի դաշտն քաջին Վարդանայ:  
 Պըլպուլ, քեզ համար մեր հարքն սասցին,  
 Թէ չէ հաւ՝ պըպուլ մեր Աւարայրին,  
 Եղիշեայ հոգեակն է քաղցրազրուցիկ,  
 Որ զՎարդան ի վարդըն տեսնու կարմրիկ.  
 Զըմեռն յանապատ կու գնայ՝ կայ ի լաց,  
 յԱրտազ գայ զգարունն ի թուփ վարդենեաց,  
 Երգել ու կանչել յեղիշէին ձայն,  
 Թէ պատասխանիկ մ'արդեօք տոյ Վարդան:

Հ. Ղևոնդ Ալիշան

120. ԾԵՐԵՆՑ-ԲԺՇԿ. ՅՈՎՍԷՓ ՇԻՇՄԱՆԵԱՆ 1822—1888.

Ծերենցը ծնաւ Պոլիս, 1832-ին. Ալիշանի հետ ուղևորուեց Վենետիկ և դաստիարակուեց Մխիթարեանների մօտ, ապա ուսաւ և աւարտեց Պարիզի համալսարանի բուժական բաժինը:

Վերադառնալով հայրենիք, նա ցոյց տուաւ եռանդուն գործունէութիւն որպէս բժիշկ, ճառախօս, և հրապարակազիր: Հասունեան կողմի ժամանակ նա դուրս եկաւ որպէս կատարի Հակ-հասունեան և մի խումբ կըթուած հայկաթովիկների հետ անցաւ մայրենի եկեղեցու գիւղը:

60-ական թւերին նա հիմնում է մի ընկերութիւն, որի նպատակն էր հողագործական դպրոցներ բանալ Հայաստանում և այդ նպատակով ուղևորւում է Կիլիկիա, այնտեղ այդպիսի դպրոց բանալու: Ծառայում է Կիպրոսում որպէս պետական բժիշկ, իսկ եօթանասնական թւերին գալիս է Թիֆլիզ, ուր Ներսիսեան դպրոցում աւանդում է Հայոց պատմութիւն: Ռուս-թուրքական պատերազմից յետոյ, երբ սովը ու քուրդերը մեծ աւերումներ էին գործել, Շիշմանեանը Թիֆլիզից ուղևորւում է Հայաստան թշուառ հայերին բուժական և նիւթական օգնութիւն հասցնելու:

Կիլիկիա և Կիպրոս ճամբորդելով, նա հիմնովին ծանօթացաւ տեղի աշխարհագրութեանը, որ անհրաժեշտ էր նրա անդրանիկ վիպասանութեան «Թորոս-Լևոնիի» համար: Այդտեղ նա ցոյց է ապրիս հայերի հետգհետէ կենդրոնանալը Կիլիկիա և Ռուբինեան թագաւորութեան հաստատուիլը: Ծերենցը շատ ուշ սկսեց վէպեր գրել, բայց հետեւալ վէպերն, «Թէոդորոս Ռշտունի» և «Երկունք Թ. դարու» ցոյց տուին, որ նա մի տաղանդաւոր վիպասան է և զիտէ անցեալի դէպքերն ու տիպերը դարմանալի կերպով կենդանացնել:

Նրա վէպերի մէջ տիրող հիմնական գաղափարն է ազգասիրութիւն և ժողովրդասիրութիւն. — ժողովրդի միջից դուրս եկած հերոսներն են, որ ստեղծում և առաջնորդում են պատմական դէպքերին ազգային ոգով, ընդդէմ իշխանների, որոնք անհատական նեղ շահերից աւելի բան չէին հասկանում: Պատմական յայտնի դէպքերի տակ նա արծարծում և քորոզում էր իր սեփական համոզումները մի շնորհալի ֆանտազիայով և աշխոյժ ոճով:

Նա մեռաւ Թիֆլիզ 1888-ին և թաղուեց Խօջի-Վանքի գերեզմանատանը:

## 121. ՅՈՎՆԱՆԻ ՏԵՍԻԼԻՔԸ

Յովնանը իր Սասունցի լեռնայինների հետ ցած էր իջել Մշու գաշար և ոչնչացրել արաբական բանակը, աղատելով Մուշ քաղաքը և Ս. Կարապետի վանքը: Վանքի միաբանները ուրախացած թշնամու կորուստի վրայ, պատրաստուած են գոհաբանական աղօթքի, Յովնան եկեղեցւոյ դուռը կանգնած և սկսած էր սաղմոսերգութեան՝ երբ յանկարծ զգաց որ ձեռք մը իր ուսին վրայ յեցաւ: Երբ գլուխը դարձուց անսաւ երկայնահասակ չոր ծեր մը, որուն ձիւնի պէս ճերմակ մօրուքը մինչև դօտին՝ լայն մոխրագոյն բուրդ վերարկու մը մինչև սաքերը կ'իջներ, թխամորթ էր իր խորշումեալ երեսին գոյնը, իր սև և մեծ աչքերը փայլ և հրապուրիչ քաղցրութիւն ունէին, միանգամայն, առանց խօսք մը արտասանելու ձեռքէն բռնեց, առաւ դուրս հանեց, և երբ լուսնին աղօտ լուսով երկու հոգի միայն գտնուեցան. «Եկ, Յովնան, իմ ետևէս, ըսաւ, եթէ կ'ուզես որ ապագային վարագոյրը պատուի և ցոյց տայ քեզի հանգերձեալը՝ գաղանիք Աստուածային, եկ մի վախեր»:

— Ե՞րբ վախեր եմ ես որ հիմա պիտի վախեմ, ըսաւ Յովնան, զինուոր Սասունցի մը երբէք չէ վախցեր:

— Բայց դու խառնուրդ ես զինուորի և քահանայի, դու խառնուրդ ես հաւատոյ և թերահաւատութեան, դու խառնուրդ ես քաջութեան՝ և եթէ ոչ երկիւղի՝ գոնէ կասկածանաց:

— Եո հաստատ եմ իմ հաւատքիս վրայ՝ ես զինուոր եմ...

— Ինձ զբեզ մի ճանչցներ. դու սղայ էիր, զբեզ անսայ, հեռացար դու աս լեռներէն, իմ աչքերս քեզի հետ էին և զբեզ կը տեսնէին և քու ամեն գաղտնիքդ կը նըշմարէին. ուստի քալէ երթանք, չե՞ս ուզեր դու իմանալ աղագան, միթէ՞ դորա համար չ'էր որ դու կ'աղօթէիր, միթէ՞ երկիւղը որ մի գուցէ Հայաստան երկրի թըշ-

ուառութեան պատճառ եղաւ այդ հրոսակին կոտորածովը՝ միթէ՞ այդ չէ որ զբեզ կը տանջէ:

Մերուն ցուրտ երկաթեայ ձեռքը կը սառեցնէր Յովնանու ձեռքը և իրենք կը քայլէին ձիւնին վրայ որ կը մռնչէր իրենց ոտքերուն տակ, և անխօս կը շարունակէին իրենց ընթացքը: Կը բարձրանային՝ կ'իջնէին և դարձեալ կ'եղնէին, սառած առուակներ և գետակներ կանցնէին. անցան նաև մեծ գետ մը որու սառոյցին ընդարձակութիւնը իմացուց Խութեցւոյն թէ Արածանին էր որ կանցնէին և գետ իրենք կերթային լուսնին աղօտ լուսով մինչև բլուրներու, ժայռերու, կիրճերու, գահավէժներու և փապարներու մէջ դարձեալ այս ուղեգնացութեան ծրարադիրը կորսնցուց Յովնան, մինչև քարայրի մը մուտք ներկայացաւ իրենց և ծերը առանց իր ընթացից արագութիւնը թողլու՝ մտաւ մութուն մէջ ուր խաւարը շօշափելի եղաւ և էլ աւելի ամուր սղմելով իր ընկերին ձեռքը կը քաշէր կը տանէր խորէ 'ի խոր, վասն զի շարունակ կ'իջնէին: Յովնան առանց երկիւղ զգալու կը խորհրդածէր ինքնիրեն. «Չորս ժամ է և աւելի որ մենք այդ ծերուն հետ կարշաւենք և գետ նա յոգնութեան փոքրիկ նշան մը չի ցոյց տայ, իր ձեռքը որ կը դողայ և ոչ կը տաքանայ, սառ լինէր իմ ձեռացս տաքութեամբ կը հալէր, իսկ ինք իմ ձեռքս կը սառեցնէ»:

— Յովնան, ծռէ և այնպէս հետևէ ինձ, ըսաւ ծերը, մի շտկուիր մինչև որ ես քեզ իմաց չի տամ:

Եւ այնպէս մի փոքրիկ ժամանակ երթալէն վերջ, ծերուն յորդորով շտկուեցան և Յովնան զգաց որ աւելի համարձակ շունչ կտանուր՝ թէպէտ միշտ դեանափորներու մէջ էին և ոչ նշոյլ կար ոչ բնական և ոչ արհեստական լուսոյ: Բայց վերջապէս հասան այնպիսի տեղ մը ուր հեռուն նշոյլ մը սկսաւ երևալ և մտան ընդարձակ լուսաւորուած սրահ մը, ուր ոսկեձոյլ աշտանակներու վրայ մեղրամոմներ և բազմաթիւ արծաթի կանթեղներ իրենց լոյսը կը ցոլացնէին, և հրաշալի արձան մը կանգնած էր պղնձէ պատուանդանի մը վրայ, այն համբաւաւոր ոսկի-

ածին և ոսկրամօր Անահայ արձանն էր նա՝ պաշտպանի հին հայրենեաց, և իր աջ կողմը Վահագնի և ձախը Աստղկան արձաններ կանգուն էին, սա երեք արձաններուն պատուանդաններուն յեցեալ. եռոտանի մը կար գարձեայ ոսկեձոյլ. չէր կարելի իմանալ թէ այս տաճարը՝ վասն զի իրօք տաճար մ'էր սա իր դմբէթովը որու չորս կողմը գեռ ուրիշ փոքր դմբէթներ կային, գեանին տակն էր թէ դեռնէն դուրս բարձրացած. վասն զի պատերը բոլոր արձաններով և քանդակներով էին զարդարած և վրայի դմբէթէն կախ էր անաղին ապակեայ ճրագարան մը, ու գիտէ ուստի և որ հեռաւոր երկրէ բերուած այդ տեղ այդ անդնդախոյս աստուածութեանց պաշտօնը և նսեմացեալ խաւարը շքաւորելու համար:

Այս տեսարանը յանկարծ այնչափս զարմացուց և շաքուցուց զՅովնան, որ և ոչ զգաց թէ ինչպէս և երբ հեռացաւ իրմէ իր ծեր առաջնորդը, ուստի սկսաւ նայիլ և զննել այդ հին յիշատակաց և արուեստներու հրաշալիքը որոնց նմանութիւնը կրմտածէր թէ մեր տեսած էր ինք, 'ի կոտանդնուպօլիս թէ 'ի Բաղդատ:

Եւ երբ այս մտածութեան վրայ էր, յանկարծ իր ուշադրութիւնը շարժեցաւ վասն զի երգելու ձայներ սկսան լսուիլ, և տաճարը լցուեցաւ Արաբիոյ և Հնդկաց անուշահոտ խնկերով և եռոտանին իբրև թէ խնկաման կամ բուրվառ մը լինէր՝ դուրս կրփչէր զմայլեցուցիչ մուխ մը որ զարմանալի ազդեցութեամբ այդ մարդուն երկրթէ ջիգերը կակուղ ոսկեոյ սկսաւ դարձնել: Դուռ կրփնտռէր Յովնան, և անա չէր կարող նշմարել նաև այն դուռը ուսկից ինք ներս մտեր էր. և իր սուր աչքերը շփոթեցան վասն զի մուտքը կարող չէր նշմարել, և իրօք կրտեսնէր թէ բանտի մը մէջ էր՝ բայց փառաւոր բանտի մէջ:

Հագիւ թէ այս խորհրդածութիւնը մտքէն անցաւ և անա Վահագնի և Աստղկան պինձէ պատուանդաններուն անյայտ դռները բացուեցան և երգեցիկ քրմաց և քրմահեաց բազմութիւն մը զոյգ զոյգ սկսան դուրս ելնել և արձաններուն առջև շարուիլ. իրենց հարուստ և ճոխ ոսկեթել և

նկարէն զգեստները, հաճոյական էին աչաց, և երբ Յովնան անոնց մանրամասն դիտողութեան զբաղած էր՝ անա Անահայ պատուանդանին դռնէն դուրս ելան մեծ քրմապետը և մեծ քրմուհին և երգերը լռեցին: Մեր լեռնցին քրմապետը մէկէն ճանչեց թէպէտ զգեստներուն պերճութենէն փոխուած՝ բայց նոյն ծերն էր որ զինքն հոն բերել էր. իսկ քրմուհին երիտասարդ և շատ գեղեցիկ կին մը էր, որ երբ եռոտանուոյն առջև կանգնեցաւ թալուկ եկաւ երեսին: Նոյն վայրկենին երգերն լռեցին և եղեգեայ սրինգներ սկսան փափուկ և տխուր երաժշտութիւն մը հնչեցնել, որ մտիկ ընողին հեշապի եթէ չէր զալ, վայրկենէ մը վերջը շատ ազդու և սրտաճմրկ բերկրութիւն մը կը բերէր անձին: Քրմապետը այն ատեն ձեռք տուաւ և հրաւիրեց քրմուհին որ անցնի նստի ոսկի եռոտանուոյն վրայ, և ինք շրջապատեալ իր խումբէն՝ կանգնեցաւ իր աստուածութեանց առաջ թևերը տարածելով և անձայն աղօթելով, հագիւ թէ շրթունքը կը շարժէին: Եւ անա քանի մը բոլէ չեղած ամեն աչք որ եռոտանուոյն պշուցեալ էին՝ կը տեսնէին փոքրիկ ջղային ցնցմունքներ մեծ քրմուհուոյն վրայ, անոնց յաջորդեց վիճակ մը՝ որ իբրև թէ մարմարէ արձան յեղափոխեց այդ եռոտանուոյն վրայ նստողը, մինչև որ աչքերը սկսան բացուիլ անսովոր և սևեռ նայուացքով. ան ատեն քրմապետին բերին զիբք մը որուն թերթերը արծաթեայ բարակ տախտակներ էին և նա բացաւ էջ մը ուր ոչինչ չէ կար գրուած և ներկայեց քրմուհուոյն. «Կարգա՛, ներշնչեալդ յԱստուածոց» ըսաւ հօր ձայնով. երաժշտութիւնն դադրեց, և այնպիսի լուծիւն մը տիրեց և ամեն շունչ այնպէս կեցաւ որ մէկ բան մը միայն կը լսուէր՝ քրմուհուոյն շնչատութիւնը. և ամեն աչք իրեն կը նայէր:

Եւ քրմուհուոյն հեկեկանաց ձայնը այսպէս խօսեցաւ. «Քիչ են Հայաստան քու շարչարանքդ, քիչ են քու տանջանքներդ, դեռ կանգուն են քու քաղաքներդ, դեռ կանգուն են քու տաճարներդ, դեռ հարսի և փեսայի ձայները կը լսուի 'ի քեզ, դեռ աղայն օրբանին մէջ կը ճուայ, դեռ հուրը փառարանին մէջ կը ճարճատէ, դեռ մուխը երգեաց

վրայէն կը բարձրանայ: Դեռ քու որդիքդ բարձրավիզ կը քայլեն, դեռ երկաթը իրենց ձեռքին և իրենց մէջքին վրայ կը փայլի, դեռ սաղափարար իրենց գլխին վրայ կը ճաճանչէ. դեռ քու աղջիկներդ ծիրանիներով կը դարդարուին, դեռ նոցա վզին վրայ սակի մանեակ և թեկերնին սպարանջաններ կը նշուլեն. բայց այդ ամենուն վերջն է՝ քու քաղաքներդ պիտի անմարդանան, քու շէներդ անշէն պիտի մնան, քու տաճարներդ կիսակործան, քու առուներդ անկենդան, ուրախութեան և հարսանեաց ձայներու՝ ոլբերու և լալերու ձայներ պիտի յաջորդեն, քու զէնքերուդ շկահմանց՝ շղթայներու ձայներ, քու մանեակներուդ և սպարանջաններու հնչմանց՝ զիտութեան խարագաններու ճարձատմունք. այն, քու կարիճներդ գերի իրենց երկըին մէջ՝ գերի օտարութեան մէջ, քու աղջիկներդ ազախին իրենց հայրենի տան՝ և դառն պանդխտութեան մէջ: Երբ արևելք երեսդ դարձնես՝ թշնամի պիտի դանես, երբ արևմուտ դառնաս՝ թըշնամի պիտի տեսնես, օգնութիւն պիտի խնդրես՝ նախաւինք՝ արհամարհանք պիտի դանես, երկինք աչքերդ պիտի դարձնես՝ նա կայծակ և կարկուտ քեզի պիտի տեղայ, քու զաւկներդ նաև շատ անգամ եղբայրասպան իրենց մօր սիրտը պիտի վիրաւորեն»:

Ձեռքերը ծալած փայտ կտրեր մնացել էր Յովնան, կը նայէր այդ կնկան երեսին գոյնին, կը նայէր՝ աչքերուն մարմրուկին և վերջը արցունքներուն, կը լսէր այդ անսովոր ձայնը՝ կը խորհրդածէր ինքնիրեն և կը սէր: «Այդ կինը եթէ դերասան էլ է, շատ լաւ կը խաղայ իր դերը, ես Յոյն թատերականաց մէջ նաև այդպիսի մը չեմ տեսած. եթէ ըսածները ճշմարիտ են, վայ է մեզի, վայ մեր Հայ ազգին. ինչ ապացոյց կ'նայ տալ իր գուշակութեանց այդ անսովոր մարդարէութիւն»:

Այս միջոցին քրմուհին գլուխը կուրծքին վրայ իբրև թէ խոր քուն էր, սրինգներն իրենց տխուր երաժշտութիւնը դարձեալ կը շարունակէին, երբ յանկարծ ցնցուեցաւ նա և եռտտանին սարսեցաւ, աչքերը բացուեցան լի տխուր սրտմտութեամբ և ցուցամատը կարկառ դէպ Յովնան. «Ո՛վ դու, գոչեց, պէտք է աշխա-

տիւս, պէտք է ցոյց տաս՝ օրինակ լինիս Հայ թշուառ աշխարհի թէ փողովուրդը ողորմելի արհամարհելի էակ մի չէ, թէ իր արիւնը ունի այն ամեն առաքինութիւն որով կը պարծին նոքա, որ իրենց հարց անուան վրայ կը գոռոզնան և շատ անգամ զուրկ են նոցա առաքինութենէն... գնա, ասպարէզն ընգարձակ է, գալիք պատուհասը սոսկալի է, գորացիր՝ վասն զի հեռի չէ օրը որ վահանները պիտի ջախջախին՝ նիզակները կոտորին՝ սուրերը փշրին, գնա, Տոգովրդեան զինուոր, երկնային գորութիւնք քեզի օգնական թող լինին»:

Եւ անա բուրմանց ամպ մը պատեց գարձեալ եռոտանին, լոյսերը ամենքը մէկէն խաւարեցան և Յովնան բեկեալ՝ խարտակեալ և վերջի խօսքերէն սակաւ ինչ կենդանացեալ, թանձրամած խաւարին մէջ կը խարխափէր՝ երբ օգնական ձեռք մը զգաց թէ իր ձեռքէն բռնեց:

— Եկ Յովնան, հետևէ ինձ, ըսաւ ծանօթ ձայնը:

Եւ սկսան քայլել այդ մթութեան մէջ և մի և նոյն կերպով ինչպէս առաջ մտեր էին: Ձեր քրմապեան էր որ կ'առաջնորդէր, մինչև վերջապէս հասան այն քարայրին բերանը՝ լաւնի լուսոյն տեղ արևու լոյսը ամեն բան կը լուսաւորէր:

— Գնա, սրբեակ Յովնան, երկնային գորութիւնք քեզի օգնական լինին, ըսաւ ծերը, և քարայրին մթութեան մէջ թաղուեցաւ: Իսկ Յովնան քիչ մը տեղ անդայ քայլելէն վերջ, աղթնցաւ և ճանչեց թէ Աշտիշաաի աւերակներէն էր շրջապատեալ: Ան ատեն իմացաւ թէ Հայկական հին կրօնքը 550 տարի վերջը, անհետ եղած երկրի վրայէն, դեռ գեանի տակ կ'ապրէր յանձանօթս:

«ԵՐԿՈՒՆՔ» — Ժերենց

## 122. ԿԻՂԻԿԻՈՅ ՎԻՃԱԿԸ ԺԱ. ԴԱՐՈՒՄ

Արտաքոյ կարգի վիճակ մ'էր այն ատեն Կիլիկիոյ վիճակը. Հայ ժողովուրդ մը Տորոսի լեռներուն մէջ օր աւուր կ'աւելնար, վասն զի Հայաստան և Փոքր-Ասիա այլակրօնք տիրանալով, անտանելի կ'ընէին հայրենական, անձնական և կրօնական ազատութիւնը. հալածանք և դերութիւն իր և ամենքին բաժինն էր:

Ժողովուրդը, ինչպէս ասիական ամեն ժողովուրդք, երբէք չէր երևակայած այնպիսի ազատ կասալարութիւն, ինչպիսի ունեցած էին Յոյնք և Հռովմայեցիք իրենց պատմութեան մէկ ժամանակին, զոր հանրապետութիւն անուանած էին: Մեր եկեղեցական հայրապետք հազիւ թէ քրիստոնէական կրօնից զրքեր ու գաղափարներ թարգմանելու և տարածելու ժամանակ ունեցեր էին, իսկ ազգային պատմութեան մշուշ համառօտութիւնը այնչափ տկար էր ժողովրդեան մտքին մէջ, որ Հայ զօրավարներ իրենց զօրաց քաջալերութեան օրինակի համար, Հրէից պատմութեան դիմելու պարտաւորած էին: Ուստի Տորոսի վրայ ժողովուած Հայուն բազմութիւնը, ինչպէս ժամանակակից օտարազգիք ալ կը վկայեն, երկու կատարելութիւն ունէր. պատերազմական քաջութիւն, քրիստոնէական հաւատք. ամեն մարդ զինուոր և ամեն մարդ իր հայրենի կրօնին գերին էր: Իրեն համար ազգային գրօշակ խաչն էր և ըր բոլոր աստուածաբանութիւնը Լուսաւորչայ կրօնքն անփոփոխ պահպանելն... Ուստի հալածանք Սելճուկեանց, հալածանք Ամիրապետաց և անթիւ մահմեդական Ամիրայից, հալածանք Բիւզանդական կայսերաց, հալածանք նաև ի Վրաց՝ զինք քշել բերեր էին Տորոսի բարձունքը և հոն կը լեցուէր, կը գեղուէր ամպի պէս ժողովուրդը, որ կարելի չէր թէ քիչ-քիչ իբրև վտակ վերջը իբրև գետ և էն վերջը իբրև հեղեղ չիջնէր և գաշտը չոզողէր:

Բայց ժողովուրդը միշտ առաջնորդի պէտք ունէր, ինչպէս ամեն ժողովուրդք ունեցեր են և պիտի ունենան:

Հայ ժողովուրդը միշտ կը նկատէր երկու տեսակ մարդիկ. իր կրօնական գլուխները, որ զինք միշտ կը յորդորէին Պօղոսի հետ՝ «Հնազանդ լինել մարմնաւոր տէրանց» և նախարարական հին սերնդոց պայագատքը, որ իբրև թէ փառաց ճաճանչ մը գլխուն վրայ կը կրէին, յարգանք, պատիւ և իշխանութիւն աննախանձ և անուբանալի սեփականութիւն անձանց համարելով:

Ամեն ամբողջ, բերդ կամ դղեակ իշխանի մը ստացուածքն էր, որ միշտ Արծրունի, Բազրատունի, Կամսարական, Սիւնի, Պահլաւունի, Մամիկոնեան և ուրիշ ասոնց նման սերնդոց կը վերաբերէին, որք ազնուականաց բնական առաքինութեամբ և թերութեամբ առաջ կամ ետ կ'երթային, յօգուտ կամ ի վնաս անձանց և Հայութեան: Ժողովուրդը միշտ իր սրտի ձայնին և մտքին համոզման հետեւելով, այս իշխանաց և բերդակալաց մէջ զանոնք կը վերադասէր, որ առաւել ինքնիշխանութեան և հայրենի հնաւանդ կրօնից և սովորութեանց պաշտպան էին և հետեւապէս նաև իրենց ազգին: Ասկից նաև Ռուբինեանց ժողովրդականութիւնը, որոնք Հայութեան բուն ներկայիչքն էին իր աչքին, մինչ իբրև օտարածին կ'արհամարհէր յունացեալքն և լատինացեալք, որք սերաստութեան, տուքութեան և այլ ուրիշ տիպոսներով Բիւզանդական կայսերէն մեծապատիւ կը վարձատրուէին:

Կային նաև անոնց մէջ այնպիսիներ, որ ոչ միայն իրենց ազգին պաշտպանութիւնը կ'արհամարհէին, այլ օտարաց հաճոյ լինելու համար իրենց ազգը արհամարհել և անկից օտարանալն ու զանի հարստահարելն իրենց սովորութիւնն ըրած էին:

«Թորոս Լեւոնի» — Ժերենց

123. ՄԿՐՏԻՉ ՊԵՇԻԿՍՇԼԵԱՆ (1827 — 1868)

Մնաւ Պօլիս, 1828-ին, հայ-կաթողիկ ծնողներից: Մայրն անմիջապէս մեռնում է և Մկրտիչին խնամում է խորթ մայրը, որ հարազատ մօր պէս շարունակում է խնամել ու մեծացնել Մկրտիչին նաև հօր մահից յետոյ: Նրան Պէշիկթաշլեանն անուանում է «հրեշտակատիպար մայր»:

1839-ին Մկրտիչը մտնում է Մուրատ-Ռափայէլեան դըպրոցը Պատուա քաղաքում: Այդտեղ ահա, իտալական երկնքի և իտալացի արուեստի ազդեցութեան տակ դաստիարակւում է Մկրտիչի նուրբ ու մելամաղձիկ ոգին: Վերագառնարով Պօլիս, նա պարսպում է մասնաւոր դասերով: Շնորհիւ իր հեզ ու խոհուն բնոյթին, բարեկիրթ ձևերին և ազնիւ դասցումներին, նա ձեռք է բերում մի համակրանք ու դիրք ժամանակակից Պօլսի բարձր շրջաններում և բազմաթիւ համակրողներ է գտնում իր անդուգական տաղանդին:

Նա Պօլսում հայ թատրոն հիմնողներից և սահապանողներից միին էր: Կաթողիկ և լուսաւորչական հայերի մէջ խորութիւնը վերացնելու համար կազմուած էր մի ընկերութիւն «Համազգեայ» անունով, որի հիմնադիրն ու հոգին էր Մկրտիչը:

Հայերէնն այն ժամանակ գեռ յարզի չէր. Պէշիկթաշլեանը թէ ուսուցչութեամբ և թէ իր ընտիր բանաստեղծութիւններով մէկն էր, որ յարզելի դարձուց և տարածեց մայրենի լեզուի սէրն և ուսուցումը Պօլսի բարձր շրջաններում: Նրա աշակերտուհիներից միւր, հայութիւնից օտարացած օրիորդ Վահանեան, Պէշիկթաշլեանի շնորհիւ դարձաւ մեր ամենայայտնի հեղինակուհիներից միւր, Տիւսար անուամբ:

Պէշիկթաշլեանը կանացի սիրտ ունի. մեղմ ու դուրեկան, փափուկ ու սահուն, մեղմ ու մելամաղձոտ: Նրա լուսագոյն ոտանաւորները գրաբար են և նա մեր առաջնակարգ լիբիկ (քնարական) բանաստեղծներից է:

Նա մեռաւ 1868-ին և թաղուեց Պէշիկթաշի գերեզմանատանը:

124. ԵՂԻՍՅՐ ԵՄՔ ՄԵՔ

Ի ըրւր - ձայնից բնութեան շքեղ  
Թէ երգք թուչին սիրողաբար,  
Մատուք կուսին ամենագեղ  
Թէ որ զարնեն փափուկ քնար,  
Չունին ձայն մի այնքան սիրուն,  
Քան զանձկալի եղբայր անուն:

Տնւր ինձ բու ձեռքդ, եղբայր եւք մեք,  
Որ մրբկաւ էինք զատուած,  
Բազդին ամեն ոխ չարանենդ  
Ի մի համբոյր ցրուին ի բաց:  
Ընդ աստեղօք ի՞նչ կայ սիրուն,  
Քան զանձկալի եղբայր անուն:

Երբ ալևոր Մայր Հայաստան  
Տեսնէ զորդիս իւր քովէ քով,  
Սրտին խորունկ վերջըն զաժան  
Քաղցր արատուաց բուժին ցօղով:  
Ընդ աստեղօք ի՞նչ կայ սիրուն,  
Քան զանձկալի եղբայր անուն:

Մէկտեղ լացինք մենք ի հնում...  
Եկէք դարձեալ յար անբաժան  
Ստուններ դարտօսք և զխնդում,  
Որ բազմածնունդ բլլայ մեր ջան:  
Ընդ աստեղօք ի՞նչ կայ սիրուն,  
Քան զանձկալի եղբայր անուն:

Մէկտեղ յոգնինք, մէկտեղ ցանկնք,  
Մէկտեղ թափին մեր քրտինքներ,  
Ըզհունձ բարեաց յերկինս հանենք  
Որ կեանք առնուն Հայոց զաշտեր,  
Ընդ աստեղօք ի՞նչ կայ սիրուն,  
Քան զանձկալի եղբայր անուն:

Մ. Պէշիկթաշլեան

125. Գ Ա Ր Ո Ի Ն

Ո՛հ, ինչ անուշ և ինչպէս գով  
Առաւօտուց փըչես, հովիկ,  
Ծաղկանց վրայ գուրգուրալով  
Եւ ժաղերուն կուսին փափկիկ,  
Բայց չես հովիկ իմ Հայրենեաց,  
Գնա՛, անցիր սրտէս 'ի բաց:

Ո՛հ, ինչ աղու և սրտագին  
Ծառոց միջէն երգես, թռչնիկ,  
Սիրոյ ժամերն ի յանտառին  
Ըզմայլեցան 'ի բո ձայնիկ.  
Բայց չես թռչնիկ իմ Հայրենեաց,  
Գնա՛, թըռի՛ր սրտէս 'ի բաց:

Ո՛հ, ինչ մըմունջ հանես, վըտակ,  
Ականակիտ և հանդարտիկ.  
Քու հայելոյդ մէջ անապակ  
Նային գիրենք վարդն ու աղջիկ.  
Բայց չես վըտակ իմ Հայրենեաց,  
Գընա՛, հոսէ սրտէս 'ի բաց:

Թէպէտ թռչնիկն ու հովն Հայոց  
Աւերակաց շրջին վերայ,  
Թէպէտ պղտոր վըտակն Հայոց  
Նոճիներձև մէջ կը սողայ,  
Նոքա հառնչք են Հայրենեաց,  
Նոքա չերթան սրտէս 'ի բաց:

Մ. Պէշիկթաշևան

126. ՅԱԿՈՒ ՊԱՐՈՆԵԱՆ (1840—1891)

Ծնաւ Այրիանսպօրիս, ուր և ստացաւ իր կրթու-  
թիւնը: Երեք տարի աշակերտել է Ներսէս Վարժապետեա-  
նին (ապա պատրիարք), որի խորհրդով, հայ գպրոցն աւար-  
տելուց յետոյ, մտնում է յոյն դպրոց, ուստի և միջոց է  
ունենում ծանօթանալու յոյն կլասիկներին հետ: Գիտէր նաև  
ֆրանսերէն և իտալերէն:

Պարոնեանի վրայ ամենից շատ ազդել են Արիստա-  
ֆոնն ու Մոլիերը: Զնայելով իր բոլոր երգիծական տա-

գանդին, նա ունեցել է մի շատ հասարակ և առօրեայ հոգ-  
սերով լի կեանք:

1860-ին է սկսում նրա գրական կեանքը «Արևելեան  
ստամբաղոյժ» երգիծական գրուածով: Այնուհետև նա ըս-  
կում է հրատարակել «Թատրոն» թերթը, որ չուս տա-  
րուայ ընթացքում ուր անգամ դադարման է ենթարկում  
շնորհիւ իր սուր և կծու լեզուի, մինչև որ պատրիարքի  
հրամանով իսպառ դադարում է: Այնուհետև նա մասնակ-  
ցում է մեր պարբերական թերթերին և ամսագիրներին:

1878-ին լոյս տեսաւ նրա գլուխ դործոցը՝ «Ազգային  
Զոջեր», որ ժամանակակից նշանաւոր հայերի կենսագրու-  
թիւնն է երգիծական սուր ու զուարճալի ոճով գրուած,  
ուր ծաղրի հետ միասին, պախարակելով պակասութիւն-  
ները, ծիծաղով էլ գրուատում է նրանց արժանիքը:

Այնուհետև լոյս են տեսնում. «Պտոյտ մը Պօլսոյ փո-  
ղոցներուն մէջ», «Մեծապատիւ Մուրացկաններ», «Բաղ-  
դասար աղբար», «Հոս-հոսի ձեռատետրը» և այլն...

Մեր գրականութիւնն առանց սխալուելու կարելի է  
լացի և ազօթքի գրականութիւն անուանել. Պարոնեանն ա-  
ռաջինն էր ու վերջինը, որ ժպտալ է տալիս մեզ. նա  
հայ գրականութեան առաջին ժպիտն է, առաջին ծիծաղը:  
Նրա տաղանդը զուտ երգիծական էր և աչքի ընկնող, ո-  
րովհետև մեր մէջ նա չունի ո՛չ նախորդ, ո՛չ յետնորդ: Պա-  
րոնեանի ծաղրը սուր ու վիրաւորական չէ՛, այդպէս ծաղ-  
րել գիտէր Ռ. Պատկանեանը, այլ թեթի ու խրատական.  
նա չի ծաղրում, այլ ծիծաղում է և ծիծաղ է յարուցա-  
նում նոյն իսկ ծաղրուած անհատի մէջ...

«Մեծապատիւ Մուրացկաններ» մէջ Պարոնեանը ներ-  
կայացնում է միամիտ բայց հարուստ Աբիսողոմ աղային,  
որ Պօլիս գալով, իր թեթևամիտ փառասիրութեան շնոր-  
հիւ զո՞հ է դառնում «Մեծապատիւ Մուրացկաններ» շո-  
ղոքորթ խարբեայութիւններին, որոնք աւելի խղճալի են  
քան ծիծաղելի:

Հետևեալ հատուածը ներկայացնում է այդ տեսարան-  
ներից միւնը:

127. ՄԵԾԱՊԱՏԻԻ ՄՈՒՐԱՅԿԱՆՆԵՐԸ

Աբխսոզոմ աղային ներկայացաւ երիտասարդ մը, որ վաճառականի չէր նմաներ, սեղանաւորի ալ չէր նմաներ, արհեստաւորի ալ չէր նմաներ, գործաւորի ալ չէր նմաներ, և վերջապէս անանկ բանի մը կը նմանէր, որուն նմանը չկայ: Հազիւ երեսուն երկու տարեկան կը թուէր: Կապոյտ աչերով, դեղին մազերով զարդարուած ըլլալով, ունէր նաև երկու մատ մօրուք, որ մայրաքաղաքի մէջ կամ սղոյ նշան է և կամ չքաւորութեան: Հագուստներն այնքան հին էին, որ հնախոյզները զանոնք զնելու համար մեծաքանակ դումար մը կուտային: Մակայն եթէ հագուստի մասին վանողական էր՝ դէմքի մասին քաշողական գօրութիւն ունէր այս անձը:

—Շառայ եմ մեծապատուութեանդ, մեծապատիւ Տէր, պօռաց այս երիտասարդն սենեակէն ներս մտնելով և մօտենալով Աբխսոզոմ աղային:

—Ի՞նչ կայ, ի՞նչ կուզէք, հարցրուց Աբխսոզոմ աղան վախնալով:

—Վսեմափայլ Տէր, ձեր գալուստն լսելով, վախացի հոս գալ, իմ խորին մեծարանացս հաւատովն ձեր ոտքերուն տակ դնել:

—Ոտքերո՞ւս տակը. շատ աղէկ, դիր, ըսաւ Աբխսոզոմ աղան, որ կը կարծեր թէ մուճակ բերած էր իրեն:

—Շնորհակալ եմ, բարձրապատիւ Տէր, ըսաւ երիտասարդը, դուխը բացաւ և սեղանի վրայ ելաւ կանգնեցաւ:

Աբխսոզոմ աղան այս տեսարանին առջև բոլորովին շուարած՝ անհամբեր տեսնել կուզէր թէ ի՞նչ պիտի ընէր այս պարոնը սեղանին վրայ:

Երիտասարդը ծոցէն թուղթ մը հանեց և աչերն Աբխսոզոմ աղային անկելով բոլոր ձայնովը պօռաց.

—Տեսա՞ք և տիկնայք...

Աբխսոզոմ աղա այս անարկու ձայնէն վախնալով՝ նըստած տեղէն երկու կանգուն վեր ցատկեց և չկրնալով ինքզինքը զսպել պօռաց.

—Ո՞վ է սա մարդը, յիմարանոցէն փախած խենթ է, թէ յիմարանոց երթալու յիմար:

—Հայ ազգն, շարունակեց երիտասարդը ձայնը քիչ մը իջեցնելով, այսօր այնպիսի հանգէս մը կը կատարէ, որ մեր հայրենեաց ամենէն քաջ դիւցազնին նուիրուած է...

—Միտքդ ի՞նչ է, եղբայր...

—Կար ժամանակ մը, ուր խաւարը լուսոյ դէմ կը կուռէր, ազիտութիւնը գիտութեան դէմ, անցեալն ապառնիին դէմ, հրամայականը սահմանականին դէմ, սուրը գրիչի դէմ, ատելութիւնը սիրոյ դէմ, կրակը ջուրին դէմ, միսը բանջարեղէնի դէմ. իսկ հիմա անցան այն ժամանակները. անոնք անցեալ են, մենք ապառնի, անոնք խաւար են, մենք լոյս, անոնք աղէտ են, մենք գիտուն, անոնք սուր են, մենք գրիչ, անոնք ատելութիւն են, մենք սէր, անոնք կրակ են, մենք ջուր, անոնք միս են, մենք բանջարեղէն, անոնք վարունգ են, մենք խնձոր, անոնք փուռ են, մենք վարդ. անցան, անցան այն դարերը, ուր մարդկութիւնը ազիտութեան օրօրոցին մէջ մէյ մը ասդին, մէյ մը անդին կերթար կուգար...

—Միտքդ ի՞նչ է, եղբայրս, ես քեզի բռն մը չըրի. ի՞նչ կուզես ինձմէ, գնա՛ քեզի բարկացնողին գրուցէ այդ խօսքերը...

—Այո, մարդկութիւնը կը շարշարուէր, կրնախատուէր անպուժ բռնաւորներու ձեռքէն և չէր գիտեր որու երթալ և որու բողոքել:

—Տէր ողորմեա՛... Տէր ողորմեա՛, ըսաւ ինքնիրեն Աբխսոզոմ աղա. քաշելիք ունինք եղեր... ես կրնամ հիմա զինքը սեղանէն վար առնել, բայց կը վախնամ որ ծոցէն ատրճանակ մը կը հանէ և կը զարնէ ինձի, վասն զի խիստ բարկութեամբ կը խօսի:

—Իսկ երբ գիտութիւնն եկու, շարունակեց ատենաբանը, և վստեց ազիտութիւնն ինչպէս լոյսն՝ խաւարը, սէրն՝ ատելութիւնը, գրիչն՝ սուրը, ապագայն՝ անցեալը, այն ատեն, ան, այն ատեն... այո, այն ատեն, այն կ'ըսեմ, այն ատեն միայն հասկցուեցաւ որ մարդկութիւն, ազգ և

հայրենիք բառերը բառարանները լեցնելու համար շինուած բաներ չէին, այլ ամեն մարդու մտքին մէջ, սրտին մէջ, հոգւոյն մէջ երկաթեայ տառերով և անջինջ կերպով դրոշմուելու բառեր էին...

—Յղբայր, կ'աղաչեմ, վա՛ր իջիր և այնպէս զրուցէ ցաւդ...

Ատենաբանը կայնած տեղը այնպէս կը դողար, որ Աբխտղոմ աղային սիրտը կը հասնէր թէ երկասարգը դեռ արհնը պիտի իյնար:

Ուստի չուզելով այլ ևս համբերել, պօռայ ինքնակոչ ատենաբանին երեսն ի վեր.

—Վա՛ր իջիր սրկէ:

—Կ'աղաչեմ, մի՛ սաստեր զիս:

—Վա՛ր իջիր, ապա թէ ոչ...

—Մի՛ կտարեր իմ սիրտս, որ աղպին համար կը բաբախէ:

—Ի՞նչ ըսելիք որ ունիս, եկուր քովս մարդու պէսնրտակ և ըսէ, հոն տեղուանքը եղնել ի՞նչ պիտի ըլլայ:

—Կ'աղաչեմ, թո՛ղ տուր վերջացնեմ. անհ, չես զիտեր թէ որչափ կը յուզուիմ, երբ ճառ կը կարդամ:

—Վա՛ր իջիր:

Ատենաբանը բեմէն կ'իջնայ և կ'երթայ աթոռի մը վըրայ կը նստի:

—Հիմա զրուցէ ինձի, միտքդ ի՞նչ է, կ'ըսէ Աբխտղոմ աղա բարկութեամբ:

—Կ'աղաչեմ, մի՛ բարկանար:

—Ի՞նչ կ'ուզես, զրուցէ, շուտ, հիմա:

—Բարկութեամբ մի՛ վարուիր հետս, ստքդ պագնեմ, սիրտս լեցուած է, հիմա կ'սկսիմ լալ:

—Լալու ի՞նչ կայ, եղբայրս:

—Ծառագ կը փափաքի զբաղանութեամբ աղպին ծառայել, բայց այս ազգը շատ ապերախտութեամբ կը վարուի իւր զրագէտներուն դէմ:

—Ասոր մէջ ես ի՞նչ յանցանք տեսիմ:

—Դուք յանցանք չունիք և թերես իրաւունք ունիք...

ոտանաւորներ ունիմ զրած Հայրենիքի վրայ, սքանչելի կատրներ, պատուական սողեր, որոնց մէջ երևակայութիւնը, աւիւնը, խանգն, հուրն ու բոցը սաւառնաթիւ կը սլանան:

—Շատ աղէկ, ասոր համար լալո՛ւ է:

—Մեր աղպն անոնց յարգն ու պատիւը չճանչնար, զանոնք տղայական բաներ կը կարծէ և թող կուտայ որ զանոնք զրոյր անօթի մնայ:

—Ես ի՞նչ ընեմ:

—Կ'աղաչեմ, քաղցրութեամբ վարուէ հետս:

—Ի՞նչ բրած ունիմ քեզի:

—Չեզի պիտի աղաչէի որ...

—Ի՞նչ, շուտ ըսէ...

—Մի՛ պօռար երեսս ի վար, հոգիդ սիրես, հիմա կ'սկսիմ լալ...

Նորէն սկսաւ լալ զրագէտը:

—Տէր Աստուած, Դուն համբերութիւն տուր ինձի, ըսաւ Աբխտղոմ աղան մեկուսի:

—Խնդիրքս սա էր, որ կ'ուզէի տպել տալ քիչ մը առաջ կարդացած ճառս...

—Գնա տպել տուր, քու ձեռքէդ բռնող կոնց:

—Պիտի խնդրէի ձեր Մեծապատուութիւնէն որ տպագրութեան ստակը դուք տայիք:

—Ինչո՞ւ... ի՞նչ պատճառ կայ որ քու ճառիդ համար ես դրամ տամ: Լսուած բան է որ մէկը իրեն շահուն համար գիրք տպէ, ծախքն Աբխտղոմը տայ:

—Կը խնդրեմ, սիրտս արդէն խոցուած է, դուք ալ նոր վերք մը մի՛ բանաք հոս:

—Ինչո՞ւ վերք պիտի բանամ եզեր. գնա բանըդ, եղբայր, փորձանք եղար զլիսուս:

—Գիտէ՞ք որքան ծանր է զրագէտի մը ասանկ խօսքեր լսելը...

—Չեմ գիտեր և զիտնալ չեմ ուզեր:

—Բանաստեղծի մը սիրտը շատ փափուկ է, ամենա-

թեթև խօսքէ մը կը վիրաւորուի: Այս նիւթին վրայ ոտանաւոր մը գրած ունիմ, կարգամ, մտիկ ըրէք:

—Ոտանաւոր մտիկ ընելու ժամանակ չունիմ:

—Կ'աղաչեմ, ոտանաւորիս հետ խտուրթեամբ մի՛ վարուիք. այն ոտանաւորին համար զոր դուք չէք ուզեր մտիկ ընել, երկու ամիս աշխատած եմ ես. և երբ անոր նախատուիլը տեսնեմ՝ արժանապատուութիւնս կը վիրաւորուի: Կ'աղաչեմ, ոտանաւորիս համար գէշ մի՛ գրուցէք... Կը խընդրեմ, թոյլ տուէք ինձ կարգալ զայն անգամ մը...

—Ես ոտանաւոր մտիկ ընելու չեկայ հոս:

—Շատ լաւ. ողբերգութիւն մը գրած եմ, անոր վրայէն անցնինք:

—Չեմ ուզեր, ես անօթի եմ, հիմա կերակուր պիտի ուտեմ:

—Շատ լաւ, ուտելիքի վրայ առենարանութիւն մը ընեմ:

—Ժամանակ չունիմ մտիկ ընելու:

—Կ'աղաչեմ, այդ խօսքը ուրիշ անգամ մի՛ ըսեր, ատկէ աւելի ծանր խօսք չկայ հեղինակի մը համար, որ իւր մէկ աշխատասիրութիւնն ուրիշի կարգալու փափաք կը յայտնէ: Կը խնդրեմ, ըսրձրապատիւ Տէր, քաղցրութեամբ վարուեցէք հեղինակներու հետ:

—Գլխուս վրայ նստեցունեմ քեզի:

—Ոտքդ պագնեմ, մի՛ ծագրէք զիս. ինչո՞ւ ձեր գլխուն վրայ նստեցունէք:

—Ի՞նչ ընեմ հապա. քսակս քեզի՛ տամ՝ հեղինակներու հետ քաղցրութեամբ վարուած ըլլալու համար:

—Ո՛չ, միայն ձաւիս տղազրութեան ծախքը:

—Քանի՞ ոսկիով կը լմնայ, գործդ:

—Չորս ոսկիով կը լմնայ, բան մը չէ, իմ Մեկենասու պիտի ըլլաս, ես ալ քու անունդ ոտանաւորով մը գրքոյիկին ձակատը պիտի գնեմ:

—Չակատը քնես պիտի:

—Այո՛:

—Ինչո՞ւ համար:

—Որպէս զի ամեն մարդ գիտենայ թէ ձեր ստակովը սպուած է այն գիրքը:

—Շատ լաւ, պատասխանեց Աբխտղոմ ազան և քսակէն չորս ոսկի հանեց տուաւ: Հեղինակն հազար յարգանք մատուցանելով՝ դուրս ելաւ:

Աբխտղոմ ազան ետեէն կանչեց զինքը և հարցուց.

—Չ'կրնար ըլլալ որ գրքին ձակատը սպասուորներուս ալ անունները քնես և իմացունես Ազգին որ Աբխտղոմ ազան կովեր, ոչխարներ, էջեր և ագարակներ ունի իր քաղաքին մէջ:

—Աս ձեր ըսածները հովուերգութեան ճիւղին կը վերաբերին:

—Չեմ հասկնար:

—Ատոնց վրայ ոտանաւոր կը գրուի, եթէ կը փափաքիք՝ ոտանաւոր մը շինեմ:

—Ի՞նչ ընեմ ոտանաւորը:

—Լրագրի մը մէջ տպել կուտաք:

—Կը տպե՞ն:

—Ինչո՞ւ չպիտի տպեն. եթէ կէս ոսկի տալու ըլլաք՝ քառասուն անգամ կը տպեն:

—Շատ աղէկ. աս ըսածդ դրէ:

—Գլխուս վրայ:

—Վաղը առտու կը բերէք:

—Վաղը առտու... ի՞նչ կ'ըսէք... մէկ ամիսէն հազիւ կրնամ պատրաստել:

—Մէկ ամիսէն:

—Հազիւ. ոտանաւոր կարգալը դիւրին է, բայց գրելը դժուար: Գեղեցիկ ոտանաւորի մը համար քիչէն քիչ երկու ամիս պէտք է:

—Ի՞նչ կ'ըսէք...

—Այո՛, բայց ես կ'աշխատեմ ամիսէ մը լմնցունել:

—Աս ի՞նչ դժուար բան է եզեր:

—Ի՞նչ կարծեցիք հապա. երկու ամիս պիտի սպասեմ որ մուսաս զայ և ներշնչէ ինձի, որպէս զի գրեմ. առանց մուսայի ոտանաւոր չգրւիր:

—Եթէ այդ մուսայն դարու չըլլայ...

—Անպատճառ կուգայ:

—Չ'կրնար ըլլալ որ նամակ մը գրես և աղաչես իրեն որ շուա մը գայ և դուն ալ երկու ամիս չսպասես:

—Անիկայ ինքն իրեն կուգայ, նամակի պէտք չունի, մեծապատիւ Տէր:

—Ո՛ւր կը նստի... շատ հեռուն է:

—Այո, շատ հեռու է, բայց կուգայ:

—Ցամաքէն թէ ծովէն:

—Չէ, մեծապատիւ Տէր, չէ:

—Ո՛վ է ուրեմն աս գեանին տակը անցնելու մարդը... ուսկից պիտի գայ... ըսէ որ ճանբայ մը մամտանք ու բերել տանք...

Եթէ մէկ երկու սակի տանք՝ այս շաբաթ կուգայ:

—Այո, երկու սակի տալու պէս գործը կը դիւրանայ և մուսայն այս շաբաթ վաղելով կուգայ, պատասխանեց անմուսայ բանաստեղծը, սակի բառը լսելուն պէս:

—Գրէ ուրեմն իրեն, իմ կողմէս ալ յատուկ բարևներ ըրէ, և ըսէ որ Աբխտղոմ ազան քեզ տեսնել կ'ուզէ:

—Դիտուս վրայ: Մնայք բարեաւ, Տէր, շնորհակալ եմ ձեզմէ. ծառայ եմ ձեր մեծապատուութեանը, և կ'աղաչեմ որ ընդունիք...

—Ո՛չ, ըսաւ Աբխտղոմ ազա բարկութեամբ, ալ երկար ըրիր. անա ինչ որ ըսիր ընդունեցի և դեռ ի՞նչ կ'ուզես որ ընդունիմ...

—Պորին յարգանացս հաւաստիքը, Տէր... որով մնամ ձեր մեծապատուութեան ամենախոնարհ ծառայ:

—Շատ աղէկ:

Մեկնեցաւ բանաստեղծն, երկու սակիով բերել տալ խոստանալով մուսայն, զոր ոմանք աւելի աժան գնով բերել կուտան: Մուսայի մ'օրականն հիւանի մ'օրականէն աւելի չէ այժմ:

Թ. Թ. Պարոնեան

128. ԳԱՐԵԳԻՆ ԵՊԻՍԿ. ՍՐՈՒԱՆՁՏԵԱՆ (1840—1892)

Ծնաւ դեկտեմբերի 14-ին 1840 թ-ի, Վանում. աշակերտ էր Վանայ մօտ գտնուող Վարագայ դպրոցում, որ բաց էր արել Խրիմեան Հայրիկը: Շուտով նա ձեռնադրուեց վարդապետ և եղաւ աշակից և ուսուցիչ նոյն դպրոցում.— Սրուանձտեանը յայտնի էր որպէս հիանալի բանահաւաք. ժողովրդական աւանդութիւնները, սովորութիւնները, նախապաշարուներն ու անոտիապաշտութիւնները նրա գրչի տակ առնում են մի զարմանալի կայտառութիւն ու կենդանութիւն.— նրա «Թորոս Աղբարը», «Գրոց-Բրոց»-ը, «Հնոց-Նորոց»-ը մի մի կոթող են ժողովրդական անգիր գրականութեան: Ներսէս պատրիարքի յանձնարարութեամբ նա ճամբորդեց Փոքր-Ասիա և Հայաստան՝ հայերի մասին ճիշտ և մանրամասն տեղեկագիր ներկայացնելու: Այդ ճամբորդութիւնը Թորոս-Աղբարի մէջ նա նկարագրում է այնպէս կենդանի, այնքան պարզ ու բանաստեղծական, որ կարդացում է ինչպէս մի վէպ:—Ստուուցի Դաւթի գիւար նրան ենք պարտական: Սրուանձտեանը մեռաւ 1892 թ. նոյեմ. 17-ին:

129. Ա. Ռ. Ա. Ի Օ Տ

Ա.

Առաւօտ է: Ինչպէս ամեն տեղ՝ այնպէս էլ Հայաստանի գիւղերում ամենքը շարժողութեան մէջ են: Գիւղացիները արդէն զարթել են այն փոքրիկ թռչնիկի ձայնից, որ գալիս նստում է երգիքների վրայ ու կանչում. « Լձէ, լձէ »: Նրանք արդէն լծել են իրանց եղներն ու զոմէշները և բաւական վարել են գետինը: Տների մէջ մատակներն ու կովերը կթել են: Ոչխարների հօտն էլ դաշտումը մատղաշ արօտներից արդէն մի քաղցր նախաճաշ է արել: Տանտիկներն էլ կովերն ու հորթուկներն է գուրս հանում:

Գիւղի աղջկերքն էլ խուճր-խուճր գնում են դէպի

կանանչ մարգագետինը, ծաղիկները կոխելով, ծաղիկներ քաղելով և իրար վրայ ածելով, ծիծաղելով, խայտալով: Նրանք հանդիպում են կաքաւների երամին, լորին, արտուտիկին, որոնք խոտերի տակից թռչկոտում են թփից թուփ, ուզենալով իրար նմանիլ, դու սաս, աղջկեքը թեաւոր թրուչուններին, թէ թռչունները ոտնաթռիկ աղջկանց: Նրանք անցնում գնում են առաջ՝ բանջարներ ժողովելու և կանչելու, աղջկեքը՝ «քս, քս», կաքաւները՝ «գնւ, գնւ»:

Բ.

Կուռնիք երամով կարաւան է կազմել սլաքաձև, օդի բարձր տեղերումն անցնելով՝ «կոճւ, կոճւ» է կանչում: Ծառայ եմ ձայնին:

Երկարասրունք արագիլը կաուցը սրած՝ բոյնից դուրս է եկել՝ «հօդ, հօդ» ձայներով դէպի դաշտն է վազում՝ ջրի ու ցամաքի օձերը բռնելու և սպանելու:

Չորթան-տարուկը գիւղի տանիքների վրայ ու բակերի մէջ է թաղնուել, որ չորթան յափշտակէ:

Կայր բուն այս ժամանակ իր համար մի բոյն է որոնում, որ ծածկուի այնտեղ, վերջացնելով իր «Վայ վայ»-ն, որով սգում էր դիշերը, մի չորացած ծառի կամ գերեզմանաքարի վրայ նստած:

Չկնկուլը գետերի ափերն է վազում ու «ձը՛կ, ձը՛կ» կանչելով՝ ձուկ-մուկ է որոնում կուլ տալու:

Բաղն ու սագը ջրերի վրայ նստած՝ կայտառ նաւաւ վարների պէս թուփում են ու երգում:

Սանրակատար յոյդոյը անհանդիսա ոստոտում է և անդադար աղաղակում՝ «յնպ, յնպ»:

Իեզնապորտիկը փափուկ ու մաքուր, ճերմակ ու գեղին շորեր հագած՝ փոքրիկ մացանների ու թանձր խոտերի միջից գլխիկը ցոյց տալով ու թագցնելով՝ իր ձայնն է լսեցնում:

Սոխակի ձայնն էլ լսում է բոլոր երգողների ձայների հետ և ամեն լսողի ուշքը ու մտքը վերացնում:

Բարբարոս բազէն որոտացող ձայնով վեր ու վայր է

սլանում՝ մի անմեղ ու անդդոյշ աղաւնի կամ տաարակ պատառոտելու:

Անգղները, ձրի սպրոդ քիւրդերի պէս, մի սպանուածի հոտ առել, գնում են նրա դիակի մտերը կողոպտելու: Ահա արծիւն էլ երևում է. նրա հզօր թևերի բաղխումից օդը շառաչելով պատուում է. բոլոր թռչունները մի անգամից լուռ են, մինչև անցնի հեռանայ այդ անեղ ու փառահեղ թագաւորը:

Գ. Վ. Սրուանձտեան

130. Ի Մ Ա Ս Տ Ո Ւ Ն Ջ Ո Ւ Լ Է Ա Կ Ը

Մի թագաւոր նստած էր իր գահի վրայ: Հեռաւոր երկրից մի դեսպան եկաւ և, առանց խօսելու, թագաւորի գահի շուրջը մի կոթ դիծ քաշեց ու լուռ ու մուռնջ մի կողմը քաշուեց, նստեց:

Թագաւորը այս մարդու արարմունքից ոչինչ չհասկացաւ. կանչեց իր իշխաններին. նրանք էլ մի բան չհասկացան: Թագաւորը շատ վատ դրութեան մէջ էր: Նրա համար մեծ ամօթ էր, որ իր տէրութեան մէջ մի խելօք մարդ չէր գտնուում՝ դեսպանի արածը հասկանալու համար: Թագաւորը սաստիկ նեղացած՝ յայտնեց ամենքին, որ եթէ նրան պատասխան տուող չգտնուի, էլ ոչ ոքի կենդանի չի թողնի:

Թագաւորի կողմից խնդրակներ ման եկան ամեն կողմ, և վերջը մի տան մէջ գտան մի ջուլհակ (ոստայնանկ): Տեսնում են, որ այն մարդը մի անեղ նստած՝ միւկնոյն ժամանակ երեք գործ է շինում.— համ իր կտաւն է գործում, համ երկու երեխայի օրօրոց է օրօրում, համ էլ տանիքի վրայ ցորեն է փռել, մօտը մի ճիւղոտ է տնկել. երբ ինքը կտաւի թելերը շարժում է՝ կտաւը գործում է, օրօրոցները օրօրում են, այն ճիւղոտն էլ շարժուելով՝ տանիքի ծտերն են փախչում, ցորենից հեռանում:

Նրանք այս բանի վրայ շատ են դարմանում: Յետոյ նրան պատմում են, թէ հեռաւոր երկրից մի մարդ եկաւ,

Թագաւորի գահի շուրջը մի դիժ քաշեց, և ոչ ոք չկարողացաւ իմանալ, թէ դրանով ինչ էր ուզում ասել: Վերկաց, դնանք. եթէ դու նրա միտքը իմանաս՝ Թագաւորը քեզ մեծ պարգևներ կը տայ:

Ջուլհակը մի քիչ մտածում է, յետոյ անում է երկու վէզ ու մի վառիկ և գնում է հեռները: Հասնելով Թագաւորի մօտ՝ վէզերը հանում է և ձգում դեպպանի առաջը: Դեպպանը գրպանից մի բուռը կորեկ է հանում ու շաղ տալիս դեանին: Ջուլհակը բաց է թողնում վառիկը, որն իսկոյն սկսում է կտցահարել կորեկը:

Այս բանը տեսնելով՝ դեպպանը տրեխները հագնում է ու սուս ու փուս դուրս գնում:

Թագաւորը ջուլհակին հարցնում է, թէ «Այդ ի՞նչ արիր»: Ջուլհակը պատասխանում է. «Այդ մարդը եկել էր ասելու, թէ «Մեր Թագաւորը դալիս է քեզ հետ պատերազմելու, քո երկրին տիրելու. խոնարհում ես, թէ կուով ես ուզում պատասխանել»:

Ես նրա առաջը վէզեր ձգելով հասկացրի, թէ «Դուք մեզ համար երեխաներ էք, գնացէք վէզ խաղացէք. դուք սվ, մեզ հետ կուռոյն սվ»: Նա իր շաղ առած կորեկով ուզեց հասկացնել, թէ «Մեր զօրքերը անթիւ, անհամար են. դուք ի՞նչ կարող էք անել»: Եւ երբ ես վառիկս բաց թողի ու նրա բոլոր կորեկը կերուաւ, դրանով պատասխանեցի, թէ «Մեր մի մարդը ձեր հագար մարդուն կը ջարդէ գնահ, պատմիր քո Թագաւորին»:

Թագաւորը այս բացատրութիւնը լսելով՝ մեծամեծ պարգևներ տուեց ջուլհակին և ուզեց նրան վէզերի պաշտօն տալ: Բայց ջուլհակը պարգևների մի մասովը բաւականացաւ և Թագաւորին ասաց. «Ո՛չ, Թագաւոր, թող որ ես ջուլհակ մնամ, վէզերիդ ինչ պատիւ ուզում ես՝ տուր, միայն ջուլհակին ու կօշկակարին էլ մարդու տեղ դիր»:

Գ. Վ. Սրուանձտեան

131. ՊԵՏՐՈՍ ԴՈՒՐԵԱՆ (1851—1872)

Դուրեանը ծնաւ 1851-ին Կ. Պօլսում. նրա հայրը դարբին էր: Մանկութիւնից նա ճանաչեց կարիքն ու նեղութիւնը իր բոլոր դաճնութեամբ: Մի կտոր հաց ճարելու համար նա ստիպուած էր յանձն առնել այնպիսի գործեր, որոնք ոչ մի առընչութիւն չունէին նրա կոչման հետ: Այդ դաճն կարիքն էր, որ գերեզման տարաւ Դուրեանին այն ժամանակ, երբ նա նոր էր մտել կեանքի գարունը. 21 տարեկան, հիւժուած թորախտից, նա պիտի խոնարհէր իր գլուխը մահուան մանգաղի առաջ: Ո՛չ մէկը հայ բնաստեղծներից այնքան փայլուն ապագայ չէր խոստանում, ինչպէս Դուրեանը և ոչ մէկն էլ նրանցից այնքան նեղ, թշուառ ու կարճատև կեանք չունեցաւ, ինչպէս Դուրեանը:

Դուրեանի կրգերը դաճն են ու տխուր, ինչպէս իր կեանքը. նրա կրգերի հիմնական մտտին է հայրենիք, սէր և մահ. — մանաւանդ մահ, որի ներկայութիւնը նա զգում էր գրեթէ գիտակցութեան առաջին օրից, որի պատճառով նրա ամեն մի տողը, ամեն մի բառը տողորուած է մի անհուն թախիժով, ինչպէս այդ տեսնում ենք հետևեալ կրգի մէջ, որ ըստ աւանդութեան՝ գրել է անկողնու մէջ, հիւանդ ժամանակ:

132. Տ Ր Տ Ո Ւ Ն Ջ Ք

Է՛, մընաք բարով, Աստուած ու արև՝  
Որ կը պըլպըլաք իմ հոգւոյս վերև...  
Աստղ մ'ալ ես կ'երթամ յաւելուլ երկնից,  
Աստղերն ի՞նչ են որ, եթէ ոչ անրիժ  
Եւ թըշուառ ոգւոց անէժք ողբադին,  
Որք թըռին այրիլ ճակատն երկնքին.  
Այլ այն Աստուծոյն՝ շանթերո՛ւ արմատ՝  
Յաւելուն գէնքերն ու զարդերն հըրատ...  
Այլ, սէ, ի՞նչ կ'ըսեմ... շանթահարէ՛ գիս,  
Աստուած, խոնն հսկայ փշրէ՛ հիւլէիս՝  
Որ ժպրհի ձգտիլ՝ սուզիլ խորն երկնի,  
Ենել աստղերու սանդուղքն ա՛հալի...  
Ողջոյն քեզ, Աստուած գողգոջ էակին,  
Շողին, փըթիթին, ալւոյն ու վանկին,  
Դու, որ ճակտիս վարդն ու բոցն աչիրուս  
Խըլեցիր թրթուումս շրթանց՝ թոխն հոգւոյս,  
Աճղ տըւիր աչացս, հեւր տըւիր սըրտիս,  
Ըսիր մահուան՝ դուռն ինձ պիտի ժըպտիս,

Անշուշտ ինձ կեանք մը պահած ես կտքի,  
 Կեանք մը անհուն շողի, բոյբի, աղօթքի.  
 Իսկ թէ կորնչի պիտի իմ հուսկ շունչ  
 Հոս մառախուղի մէջ համը անշուշտ,  
 Այժմէն թող որ շանթ մ'ըլլամ դալկահար,  
 Պըլլուիմ անուանող, մոնչիմ անդադար,  
 Թող անէծք մ'ըլլամ ու կողբող խրիմ,  
 Թող յորջորջեմ քեզ. «Աստուած ոխերիմ»:  
 Ո՛հ, կը դողդոջեմ, գժգոյն եմ, գժգոյն,  
 Փըրփըրի ներսըս դըժոխքի մ'հանգոյն...  
 Հառնչ մ'եմ հեծող նոճերու մէջ սե,  
 Թափելու մօտ չոր աշնան մէկ տերև...  
 Ո՛հ, կայծ տըւէք ինձ, կայծ տըւէք, ապրիմ...  
 Ի՛նչ, երազէ վերջ գըրկել ցուրտ շիրիմ...  
 Այս ճակատագիր ինչ սե է, Աստուած,  
 Արդեօք դամբանի մրուրով է գըծուած...  
 Ո՛հ, տուէք հոգւոյս կրակի մի կաթիլ,  
 Միրել կ'ուզեմ դեռ 'ւ ապրիլ ու ապրիլ...  
 Երկնքի աստղեր, հոգւոյս մէջ ընկէք,  
 Կայծ տուէք, կեանք՝ ձեր սիրահարին հէք:  
 Գարունն սչ մէկ վարդ ճակատիս դալկահար,  
 Ո՛չ երկնի շողերն ժըպիտ մ'ինձ չեն տար.  
 Գիշերն միշտ դազազս, աստղերը ջահեր,  
 Լուսինն յար կուլայ, խուզարկէ վըհեր.  
 Կըլլան մարդիկ, որ լացող մը չունին,  
 Անոր համար նա դըրաւ այդ լուսին.  
 Եւ մահամերձն ալ կ'ուզէ երկու բան.  
 Նախ կեանքը, վերջը լացող մ'եր վըրան:

Ի գո՛ւր գրեցին աստղերն ինձի «սէք».  
 Եւ ի գո՛ւր ուսոյց բուրբուն ինձ «սիրել»,  
 Ի գո՛ւր սիւղեր «սէք» ինձ ներշնչեցին,  
 Եւ զիս նորատի ցուցուց ջինջ ալին,  
 Ի գո՛ւր թաւուտըներ լըռեցին իմ շուրջ,  
 Կաղանապահ տերևը չափին երբէք շունչ,  
 Որ չըլտուվին... երազըս վըսեմ,  
 Թոյլ տըւին, որ միշտ ըզնէ երագեմ,  
 Եւ 'ի գո՛ւր ծաղկունք, փըթիթներ գարնան՝  
 Միշտ խնկարկեցին խոկմանցս խորան...  
 Ո՛հ, նոքա ամենքը զիս ծաղրեր են...  
 Աստուծոյ ծաղրն է աշխարհն ալ արդէն...

Պետրոս Դուրեան

133. Լ Ճ Ա Կ

Ի՞նչու ապշած են, լճակ,  
 Ու չեն խայտար քու ալեակը.  
 Մի՛թէ հայելոյդ մէջ անձկաւ  
 Գեղունի՛ մը նայեցաւ:

Եւ կամ մի՛թէ կըզմայլին  
 Ալեակըդ երկնի կապոյտին,  
 Եւ այն ամպոց լուսափթիթ,  
 Որք նմանին փրփուրիդ:

Որքան ունիս դու այլ՝  
 Ճակատս այնքան խոկ ունի,  
 Ո՛րքան ունիս դու փրփուր,  
 Մի՛րտս այնքան խոց ունի բիւր:

Այլ թէ գողդ ալ թափին  
 Բոյքն աստեղաց երկընքին,  
 Նրմանել չես կրնար դուն  
 Հոգւոյս՝ որ է բոց անհուն:

Հող աստղերը չեն մեռնիր,  
 Ծաղիկներդ հող չեն թոռմիր,  
 Ամպերն չեն թըրջիր հող,  
 Երբ խաղաղ էք դու և օդ:  
 Ծատերը զիս մերժեցին,  
 «Քընար մ'ունի սուկ» — ըսին.  
 Մին՝ «դողդոջ է, գոյն չունի»,  
 Միւսն ալ ըսաւ. — «կըմեռնի»:

Ոչ որ ըսաւ. — «Հէք տըղայ,  
 Արդեօք ի՞նչու կը մըխայ,  
 Թերևս ըլլայ գեղանի,  
 Թէ որ սիրեմ, չըմեռնի»:

Ոչ որ ըսաւ. «Մա տըղին  
 Պատուեմ սիրտը տըրամագին,  
 Նայինք ինչեր դըրուած կան»...  
 — Հոն հրդեհ կայ, սչ մատեան.

Հոն կայ մոխիր... յիշատակ...  
Ալեակքդ յուզին թող, լըճակ,  
Զի քու խորքիդ մէջ անձկաւ  
Յուսահատ մը նայեցաւ:

Պետրոս Դուրեան

134. Ի Մ Մ Ա Հ Ը

Եթէ դժգոյն մահու հրեշտակ  
Անհուն ժպտով մ'իջնէ իմ դէմ,  
Շողիանան ցաւքս ու հագիս,  
Գիտցէք որ դեռ կենդանի եմ:

Եթէ սընարըս իմ տիպար  
Մոմ մը վախա ու մահադէմ,  
Ո՛հ, նըշուլէ ցուրտ ճառագայթ,  
Գիտցէք որ դեռ կենդանի եմ:

Եթէ ճակտովս արտօնարագոծ  
Զիս պատանի մէջ ցուրտ գերթ վէմ  
Փաթթեն, զընեն սև դադազը,  
Գիտցէք որ դեռ կենդանի եմ:

Եթէ հընչէ տխուր կոչնակ,  
Թրթռուն ծիծաղն մահու դժխեմ,  
Դադադս առնէ իր համը քայլ,  
Գիտցէք որ դեռ կենդանի եմ:

Եթէ մարդիկ այն մահերգակ,  
Որք սև ունին ու խոժոռ դէմ՝  
Համասըփոռն խունկ ու աղօթք,  
Գիտցէք որ դեռ կենդանի եմ:

Եթ՛ յարգարեն իմ հողակոյտ,  
Եւ հեծեծմամբ ու սրգալէն  
Իմ սիրելիքը բաժնըւին,  
Գիտցէք որ դեռ կենդանի եմ:

Իսկ աննըշան եթէ մնայ  
Երկրի մէկ խորշն հողակոյտն իմ՝  
Եւ յիշատակս ալ թառամի,  
Ա՛հ, այն ատեն ես կ'մեռնիմ:

Պետրոս Դուրեան

135. ՀԻՆ ԷՖԷՆՏԻՆ ԵՒ ՆՈՐ ՔԱՀԱՆԱՆ

—Սրբազան, սա լերան արջը երբ եկաւ:

—Լերան արջը ով է, էֆէնտի, հարցուց քմծիծաղով  
մը եպիսկոպոսը, որ բան մը չէր հասկացած:

—Ա՛յ, հեռու կարգէն, սա ասորուան դարիպը:

—Տէր Յուսիկ Հայրը կը հարցնէք, էֆէնտի, ընդդի-  
մաբանեց եպիսկոպոսը, շեշտին մէջ արտայայտելով զըժ-  
գոնութիւնը, զոր կը զգար Աստուծոյ պաշտօնէին նկատ-  
մամբ անհարկի լեզուի մը դէմ: Ու շարունակեց.

—Երեք օր է:

—Ո՞վ խրկեց:

—Ո՞վ պիտի խրկէր որ: Պատրիարքարանէն յանձնա-  
բարագրով եկաւ, միւս պանդուխտը արդէն գացած ըլլա-  
լուն:

—Է՛հ, ալ ասանկ ատեն հոս խրկելիք ուրիշ մարդ  
չգտան:

—Ի՞նչ կայ, էֆէնտի, ի՞նչ եղաւ, ի՞նչ ըրաւ, հարցա-  
պնդեց եպիսկոպոսը ակներև սրտնեղութեամբ:

—Ի՞նչ կայ մի, ի՞նչ եղաւ մի, ի՞նչ ըրաւ մի: Ինծի  
կը հարցնէք, սրբազան: «Ականջս ունին և ոչ լսեն, աչս  
ունին և ոչ տեսանեն»:

—Ինչ որ կայ, կ'ազաչեմ, պարզօրէն ըսելիք, էֆէնտի,  
խնդրեց եպիսկոպոսը: Այս քահանային նկատմամբ եթէ ա-  
ռաջուց բան մը գիտէք, այդ ուրիշ խնդիր է:

Պատիկ պնուաշուք մը, որուն աչքը պատուհանն էր,  
այդ ըոպէին նշմարելով պանդուխտը որ խնդրակատարէն  
կ'ելլէր, էֆէնտիին իմացուց:

—Ներս կանչեցէք, հրամայեց էֆէնտին:

Հայաստանցի տէրտէրը եպիսկոպոսին առջևը խոնար-  
հութիւն ըրաւ, ու ներկաները համահաւասար «ողջոյն»-ով  
մը բարեկէլ յետոյ, ոտքի վրայ մնաց: Էֆէնտին նստիլ  
հրամայեց: Տէրտէրը չլսելու գարկաւ: Ոտքի վրայ կեցած  
էր ի յարգանս եպիսկոպոսին և ոչ թէ աշխարհականի մը:

Դիրքի փոփոխութեան հրամանը նուիրապետական բարձունքէն կը սպասէր: Պարտաճանաչ մեծարանքի այս համարձակ արտայայտութիւնը դարիպին վրայ հրաւիրեց եպիսկոպոսին բարեացակամ տրամադրութիւնը:

—Նստէ, տէր հայր, նստէ, հրամայեց դաշն ձայնով:

Տէրաւորը սրբազանին առջև խոնարհելով նստաւ:

Քանի մը վայրկեանի լուռութենէ յետոյ, էֆէնտին՝

—Հրամանքդ մը տեղէն ես, տէրտէր, հարցուց, հատիկ-հատիկ արտասանելով իւրաքանչիւր վանկ:

—Տոմուզ գեղէն, պատասխանեց տէր Յուսիկ, առանց «ծառայ եմ, էֆէնտի» նախաբանին՝ որ պանդուխտներուն բերան պարտաւորիչ էր:

—Տոմուզ գեղէն, հըմ, մըթմըթաց էֆէնտին քթին տակէն: Ու բարձրաձայն.

—է, հոս ալ գիտես ուր է:

—Ստամպոլ չէ:

—Հոն, առ ալ գիտես եղեր: Աղէկ, աղէկ: է, Հասան փաշան ալ գիտես ո՞վ է:

Ուսերը վեր թռթուելով, երեսը պատին դարձուցած, պանդուխտը արհամարհանքով մը մըմուտց.

—է, ես ի՞նչ գիտնամ, ո՞վ է: Ով կուզէ՝ թող ըլլայ:

Աշխարհիս երեսը շունէն շատ Հասան փաշայ կայ:

Եկեղեցականները սկսան մօրուքնին շոյել: էֆէնտին պարտաւորութեցաւ լայնկեկ թաշկինակի մը օժանդակութեանը դիմել, արքայապիղծ յանդգնաբանութիւնը չլսած ըլլալու համար: Ազնուաշուքները քթերուն տակէն ամնա հէօսիկա փսփոսցին իրարու: էֆէնտին իր թաշկինակը ծալելով, շարունակեց ծանրութեամբ.

—Աս Հասան փաշան քու գիտցածներէդ չէ, տէրտէր: Պէշիկթաշի Հասան փաշան է:

Սպառնացայտ շեշտը զոր էֆէնտին «Պէշիկթաշ»-ին զարկաւ, թէև ժողովականներուն երեսները մթազնեց, բայց բնաւ ներգործել չթուեցաւ Հայաստանի տէրտիրոջ վրայ, որ ալ աս անգամ պոռթկաց.

—է, ես ի՞նչ ընեմ, որ տեղինը կուզէ թող ըլլայ: Հա-

սան փաշա մըն ալ մեր խոստացան կայ: Եւ, ամիրա, ես քեզի բան մը ըսեմ. սասանկ սուրբ օրով մեծ մեղք է, պատարագէն ետքը անհաւատ շուներուն անունները բերաննիս առնելով ծովերնիս աւրելը:

Ու հաւատացեալ քրիստոնէի խղճատանքի խայթէն տանջուած, ոտքի ելաւ և եպիսկոպոսէն մեկնելու հրաման խնդրեց: Սրբազանը՝ խորհրդաւոր հարցումներուն շարժառիթը խմանալու ինքն ալ հետաքրքիր՝ խնդրուած թոյլարուութիւնը զլացաւ:

էֆէնտին հարցումներն ու վճիռները անայլայլակ շարունակեց, առանց շուտափոյտ դոհացում շորհելու իր շուրջը գտնուող հետաքրքիրներուն անհամբերութեանը:

—Աս Հասան փաշան քու մէկէքիթիդ Հասան փաշաներէն չէ, պոռաց գրեթէ: Ու ձայնը ցածքընելով ցածքընելով,

—Աս Հասան փաշան, Նորին Վեհափառութեան աչքն ու ախանջն է. սորվէ:

—է, ինձի ինչ, ամիրա, ինչ կուզէ՝ թող ըլլայ, դիմադարձեց տէր Յուսիկ, իր անհոգ անհամարանքի շեշտով: Կուզէ աչքը ըլլայ, կուզէ ախանջը. որ ծակը կուզէ թող ըլլայ:

Եպիսկոպոսը՝ այս մենամարտական հարց-պատասխաններուն սլ վերջը մը գնելու ժամանակը հասած համարելով, էֆէնտին խնդրեց, տէր Յուսիկ հօր պարզօրէն յայտնել ինչ որ իմացնել կուզէր:

էֆէնտին անգրադարձաւ որ եպիսկոպոսը այս անգամ կը զգուշանար «Ձեր վսեմութեան հրամանները հազորդել» նուիրագործեալ բանաձևին կիրառումէն: «Խըմպըլ» տէրտէրի մը կոպտութիւնը նոյն իսկ քարոզչին վրայ կ'ազդէր: Մտքին մէջ իր հեղինակութեանը դէմ կղերական ըմբոստացման կասկածը ծնաւ: Բայց կը զգար թէ կացութեան տէրը ինքն էր: Նախ՝ ձեռքին հինգ մատերը շրթունքէն օդը, օդէն շրթունքը տարուրբերելով, դոչեց.

—Ժողովուրդը զրգոող ան ի՞նչ եղանակներ էին: Կու-

ըր հիմակ գնաց Հասան փաշային: ձուռնալ եղանք, հուռնալ:

Ու հազիւ լսելի մրմունջով մը.

—Ան ինչ «ազատութիւն» է որ պոռացիր, տէրաէր: Եպիսկոպոսը, աւագերէցը, աթուակալը յօնքերնին քսասեցին: Տէր Յուսիկ առանց վարանումի պատասխանեց.

—Մեր հազարաւոր տարիներու աղօթքներն են. մեր սուրբ հայրապետներուն գրած ծէսերն են: Ի՛նչ, աս ժամը հայ քրիստոնէի ժամ չէ:

Ու Հայաստանցին աչքերը խորը մորթ ժուռ ածեց եպիսկոպոսին երեսը, քահանաներուն երեսը: Բոպէ մը ամենքն ալ հիպոպրհուր ցնցուեցան: Այդ հրուա նայուածքին մէջ Հայաստանի սպաննակուն ցատումը կը ցոլար: Քստմնեցաւ էֆէնտին ինքն ալ: Մեղմաձայն հագագով մըն էր որ պատասխանեց.

—Ան երանելիները ուրիշ ատեն կ'ապրէին: Հիմակ դարը ուրիշ դար է: Սուրբ հայրապետները, մեռնինք նէ, անգին հողիներուս փրկութեանը կ'օգնեն. ամա աստեղ մեզի չեն ազատեր:

Ու ինքզինքը գտնելով՝ հարցուց.

—Դուն հոս մնալու եկար:

—Այնպէս է. ատեն մը մնալու եկեր եմ:

—Է, մնալու եկեր ես նէ, ան քու Տամուզ գեղգ մտցիր դէ, հոս խուզի գեղցի եղիր: Աստուծով նորէն գեղգ երթաս նէ, հոն ինչ կուզես նէ ան եղիր: Հոս հէմ քեզի կ'ընես, հէմ մեզի: Հոս քաղաքագէտ ըլլալու է: Ականջիդ օղ ըրէ սա պատուիրանը—Օրթագեղ՝ սկիզբն իմաստութեան, երկիւղ Հասան փաշայի:

—Անանկ է, էֆէնտի, անանկ է. շատ պատուական խրամներ, ազգակեց ազնուաշուքներու խմբերը միանուազ:

Եպիսկոպոսը միջամտութեան հարկ զգաց:

—Բայց, էֆէնտի, ինչ ընելու է, հարցուց, դէմքը խոժոռած: Աս Հասան փաշայ է, աս Հիւսէին փաշայ է ըսելով մեր եկեղեցական արարողութիւնները փոխելու

ենք, ջնջելու ենք: Եթէ հինգ հարիւր տարիէ ի վեր աս քաղաքագէտ իմաստութեան դարոցին աշակերտած ըլլայինք՝ այսօրուան օրս Հայաստանեայց եկեղեցի մնացած չէր ըլլար: Գացող պանդուխտն ալ «ազատութիւնը» կ'ըսէր, աւագերէց հայրն ալ երբ սպասաւորէ՝ կ'ըսէ, ես ալ եթէ սպասաւորեմ, պիտի ըսեմ:

—Սրբազան, սրբազան, խեղդ կանչէ որ տուն դայ, աղաղակեց էֆէնտին. ըսել ալ կայ, ըսել ալ կայ: Երսուն տարի է ես աս ժամն եմ. օր մը օրանց մէկերնիդ լսեցիք որ ազատութենէն ետքը ժողովուրդը «ամմէն» պոռայ, «տէր ողորմեա» գոչէ: Հէ:

Այս ուշադրաւ դիտողութեան վրայ մտածելու համար քանի մը ըսող է շնորհել յետոյ, արամաձայն մրմնջեց.

—Աս մէկ ամիս է ինչ կը դառնան, չիյտէք:

Յուսիս-տամնհինգի սկիսարկութիւնը յուշարար ազգաբարութիւն մըն էր. ազգին համար նոր ստեղծուած կացութեան ծանրութիւնը չմոռնալու գեղուցում մը: Լըջացան երեսները, կարկեցան բերանները:

Էֆէնտին շուրջը աչք մը նետեց, դէմքերը այլափոխեալ տեսաւ: Հոգ չէր. թող իրենք ալ քաշէին: Կէս ժամէ ի վեր ինքն ալ կը տազնապէր իր իշխանութեանը դէմ ընդվզումի նշաններէն: Կը զգար թէ իր ազգեցութեանը տրկարացումը Օրթագեղին աղետաբեր պիտի ըլլար: Անգլուխ մնալով, իր թաղն ալ «անխոհեմութեան» պիտի մղուէր: Ինքն իր մէջը փրկչի կոչում զգացողի գիտակցութեամբն էր որ ուզած էր Օրթագեղը փորձանքի դէմ ապահովել: Հիմակ որ ալ նպատակին հասած ըլլալ կը կարծէր, հարկ տեսաւ մեղմանալ: Կապը կարելու չէր. ուստի խօսքն անուշութեամբ պանդուխտին ուղղեց:

—Հիմա, տէր հայր, ինձի մտիկ ըրէ որ ըսեմ, յայտարարեց: Ես ամենէն աւելի նախանձախնայիրն եմ եկեղեցական արարողութիւններու, բայց «հարկը օրէնքը կը լուծէ» ըսեր են: Ու դառնալով միւս եկեղեցականներուն, աւելացուց:

—Ես քիչը կ'ըսեմ, գուք շատը հասկցէք:

—Բայց ի՞նչպէս ընելու է, էֆէնտի, հարցուց աւագերէցն անուշութեամբ:

—Ի՞նչպէս ընելու է, հիմակ ըսեմ, պատասխանեց էֆէնտին, ու աէր Յուսիկին դառնալով, իր հրահանգները տուաւ:

—Սա «ա»ն բերնէդ կամացուկ մը կը հանես, հազարով մը: Մարդ ենք, հազերնիս կը բռնէ. ան ալ մեղք չէ եա: «Չատ»ը կուտես: Կուտես տէրաէր, կուտես, չէ նէ ան մեղի կուտէ: «Շղբարց մերոց» ին հազդ քիչ մը կանցնի: «Գերեղոց» ին վրայէն, լիւտելով: էֆէնտիմ, գերելոց ըլլալ չեն ուզեր նէ, թող խելքերնին գլուխնին կենան: Փառք Աստծու, մենք ալ հայ բրիտանոնեայ ենք, մեղի՞ ինչու գերելոց չեն ըներ: էֆէմ:

—Անանկ է ես, անանկ է ես, ձայնեց նորէն աշխարհականներու խմբերգը միանուազ. ու բարեխրասն ալ շարունակեց.

—«Եւ շնորհ յառաջիկայ» ին եկա՞ր մի, քեզի խուլա՞ն խուլա՞ն իզին, պոռա ու պոռա. կուզես նէ թող ձանդ մինչև Շնորհք էֆէնտիին տունը հասնի:

Ընդհանուր քրքիջ մը պատասխանեց այս կատակաբանութեան, որ էֆէնտիին հանդարտացմանը բարեգուշակ նշանն էր:

—Հիմակ «ընտոր ընելու է»-ն սորվեցար եա, տէր հայր, ալ երթաս բարով: Տէր ընդքեզ ըսելով հրահանգիչ էֆէնտին պանդուխտ քահանան արձակեց:

—էֆէնտի, յայտարարեց տէրաէրը ոտքի ելլելով, ատանկ խօսքերէն ես բան մը չեմ հասկնար: Սրբազանը եթէ կը հաճի թող հրաման տայ, ու ալ կիրակի օրերը ես սպասաւորութիւն չ'ընեմ:

—է, էն աղէկն ալ ատ կըլլայ, քրթմնջեց էֆէնտին սրանեղութեամբ:

Պանդուխտը եպիսկոպոսին առջև խոնարհութիւն ըրաւ, երկու քահանաներ առանձին ողջունեց, և աշխարհականներուն ալ ընդհանուր մէկ բարե մը տալով դուրս եկաւ:

ԿԱՐՄԻՐ ԺԱՄՈՒՅ. Արփիար Արփիարեան

Ամպ լուսեղէն, ուր երազներս ապրեցան,  
Երկինքին մէջ, լուսնին աշխարհն արծաթի,—

Ու քեզի հետ փրշրած կ'իյնան ցիւր ու ցան.

Այդ փրշրանքէն տաք տաք արցունք կը կաթի:

Բաժնըլելով քու շողերէդ մըտերիմ,

Հովերու բիրտ հարուածին տակ կը փրթիս.

Կեանքդ երկինքն էր. հողը կ'ըլլայ քեզ շերիմ,

Ուր թաղուեցան հուր աենչանքներն իմ սըրախս:

Եւ կը ժրսալին վերէն արևն ու եթեր

Մեր վիշտերուն անկարեկիր ու անփոյթ,

Փայփայելով թեւերնուն մէջ նոր ամպեր,

Նոր սարսուռներ ու երազներ ջինջ կապոյտ:

Մինչ մենք գոհեր սիրոյ անհուն պապակին՝

Անձրև կու լաս դուն, ես արցունք ցաւագին:

Տիկն Սեպի:

Խունկը կը ծըխի խորանին առջին.

Բուրվառին մեղմիկ ճօճումովս արծաթ

Մուկի վարանք մը պըլլուած խաչին

Մըշուշով կ'օժէ սուրբերուն ճակատ:

Պաղատանքներու սարսուռներ երկայն

Կամարներուն տակ կը մորին տակաւ.

Մոմերու գըժգոյն բոցերը լալկան

Քըթթող աչքերով կը հեան կարգաւ:

Սուրբ սիւներուն մօտ շրդարջ մը ձերմակ

Փաղտուկ հեծքերու գողով կ'երերայ,

Սիրտ մը փաթթըւած ըստուերով համակ

Խունկին պէս լըսին հըրայրքով կ'եռայ:

Խոնկը կը ցընդի բուրվառին ծոցէն  
Ու եթերն ի վեր կ'ելլէ խոյանքով,  
Նիւթ էր՝ բոյր կ'ըլլայ լափուելով բոցէն  
Իր կեանքը ցօղուած լոյսի երանգով:

Հէք կընոջ սիրան ալ, որ հոն կը մըլխայ,  
Պիտի չազատի իր պատեանէն կուռ,  
Մինչև որ հալի, լուծուի տարբանայ  
Հափուելով բոցէն տենչերուն մաքուր:

Տիկին Սիսիլ

138. ՄԻՕԶՕԹԻՍ (Անմոռնուկ)

Դեռ կը լըսուէր ծառին ետև  
Սոխակին երգն այն գիշեր,  
Վարդին թերթերն հով մը թեթև  
Թուփերուն տակ կը քըշէր:

Մինակ էի, լուռ և խոհուն,  
Քունն աչքերէս կու տար խոյս,  
Միաքըս կ'երթար հոն այդ պահուն,  
Ուր կը թեւեն սիրտեր կոյս:

Ու կ'իջնէի բարձունքէն վար,  
Միաքս դատարկ, սիրտս սին,  
Զի երկինքի լոյսերն հազար  
Հոգւոյս ոչինչ կը խօսին:

Գըրքի էջ մը բացի իսկոյն  
Ինձ համար շատ թանկագին,  
Եւ լեցուեցաւ հողիս անհուն  
Արցունքներով դառնագին:

Փունջը գրտայ, ոհ, փունջն այն սուրբ  
Սյն պաշտելի ձեռքին ձօն,  
Եւ կարգացի գիրերով նուրբ  
«Զիս մի՛ մոռնար» գրուած հոն:

Ծառն ունէր շուք, երկինք՝ նըշոյլ  
Լըճակին մէջ սարսըռուն,  
Ուր կը պարէր սիւզն հեղատոյլ  
Հետ եթերին կայծերուն:

Սյլ, ուր իր ձեռքն, ուր իր պատկեր,  
Ո՛ւր սիրող սիրտն այդ տաքուկ,  
Ո՛ւր սև աչքերն իր լուսայեռ,  
Ո՛ւր անուշ ձայնն իր փափուկ:

Արդ կը ծածկէ ցուրտ գերեզման  
Չեռքն որ տըլաւ այդ նըւէր:  
Սիրտն, որ ըզգայ, ոհ, շատ այնքան,  
Հողերուն տակ է սառեր:

Եւ դուն հոս ես, միօգօթիս,  
Ո՛վ իր սիրոյն սին պատկեր,  
Անոր սըրտէն ինձ կը խօսիս,  
Մինչ իր շըրթունքն է լըռեր:

Տիկին Սիսիլ

139. ՉԿՆՈՐՍ

Տիրան մտաւ ծառի ստուերին մէջ, ու աջ թևով բունը  
գրկած, ճակատը յենեց երկու ճիւղերու միացման անկիւ-  
նին. և այդպէս կէս մը հողին, կէս մը ծառին, կէս մըն ալ  
դատարկութեան վրայ առկախ՝ անշարժ մնաց:

Վարը, ափին մօտիկ, ցիր-ցան չեչոտ ժայռերու շըր-  
շանակի մը մէջ ձկնորսի փոքրիկ նաւակ մը կեցած էր:

Տիրան անսովոր հետաքըքըութեամբ մը կլանուած՝ իր  
բարձունքէն կը դիտէր ձկնորսին դզգոլուած մօրուքը, այ-  
րուած դէմքը, ձերմակ մազերը, բաց թաւ կուրծքը, մին-  
չև սրունքները բորիկ ոսկրուտ ոտքերը, մաշուած ու թաց  
շալարին լայն ծալքերը, ու կարկտուած մինթանին գոյ-  
նըզգոյն կտորները:

Ծերուկը կրծուէր, կ'եխէր, կը կրծկըւէր. թևի վար-  
պեա շարժում մը—և ուռկանը բացուող հովհարի մը  
պէս կը փռուէր օդին մէջ. չըռփ. ու կապարէ գնդակ-  
ներու շրջանակը կ'անձրեւէ ջուրին վրայ, իրեն հեա  
ցանցը դէպի յատակը քաշելով:

Երբեմն պարապ կ'եխէր ուռկանը, երբեմն քանիմը  
ձուկ, որոնք ճարպիկութեամբ կը բռնէր ալետը ու կը  
նետէր նաւակին փորը, ուր ծովուն ջուրը ներս էր ծծուեր  
ու թեթև մը կ'օրօրուէր:

«Երկու ձուկ, չէ, երեք է». «հը՛, քարին առաւ», «խեղճ  
ծերուկ, յոգներ է», «խեչափան, խեչափառ»: Եւ ուրիշ  
ոչինչ մտածել չէր ուզեր:

Մտածումներու այս արուեստական սպանումէն այն  
ատեն միայն սթափեցաւ, երբ ձկնորսը ուռկանը նաւակին  
քիթը փռեց, թիերը ձեռք առաւ, ու քանի մը ճարպիկ  
շարժումով ժայռերու մէջէն դուրս ելաւ ու մտաւ փոք-  
րիկ հրուանդանին ետեւ:

Տիրան նայեցաւ շուրջը. արևը հորիզոնին կը քսուէր:  
Ժամեր էին անցեր:

Հեռացաւ ծառէն, և յարմար տեղէ մը ուրիշներու  
ոտքի հետքերէն օգտուելով բարձր ափէն իջաւ ծովուն  
եզրը աւազին վրայ, ուր արդէն բոլորովին սառուերի մէջ էր:

Անգամ մը—երկու գնաց ու եկաւ խիճերուն մէջ ձեռ-  
քի գաւազանովը ծովափի թաց փոքրիկ քարերը խշրա-  
ցընելով: Վերջը ջրերու գիրկէն դուրս նետուող տափակ  
ժայռերու վրայէն մէկէն միւսը ցաակելով բաւական հե-  
ռացաւ եղերքէն: Ծունկի եկաւ, ու սկսաւ փայտովը ժայ-  
ռի թաց ու մամռոտ եզերքին փակած ոտքէ մը փրցընել:

Պինդ էր. գաւազանին ծայրը քարին ու կենդանիին  
մէջ անցուցած բոլոր ուժովը աշխատելու վրայ էր, երբ  
իրէն քիչ մը հեռու ծովուն մէջ բան մը ձողբեց և ջուրի  
կաթիլներու ամբողջ մանտակ մը շարուեցաւ իր դէմքին,  
գլխուն ու կրծքին վրայ:

Շանթ

140. ԹՈՒՂԹ ԲԱՅ ԱՆՈՂ ՄԱՅՐԸ

Թանձր ու թուխ ամպերը առեր էին երկինքը: Եւ  
իրիկունը թէև այնքան ուշ չէր դեռ, բայց պարտէզը ծա-  
ռերուն տակ մութի նուրբ քող մը տարածուած էր արդէն  
ամպերէն ծորող. մանաւանդ հսկայ չինարի երկար ու խիտ  
ոտտերուն ներքև:

Հոտ, ճիշտ ծառի բունին կից, լայն գորգի մը վրայ  
ծալլապատիկ կուշ էր եկեր պառաւը. ու հնար եղածին  
չափ ինքն իր վրայ կըքած՝ ձեռքի խաղաթուղթերը կանո-  
նաւոր սողերով իրարու տակ կը շարէր. գանդաղ, լճու,  
լճըջ, խորհրդաւոր. ու թեթև մը գողացող ձեռքով:

Թուղթ կը բանար:

Իր աջ կողմը ամբողջ հասակովը դէմքին վրայ փր-  
ուեր էր Հրանտ. և թև ու կրծքով բարձի մը մէջ խրած՝ ու-  
շաղիւր կը հետեւէր մօրը ձեռքերուն:

—Նայէ, բազրը նորէն թեիզ տակ ինկաւ. նկատեց  
կինը նոր բացած թուղթը մատնանիշ ընելով: Բաղդաւոր  
տղաս. մինակ գլխուկ վրան քիչ մը նեղութիւն կայ. ստ  
աղւոր չէ. մէկ ալ չեմ հասկընար սա երկու շէկերը քեզ-  
մէ ի՞նչ կուզեն. սա շէկ մարդը ու սա շէկ կինը, որ ձտխ  
կողմէդ չի հեռանար. շէկերէն զգոյշ եղիր, մանչս. ամեն  
կնկան ախանջ մի կախիր. Աստուած պահէ քեզի անոնց  
փորձանքէն:

Հրանտ ժպտեցաւ. շատ աղէկ կը հասկընար մօրը  
աղնարկները:

—Իսկ ճամբորդելու մասին ոչինչ չէն ըսեր թուղ-  
թերդ. հարցուց յոնկարծ:

—Ի՞նչ ճամբորդել. դարձաւ կինը գաւակին՝ շէշտ անոր  
դէմքին դամելով աչքերը:

—Նա, չգիտե՞ս, դէպի շէկերու աշխարհը:

—Չէ՞ որ դեռ երկու-երեք ամիս ժամանակ ունիմ  
կ'ըսէիր:

—Այո. բայց, է, ո՞վ գիտէ, գործեր կրնան պատահիր,

անակրնկալ պատահարներ, մարդ կըստիպուի շտապելու...  
Բայց նշմարելով, որ մայրը անհանգստանալու սկսաւ,  
իսկոյն փոխեց տոնը.

— Իմ հարցուցածս ալ այդ է միայն, մարիկ. կ'ուզէի  
զիտնամ, տեսնենք, թուղթերդ ինչ կ'ըսեն:

— Ճամբսդ, ճամբսդ դեռ շատ հեռուն է. տես, շար-  
քին միւս ծայրը. ըսաւ պառաւը հոստատ ու վճռական:

— Հա՞. ուրեմն աղէկ:

Մայրը շարելը աւարտեց. երկու ձեռքերը իրարու  
վրայ գոգը դրած՝ պահ մը լուռ սկսաւ զիտել խորին ու-  
շադրութեամբ առջևը փռուած թուղթերուն գաղտնիքը.  
և քիչ մը վերջը սկսաւ նորէն հատիկ-հատիկ մեկնել.

— Ինչպէս ըսի գլխուդ վերի զին շատ մտամուք կայ.  
մտամուքը սիրտ կը մաշէ, ճահիլի բան չէ. և այդ մտմը-  
տուքն ալ, նայէ՛ հեռուներէն կու գայ վրադ. ախ. եթէ  
անգամ մը ձեռք վերցնէիր այդ հեռուներէն: Աւրիշ բան  
մըն ալ, որ չեմ հաւնէր, աես, շորս զիդ բոլոր ուրիշ գոյ-  
նի թուղթեր են. կարծես օտար, պաղ շրջանակի մը մէջ,  
որ քու գոյնիդ չի յարմարիր:

— Է՛, ինչ վրաս ունի, մայրիկ. աւելի աղէկ. գանա-  
զան գոյները իրարու բով աւելի սիրուն կերևայ:

Կերևայ, այո՛: Ախ, գուսակս. մի խաբուիր, մարդ իր  
շրջանակէն դուրս գալու չէ: Երջանիկը ան է, ով իր գոյնի  
մարդոց հետ՝ իրեն սուտորական շրջանակին մէջը կը գառ-  
նայ: Իր շրջանակէն դուրս շատ բան սիրուն կրնայ ե-  
րևար. միայն, հաւատա՛, ոչ իրեն համար: Ամեն մարդ իր  
գոյնին մէջ:

Հրանտ, որ մինչև հիմա անփոյթ՝ ժամանցի համար  
միայն մօրը կը լսէր, վերջին խօսքերուն ահամայ բար-  
ձրացաւ քիչ մը բարձէն. ու աչքերը յամառ սևեռեց մօրը  
հանդարտ ու տխուր դէմքին, ուր վշտերն ու անցեալը  
յարմարուելու ու համակերպելու անջինջ դրոշմը զարկեր  
էին:

Առանց որդուն շարժմանը մասնաւոր ուշ դարձնելու՝  
կը շարունակէր ան իր գուշակութիւնները, որը աւելի իր

արտէն քան թուղթերէն կը կարդար: Բայց Հրանտ ալ չէր  
յսեր ոչինչ:

Ամպերու ու ծառի խորհրդաւոր կէս-մութին տակ,  
շուրջի գաղջ ու ճնշող օդի լութեան մէջէն մօրը հատու,  
յագակ ու արտում շեշտերը պատգամի մը պէս իր ուղեղն  
էր թափանցեր:

«Երջանիկը ան է, ով իր գոյնի մարդոց հետ, իրեն  
սովոր շրջանակին մէջը կը գառնայ»...

Շը՛՛՛՛. տաք հովը յարձակուեցաւ յանկարծ ծառի  
թաւ ճիւղերուն մէջ. ու կիսաշոր, դեղնակարմիր տերե-  
ներու անձրև մը տեղաց վար. բանի մը հաար երերաղկա-  
լով ու գողգող եկան նստեցան թուղթերուն վրայ:

Շանթ



### ՌՈՒՍ ԳՐԱԿԱՆՈՒԹԻՒՆԻՑ

#### 141. ՋՐԱՀԵՂՁԸ

Ներս վաղեցին մանուկները  
Ու կանչում են հորն ըշտապ.  
—Այի, սպի, եկ, մեր թօւր  
Մեռել հանեց գետի ափ.  
—Սուտ էք ասում, շան լակոսներ,  
Գոռաց հայրը ահաբեկ—  
Ըստասեցէք դուք հալա դեռ,  
Մեռեին յետոյ կրտեսնէք:

—Դիւան կըզայ— ջուղաբը տուր,  
Ցաւի միջում կըմընամ...  
Հընար չըկայ. բեր, այ կընիկ,  
Շորերըս տուր, մի գընամ:  
—Ուր է մեռելն:— Այ սպի, այ,  
Ճիշտ որ գետի եզերքին,  
Թաց թռի մօտ, գետնի վըրայ  
Տարածուած էր մի մարմին:

Չարհուրեի գիակն ուռել,  
Կապուտիկ էր այլանդակ.  
Արգեօք տանջուած մի թշուառ էր  
Հանգիստ գըտած ջրի տակ.  
Մի գետակուր ձըկնորս էր այն,  
Թէ գիտեմու մի շահէլ,  
Թէ անըզոյշ վաճառական  
Հարամու էր պատահել...

Ընչին է պէտք. աչք ածելով  
Ըշտապում է գիւղացին  
Ոտից բըռնած, ետ քարշ տալով,  
Չուրն է տանում խեղդուածին:  
Ու թիակով գետի եզրից  
Չուրը հըրեց նա նըրան,  
Ու գիակը գընաց նորից  
Փընտրի խաչ ու գերեզման:

Մեռեին երկար ջրի միջին  
Ցած էր իջնում ճօճելով,  
Աչքով ճամբեց մեր գիւղացին  
Ու տուն տարձաւ կանչելով.  
—Դէսը կորէք, այ լակոսներ,  
Եկէք, բան տամ ձեզ—տանեմ,  
Ամա թէ որ ձէն էք հանել,  
Հողիներըզ կըհանեմ:

Գիշերն ուժգին բուք վերկացաւ,  
Գետն ելնում է, որոտում...  
Մարխը արգէն այրուեց, հանդաւ  
Լուռ ու ծըխտտ խըրճիթում:  
Ողջ քընած են: Անբուն պառկած  
Միտք է անում գիւղացին...  
Բուքն ունում է... մին էլ յանկարծ  
Լուսամուտը բախեցին...

—Ո՞վ ես:— Ներս թող, այ տանտէր, ներս...  
—Այ ներս ու քեզ չօռ ու ցաւ.  
Ի՞նչ ես շըրջում կայէնի պէս,  
Ո՞ր սատանէն քեզ բերաւ:  
Ի՞նչ անեմ քեզ ասա, հիմի.  
Տեղըս նեղ է, տունը մութ.  
Ու ծոյլ ձեռքով, տըրտընջալով  
Բաց է անում լուսամուտ:

Յողում է լոյսն ամպի տակից-  
 Ահա կանգնած... մի մերկ մարդ-  
 Ջուր է հոսում նըրա միջքից,  
 Բայ են աչքերն ու անթարթ:  
 Կախ են ընկած բազուկները,  
 Ողջ կարկամած սոսկալի.  
 Ուռած մարմինն քառչանդները  
 Կըպած՝ սեխն են տալի...

Ահից մարեց՝ ճանաչելով  
 Իր մերկ հիւրին նա յանկարծ.  
 Փեղկը զարկեց: Նա դողալով  
 —Այ դու ճարես, բըրթմընջաց:  
 Ամբոխուեցին մըտքերը մութ.  
 Մինչև լոյսը նա դողում,  
 Մինչև լոյսը լուսամուտ  
 Բախում էին ու բախում:

Ամբոխն ահեղ զրոյց ունի,  
 Թէ այս գէպքից զիւղացին  
 Ըստասում է ամեն տարի  
 Միշտ նոյն օրը խեղդուածին:  
 Խառնում է օրն առաւօտից,  
 Գիշեր գալի բուք ու մութ,  
 Ու խեղդուածը ամբողջ գիշեր  
 Բախում դուռն ու լուսամուտ:

ԳՈՒՇԿԻՆ. Թարգ. Յովն. Թումանյան

## 142. ՄՊԻՏԱԿ ԶԳԵՍ

Անճրգ, խայտառակ մահուան մատնուած,  
 Հունդարացի կոմսը շղթայակապ էր:  
 Նա օգնել ուզեց իր խեղճ հայրենեաց.  
 Հպարտութիւնը խիստ վրդովուած էր:  
 Նա ստրուկներին, հոգով ստորացած՝  
 Վաղուց անողորմ թըշնամի դարձաւ,  
 Եւ միշտ կռուելով ընդդէմ այս շարեաց,  
 Կոմսը կախուելու դատապարտուեցաւ:  
 Հազիւ նա եղաւ քսան տարեկան,  
 Բայց պիտի մեռնէր: Մահը շարիք չէ,  
 Այլ սփոփիչ է վըշաին հոգեկան:  
 Բայց մեռնել անարգ, խայտառակ մահով,  
 Կախադան ելած, ծաղր ու ծանակով,  
 Դառնալ կերակուր սև ապուաների—  
 Ահա նախատինք, շարիք սոսկալի:  
 Առաւօտը նա մօրը գրկելով,  
 Ասում էր տրտում՝ «Մայր, մնան բարով,  
 Ահաւասիկ ես միակ որդիդ,  
 Մատաղ հասակիս դատապարտուած եմ  
 Կարճ օրեայ կեանքից ես անջատուելուն.  
 Անհետ պիտ կորչին ինձ հետ իմ անուն  
 Եւ իմ պատիւը: Խնդրում է որդիդ,  
 Մայր, որ դու փրկես քո խեղճ գաւակիդ:  
 Ո՛չ պատերազմի փոթորիկներում  
 Ան չեմ գգացել, ոչ ծըխում, հրում.  
 Բայց վաղուան օրը ելած կախադան,  
 Ես պիտի դողամ տերևի նըման»:   
 Մայրը ասում էր, մխիթարելով  
 «Դէհ չվախենաս, սիրած գաւակս,  
 Ես պալատ կ'երթամ, և ապերսելով,  
 Արցունք կըթափեմ. ես իմ լացովը  
 Արբայի սիրտը, դու՞թը կը շարժեմ,

Եւ առաւօտը, երբ կը տանեն քեզ  
 Դէպի կախաղան, պաշտօնավոր վրբան  
 Թէ սե զգեստով կանգնած լինիմ ես,  
 Գիտցիր, զաւակս, անխուսափելի  
 Քեզ մահ կը լինի:  
 Ո՛չ ապաքէն, դու հսկայի նրման  
 Յառաջ պիտ գընաս մահիդ յանգլիման:  
 Հօ քո արիւնը հունգարական է:  
 Իսկ թէ սպիտակ շոր իմ վրաս տեսնես,  
 Գիտցիր, որ մայրդ իր արցունքներով  
 Զաւակի կեանքը դարձրեց ապահով:  
 Թո՛ղ դահիճներից դու բռնուած լինիս,  
 Բայց երբէք, որդեակ, չդողաս-սարսիս:  
 Կոմսը գիշերը հանգիստ է լինում,  
 Եւ ամբողջ գիշեր մնում է քնած.  
 Իր երագներում նա մօրն է տեսնում,  
 Պատշգամի վրայ՝ սպիտակ շոր հագած:  
 Գուժկան զանգակի ձայնն է դողանջում,  
 Վաղում են մարդիկ: Հանդարտ քայլերով  
 Եւ շրջապատուած պահապաններով  
 Շղթայած կոմսը առաջ է գնում:  
 Քանի՛-քանի՛ աչք պատուհաններով  
 Արցունք են թափում կոմսի յեակից,  
 Ինչքան ձգում են կանացի ձեռքեր  
 Վերջին բարեի նորան ծաղիկներ.  
 Բայց կոմսը ոչինչ բան չի նրկատում,  
 Դէպի հրապարակ է միայն նայում.  
 Այնտեղ պատշգամում մայրն է կանգնած.  
 Հանգիստ, անվրդով, սպիտակ շոր հագած:  
 Ո՛հ, կոմսի սիրտը թընդաց խիստ ուժգին.  
 Դէպի հրապարակ համարձակ քայլով  
 Ընթացաւ կոմսը, ժպիտն երեսին,  
 Անտրտում վերե բարձրացաւ փութով,  
 Զուարթ և ուրախ դահճի մօտ գընաց  
 Եւ մինչև անգամ կախուելիս ժրպտաց:

Բայց ինչո՞ւ մայրը սպիտակ էր հագուել.  
 Ո՛հ, խաբէութիւն: Այսպէս կարող էր  
 Սուտ խօսել մի մայր, սոսկ բեկուած անից,  
 Որ իր գաւակը չստրսէ մահից:

Թարգմ. ուսանելից

143. Մ Ո Ի Ր Ա Յ Կ Ա Ն

Ես անցնում էի փողոցով... Ինձ կանգնեցրեց մի ծեր,  
 հալից ընկած մուրացկան: Աչքերն արտասուալից, ուռած  
 ու կարմրած, շրթունքները կապտած, հագին լաթեր, մար-  
 մնի վրայ անմաքուր վէրքեր...

Օ՛, ինչ այլանդակ կերպով մաշել-կերել էր այդ ան-  
 բարդ արարածին ազբատութիւնը:

Նա ինձ պարզել էր իր կարմրած, ուռած ու կեղտե-  
 րով ծածկուած ձեռքը... Նա հառաչում էր, նա խեղդուած  
 ողորմութիւն էր աղերսում:

Գրպաններս սկսեցի տակն ու վրայ անել... Բան չը-  
 գտայ— ո՛չ փող, ո՛չ ժամացոյց, ո՛չ էլ նոյն-խակ թաշկինակ...  
 հեռու ոչինչ չէի առել... Իսկ մուրացկանը շարունակ սպա-  
 սում էր... և նրա կարկառած ձեռքը թոյլ կերպով երեր-  
 ւում ու ցնցւում էր:

Ինքս ինձ կորցրած, շփոթուած՝ ես ամուր սեղմեցի  
 այդ զոդոջուն, այդ կեղտերով ծածկուած ձեռք... «Թո-  
 դութիւն արա, եղբայր, ես ոչինչ չունիմ»:

Մուրացկանն իր կարմրատակած աչքերը յառեց վրաս:  
 Նրա կապտած շրթունքները քմծիծաղ տուին, և նա էլ իր  
 կողմից պինդ սեղմեց իմ սառած մատները:

«Է՛հ, ի՛նչ արած, եղբայր,— ծամծամեց նա.— դրա հա-  
 մար էլ շնորհակալ եմ. այդ էլ մի ողորմութիւն է, եղ-  
 բայր»:

Ես հասկացայ, որ ինքս էլ ողորմութիւն ստացայ իմ  
 եղբորից:

Տարգմանել

144. Ա Ղ Ա Ի Ն Ի Ն Ե Ր

Ես կանգնած էի սևադագած բլրի զագաթին: Իմ առաջ մերթ ոսկէփայլ, մերթ արծաթափայլ շողշողում էր ծովի պէս սփռուած հաճարի հասուն արար: Բայց այդ ծովը չէր ծփում. նրա երեսին չէին խաղում անհանգիստ ալիքներ: Օդը խեղդուկ ու անշարժ էր և գուշակում էր մի մեծ փոթորիկ:

Իմ շուրջը գեռ շերմ ու աղօա լոյս էր սփռում արեգակը. բայց այնտեղ, արտի այն կողմը, ոչ այնքան հեռու, մուգ-կապոյտ ամպակոյտը բռնել էր երկնակամարի ամբողջ կէսը:

Ամեն ինչ շունչը կտրել...ամեն ինչ թալկացել, նրուաղում էր արևի վերջին շարագուշակ ճառագայթների սակ: Չէր երևում ոչ մի թռչուն, ոչ էլ գէթ ձայն էր լսում: Ծնճղուկներն անգամ թագ էին կացել: Միայն մի տեղ, մօտերքում, ջրածաղիկի մենաւոր, խոշոր տերևը յամառ կերպով շրջլւն ու շշուկ էր բարձրացնում:

Ափսինդի սաստիկ բուրմանը բռնել էր հանգերը: Ես նայում էի կապազոյն ամպակոյտին...և սիրաս խռովում, նեղանում էր: Իէ, շուտ արա, մտածում էի ես. փայլիք, փայլատակիր, սվ ոսկի օձ, ճայթիր, գրգռ, սվ որսո. շարժուիր, գլորուիր, երկիր թափուիր՝ սվ շարագէտ ամպակոյտ, վերջ տուր այս թախծալի հեծութեանը:

Բայց ամպակոյտն անշարժ էր: Նա ստաշուայ պէս ճնշում էր լուռ ու մունջ երկիրը... և միայն կարծես աւելի ուռչում, մթնանում էր:

Ահա նրա միագոյն, կապուտակ երեսին մի բան սպիտակին տալով՝ սահուն ու հաւասար սլացաւ առաջ. սրլացողը կարծես մի սպիտակ թաշկինակ կամ ձիւնի քուլայ լինէր: Բայց դա մի սպիտակ աղաւնի էր, որ թռչում էր զիւղի կողմից:

Նա թռնւ, թռնւ, միկնոյն ուղղութեամբ...և սուզուեց անտառի յետեր:

Անցաւ մի քանի վայրկեան: Նոյն անողոք լուսթիւնը

շարունակում էր: Բայց ահա արդէն երևում են երկու թաշկինակ. ձիւնի երկու քուլայ, որոնք յետ են դառնում: Դրանք երկու սպիտակ աղաւնիներ են, որոնք հաւասար թռիչքով դէպի տուն են թռչում:

Վերջապէս, փոթորիկն էլ ճայթեց—և սկսուեց տարերքի աղմկալից խաղը:

Ես վազէվազ հագիւ տուն հասայ:

Քամին աղմկում, կատաղի պտոյտներ է անում: Ցած իջած, շէկ-շէկ ամպերը, կարծես գջլտորուած լարերի պէս թռչում սլանում են դլխավայր: Եփոթ, աղմուկ—ամեն ինչ իրար խառնում, իրարով է անցնում: Անձրևի սաստիկ տարափը, օրօրուող սիւների ձև առած՝ շրշուալով թափում է գետին: Կայծակները հրականչ փայլատակուճներով աչք են կուրացնում. ընդհատուող որոտը սրաքում ու զրրգում է, կարծես թնդանօթներ լինի արձակելիս: Օդում ծծմբային հոտ է փչում...

Իսկ կտուրի ծածկի սակ, երզիկի հէնց ծայրին, իրար կողքի նստած են երկու աղաւնի. նստած է համ նա, որ թռել էր իր վարուժանի յետեից, համ նա, որին հետը բերել էր և, շատ կարելի է, ազատել նրան կորուստից:

Երկունն էլ մէջքերն ունցրել են, և ամեն մէկն իր փորքիկ թևով գզում է դրացու թևի մեղմ շփումը...

Բազդաւոր են նրանք: Նրանց նայելով՝ ես էլ ինձ բազդաւոր եմ գզում... թէև ես մենակ եմ... մէն-մենակ, ինչպէս և միշտ:

Տուրգանով



# Յ Ա Ն Կ

## I. ԱՐԵՒԵԼԵԱՆ ԲԱԺԻՆ

1. Խաչատուր Աբովեան.
2. Առաջաբան.
3. Հայրենի հողը.
4. Երևանի բերդը.
5. Աղասու մօր նամակը.
6. Աղասու կնոջ նամակը.
7. Զմեռ.
8. Զանգի.
9. Էջն ու բլբուլը.
10. Գիժն ուսումնարանում.
11. Սոխն ու սխտորը.
12. Ստեփաննոս Նաղարեան.
13. Ս. Մահակ.
14. Մայրենի լեզու.
15. Գամառ-Քաթիպա.
16. Խելը և խորամանկութիւն.
17. Քահանայ.
18. Արաքսի արտասուքը.
19. Ինձ համար չէ.
20. Երգ պանդուխտ պատանեկի.
21. Միքայել Նալբանդեան.
22. Հայաստանի պանդուխտը.
23. Աղբառ կին.
24. Երգ աղատութեան.
25. Պերճ Պոօշեան.
26. Զմեռ.
27. Գարուն.
28. Ամառ.
29. Աշուն.
30. Գաբրիէլ Սունդուկեան.
- » Պէպօ.
31. Դևի երգումը.

32. Սմբատ Շահազիզեան.
33. Երազ.
34. Աշտարակ.
35. Գիշեր.
36. Գէորգ Բարխուդարեան.
37. Զօն.
38. Արձագանք.
39. Բաֆֆի.
40. Մի պատկեր Ռուս-Թուրք պատերազ.
41. Ռշտունցի.
42. Լուսաւորչի տոնմը.
43. Արաքս.
44. Ղազ. Աղայեան.
45. Արութիւնի աղօթքը.
46. Զմեռն է.
47. Աշուղ.
48. Աշուղների մրցումը.
49. Շիրվանզադէ.
50. Հրդեհ նաւթահանքում.
51. Հողեհաց.
52. Մուրացան.
53. Երկու ճամբորդ.
54. Խորհրդաւոր միանձնուհի.
55. Լէօ.
56. Թաթախման երեկոյ.
57. Կոստանդին Մելիք-Շահնազարեան.
58. Իմ պանարամը.
59. Էջը Եւրոպայում և Կովկասում.
60. Երգչի անէծքը.
61. Անգրագէտ.
62. Գարուն.
63. Հատիկ.
64. Մայրերը.
65. Ողորմած եղէք.
66. Արծիւն ու ճիճուն.
67. Թէ շրջում եմ.
68. Մարգարէ.
69. Հրեշտակ.
70. Երբ մեզմ ծփում է.
71. Լօսի.

Հ. Եւրոպայում

Ս. Մելիքեան

Ս. Երգչու

Լ. Թեյ

72. Իգիթի սպանութիւնը.

73. Համերգ.

74. Այվազովսկու նկարի առջև.

*Հանգիստ*

75. Մայրիկիս.

76. Գիշեր.

77. Չմեռ.

78. Մաճկալ.

79. Թարթար.

80. Լաւար սարը. *Վրոյտք*

81. Սար գնալը. *Վրոյտք*

82. Համբարձման գիշեր. *Կ. Վրոյտք*

II. Պ Ա Տ Մ Ա Կ Ա Ն

83. Կառավարութիւնը հին հայոց մէջ.

84. Հողագործ. և առևտուրը հայոց մէջ.

85. Մեհրուժ. Արծրունի և Ս. Բազրատունի.

86. Ե. դարու հայ կանայք.

87. Վասակի վերջին օրերը.

88. Վահան Մամիկոնեան.

89. Վահանի մարգպանութիւնը.

90. Զրօրհնէքը Ռուբէն թագաւորի օրով.

III. ՃԱՄԲՈՐԴԱԿԱՆ

91. Այց Լեմբերգի հայերին.

92. Դէպի Անի.

93. Կարին կամ էրզրում.

94. Հնդկաստանի հայերը.

95. Մի սրտոյտ նազասակի փողոցներում.

IV. ԱԶԳԱԳՐՈՒԹԻՒՆ

96. Գնչուներ և հայ բոշաներ. *Գ. Վրոյտք*

97. Եւրոպացոյ կարծիքն հայոց մասին.

98. Ելիսէեվի կարծիքն հայոց մասին.

V. ԺՈՂՈՎՐԴԱԿԱՆ ԲԱՆԱՀԻՄՈՒԹԻՒՆ

99. Գողթան երգեր.

100. Ի Լիոն օրդի Հեթմոյ.

101. Սասունցի Դաւիթ.

102. Սասունցի Դաւիթի բաշագործութիւնը.

VI. Ա Շ Ո Ւ Ղ Ն Ե Ր

103. Քուչակ նահապետ.

104. Սիրոյ երգեր.

105. Խրատական.

106. Պանդուխտի.

107. Սայեաթ-Նովա.

108. Խրատ.

109. Դուն էն գլխէն խմաստուն ես.

110. Երգչի պարտաճանաչութիւնը.

111. Ասում ես զիմացիր.

112. Էջմիածին.

113. Պանդուխտ առ Կոունկ.

114. Երգ Շինականաց.

VII. ՎԵՐԱԾՆՈՒՆԴ ԵՒ ԱՐԵՒՄՏԵԱՆ ԲԱԺԻՆ

115. Վեհեակի և Վեննայի Մխիթարեաններ.

116. Ղեռնգ Ալիշան.

117. Նաւասարդի տօները.

118. Սահակ Կաթողիկոս.

119. Պրպուհն Աւարայրի.

120. Ծերենց—Յ. Շիշմանեան.

121. Յովնանի տեսիլքը.

122. Կիլիկիոյ վիճակը ԺԱ. դարում.

123. Մկրտիչ Պէշիկթաշեան.

124. Եզրայր եմք մեք.

125. Գարուն.

126. Յակոբ Պարոնեան.

127. Մեծապատիւ մուրացկաններ.

128. Գարեգ. եսլ. Սրուանձտեան.

129. Առաւօտ.

130. Իմաստուն Զուհակը.

131. Պետրոս Դուրեան.

132. Տրտունջք.

133. Լճակ.

134. Իմ մահը.

135. Հին էֆէնտին և նոր քահանան.

136. Ամպը.

137. Խունկը.

138. Միօզօթիս (Անմոռնուկ).

139. Չկնորս.

140. Թուղթ բացանող մայրը.

VIII. ՌՈՒՍ ԳՐԱԿԱՆՈՒԹԻՒՆԻՆ

141. Զրահեղձը.

142. Սպիտակ գգեստ.

143. Մուրացկան.

144. Աղաւնիներ.

Վ Ր Ի Պ Ա Կ Ն Ե Ր

Երես	ս ո ղ	սպուսւած է	պէտք է լինի
41	2	Հայերը,	Հայրը,
44	3	մէ	մի
59 ներք.	11	հասաց	հասայ
76	4	այն	այն
82	11	ոստով	ոսկով
145 եր. մի քանի օրինակներուս ութ երես- ների թւերը խառնուած են, սկսուած է 142-ից և վերջացրած 155-ով. պէտք է ըս- կուի 146-ից և վերջանայ 159-ով.			
227	4	զերկիրս	զերկիր
228	33	Քէվանտ	Քէրվանտ
251	2	215	115
257	1	1826—1891	1820—1901
258 ներք.	16	երգերով	կրկերով
266	16-րդ սողից յետոյ պէտք է լինի ի խաչին թեկն թոայ ու հասայ.		
273	18	Չեր	Ծեր
276	1	1827	1828
278	վերջ. սող	բոլոր	խոշոր

Մամուլի սակ են եւ շուսով լոյս կը տեսնեն.

I. Պատմամեթոդական բերականութիւն. մեծերի և միջ-  
նակարգ դպրոցների համար:

II. Համառոտ բերականութիւն ծխական և պետա-  
կան դպրոցների համար:

Պատրաստ է տպագրութեան համար «Հայ-հեղինակ-  
ների» II հատորը:

Գ Ի Ն Ն Է 1 Բ Ո Խ Բ.

Դիմել Թիֆլիզ՝ յօրինողին Коммерч. Училище և կամ  
Թիֆլիզի գրավաճառներին:

Հայաստանի Ազգային գրադարան



NL0420687

65043

